

მთარ
ჩხეიძე

ჟიჟია



რომანი

„ბორიაყი“ 20-იანი წლების ქართლის ცხოვრებაა, უფრო სწორად: ოციანი წლების ის დროა ერი რო უკვე დამარცხებულია, ბრძოლისათვის უკვე ძალა აღარ შესწევს, მაგრამ მტერი მაინც არ ეშვება, ყოველ ღონეს მიმართავს, საბოლოოდ რო დაიმორჩილოს, საბოლოოდ დასცეს, აღარასოდეს რო აღარ გაუჩნდეს სურვილი თავისუფლებისა. ამდენად: რომანის ცენტრში 24 წლის ვითარებანია მოქცეული.

რედაქტორი
როსტომ ჩხეიძე

მხატვარი
კარლო ფაჩულია

ოპერატორი
თამარ ჩიხლაძე

დამკაბადონებელი
ლევან ჩხეიძე

რომელი ჰქადაგებ არა პარვასა, იპარავ? რომელი იტყვ არა მრუშებასა, იმრუშებ? რომელსა გძაგან კერპნი, საკურთხეველთა სძარცუავ?

პავლე

I

ძველი ნათქვამია, მოგზაურობა ფათერაკიაო, არც არად ივარგებს მოგზაურობა უფათერაკოდო;

მოგზაურობა შთაბეჭდილებააო, ძველივე ნათქვამია, ფათერაკები რალად უნდა მოგზაურობასა, ყველა და ყველაფერი შთაბეჭდილებით რო აღავსებს ადამიანსა ჟამსა მოგზაურობისასაო;

ფიქრთ გასართველია მოგზაურობაო, ძველია ესეცა, არგებს სულსა, მერე ხორცსაო, ანთუ ჯერ ხორცსა, მერე სულსაო, სულერთია, ფიქრთ გასართველიაო;

მოგზაურობა საქმეაო, ძველივე გახლავს, მოგზაურობა მიზანიაო, ძველია, ძველი, ძველადვე განბჭობილი, ძველთაგანვე შეუთანხმებელი; კაცია და გუნებაო, ვისაც თუ როგორ რო ჰგონებია, უთქვამს ისეცა და ისედაც უმოძრავია ამ ცოდომადლით გამოჭექილ ნუთისოფელშიო; მხოლოდ ესაა, თავის გზაზე რო უვლია ნუთისოფელსა, მხოლოდ თავისსა, თავის გზაზედა, ერთი გზისანი თუ ერთჭკუისანი არ აჰყოლიან არასოდესა, დავა-ჭიდილიც ამისაგან წარმოშობილა, სისხლის ნვიმებიც ამას მოჰყოლია;

ხან სულ უბრალო ამბავს მოჰყოლია მრისხანე მოვლენანი, გასაოცარი მოგზაურობაც დაწყებულა შემთხვევის წყალობითა; ასე ყოფილა, აბრუნებულა ასე ბედი დავით გურამიშვილისაცა, „დავითიანი“ შეგქენია ამის წყალობითა, – ვინ უწყის მართლაც ამის წყალობითა;

და ასე, ასე, ერთისიტყვითა:

მოგზაურობა ბევრგვარი ყოფილა, ბევრგვარნი ყოფილნა მოგზაურნიცა, მოგზაურობას ბევრი რამ მოჰყოლია, – დიდი გეოგრაფიული აღმოჩენებიც მოჰყოლია ჟინსა მოგზაურობისა, კოსმოსში გაჭრაც მოჰყოლია ამავე ჟინსა, – მოგზაურობა ყოფილა ყველაფერი, ყველაფერი მოგზაურობა ყოფილა;

ნიკუშას ამბავიც მოგზაურობაა, აი, ეს ამბავი, ახლა რო მოგიტხრობთ, ძველიცაა, თუმცა ისე ძველიც არაო, დიდ აღმოჩენებთან რო მოიხსენიებოდეს, ვთქვათ კოლუმბთანა თუ ვასკო დაგამასთანა, არა, ისე ძველიც არა, თანაც იმდენიც არ გაეგებოდა, მოგზაურობა რო დაჰყოლოდა ბედადა, არა, არ გაეგებოდა თუ არ იცოდა, – კოლუმბმა იცოდა, ვასკო დაგამამაც იცოდა, ჯემს კუკმაცა, ამან არ იცოდა, არც ის უწყოდა, თუ რა ყაიდის მოგზაური გამოვიდოდა, მწუხარე სახის რაინდი თუ ისე უბრალოდ, სანტიმენტალური მოგზაური, – არა, არ უწყოდა, არ გაეგებოდა, თუ ვის რას გადაჰკიდებდა ახირებაი მისი, თუ სურვილი, სულერთია, ვის რას გადაჰკიდებდა, ეს არ გაეგებოდა, არ უწყოდა, არ უწყოდა, ბევრი რამ არ უწყოდა, ბევრი რამ არ იცოდა; მუსიკა იცოდა, იცოდა და უყვარდა, კმაროდა ტვირთადა ერთი კაცისა, მუსიკა იცოდა, და ხალხური სიმღერების შეკრება განეზრახა შიდა ქართლშია, ეს იყო მხოლო-

და, განეზრახა და აღძრულიყო, ხოლო თუ რა გამოვიდოდა აქედანა, სწორედაც რო მოგზაურობა გამოვიდოდა, ან როგორი რა მოგზაურობა გამოვიდოდა, არც ეფიქრა, არც უფიქრია, არც ნაჰკამათებია არავისა, ამაზე არ ნაჰკამათებია, თორემ ისე, იცოცხლეთ, საკამათოც ბლომად გამოუჩნდა, სადავიდარაბოცა, თავბედიც იწყევლა, გაჩენისა თუ ნათლობის დღეცა, ისიც გაახსენდა, გვიანლა არის თითზე კბენანიო. თუმცა არა, „თითზე კბენანი“ არ მოაგონდებოდა, მხოლოდ „გვიანლა არის, გვიანლა არის“... ნამოენთებოდა მგრძნობიარე სულსა, არია აღეძვროდა ოპერიდანა, ანდაზის მაგივრობას ეს გაუნეგდა. ან ასეც იქნებოდა, თითზე იკბენდა და მერელა იმღერებდა, გვიანლა არისო. რაც იქნებოდა, იქნებოდა, აჰა, მოგიყვები, მოგიყვები ფათერაკიან მოგზაურობასა, თუმცა განზრახვა უხიფათო უნდა ყოფილიყო, ხოლო მოგზაური – ალალი ახალგაზრდა კაცი, წრფელი, სათნო, გულითადი, ზრდილი, მეგობრისათვის ჰო და ჰო, უცხოოსთვისაც „თავი ჭირსა არ დამრიდად...“

ჰო ხიფათისა არაფერი ემჩნეოდა განზრახვასა და არც არაფერი ნაჰკიდებია თბილისიდან გორამდისა, არაფერი, სულ არაფერი, – მიჩაქჩაქებდა მატარებელი, ოხრავდა, ხრჩოლავდა, ბოლავდა, თუ იდგა, ველარ დაიძვროდა, თუ დაიძვროდა, ველარ მიალწნევდა თუ ვინ იცის როდილა მიალწნევდა სადგურიდან სადგურამდისა, მერე რაო, არც არავის უკვირდა, არც ამას უკვირდა. ყოველ სადგურზე ემატებოდა მგზავრი, ბევრი ემატებოდა, ცოტა აკლდებოდა; ვილაც ქალს ადგილი დაუთმო – ზრდილმა ყმანვილმა. რალა თქმა უნდა. თუმცა უზრდელობა ნესადა

ქცეულიყო. ის რო ჩავიდა, სხვა დაეპატრონა ამის ადგილსა, მერე სხვაი, კიდევ სხვაი და სხვაი, ეს აღარავის გახსენებია, მადლობაც არავის უთქვამს ამისთვისა. მერე რაო, არ ეუცნაურებოდა არავისა, ამას თუ მაინც ეუცნაურებოდა, რა ვუყოთ მერე, ფათერაკად მაინც არ ითქმოდა. გვერდი თუ გაჰკრეს, კალათებიც თუ გამოსდეს, ეგეც არაფერი, კოსტუმი მაინც მთელი ჩაჰყვა გორამდისა. ვილაცამ თუ გასცინა, იქვე ვაგონში „ალილოზე“ სიტყვა რო ჩამოუგდო, თუ გასცინა, მოგცლია შენცაო, ნეტავი რაღად როს „ალილოაო“, ეგეც არაფერი, – აჰყვებოდა ლიხვსა, მეჯუდას აჰყვებოდა, ბერმოულასაცა, ფრონეებსა, მტკვარგალმა გავიდოდა საციციანოში, ტანას შეურბენდა, იმდენ „ალილოს“ ჩაინერდა, გააოცებდა მუსიკალურ სამყაროსა, ლეხურა თუ ქსანი თუ არაგვი შემოკალთავებულივით ეგულებოდა, თეძამიცა, მთლად მთელი ქართლიცა, თბილისსქვეითი ქართლიცა ცხადია, ჰოდა ჩაინერდა კიდევ მრავალსა, ჰოდა გააოცებდა მომეტებულადა, ჰოდა რა აინუნში ჩააგდებდა ვილაცის ქირქილსა, ჰოდა ხიფათადაც არ ითქმის არაფერი, რამეთუ თუ იყო, რაც იყო, ეს იყო გორამდისა, გორის სადგურამდისა.

სხვანაირად არც იქნებოდა, განზრახვა გახლდათ კეთილშობილური, ყმანვილკაცი კეთილშობილი, სათნო, ნაზი... ჰო ამას უფრო ქალზე იტყვიან, ოღონდ მუსიკოსზეც იტყვიან ხოლმე, დახვენა იცის მუსიკამა, არაოდენ დახვენა სულისა, სხეულის დახვენაცა სცოდნიაო; ჰოდა არც არას გადაჰყრია, არც არას ელოდა, არა, რაღა თქმა უნდა, არა, ფათერაკისას მოგახსენებ, თორემ სიმღერას ბევრს ელოდა, მელოდიას ბევრსა, ჯერ მიუგნებსა, აღმოუჩენსა. ელო-

და და მიეშურებოდა, ისე რიგად მიეშურებოდა, არც დახსომებია სადგური გორისა, არც ის დახსომებია თუ ვისა ჰკითხა, ეტლი სად იქნებაო, არც ისა, ეტლამდის ვინ მიაცილა, თუ ვინ ჩაუჯდა სადგურიდან გორის ციხემდისა, ასე გასინჯეთ, ციხეც როდი დახსომებია ან არც შეუხედავს ან ასე გადაუცურებია თვალი, ბაზარზედაცა, ხალხზედაცა, ერთი სიტყვითა, ყველასა და ყველაფერზედა, არც რა უხილავს, არც რა დახსომებია, ისე მიეშურებოდა, ისეთი რამ ამოეჭრა გულშია.

რაც ამოეჭრა, ჰო ითქვა უკვე, აჩქარებითაც ასე ამგვარად აჩქარებულყო, თუმცა გამოჰყოლოდა სინანულიცა, სინანული გიორგი ყანჩაველისა, სახელგანთქმული კომპოზიტორისა, მასწავლებლისა, თავისი მასწავლებლისა, რალა თქმა უნდა – რამდენიმე წლის წინათ თუ გაემგზავრებოდი, გორშიც ბევრნი გინინამძვრებდნენო, დიდებულადაც გინინამძვრებდნენო: ანასტასია ერისთავ-ხოშტარიასო, სოფრომ მგალობლიშვილიო, ნიკო ლომოურიო, სხვაც ბევრი და მრავალნი, რომელთაგან ზოგი გარდაცვლილა, ზოგი მიწისძვრას აუყრია, ზოგიც თბილისსა თუ ვინ უწყის, სად რას შეჰკედლებიაო, – ეს სინანული გამოჰყოლოდა; ჰო მაშ რაო, აქვე ერჩივნა მასპინძელიცა, წინამძლოლიცა, თანამგზავრიცა, მაგრამ ეგეც არაფერიო, მიჩაქჩაქებდნენ ცხენები, არ მიჰქროდნენ, მიჩაქჩაქებდნენ, მაინც მიატანდნენ მასპინძლამდისა, გორის იქითა, კარგა დაშორებითა, მერე რაო, მაინც მიატანდნენ, დღესვეო, ფიქრი არაა, დღესვეო, დააიმედებდა მეეტლეცა, აქეთ ამას დააიმედებდა, იქით დაუნრუპუნებდა მიჩაქჩაქე ცხენებსა, ისე, უგერგილად დაუნრუპუნებდა, წესისა-

მებრა, თორემ განა თუ ნააქეზებდა, – არ ნააქეზებდა, არცთუ ისინი შეიპარტყუნებდნენ ყურებსა. ამას მაინცა, მოთმინება რო არა ჰყოფნიდა, ითმენდა მაინცა, ითმენდა და ნამოსცდებოდა კრძალვითა, გაუბედავადა, მხოლოდ კითხვად თუ ნამოსცდებოდა, როგორც რო ზრდილსა, რალა თქმა უნდა: ვერ აჩქარდებიან ცოტა მეტადაო, – ასე კითხვად ნამოსცდებოდა, და კითხვითავე მიუგებდა მეეტლეცა: თუ გაგიგია რასა ფასობდა ჩანახი ქერი ამ კვირია ბაზარზედაო, მიუგებდა და დაუნრუპუნებდა, აქეთაცაო, იქითაცაო. ცხენები ყურს მაინც არ შეიბერტყავდნენ. ამისი რა გითხრა, რო არ გაეგო, ჩანახი ქერი თუ რა ღირდა ბაზარზედაო. არც გაეგო და ვერც გაიგებდა, მხოლოდ სიმღერის ფასი იცოდა, ღირსება იცოდა, სიღიადე იცოდა მელოდისა, ბაზრისა, არა, არაფერი არ იცოდა, არაფერი არ გაეგებოდა, ვერც მიუგებდა და უნდა ეჩაქჩაქა, ეჩაქჩაქა, რახან ვერაფერს მიუგებდა: აბა მაშ რაო, შეეკითხა კიდევ თუ ნამოსცდებოდა, შეეკითხებოდა მეეტლეცა აგრეთვე, ბევრად უარესსაც შეეკითხებოდა, ვერც ვერას მიუგებდა მგზავრი ეგე თავაზიანი, არცთუ ცხენები აუჩქარებდნენ, არა, არა, არ დაიჯერო, თუმცა უნრუპუნებდა მეეტლეი ისევა, აქეზებდა თუ მღეროდა ასე, ვერ გაიგებდი და ვერც ამან გაიგო, თუმცა მოეჩვენა თითქოსა მღერისო, თითქოს ნრუპუნრუპშიც მელოდიააო;

ჰოდა ცხენები მიჩაქჩაქებდნენ, მიჯაყჯაყებდა ეტლი და მტვერი მისდევდა, მტვერი აგვისტოსი, ბუღიანი აგვისტოსი. ჯერ გორიდანვე აეკიდა მტვერი, იმ ერთადერთი მოკირწყლული ქუჩიდანვე ნამოეკიდა, სამეფო ქუჩა რო ეწოდებოდა. შემდგომ – მეფის-

ნაცვლისა. მთავარმართებლისაო შემდგომა. თუ პირიქითაო. იყოს პირიქითა. ერობის სახელიც გამოიარა. იმატა და იმატა მერე და მერე, – მტვერმა ცხადია – მოუკირნყლავ ქუჩებში იმატა უფრო, ქალაქშივე რალა თქმა უნდა, ხოლო იქ უკვე, სოფლის გზებზედა, – არც გაირჩეოდა თუ რა მიდიოდა თუ რა მიჩაქჩაქებდა გარდა მტვერისაო, – მტვერი მიგორავდა, მტვერი ვეებაი, აბმული კუდითა, ბორიაცი მიგორავდა, მკვრივი, თვალგაუვალაი, მკვრივი გულშია, მოგუდული, ამოჭედილი, მერე აგრაგნილი, ამოხვეული, ნასკვგამოცლილი. მერე განენილი, მერე და მერე, განენილი და აბურბურებული, აბჭყვიალებული მზის გულზე ცხადია, ვარვარა მზისა. კაი გასაძლისი გახლდა, ფათერაკად ითქმოდა, აბა რაო, რა დაერქმოდა, – სახიფათო მაინც იქნებოდა, სუნთქვა როჭირდა, თვალის გახელაც ვერა ხერხდებოდა, მტვერს ამოევსო წამწამები, ყელკისერიცა, ჯიბეუბეცა, ანთუ რას ჩამოვთვლი, მტვერადა ქცეულიყო, მტვერის გორგალადა – მოგზაური იგი; შეხანხალეზაც ვერასა შევლოდა, არ დაცვივოდა მტვერი ხანხალითა, შეკრულიყო, შეკუმშულიყო, გუნდაა თითქოსაო, გუნდაი თოვლისა, სადლაც მთიდან დაგორებული, რო აღივსება, გადიდდება, გაიბერება, გაფუვდება, მუჭისოდენა გორასავით რო წამოიძმართება დაბლა, ტაფობზედა. ამასაც იგივეს თუ უქადდა მტვერი, ბორიაცი უქადდა იგივესა, ალბათ გორას თუ დაემგვანებოდა, მთას თუ არაო, ვიდრე მიაღწევდა ხევთისამდისა; ასე იქნებოდა, ეტლი თუ არ აჩქარდებოდა, თუ იჩაქჩაქებდნენ ცხენები ასე ნირუშლელადა თუ უნრუპუნებდა მეეტლეც ასე უგერგილოდა თუ ძარღვების ამშლელადა, ასეც იქნებოდა და ასედაც

გახლდა, რამეთუ ვერ ეთქვა მოგზაურსა მასა: ააჩქარეო, რო ეთქვა პირიც ამოევსებოდა, მთლად პირის უბე ამოეტენებოდა, მტვერითა ცხადია, თანაც მეეტლე ფასსაცა ჰკითხავდა ქერისასა, ხოლო ამან ჰო არ იცოდა, რა იყო ქერი, ვის რადა სჭირდებოდა, ანთუ რა ღირდა, ან რა უნდა ღირებულიყო, ან ამას რაში გამოადგებოდა, რო გამომხრჩვალყო მტვერში ლამისა.

ის მაინც იკითხა, რა სოფელიაო, რო მიატანეს ხელთუბანსა, მაშინ იკითხა. ამის პასუხად მაინც აღარ ელოდა ქერსა, არა, არ ელოდა, თორემ ამასაც არ იკითხავდა რაღა თქმა უნდა, უნდოდა ხევთისი ყოფილიყო, ხევთისი, ხევთისი, მეტი არაფერი, უნდოდა დახრჩობას გადარჩენოდა, მეტი არაფერი, მეტი არაფერი, მაგრამ მეეტლეს მხოლოდ ქერი ეკერა პირზე, ქერი ეკერა და ქერი მიაფრქვია მტვერთან ერთადა: თუ იცი რა ღირდა ჩანახი ქერი ამ კვირიაო. ლამის გაცხარდა მგზავრი იგი თავაზიანი, რო არ ელოდა თვითონაცა, ისე ლამისა, ოლონდ პირი მაინც ველარ გაალო, ჯერ იმ შეკითხვამაც ამოუვსო კბილები, ტალახიც ველარ გაეფურთხებინა, რაღა თევზი ნყალშიო, რაღა კაცი მტვერშიო. ამასობაში გაიარეს ხელთუბანიცა, რის გახსენებამ იქვე, თბილისში ააძაგძაგა გიორგი ყანჩაველი, ააძაგძაგა და რო ვერ დაცხრა, ვერ მოიბრუნა ენაცა კარგახანსა, თითქოს ჩაუშეშდა, ენა ჩაუშეშდა და თითქოს ძაგძაგიც აღარ მოეშეშებო; ააძაგძაგებდა ბედისწერაი თედო რაზიკაშვილისა, ბედისწერაი იგი უწყალოი, გამოცხადებული სწორედ ამ სოფლადა, საზღაურად დიდი ღვანლისა, უებრო ღვანლისა, უბადლო ღვანლისა, მაშინ თუ რაც შეიძლებოდა უბირ ხალხში თუ უბირ

სოფელში. თედო ყველას აჯობებდაო, – რო უძებნიდა დამხმარეებსა, მაშინ გაიხსენა გიორგიმა თედოი, – ზეპირსიტყვიერების საუკეთესო ნიმუშები ამან გამოჩხრიკა, ხალხურ სიმღერებსაც ეს მოგაჩხრეკინებდა, ხალხურ მელოდიებსაც ეს მოგაჩხრეკინებდა ყველაზე უკეთო. აგერა აი, – თითი დაუდო რუკაზედა გორთან ახლოსა, – აი შეჰხე, ხელთუბანია, აქა ცხოვრობდაო, – თითი დაუდო და აუვარდა ის ძაგძაგიცა, მერე კარგახანს რო ვერ დაუცხრა.

ბიოგრაფოსებიც ვერ გაიხსენებენ ისე ადვილად ი ნყეულ სოფელსა, ბიოგრაფოსები თედო რაზიკაშვილისა, არც ყველაფერს გაიხსენებენ, უბრალოდ ჩასწერენ, გარდაიცვალაო. ცხოვრობდა და გარდაიცვალაო, ხელთუბანში გარდაიცვალაო. ვაგლახ!.. გარდაცვალებაცა თქმულა და გარდაცვალებაცა, უთანასწორო ბრძოლაცა თქმულა, ოღონდ ეს ეს გახლდა: ათნი რო დაესხნენ ერთსა, ათმა რო დასცა ერთი, ათმა რო დასცა და რო დასერა ათი ხანჯლითა, დასერა, დალარა ყაშაყაშადა და ჩააყარა ნასერებში მარილი ათ-ათ მუჭადა. ძნელი სათქმელია. არც გაიხსენებენ ბიოგრაფოსები, არ გაიხსენებენ და უთქმელობაც დანაშაულია, – მერე რად არაო, რად არ გაიხსენებენო: შემზარავია და იმიტომაო, ველურობაა და იმიტომაო, – ვაგლახ რო არის!.. არის და რო არის, კაცთა სიშმაგეა, კაცთა ხელისაა, მხილება უნდა კაცთა სიშმაგესა, სივერაგესა კაცთა, მხილება უნდა, თორემ და ვაი, სიშმაგენი გაუმხელელნი საბუდარია ახალახალ ბოროტებათაო; ასე ყოფილა, ასე, ასე... და თუ იკითხავ, რას ერჩოდნენო, რა გითხრა აბა!.. მეც ამას ვიკითხავ და ვიკითხოთ ერთადა: თუ რას ერჩოდნენ ფუტკარივით ადამიან-

სა, სწორედაც რო ფუტკარივითა, მასწავლებელსა სოფლისასა, მკვლევარსა ხალხური საგანძურისა, მკვლევარსა და შემგროვებელსა, მწერალსა, მეურნესა საუკეთესოსა, სანიმუშოსა, ქომაგსა სოფლისა, ქომაგსა სუსტთა, დაჩაგრულთა ქომაგსა?.. ერთად ვიკითხოთ და პასუხიც ერთად ამოგვიჩნდება, აქ ამოგვიჩნდება, სწორედ რო აქა: ქომაგსაო დაჩაგრულთაო, – აქაა ყველაფერი, აქ იყრის თავსა სიავე კაცთა; ქომაგი იყო და გამოექომაგა თავის მეზობლებსა, ფალელაშვილები რო ავიწროებდნენ, – თავხედნი, კადნიერნი, ქურდნი, მტაცებელნი, ძალაც რო მოსდევდათ და ბარაქა მაინც არა, დოვლათი დოვლათად რო ვერ დაედოთ; გამოექომაგა და მიუზღეს კიდევცა, ვაზი აუჩიხეს, ბალი აუჩიხეს, დაუნელეს ფუტკარი, ლამითა, ჩუმადა, ქურდულადა, დღისით რო მაინც ვერ შეჰბედავდნენ, თუმც რო ერთი გახლდა რაზიკაშვილი, თუმც რო ბევრნი გახლდნენ ფალელაშვილები, ჯერ ვერ შეჰბედავდნენ და მერე შეჰბედავდნენ, რო გაიგეს თაფლის გემოო, – დალენდნენ სკებსა, გაგლეჯდნენ ფიჭებსა, ჩაკვერცხილ ფიჭებსა, ჩაბარტყულ ფიჭებსა, გაგლეჯდნენ და თქვლემდნენ, ტურზე აესხმოდათ კვერცხი და მატლი, მოილოკავდნენ მატლიან ტურებსა, ტკბილი რო იყო, მოილოკავდნენ, დაეხვეოდა ფუტკარიცა გაავებული, სანსლავდნენ ფუტკარსაცა, მიისრესავდნენ ლოყებზედა, ტურებზედაცა, და არც გადააგდებდნენ, გადაუძახებდნენ იმასაც პირშია, ისრიმსაც პირში გადაუძახებდნენ, ვენახს რო ასჩიხდნენ, კუხე ვაშლსაცა, კუხე მსხალსაცა, კუხე ატამსაცა, ამოსძახოდათ მუცელი ასე, ჩანთქავდნენ და ვერ გაავსებდნენ; არ დაუთმობდა თედოი ცხადია, კომბლი-

ანს კომბლით გაეკიდებოდა, ხანჯლიანს ხანჯლით გადაუდგებოდა გოგოთურების კუთხიდან მოსული, დაქცეულს ისევ გაახარებდა, დაჩაგრულს ისევ დაიფარავდა, ვიდრე არ დაესხნენ ათნი ერთადა, ვიდრე არ დასერეს, ვიდრე არ აწამეს; და იცი, პასუხიც რო არ უგიათ? თვითონვე უჩივლეს, შემონახულა ეს საჩივარიცა: „ენეოდა მტრულ პროპაგანდასა. აგროვებდა ახალგაზრდებსა კასრადქსთან გასაგზავნადა...“ შემონახულა, საშიში გახლდათ და მოვიძორეთო, მონმებიც ეშოვნათ, დაემტკიცებინათ სასამართლოშიცა. ბიოგრაფოსები არ გაიხსენებენ, გვერდს აუვლიან ყოველივესა, გარდაიცვალაო, – თავდება კაცი და თავდება ყველაფერი იმასთან ერთადა, რაც რო იყო და რაც რო მეორდება, თუნდაც ის ავი საქციელი: შურისძიება ვაზის აჩეხვითა, ხილის აჩეხვითა, დღესაც მოსდგამთ ხელთუბანშიო; ბიოგრაფოსები არ გაიხსენებენ და მითუმეტეს მაშინ უფრო გასძნელებოდა გიორგი ყანჩაველსა, ჯერ მინაც რო არ გაციებულებოდა, – აი აქაა, გორთან ახლოსაო.

დარქმევია რო ხელთუბანიო – გიორგიმა – ხელთაგან არც არაფერი არ გაგიკვირდებაო. ოღონდ ახლა რო მთლად ქვეყანა გახელებულაო. და მიაჩერდა და მიაჩერდა...

ასე ახლოსაო ესეიგი – ამას ეგონა, დიდიხანია მივემგზავრები, ფათერაკებიც გადავიტანეო, ანთუ ვერაო, ვერც გადავიტანო, ისეთი მტვერი შემოჭხვეოდა; ბორიასი გადაჭხვეოდა, ისე, იმგვარადა, დახრჩობას რო აღარა უკლდა, ჰოდა იყვირა, გააჩერეო, თითქოს და მართლაც აი იხრჩობაო, ისე იყვირა, ოღონდ ეტყობა გონებაში ქერიც გასჭედოდა და ისე გასჭედოდა, შეშინდა კიდევაცა, ემანდ არა მკითხოს

ქერის ფასი ამ კვირისაო. აღარ რო უკითხავს, ისე გააჩერა მეეტლემა რალა თქმა უნდა, ნრუპუნიც შესწყვიტა, დადგნენ ცხენებიცა; ცხენები დადგნენ, მტვერი მაინც დიდხანს ეხვიათ, სქელი, გრაგნილი, გაუვალი მტვერი, მტვერი და ქარი, კუდიანი ქარი ეხვიათ და ეხვეოდა კიდევ და კიდევა, თითქოს გაცლაც რო არ ენება, ოლონდ და მაინც ენება თუ არ ენებო, იფშხენებოდა მაინცა, იმსხვრეოდა, ინენებოდა, მილივლივებდა ზევითზევითა, ზევით ენება, დედამინა აღარ ეჭაშნიკებოდა ავარდნილსა დედამინიდანა, — მაინც მინას დაეფინებოდა, დედამინასა, დანკნებოდა და დაეფინებოდა; დანკნებოდაო რალა თქმა უნდა, ოლონდ მანამდე, ჯერ ისევ მტვერში, ტირიფი შენიშნა თუ მოელანდა მოგზაურსა, შენიშნა რუცა, რუი მოწანწკარე, დამტვერილ ბალახებში, — თუმცა დამტვერილი სულ სხვა რამეა, აქ ასე სჯობიან, მტვრით დამძიმებულ ბალახებშიო, სჯობიან და იყოს, რუ ჰო შენიშნა თუ მოელანდა, — არც დაიჯერა, ვერც დაითმინა, მაინც წავიდა, წაინია მაინცა, მიუახლოვდა, მიეპარა, მიეპარა და რო მიეპარა და რო წაიხარა და რო გასტყორცნა თითებიცა, ატაკა წყალსა, ნამდვილად წყალსა, ნამდვილად წყალში გაალაღლადა ხელი მაჯამდისა, და ისხურა მერე, ისხურა ხარბადა, მოჩქარებითა, თვალეზზეც ისხურა, ყურებშიც ისხურა, ცოცხალი თუ გადავრჩენილვარ, ნუმც დავბრმავდები, ნუმც დავყრუვდებიო; ჰოდა ისხურა, ისხურა და ისხურა, გამოიჩიჩქნა ყურებიცა, აახილა თვალებიცა და იხილა იგი, რაც არ უნდა ეხილა, ანთუ ვინც არ უნდა ეხილა თუ ენება, რო არ ასცდენოდა გზასა თავისასა, მისწრაფებასა თავისასა, მიზანსა თავისასა, მაგრამ ვინ უწყის განგება თუ ვის

რას უქადის, როცა სიკეთეს უმოძღვრებს გული, კეთილი გული, როცა სიკეთეს უკარნახებს ყველაი, გარშემო, და არც რო არ ძალუძს, აუქციოს გვერდი სიკეთესა, ქმნა სიკეთისა ადვილი რო ჰგონია, – ჰო ვინ უწყისო!.. თუმცა იხილაო, არა?.. ჰოდა იხილა: რუში კაცი ეგდო... კაცი ეგდო რუში... ეგდო რუში კაცი, მართალი კაცი, ანთუ უფრო – მართლა კაცი, ეს უფრო სწორეა, კაცი, – არა თუ მოჩვენება, არა თუ ფუტურო, ხეი ფუტუროი, არა თუ ფიტული, კინოგადაღებისათვის რო მიაგდებენ ხოლმე, არამედ კაცი, ბეჭებით რუში, თავი იქით რო გადაეგდო, რუს იქითა, მადლობა ღმერთსა, ფეხები აქეთ რო აეშვირა, ისე, იმგვარადა, მგზავრი რო ლამის ჭვინტებზე აეგო, იმის ჭვინტებზედა, – რო გამოიფხიკა ყურები, რო გამოინმინდა თვალები; ეგდო და ეყარა მტვერი, სქლად ეყარა და კიდევ ეყრებოდა, დაიმარხებოდა ალბათ ეგრედაცა, ოლონდ ესაა, წყალი გააცლიდა, წყალი ლოკავდა, გუბედ მოსდგომოდა და ლოკავდა წყალი; მკვდარი გახლდა თუ ცოცხალი ბრძანდებოდა, არ ეტყობოდა, ანთუ ვინ იცის, ეტყობოდა მაინცა, ეს მაინც ვერა, ვერ შეატყობდა რალა თქმა უნდა, ეს შეიცხადებდა, შეჰკივლებდა მაინცა თუ არ გაუსკდებოდა გული მოულოდნელობისაგანა, თავზარი თუ არ დაეცემოდა, მაგრამ გადარჩა, ყველაფერს გადარჩა, შეკივლებასაცა, გულის გახეთქვასაცა, თავზარის დაცემასაცა, თავშეკავებასაც რო ითვალისწინებდა წესნი ზრდილობისანი და იმიტომაცა, მარტოც რო არ გახლდა, ხოლო ის რო გულგრილად გადაჰყურებდა, მეეტლეი ცხადია, იმიტომა, აინუნში არ ჩააგდებდა, არც მიჰხედავდა დაკვირვებითა, იმიტომა, თითქოს თუ მართლა ფუტურო ეგდო, ანთუ

კუნძიო, კუნძი თუ ეგდო, კაცის მინამგვანი, ამას ცოცხალი კაცი რო ეგონა; ამან დააეჭვა, გულგრილობამა მეეტლისამა, შეყოყმანდა თითქოს კიდევცა, ოლონდ ამასთან კიდევაც ნააქეზა, ნააქეზა გულგრილობამა, და თავი გამოიდო, სწორედ ამიტომ გამოიდო თავი;

თავი გამოიდო და იხსნა კაცი, არა თუ კუნძი, არა თუ ფიტული, გადაარჩინა კაცი სიკვდილსა და ფათერაკებში ამოჰყო თავი, უნებლიედა, რალა თქმა უნდა, გაუგებრად, გაურკვეველად, გამოიხლართა უცნაურობაში, გამოიხლართა და ვერას მიჰხვდა, მოგზაურობასა სცოდნია ასეო, ანთუ ყოფილან ასეთგვარი მოგზაურნიცაო. დაარსებულა სიამი ვრცელი მოგზაურებისა, გრძელი სიამი, ესეც თუ უნდა მიჰკერებოდა იმა სიასა, ბედისწერა თუ ამას უქადდა, ვერც ნაუვიდოდა ბედისწერასა... და ბევრი უშალა მეეტლემა, დაეხსენიო, ძალლი კოჭლობით არ მოკვდებო, სიკეთეს მაინც ნუ ელოდები, უშალა, შეაგონა ასე, ამგვარად, მაგრამ ვერ იქნა, ვერ შეაგონა, ისე დაფაცურდა, ისე აღეგზნო თუ გონება ისე აერია, მოიცა ღონეი უჩვეულოი, ამა ახალმა მოგზაურმა რალა თქმა უნდა, მარტომ მიათრია ი კაცი ეტლთანა, მარტომ აათრია, დაასვენა თუ შედო ეტლშია, შედო და შევარდა თვითონაცა ცხადია, შევარდა და ბრძანა უჩვეულო სიმტკიცითა, – აბა გარეკე, არწივის ფრთები გამოისხიო.

ჰოდა გარეკა მეეტლემაცა, ანთუ ნელნელა მოზიდა აღვირი, დაუნრუპუნა და მტვერი წამოშალა, ააბორიაყა, წავიდა, გაგორდა ბორიაყითა. ასე იარეს და ივლიდნენ ასე, მგზავრის აჩქარება არ გადაედებოდათ არცა ცხენებსა, არცა პატრონსა, გამოცდი-

ლიყვნენ, გამოჯეკილიყვნენ შარა გზებზედა, გამოცდილიყვნენ და ღრმადა სჯეროდათ, მგზავრის სწრაფვამ თუ აგიყოლია, სადმე უთუოდ გადაიჩეხებო; მეეტლე თავს ვერ გაიმეტებდა, ვერცა ცხენები გაიმეტებდნენ თავსა ადვილადა, ვიდოდნენ ასე გამოზომითა, დალევდნენ გზასა როცა იქნებოდა; თუმცა არცა რო დაილეოდა გზაი ამათი, უნდა ევლოთ, ევლოთ და ევლოთ გაუთავებლად, იგივე გზანი გადაეკეცათ უამრავჯერა, უთვალავჯერა, ევლოთ სურვილზე სხვათა და სხვათა, და ჯავრი რითი ამოეყარათ თუ არა მართლა ასე ჩაქჩაქითა, მტვერი რო მისდევდა, ბორიაყი გარს ეხვეოდა, ეგრიხებოდა, ეკლაკნებოდა, იყალყებოდა ზევით-ზევითა, ინენებოდა, იფუტკნებოდა ზევითა და კიდევ ზევითა, ბრჭყვიალებდა მხურვალე მზეზე უფროდა-უფრო ზევით-ზევითა; ეტლი ირწეოდა, ღრჭიალებდა ეტლი, ღრიჭინებდა ეტლი, ლამის წელში გადანყდებო, ეტლი ირწეოდა, ირწეოდა ი ვილაც კაციცა, რალაც ფათერაკი რო გამოევლო, ანთუ ვინ უწყის ვერც გამოევლო, – იყო და არ იყო: გულისპირი დასისხლიანებოდა, ჩამოჰხეოდა სახელოი ცალი, შემოფხრენოდა ორივ კალთა ახალუხისა, სახე ისე გასწორებოდა, ვერ გაარჩევდი, სად ება ცხვირი, სად თვალნი ესხა; წვერულვაში მიმოსჩეჩოდა, ამოფუებოდა ტუჩები დახლეჩილი, დასიებული თუ დაპობილი, – ამა სოფლისა აღარ არისო, იტყოდა მგზავრი, იგივე მგზავრი რალა თქმა უნდა, იტყოდა და შეშინდებოდა, ოლონდ სურვილიც წამოუვლიდა, გადაერჩინა, მხსნელი ყოფილიყო, ეს სურვილი გაამხნევებდა, წააქეზებდა, მიანიჭებდა იმედოვნებასა, ჯერ რო თვითონაც არ იცოდა, სად მიდიოდა, უჭთან მიდიო-

და, ეს ვილა იყო, ვისთან მიჰყავდა: რაც უნდა იყოს, ნამოქმედებოდა წარმოსახვანი, წარმოიდგენდა ფათერაკებსა, ვითომ ამ ვაჟკაცს რო გამოეველო, რო იქ ელოდნენ, ციხედარბაზში, ბანოვანნი ელოდნენ გულისფანცქალითა, აივანზე რო გამოიშლებოდნენ, რო ეგონებოდათ, მკვდარს მოასვენებენო, ეგონებოდათ და შესძრავდათ ზარი, ზარსაც შემოჰკრავდნენ სამგლოვიაროსა; ასე, ამგვარებს წარმოიდგენდა, ფანტაზია რო მომართოდა ასე, ხოლო იმას ვერ მიჰხვდებოდა, რო არც ბრძოლა რო არ გამოეველო, არც რო სატრფოს არსად გაეგზავნა, ახირებულიყო სადღაც სიმთვრალეში, ახირებულიყო და მიეტყვიპათ, ასე კაა ლაზათიანადა, ასე უბრალოდა და ჩვეულებისამებრა; ვერ მიჰხვდებოდა და უნდა მიმხვდარიყო, რაღაც სუნი რო აეკიდა, მისდევდა ეტლსა, მისდევდა და ბრუნავდა მტვერში, ბორიყთან ერთადა ბრუნავდა, სუნი ღვინისა, სუნი, არყისა, საჭმელ-სასმელის ალუფხული სუნი, – ყნოსვა კარგი ჰქონდა, უნდა მიმხვდარიყო, მაგრამ მტვერშიც რო ალუფხულიყო, ვერ გამოარჩევდა ერთმანეთისგანა; ან ყურადღებასაც არ მიაქცევდა, რახან მხოლოდ ზრუნვას მოეცვა, გადაერჩინა ვაჟკაცი იგი ბრძოლაში დაჭრილი, უთანასწორო ბრძოლაში დაჭრილი, მძიმედ დაჭრილი რაღა თქმა უნდა, ზრუნვა ექიმს მოაგონებდა და იღბლად სწორედაც გზა იქით ედო, ხეთერელისკენა, დიახაც ექიმ ხეთერელისკენა, უბეშიც ედო ბარათი გიორგი ყანჩაველისა, ექიმ ხეთერელს რო შაევედრებოდა, – მიიღიე ვითარცა მე მიგიღივარ, აღმოუჩინე შემწეობა ყოველი, ვითომც რო მე ვარ, ვითომც მე რო შემწევიხარო, – სწერდა გიორგი; უბე-ჩანთაში ელაგა სხვანიცა, ნე-

რილნი სხვანი, ისევ გიორგი ყანჩაველისა, ერისთავებისადმი, ამილახვრებისადმი, მაჩაბლებისადმი, ჩხეიძეებისადმი, ზედგინიძეთადმი, ამირეჯიბთადმი, ფალავანდიშვილებისადმი, ბაგრატიონ-დავითაშვილებისადმი, ციციშვილებისადმი, მამაცაშვილებისადმი, სხვათადმი კიდევა, სხვათა და სხვათადმი, აბა თქვენ იცით, ვით დამეხმარებით, ანთუ ამ ყმანვილს ვითარ რო არგებთ, განახორციელოს მიზანი კეთილი, კეთილშობილური, მამულიშვილური; ჰო ენყომეთქი ის ბარათები, თანდათანობით გამოადგებოდა, გამოაჩენდა თანდათანობითა, პირველად იგი მოემარჯვებინა, იგი ბარათი ხეთერელისადმი და წერა თუ იყო, ბედისწერა იყო, ალბათ დაჭრილს რო უნდა გადაჰყროდა, უნდა აეყვანა, უნდა მიეგვარა ექიმისათვის; ასე განარიგა ალბათ გამრიგემა, შეჰყარა ორი უცხო კაცი, უცხოი ცხადია ერთმანეთისთვისა, ერთი დაჭრილი, მეორე მზრუნველი, მხურვალე მზრუნველი, თითქოს საკუთარ ძმას გადაჰყროდეს, ანთუ ძმადნაფიცსა, ანთუ რაინდსა იმავე ორდენისა, – მგზავრის ბედიც ასეთი ყოფილა, ვილაცა ვილაცას რო გადაჰკიდებს, ფათერაკებიც ამით იწყებაო. მაგრამ ნიკუშას, ანუ ამასა, ამ ახალბედა მოგზაურსა რალა თქმა უნდა, – ეს არ აფიქრებდა, არ მოეჩვენებოდა ავი არაფერი, პირიქით ნუგეში გაამხნევებდა, რო მიეშურებოდა ხეთერელთანა, ხეთერელი რო ექიმი გახლდა;

მიეშურებოდა... აჩქარდნენ ცხენები შუა სოფელში, თავმომწონედ გაიჯირითეს, ვითომდა რაო, ასე გამოვვლეთ მთელი ეს გზაი გორიდან აქამდე, ასე მოექრივართ და მოგვიხარიანო – რიხიანად ჩაიფრუტუნეს, შეგრიალდნენ ალაყაფის კარებში.+

II

ალაყაფის კარად ითქმოდა ანუ ალაყაფის კარი უნდა ყოფილიყო, ცალი კალთა ცალ ანჯამაზელა ეკიდა და გზაზე გადაყირავებულყო, გავლას უშლიდა, – ურემი ურემს ვერ აუქცევდა, მაინც არავინ ასწორებდა, პატრონიდედის საგინებლად საბაბი რო არ გამოლევოდათ; მეორე კალთისა ნახევარი აქვე ჩაეფშხვნათ და ზედ გადადიოდნენ, ნახევარიც ვილაცას წაელო, სათონესთვის წაეფარებინა. გალავანიც გადაენგრიათ, ქვები მოღავებულიყო გზაზეცა, ეზოშიცა. ასწლოვანი კაკლები მიმოეჩეხათ, ზოგისთვის ეგრევე მიეცათ ცეცხლი, იდგნენ გარუჯულნი, გაშავებულნი, დანახშირებულნი, აუზის ამურისათვის თავი მოეძროთ, მოელენათ მკლავებიცა, ფრთებიცა. ეზოში ეყარა ნალენები, – რა აღარ ეყარა; ყვავილნარი ალუფხულიყო, გადაჯეგილიყო ვარდისა თუ იასამნის ბუჩქები, ტუიის ხეივნისა ნაადგილარიც ველარ მოიძებნებოდა. შელანძლულიყო კარმიდამო ხეთერელებისა, თვით სასახლეს შელანძლულიყო, გამოიყურებოდა როგორღაც ნაცემივითა, ნათეთქვივითა, დარბეულიყო, ფეხქვეშამოდებულყო.

ამას არაფერი გაჰკვირვებია ან არც შეუმჩნევია არაფერი, ან რა უნდა გაჰკვირვებოდა, როცა არ იცოდა, თუ როგორი იყო აქაობაი. თუნდაც სცოდნოდა, არას დაგიდევდათ, – რამ გააპარტახაო, ამდენ ნაწილად ვერ დაიშლებოდა ამისი ყურადღება, ვერ გასწვდებოდა რამდენიმესა თუ ყველაფერსა, ამჯერად მხოლოდ ექიმი უნდოდა, მეტი არაფერი ახსოვდა, არც მოაგონდებოდა, მერე ექიმს რო გა-

დაეყრებოდა, ისიც ამოუტივტივდებოდა გონებაში, თუ რად უნდოდა ექიმი; ჰო მერელა ამოუტივტივდებოდა, ის ფათერაკგამოვლილი კაცი, თუმცა გვერდით უჯდა თუ მიჰსვენებოდა, მაინც გადასცილდებოდა ხსოვნიდანა, მიჰფარებოდა თვალთაგანა. ექიმი უნდოდა, მაგრამ არა სჩანდა ექიმი, სულიერი არა ჭაჭანებდა, რა ელონა, არ იცოდა, ისევე მეეტლე ნამოეშველა, – გასამხნევებლად არაფერი უთქვამს, – ისევე უჟმურად შემოატრიალა ცხენები, გარს შემოუარა შელანძლულ სასახლესა და ვინრო, ძველ სამოახლო შესასვლელთან შეაჩერა. შეაჩერა და ყვირილიც მოისმა. ეს უბრალო ყვირილი არ იყო; არც შეიძლება ყვირილი უბრალო რო იყოს, რაღაცა აყვირებთ, ან ტკივილიაო, ან უხმობენო, ან იმუქრებიანო, – ეს არა ჰგავდა არცა ტკივილისასა, არცა ხმობისასა, მუქარასა ჰგავდა, მუქარა მოინევედა, სადაცაა ჩამოიჭრებოდა, ეცემოდა და აიტაცებდა ეტლსა ცხენიან კაციანადა. თითქოს შეირხა ის ფათერაკგამოვლილი თუ სამარის კარს მისულიო, თვალი მაინც არ გაუხელია, თითქოს უფრო მოხუჭა, მოხუჭა ძაღდაძაღა მოიბუზა, მიიკუნჭა კუთხეში. აქამდის თუ ვაჟკაცურად მისვენებულიყო, გადაშოტილიყო დაჭრილი რაინდივითა, ახლა რაღაც საცოდავ უსასო არსებას დამგვანებოდა. ნიკუშას ამდენი არ შეუმჩნევია, არც მუქარისათვის მიუქცევია ყურადღებანი, ექიმი უნდოდა, ჯერ ექიმს უნდა შეჰხვედროდა, სხვა დანარჩენი უცხო რამ იყო, გარეგანი, შორეული, მიუსაფარი.

ექიმი უნდოდა და ექიმი ჩამოეგება, თუმცა ექიმად არ მიუღია, – უბრალო, ლურჯი ხალათ-შარვალი ემოსა, ნაბდის ქუდი ეხურა, სახეც გარუჯოდა, ნამ-

დვილი გლეხი გახლდათ, არაფერი შეემჩნეოდა განსხვავებული ერთი თვალის დაკვრითა, მხოლოდ ერთი თვალის დაკვრითა, თუ ცოტასაც დააკვირდებოდი, კეთილშობილებისა და განსწავლულობის იერი ამოეფინებოდა სახეზე, თვალს თუ გაგისწორებდა, გონიერებასაც ამოიკითხავდი, მაგრამ არ შეეძლო გასწორება თვალისა, ჭუტავდა თვალეხსა, ნურავდა, ეგრე გამოიცქირებოდა ვინრო ზოლადა ახლომხედველთა თუ ბეცთა ჩვეულებისამებრა. ჰო ექიმად არ მიუღია მგზავრსა, მაგრამ ძლივს ვილაც შეეგება და თუ რამე ეთქმოდა, უნდა ეთქვა იმისთვისა, ჰოდა კიდევაც უთხრა:

ექიმი მინდოდაო...

– გახლავართ... – მიუგო მიმგებელმა.

– ელიზბარ ხეთერელი!

– გახლავართ...

– მე ბატონ გიორგისგანა ვარ, გიორგი ყანჩაველისაგანა...

და აქ ფანჯრებმა დაიზრიალა, იქ, შიგნით კიდევ ვილაცა ჰყვიროდა თუ რალაცა გუგუნებდა, ვილაცაც ამშვიდებდა თუ იცინოდა გულიანადა.

– გადმობრძანდით! – მხურვალედ დაატანა ექიმმა, ხელიც გაიწოდა, თითქოს და რაო, აჩქარდით.

– მერე ესა?! – შენუხდა მგზავრი, ვითომ და რაო, ჯერ ესაა ჩემი საზრუნავიო.

– თქვენ გადმობრძანდითმეთქი... – მოუჭრა ექიმმა, ახლა მე ვიცი, ახლა ჩემი საზრუნავიაო.

და გადმობრძანდა მოგზაურიცა, გადმობრძანდა დამშვიდებული, დანყნარებული, ვალმოხდილი, ვითომ ფათერაკგამოვლილიცა, ან შესაძლოა, მართლაც ფათერაკგამოვლილიცა, ჰოდა, მართლაცა, –

ამისთვის უთუოდ ფათერაკი გახლდათ, არც მოელოდა მეტსა, ამითიც ბევრს იტრაბახებდა, დაუბრუნდებოდა თუ არა თბილისსა, მაგრამ რა ენერა, ჯერ რა იცოდა, – ჯერ მხოლოდ კიბეზე შედგა ფეხი თავის ბარგი-ბარხანიანადა, ეტლისთვის აღარ მიუდევნებია თვალი, აივანზე ავიდა. იქ სხვები გამოჩნდნენ, იმათ მოსტაცეს თვალიცა და ყურადღებაცა, – ორნი გამოჩნდნენ, ქალი და კაცი – მრისხანე არნივისებურიო, რო იტყვიან, ისე მოლუშული და მოზიდული, ქალი კეთილად მოცინარი, წინ წამომდგარი მისაგებებლადა, ჰოდა, იმათ მოსტაცეს თვალი, ცოტა არ იყოს, აამღვრიეს თუ ააფორიაქეს იმავე ნუთსა, რამეთუ არ უწყოდა: თუ გაიბადრებოდა ამა კეთილად მოლიმარისათვისა, იმ რისხვისათვის რალა მიეზლო, ჰო, არ უწყოდა და მოიშველია ისევ სახელი გიორგი ყანჩაველისა.

– მობრძანდით!.. მობრძანდით!.. მხურვალედ დაატანა ქალმა, – უკვე გვეუნყა და მოხარულნი ვართო.

– ოლონდ ეგ საიდანლა?! – იკითხა მოლუშულმა კაცმა და, რო იკითხა, თითქოს ელვამაც გაუკანრა სახეო.

ვერას მიუხვდა მოგზაური, მარტოდენ თავის ბარგი-ბარხანას დააცეცა თვალი, ეგრედაც შერჩა ასუსული ჩანთებიანადა.

– ჰა, ჰა, ჰა... – ჩაიციხა ქალმა, – ლეკო თათაშელზე გეკითხებათ!.. – ჩაიციხა და ასე აუხსნა, თუმცა ვერცთუ ვერაფერი გააგებინა, ანთუ საჭიროც აღარცთუ იყო, რამეთუ ისიც იქვე დასძინა, მობრძანდით, მობრძანდითო, სხვა რამ მართლაც რო აღარ ესაჭიროებოდა მოგზაურსა.

ჰო მობრძანდითო, სთხოვა სტუმართმოყვარული გატაცებითა, ხოლო ამან კიბე აათავა თუ არა, იქვე დაება ფეხი, ჩანთა-აბგები მიჰყარა და აინურა, ერა დამმართნია, რასა ვგევარ, როგორ ამოვგანგლულვარო. პირი მოკუმა, ისე გამოთქვამდა ანურული მხრებითა, დარცხვენილი, მობოდიშო, გაკვირვებული გამომეტყველებითა. ქალსაც ოდნავ გამოეშალა ხელები უმწეობისა თუ უსასოობის ნიშნადა, აბარა ვუყოთ, რა გიშველოთ, საით მიგასწავლოთო, აღარაფერი შეგვარჩინეს, ეს სამოახლოდა მოგვიგდესო, ისიც სულ არაო, გადაგვიტიხრეს, ჩვენი საძინებელი და ერთი უხეირო მისაღები ძლივს გამოვანყვეთო, ერთიც პატარა ოთახი გამოგვივიდა, სასტუმროსავითაა, ახლა ჩემი მაზლი იძინებს იქა, შენც იქ როგორმე ჩაგტევთ, სხვა მხრივ შენ თვითვე მოუარე შენს თავსაო, აგერა ეზო და აგერა რუო, თუმცა ეზოსი ეს პატარა კუნჭულიდა მოგვიგდეს, მაგრამ დანარჩენი ისე გდია, ვისაც როგორ მოენებება, ისე დაჯლიგინებს, შენც მოგიხერხდება მტვერი თუ ტალახი მოიცილოო, – ასე გამოშვერილიყო ხელები, თითებიც ირხეოდა ოდნავადა, სულ ოდნავადა, მაინც ამოიკითხებოდა ამდენი რამეი; ამოიკითხებოდა თუ არა, მასპინძელმა ეს გაივლო გულში, სტუმარიც მიხვდა მისახვედრელსა, მოჩქარებით გახსნა ერთი ჩანთაო, ჯაგრისი და სხვა საჭირო საშუალებანი ამოალაგა, კიბე ჩაირბინა ბოდიშობითა, რუს მიაშურა.

ჰო, ამან რუს მიაშურაო, ხოლო ის მოლუშული თუ მრისხანე სახის მამაკაცი მანამდის მიეფარა, ბურდლუნით შეიხურა კარი, ალბათ იმ პატარა ოთახის კარი, სასტუმროდ რო დაეგდოთ და ესეც როგორმე იქვე რო უნდა ჩაეტიათ. მგზავრი უნდა შეწუხებულიყო,

რა გამაძლებინებს ამ გაბრაზებულსა თუ აბორგე-
ბულ კაცთანაო, მაგრამ არ იცოდა წინასწარი შელო-
ნება თუ წუხილი, სხვა არც არაფერი ახსოვდა, უნდა
გაენმინდა კოსტუმი, დაებანა, დაევარცხნა, განკეპი-
ლიყო ისე, გინგლი აღარ მიჰკარებოდა და წარმდგა-
რიყო მასპინძელთა წინაშე კომპოზიტორი ნიკუშა ჩა-
ჩანელი, მონაფე და მეგობარი სახელგანთქმული
კომპოზიტორის გიორგი ყანჩაველისა: მართალია,
თვითონ ჯერ არაფრით გამოეჩინა თავი, ჯერ მხო-
ლოდ გიორგი ყანჩაველმა და ორიოდ სხვამ თუ იცო-
და ამისი ერთი-ორი მუსიკალური ნაწარმოები თუ
რალაც დიდი რამ განზრახვის ნაწყვეტი, მაგრამ ეს
არაფერი, ჯერ გიორგი ყანჩაველის ქომაგობაც ეყო-
ფოდა, ხოლო მერე, ამ მოგზაურობის მოთავეების შემ-
დეგ, თვითონ იცოდა, როგორ გაითქვამდა სახელსა,
ბარე ერთსა და ორს გაუთქვამს სახელი, ბარე ერთსა
და ორს გამოსდგომია ხალხური მუსიკალური საუნ-
ჯე, ამასაც შეენევა, ამასაც გამოადგება, გამოიყვანს
დიდ ასპარეზზედა. შესტრფის ამ იმედსა, ელოლია-
ვება, ოლონდ არ გაამხელს, ჯერ არ გაამხელს, თვით
გიორგისთვისაც არ გაუმხელია, ჯერ მხოლოდ მოტ-
რფიალეა უბადლო ხალხური სიმღერებისა, შემგრო-
ვებელია, მეტი არაფერი, მოტრფიალეა და შემგრო-
ვებელი. პატარა რამეა? არა, რა სათქმელია, დიდი
რამეა, მაგრამ სხვა, ფარული მიზანი რო უდევს გულ-
ში, იმასთან უაღრესი მოკრძალებაა, არა?..

მოკრძალება ამშვენებს ადამიანსო, ჰოდა, წა-
რუდგა დამშვენებული, განსპეტაკებული, ესა და ეს
გახლავართო; ჩვენც ესა და ესენი გახლავართო: ძმა
ელიზბარ ხეთერელისა, შალვა ხეთერელი ანუ ელიზ-
ბარი გახლავთ ჩემი ძმაი, რადგან უფროსი მე გახლა-

ვართო: რძალი ჩემი თეკლა ანუ მეუღლე ელიზბარ ხეთერელისაო; კეთილი და პატიოსანიო. ეს რა თქმა უნდა მისაღებში მოხდა. ორი სავარძელი რო იდგა მისაღებში, ერთი ტახტი, არცთუ ძვირფასი ხალიჩითა, რამდენიმე ჩალის სკამი, ამ სკამებში თავიანთი საძინებლისაც ერია, სტუმართა მოსასვენებლისაცა, ჯერ აქ რო გამოეტანათ, მერე ისევ იქ გაიტანდნენ. მაგიდაც იდგა, ქალაღდის სათამაშო, ეს გახლდათ ერთადერთი ძვირფასი და საუცხოო რამ, იქიდან როგორ გამოეტანებინათ, საკვირველებად ითქმოდან, თუმცა გატანას ყოველთვის მოახერხებდნენ, ყოველშემთხვევაში ჯერ იქ იდგა, თამბაქოს კოლოფი გადაეხსნა შალვასა, ინებეთო სთავაზობდა.

– არ გეახლებით. – განაცხადა სტუმარმა.

– არც ღვინოსა სვამ?

– რა მოგახსენოთ,.. არ ვეტანები.

– მაშ სად გადაეყარე ლეკო თათაშელსა?!

– ვისაო, არ ვიცი!..

– ლეკოსამეთქი...

– ვინ ლეკოსა?!

– ემაგ ქოფაკსა!.. – მოენონა, ქოფაკი რო წამოისროლა და გადაიხარხარა; ჰა, ჰა, ჰაო. გადაიხარხარა ასე უეცრად, უეცრადაც მოსჭრა სიცილი, – ჰო არაფერი გენყინათ ბატონო ნიკოლოზ?! – იკითხა მერე ცოტა არ იყოს, მობოდიშებითა.

– უკაცრავად, ნიკოლოზი არ მქვიან.

– თქვენ არ ბრძანეთ, ნიკუშა ვარო! – გაიოცა შალვამა, – ნათლობის სახელი ნიკოლოზი იქნება, მაშ რაო?!

– ნათლობისად ესტატე მქვიან, მაგრამ ასე არავინ მიცნობს.

– საიდან სადაო, დიდება შენთვისა, ღმერთო! – მხრები აჰყარა შალვა ხეთერელმა, – თუმცა რაც უნდა იყოს, ჰო არ გენყინათ, ბატონო ნიკუშა? – გაიმეორა, ოღონდ პასუხისათვის არ დაუცდია, – ხანდახან ძალად თუ არ გავიცინეთ, დარდი გამოგვლრღნის. დარდი ჭიაა, შავი ჭია, ეგრე დაგფქვავს, ვერას გაიგებ, ერთ მშვენიერ დღეს ერთს კიდევ ამოისუნთქავ და ფაფუ, აღარ იქნები, იმ ამოსუნთქვას გაჰყვება შენი ნაფქვავიცა, ფაფუ!..

ამას რო ამბობდა, სევდიანი გამომეტყველების მიღება სურდა, მაგრამ ვერ მოეხერხებინა, სახე გაფიცებოდა, წამონთებოდა თვალებიცა, ვერ იხარებდა სევდის იერი ესოდენ გაფიცებულ სახეზედა. სტუმარი რო ცოტა გამჭრიახი ყოფილიყო, მიხვდებოდა, ნასვამიანო; მეტად გამჭრიახი თუ იქნებოდა, მეტსაც მიხვდებოდა. – ხმა რიხიანი ჰქონდა, მბრძანებლური, განკარგულებასავით გაისმოდა ეს დარდიანი ნათქვამიცა, განკარგულებებს მისჩვეოდა, რუსეთის არმიის ოფიცერი გახლდათ, მერე ქართულ ლაშქარში გადმოსულიყო, მერე, ჰო მერე, ამბები ისე დატრიალებულიყო, რო ჯერ ისევ მხნე, ჯერ ისევ საოფიცრო კაცი მეკუბოეთა არტელს შეჰკედლებოდა ბულალტრადა. თუმცა ამდენსაც ველარ მიხვდებოდა, რაც უნდა გამჭრიახი ყოფილიყო სტუმარი, მიხვედრასაც თავისი საზომი აქვსო, მომეტებული არაფერი შეიძლება, – ვთქვათ, ოფიცრის სამხრეები წამოესახა იმ განიერ მხრებზედა, ბულალტრობას მაინც ველარ მოილანდებდა, არც საჭირო იყო, ვითომ რატომ უნდა დაეძაბა აზრი თუ გონებაი, თვითონვე ეტყოდა, გამოურევდა საუბარშია, თუნდაც ნუ გამოურევდა, სულაც არ ეკითხებოდა, ვინ იყო თუ რა იყო,

ეს ელიზბარ ხეთერელსა სწევოდა და ელიზბარს ელოდა, გიორგი ყანჩაველის ბარათი რო გადაეცა, სხვა დანარჩენი შორეული, უსარგებლო და უმაქნისი რამ გახლდა ამისთვისა.

თითქოს მიუხვდაო შალვა ხეთერელი, წარბები მოღუშა და ცოტა არ იყოს, საშაროდ იკითხა:

– ძველისძველი მეგობარია ეგა შენი თუ ახლა დაძმაკაცდით?

– ვინ ეგა?! ისა! – დაიბნა სტუმარი, ქალს მიაჩერდა, ეგება მიშველოო.

– ეგება რო ლეკო არც იყო... – ეს იყო, ასე მიეშველა ქალი.

– „ლეკო არც იყო!“ – გამოაჯავრა მაზღმა, – შამფურზე რო შეწვან, მაინც ვიცნობ... არა, მართლაც კარგი იქნება, შამფურზე რო წამოაგებდნენ, ჰა, ჰა, ჰა... – მოეწონა თავისი ნათქვამი. ახლაც მხოლოდ თვითონვე გაიცინა. ეცინა, ასე უკეთესი გახლდათ, სიცილი სჯობდა მრისხანებასა, სოლომონ ზურგიელიძისებური აფორიზმისა არ იყოს, ყოველშემთხვევაში, ასე ერჩივნა სტუმარსა, თუნდაც უხერხული სიცილი ერჩივნა; მაგრამ არ გასტანა სიცილმა, ისევ რისხვა წამოერია შალვა ხეთერელსა; ვერ დაევიწყებინა ის კაცი, ვერც დაივიწყებდა, რახან ამას შესცქეროდა, ისიც ახსოვდა, მშვიდადაც ვერ მოეგონებინა; ვერც ახსენებდა, ვერც ახსენებდა მშვიდადა თუ სიამოვნებითა, რადგან უკმაყოფილებას გადაჰკიდებოდა იმის წყალობითა, განა დიდი ხნის წინათა, – ორიოდე საათის წინა. დიდი ხნის წინათ რომ ყოფილიყო, კიდევ არაფერი, მიივიწყებდა აქამდისა, ან ღიმილით გაიხსენებდა, მიყურება იცის გარდასულმა ტკივილმაო. ეს ახალი სატკივარი გახ-

ლდათ, ახლად ახალი: დილას გამოველო იმ დარბაისელ კაცსა, დარბაისელსა შესახედაობითა, ასე თვალითა, უცები თვალითა, მისანდობელსა: ეს მე გახლავარ ლეკო თათაშელი, მე კარგად მახსოვხარ და ალბათ შენც რო გემახსოვრებო, მე უფროსი ვარ, მაგრამ უმცროსნი კარგად იხსომებენ უფროსებსა; იხსომებენ უფროსებიცა თუ ისე არ დაბერებულან, მეხსიერება რო ჩაჰფუშოდეთო; ჩემგან სიბერე არც ისე შორსაა, მაგრამ ჭკუას არას ვემდური, მეხსიერებას არას ვემდური, შენი პატარობაც დამხსომეზია, მამაშენისაც მომაგონდება სიკეთეი ბევრი და მინდა, ცოტა რამ პატივისცემა მეც გაგინო, ცოტა გაგართო, გული რასმე გადავაყოლოთ, თორემ რო ვიცნობ შენს ძმა ელიზბარსა, არც შენთვის მოიცლის, არც თავის თავისთვისა, ხოლო მე სულაც არ ვეპიიტნავები, თუმცა ვუყვარვარ, ვიცი, ვუყვარვარ, თვალში ჩავუვარდე, თითს არ ამოისვებსო; ეს ჩვენი საქმეა, შენ არ შეგეხება, შენ აგერ ორი დღით თუ ამოსულხარ, მოჰბრუნებიხარ უკეთურ სოფელსა ალბათ ცოტა ხნითა და დარდი შეგჭამს ორიოდ დღეშიცა, ვილაცამ მხარი თუ არ აგიბაო; ამბობდა ასე, ხმითა, რო იტყვიან, ხავერდოვანითა, მომხიბლავი ხმითა, თუმცა ხმაც იმდენი არაფერიო, ხოლო რო ამბობდა, რასაც ამბობდა, თითქოს და ამის გულში ჩამჯდარა, ამის გულიდან ამოიძახისო, ვინ ნაუვიდოდა მერე გულის ძახილსა, – ვერც ნაუვიდა, აჰყვა მაშ რაო, ისე შეჰლიმოდა და შესდუდუნებდა: ბოლაშვილები შემომჩენიანო, ოლონდ გვანვიე ჩვენი შალვაიო, – შენა, შენა, რალა თქმა უნდა, – ოლონდ გვანვიე, ოლონდ ჩვენს ჭერქვეშ დავინახოთო ჩვენი შალვაიო, – შენა, შენა, აბა!.. – ოლონდ გვანვიე და

ხატივით ვილოცებთ, შენს სურათსაც ხატად დავიდებთო, – ჩემს სურათსაცა!.. ნუ იუკადრისებ, კაი ოჯახის შვილები გახლავან, დოვლათი კიდეც შემორჩენიათო; ნუ, ნუ, ნუ იუკადრისებ, თავმდაბლობა კაცს ამშვენებსო, თავმდაბლობითა ქებულიყო ცხონებული მამაშენიცაო.

ჰო ცხონებული მამაშენიო, და გაჰყვა, ეწვივნენ. იქ არც არავინ ელოდა, არც არავის ეცალა ამათთვისა ამ გახურებულ კალოობისასა, მაგრამ მაინც ვერ ნაუვიდნენ სტუმართმოყვარეობის წესსა და ადათსა, სუფრა გაუნყეს, მოილხინეს და მოალხინეს, თან თვალი გარეთა რჩებოდათ აფსუს, რა კალოს ამინდიო. ხვალაც ამ თვისააო, ამშვიდებდა ლეკოი, ენად გაკრეფილიყო, მღეროდა, ცეკვავდა, ვიდრემდის დრო გვაქვს, მოვჭამოთ წუთისოფელიო. მერე უცებ რალაც ეშმაკი შეუჯდა, პატარძალი გამოჩნდა, ცხრაფურცელა ქადები მოჰქონდა ხონჩითა, მაშინ შეუჯდა ეშმაკი, რალაც საოცრად დაუხვლანჯა თითები, ეცა იმ დახვლანჯული თითებითა და ისე უჩქმიტა ძუძუს ძირზედა, ლამის ჭერი აჰხადა იმისმა კივილმა. აღარც წესს დაგიხედეს ბოლაშვილებმა, აღარცა ადათსა, ქეჩოში ჩაავლეს ხელი, ორნიც აქეთ-იქიდან შეუსხდნენ მხრებში და ციმციმ გაიყვანეს შინიდანა, თავიანთ კარმიდამოსა გააცილეს, სხვათა კარმიდამოსაცა, მთლად სოფელს გააცილეს ისე, არც კრინტი დაუძრავთ, არც ხელი გამოუღიათ, ხოლო მერე, სოფელს რო გააცილეს... არა, ამან არ იცის, აქ რა მოხდა, იქავე იჯდა თავჩალუნული, იჯდა გაქვავებული სუფრასთანა, ეგონა, მართლაც გაქვავებულიყო, გათავებულიყო, ამოჰქარებოდა სული, მაგრამ მაინც გაიგო, როგორ დაბრუნდნენ პირგამე-

ხებული ბოლაშვილები, როგორ უთხრა უფროსმა ბოლაშვილმა, თუ ჩვენი სტუმრობა გინდოდა, სხვა ამფსონი ვეღარ იშოვნეო. დამცირება თუ შეურაცხყოფა სხვაც გადაეტანა, ოღონდ ასეთი არა, ეს ყველაზე მწარე რამ იყო. ხმა არ ამოვლებოდა, არც ამოულია ხმაი, იყო მდუმარედა, არას მიუგებდა არცა ძმასა, არცა რძალსა, შინ რო დაბრუნდა, – მაშინლა შეჰყვირა, ეტლი რო შეჩერდა სამოახლოს შესასვლელთანა, მოვკლავო, შეჰყვირა და კედლებს შეეტოტინა, – კედლებზე ხალიჩები ეკიდა და ხალიჩებზე იარალი, მრავალ ბრძოლაში ნაცადი იარალი, ზოგიცა ნადავლი, აქ არა, იქით, დიდ დარბაზში ეკიდა, ახლა იქაც აღარ ეკიდა, აქეთ მით უფრო ამოდ აფათურებდა ხელებსა, ასავსავებდა, იმტვრევდა სიმწრითა.

ეს წელანა, ახლა აღარ იმტვრევდა ხელებსა, მაგრამ სიმწარე არ განელებოდა... თეკლამ იხელთა წუთი, საუბარი გადაიტანა:

– როგორა ბრძანდება ბატონი გიორგი? ახალს აღარაფერს გვინერს? – თქვა თვალთა საამო ციმციმითა, თუმცა იქავე მოინისლა, – მე ყველაფერს მოვწყდი...

– რატომ?! – მიამიტად იკითხა სტუმარმა.

თეკლამ გაიღიმა მრავალმნიშვნელოვნადა, დაუშვა წამწამები, მუქი, გრძელი წამწამები.

– რა არის ახალი?! – მხოლოდ ეს იკითხა.

– არის, მეტად საინტერესო ნაწარმოები აქვს, ოღონდ ჯერ არ გადაუცია შესასრულებლადა.

– „კანტატა მეთერთმეტე...“ – ჩაურთო შალვამა, თანაც ისე გადაჰხედა, როგორ თუ არ გადაუციაო.

– ამაზე არ მოგახსენებთ. – საჩქაროდ დაატანა სტუმარმა.

– ახალი ესაა.

– ვინც გიორგი ყანჩაველის შემოქმედებას იცნობს, ადვილად დაიჯერებს, რომ ეს არაა მისი საეტაპო ნაწარმოები.

– ვისაც შეეხება, ამბობს, საეტაპოაო.

– ვინც მუსიკა იცის...

– მუსიკა ცოტას გაეგება, – არ დააცადა შალვამა, – ვისაც შეეხება, კარგად იციან, რაც უნდათ, ქება უნდათ, უამრავნი რო აიყოლიონ; ძალიანაც კარგია, თუ ცოტას გაეგება მუსიკა, გიორგი ყანჩაველმა დასწერა დიდება და მრავალნი აჰყვებიან... დიდება მეთერთმეტესი...

– ეს ცოტას როდი ნიშნავს, – თითქოს წამოთამამდა სტუმარი, – შემოქმედი...

– „შემოქმედი“, ჰა?! – მძაფრად ამოიძახა შალვამა, თითქოს ფილტვები ამოიფხრინაო, წამოიჭრა, გაიწოდა ხელები და არეული თვალები დააცეცა აქეთ-იქითა, თითქოს თურქობაში გამოვლილ ხმაღს დაეძებსო. მერე აივანზე გაბრაგუნდა, დაბრაგუნებდა იქაცა, ვიდრე გადაუვლიდა მოჭარბებული სიფიცხეი.

ამასობაში თეკლას ებოდინებოდა სტუმარი, არ ვიცი, რა მოხდა, რატომ გავაბრაზე ბატონი შალვაო, მე ერთი უწყინარი ადამიანი ვარ, ჭია რა არის, ჭიასაც არ დავადგამ ფეხსა, ადამიანის გრძნობებს ვუფრთხილდები ყველაზე მეტადა, რადგან ადამიანი, რაც არის, გრძნობაა, სხვა ყველაფერი მოსართავია გრძნობისაო, თუ გრძნობა დაიშალა, დაიშლება ადამიანიცაო; ასე რომ მწამს, საოცრად სათუთი ვარ ყვე-

ლას მიმართა. ზედმეტად სათუთი გახლავართ, ზედმეტად მოკრძალებულიო; ამიტომაც გამკვირვებია, რა დამემართა, რატომ ავალელვე ბატონი შალვაო; მოვედი – ავალელვე, გამოვესაუბრე – ავალელვე, თუმცა არ ვიცი, ვინ არის ის კაცი, ხოლო რაც შეეხება ბატონ გიორგისა, რა ვქნა, მომიტევეთ, ყურს ვერ მოვიყრუებ იმის მოაუგესაო.

– შალვასაც ისეთი არაფერი უთქვამს... – ჩაურთო თეკლამა.

– არა, ისეთი არაფერი... არც მე მითქვამს ისეთი არაფერი, თქვენ როგორ ფიქრობთ, განა მითქვამს?..

– არა, არაფერი ისეთი...

აივანზე ბრაგუნმა იკლო, დანყნარდა ნაბიჯები, გესმითო, ანიშნა თეკლამა, მალე შემობრუნდება ფეხაკრეფითაო.

III

მანამდის ელიზბარი დაბრუნდა, შინ რო შემოვიდა, წელანდელივით აღარა წკურავდა თვალებსა, პენსნე გაეკეთებინა, სხვა იერი დასდებოდა, თუმცა იგივე ტანსაცმელი ემოსა. წარმოსახვა თუ ეყოფოდა სტუმარსა, წარმოიდგენდა თეთრი ხალათითა და ექიმი იდგომებოდა იმის წინაშე, – ექიმიც იდგა, რა თქმა უნდა, თუმცა ამას აღარ ეკითხებოდა ექიმი, მოთავდა ის ამბავი, ამისათვის მოთავდა, ეგება აღარც გაიხსენებდა. ვერც ის გაიგო, რას ანიშნებდა ექიმი, მოვასვენე, დარდი ნუ გექნებაო, ანიშნებდა, თან ერიდებოდა, ემანდ ძმამ არ შემომისწროსო. ამისთვის სულერთი გახლდათ, ამას მხოლოდ ელიზ-

ბარ ხეთერელი უნდოდა, რა ხელობისაც უნდა ყოფილიყო, რა განათლებაც უნდა ჰქონოდა, მოხუცი ყოფილიყო, თუნდაც ახალგაზრდა, თუნდაც ასე შუა ხნისა, მეოთხე ათეულს მიტანებული. ამიტომ არც დაუყოვნებია, შემოვიდა თუ არა, გადასცა ბარათი, ოღონდ არც ის დავინყებია, თეკლასათვის მოეხადა ბოდში უეცრად შეწყვეტილი საუბრის გამო. თუმცა შეიძლებოდა გაგრძელება საუბრისა, ვიდრე ელიზბარი გადაიკითხავდა ბარათსა, მაგრამ ადვილად როდის გაგრძელებულა ნაძალადევი საუბარი, რაიმე შემთხვევა ჩასჭრის და იტყვიან ხოლმე, მადლობა ღმერთსაო. აქ ამას არ უთქვამს, მხოლოდ თეკლამ გაივლო გულში და აჩქარებით გავიდა, დაე ემსჯელათ მამაკაცებსა, თუ რაიმე ჰქონდათ სამსჯელო, რაიმე თუ უნდა გადაეწყვიტათ.

– ჩემთან ორი სათხოვარი ჰქონია ბატონ გიორგისა, – სთქვა ელიზბარმა, წერილი რო გადაიკითხა.

– დიახ... – მიეშველა სტუმარი წრფელი ღიმილითა.

– პირველი, ვცადო, როგორმე გადაგათქმევენოთ განზრახვაი.

– რატომ?! – გულწრფელადვე აღმოხდა სტუმარსა და თვალები გაუფართოვდა.

– ეს თვით ბატონ გიორგისაც უცდია, მაგრამ არც ისე თავგამოდებითა, ეგება ვერც მიმიხვდაო, მწერს.

– არ ვიცი... შესაძლოა.

– მწერს, რო გჩვევიათ უაღრესი გატაცება, თავდაუზოგავი მისწრაფება, თუ რაიმე ამოიჭერით გულში.

– ბატონი გიორგი ამ აზრისაა ჩემზე?!

– მწერს-მეთქი.

– მაღლობელი ვარ ბატონი გიორგისა! – ქედი მოიხარა სტუმარმა.

– მწერს, დაგაჯეროთ, ახლა დრო არაა ასეთი გატაცებებისა.

– რატომ?! – თითქოს ნეტარი მირინდებიდან გამოერკვა სტუმარიო.

– რატომ?! – იკითხა ელიზბარმაცა, – როგორ მიბრძანებთ, ფილოსოფიური და სოციოლოგიური პრობლემებით აგიხსნათ თუ უბრალო, ნათელი, ცხადლივი მაგალითებითა?

– როგორც გენებოთ, ერთი მეორეს ხელს არ უშლის, – უბრალოდ მიუგო, თითქოს არც იცის, რას ეუბნება ან არც ეკითხება, არც ყურს დაუგდებსო, – ოღონდ ნუ დაივინყებთ, მე სულ სხვა რამისათვის გაეახელით, სხვა რამ მაინტერესებს.

– გასაგებია... – თითქოს დაჰყვაო ელიზბარი, თითქოს რაღაცას იგონებს, თითქოს აი ესაა გაჰხსნის ბაგესა და მუსიკოსთათვის ჯერეთ უცნობ ხალხურ სიმღერას აღმოიტყვისო. – მაგრამ ჯერ პირველი თხოვნა უნდა შევასრულო, – სიმღერის ნაცვლად ესა თქვა ელიზბარმა, – მეორე ეგ არის, დაგეხმაროთ, თუ ვერ დაგაშლევინეთ.

– რატომ, რატომ უნდა დამაშლევინოთ?! – ჭირვეული ბავშვივით შესძახა სტუმარმა, თან ისეთი სახე მიიღო, სულერითა, არ დავიშლი, არ გადავალ ჩემსასაო.

– ბატონი გიორგი მთხოვს.

– თვითონ რო არაფერი უთქვამს?!

– საშიში დროაო...

– ახსენა რამდენჯერმე.

– თბილისშიც მძიმე ვითარებაა, მაგრამ ქალაქი მაინც ქალაქია, ქალაქი მაინცა ჰფარავს საშინელებასა, ხოლო გასცდები თუ არა ქალაქსა, შესაძლოა ბევრ უსიამოვნებას გადაეყარო...

– ბრძანა... მაგრამ მე არაფერს გადავყრივარ. მშვიდობით მოვედი, გავბრუნდები მშვიდობითვე, გავბრუნდები ახალი ჩანაწერებითა. თქვენ არც გეცოდინებათ, საუკეთესო ჩამწერი აპარატი ნამოვიღე, უწმინდესი ნიუანსიც არ გამომეპარება, ხელახლა ჩავწერ, რაც ჩაუნერია ზაქარია ფალიაშვილსა, ჩავწერ, რაც გადაუღია ლადო აღნიაშვილსა თუ ფილიმონ ქორიძესა, ჯერ ესეც თვალსაჩინო მოვლენა იქნება, ხოლო, რაც მთავარია, მწამს, მივაკვლევ დღემდის უცნობ სიმღერებსა, ახალ მელოდიებს მივაკვლევ! – უბრალოდ დაიწყო და გზნება მოეკიდა, ეტყობოდა, გზნება იმატებდა, თუ მიუშვებდა ასე თავის კვალზედა, თუ არ შეაჩერებდა და შეაჩერა:

– დამშვიდდეს ქვეყანა...

– მე არაფერს გადავყრივარმეთქი.

– უმონყალოდ ნაცემი კაცი თქვენ მომაყენეთ კარზედა?!

– ეს შემთხვევით...

– სხვაც შემთხვევით იქნება.

– მე არაფერ შუაში ვიქნები.

– თქვენ შეგემთხვევათ... – ჯიუტად მიაჩერდა ელიზბარი, თითქოს თვალით უნდა გასტიხოსო, შუშების ქვეშ გაფიცხებულიყო თვალები, თითქოს ისრებია წვერანთებულიო. – ნუ გეგონებათ, თითქოს დიდი რამ საბაბი იყოს საჭირო, ტყვია რო ჩაგიჭედონ შუბლში.

– ნუ მაშინებთ, – ხელი ოდნავ აიქნია სტუმარმა, ვითომდა რაო, რა ხელი აქვს ჩემთან შიშსაო, – შიში დარწმუნების საშუალება არ არის, ყოველშემთხვევაში ჩემთან უმაქნისია.

– არ გაშინებთ, მხოლოდ გიხსნით, – თვალიც აარიდა, ხმასაც დაუნია ელიზბარმა, – როგორც გენებოთ, მინდა მხოლოდ იცოდეთ, რომ მეჯუდის გაღმა-გამოღმა, გაღმა-გამოღმა პატარა ლიახვისა, დაღმა თუ ასე, მთებში, შეყოლებამდე სოფელი არ არის, თემი არ არის, ალბათ ოჯახი არ მოიძებნება, სიკეთე რო არ გამეწიოს, უსასყიდლოდა, დაუზარლად, უანგაროდ, ჩემის წამლითა და მაინც ეზოს გავცდები თუ არა, სათვალე უნდა ჩამოვიხსნა, თორემ ვილაც უკეთური ტყვიით დამიხვრეტს თვალეებსა...

– ეს უბრალო შიშად როდილა მეჩვენება, ეს უკვე ავადმყოფობასა ჰგავს, – საჩქაროდ დაატანა სტუმარმა, – მომიტევეთ ასე აშკარად რომ მოგმართავთ, მაგრამ თქვენ ისე დაჟინებით მინერგავთ შიშსა, თუ არ შეგებრძოლეთ, დამიმორჩილებთ.

– ეცადეთ თქვენსასა, – კიდევ უფრო დუნედა თქვა ელიზბარმა, – ოღონდ ერთი რამ მაინც გამიგონეთ, მოიხსენით ეგ შავი ბაბთა, თეთრ საყელოს რომ გიმშვენებთ, მოიხსენით, თორემ გაუპირდაპირებენ თოფის ლულასა...

სტუმარმა უნებლიედ დაიფარა ორივე ხელი, ყელი დაენანა თუ უფრო ბაფთას ვერ შეეღეოდა, ძნელი სათქმელია, ხოლო ცოტა რომ შეკრთა, ეს უკვე აშკარა გახლდათ. თვალი მიატანა ელიზბარმა, ოღონდ როდი მისციებია, ვითომც, არაფერი დამინახავსო.

– ვერ დამაჯერებთ. – ცივად გაიღიმა სტუმარმა, ხელებიც ჩამოუშვა.

– ნუ დაიჯერებთ, მაინც მოიხსენით. – წამოდგა, მიუახლოვდა, – ნება მომეცით! – საყელო გადაუნია, თვითონვე შეხსნა, – არც ეს გახამებული პერანგი გინდათ, ლურჯ ხალათს მოგცემთ, ან შავსა, რაც უფრო გახუნებული იქნება, მით უკეთესი, მე ამყვებით, ვითომც ჩემი თანაშემწე ხართ... ასე იყოს, რახან არ დაგიშლიათ.

ეს უეცარი დაყოლიება არ გაჰხარებია, თითქოს ეწყინა, ცოტა დაიბნა, ვერც იმას მიჰხვდა, ბაფთა რად უნდა შეეხსნა ან ლურჯი თუ შავი ხალათი რად უნდა ჩაეცვა, მასპინძელი თუ დაშინებულიყო, ამას რაო, ესეც ჰო არ მიეცემოდა ავადმყოფურ შიშსა? ბატონ გიორგის სხვანაირად ეგონა, – ელიზბარ ხეთერელი თუ ამოგიდგა მხარში, ფიქრი ნულარაფრისა გექნებაო, აჰა, ამოუდგა მხარში, ამოუდგა და აშინებს, ეს ვერაფერი ქომაგობაა, ვერც მიენდობა ასეთ ქომაგსა, ეს უკვე ნათელია, ცხადია, მაგრამ რად არწმუნებდა ბატონი გიორგი, იმ მხარისა ყველაზედ უკეთ იმან იცისო, თუ ვინმეს კიდევ შერჩენია რაიმე გავლენა, ყველაზე მეტად იმასაო, თუ ვინმეს რამეს დაუჯერებენ, ყველაზე მეტად იმასაო. უკეთესად ვერც დაახასიათებ ადამიანსა, მაგრამ დიდი ადამიანებიცა ცდებიან თურმე, ოლონდ დიდი ადამიანები მაინც დიდ ადამიანებად რო რჩებიან, ალბათ, ამიტომაა, სხვათადმიც გამოატანა ბარათები, თუ ვინცობაა ამ ერთმა მიმტყუნა, სხვანი მაინც არ დამალატიანებენო. არა, დიდი ადამიანები არა ცდებიან, სიფრთხილე იციან, წინასწარ სჭვრეტენ შესაძლო გართულებებსა, წინასწარვე გააუვნებლებენ. აი თუ არა, ამისთვის უკვე საშიში აღარ არის ეს დამფრთხალი მასპინძელი თუ გზის მასწალელებელი, უამი-

სოდაც ბევრი ამოუჩინს შემწეობასა, ხოლო რაც შეეხება მეგზურსა თუ მიმთითებელსა, არც არავინა სჭირდება, — ამან ჰო რუკა შეადგინა შიდა ქართლისა, რუკა საკუთარი, სოფლები და გვარები მონიშნა მეჯუდისა, ლიახვთა, ფრონეთა და მტკვრის ნაპირებზე, შარაგზებიც გადაიტანა დიდი რუკიდანა; ისიც გაიგო, საურმე გზა უდევს ყველა სოფელსა, მთელი ველი დასერილა საურმე გზებითა და ბილიკებითა, სოფელს გაჰხედუ და დაადე თავი, იარე პირდაპირა, ლარივით იარე, ნაბიჯიც არ გადაჰხაროო; ოლონდაო, ცოტას მდინარეები დაგაბრკოლებენ, ლარში გადაგელობებიან და მაშინ ნუ გაედევნები მაინცდამაინც ლარსა, მაშინ ფონი უნდა მოსძებნო უსათუოდო, ფონიც ბევრი იცის ველის მდინარემა, მდინარე არც არის უფონოდა, მხოლოდ უნდა იცოდუ, თუ არ იცი, გაიკითხ-გამოიკითხო, ჯერ ფონი უნდა უპოვნო, მერელა შეხვიდე მდინარეშიო; ცხოვრებაც დიდი მდინარეა, კაცი რა არის, კაციც მდინარეა და თუ ფონი არ უპოვნე, ვერსაით მოუხვალ, ვერც ავადაო, ვერც კარგადაო.

ამის ფონი შიში ყოფილა, თუმცა არა, შიში ჩანჩქერი უფროა, ვიდრე ფონი, მაგრამ ვინრობები იცის ჩანჩქერმა, ვინრობები ხიდისათვის უკეთესია და ხიდი სჯობიან ფონსაო; შეიძლება ესეც სოლომონ ზურგიელიძისებური აფორიზმი გამოდიოდეს, მაგრამ რაც მართალია, მართალია, ხიდი სჯობიან ფონსაო. ესეც ხიდს გასდებდა ამ ვინრობზედა, დაარწმუნებდა, უიმისოდაც რო იოლს გავიდოდა, იოლადაც დარწმუნდება. და ქალაღდის გასაშლელ მაგიდაზე თავისი რუკა გადაშალა მოგზაურმა, ბარათებიც იქვე დაიწყო. ფანქარი ააყოლა მეჯუდის პირსა,

– თქვენ ნუ შენუხდებით, ჩემი დარდიც ნუ გექნება-
 თო, ასე მეჯვრისხევს მივალ, აგერა ბარათიცა ერის-
 თავიანთადმიო. იქიდან მერეთს გავა, იქ ფურცელა-
 ძიანი უმასპინძლებენ. მერეთიდან დაჰყვება პატარა
 ლიახვსა, ტყვიავს გავა, იქიდან ძევერასა, ჯავახაან-
 თა, უნდა ცხინვალს აუვლის, აჩაბეთს ეწვევა მაჩაბ-
 ლიანთა; აჩაბეთიდან ფხვენისს ჩაუვლის, ამილახ-
 ვარიანთა; თუნდაც კირიონის სახლიკაცებს მოინა-
 ხულებს ნიქოზში, რა თქმა უნდა, ფხვენისამდისა;
 ყველა სოფელში ეყოლება მასპინძელი, უთავბო-
 ლოდ არ წამოუნყია მოგზაურობაი, განზომილია ყო-
 ველი ადგილი, დღენი, საათებიც განზომილი აქვს.
 ფხვენისთან იქვე ყელქცეულია, ჩხეიძიანნი შეეგებე-
 ბიან. იქიდან თუნდა ბარემ რუისს ჩაუვლის მამაცა-
 ანთა, თუნდა ავნევსა და ალს გავა ამირეჯიბიანთა,
 მერე ხვედურეთსა, ციციანთა. ჰო, თუნდა ასე ივ-
 ლის, თუნდა ისე, გაშლილა ველი შიდა ქართლისა,
 გასჭიმე ლარი, გასჭიმე საითაც გინდაო. ოლონდ მა-
 ინც უკეთესია ბოლოსთვის მოიტოვოს რუის-სალო-
 ლაშენ-არადეთი, აქ ფერიცვალობა და მარიობა გა-
 დაებმის ერთმანეთსა, ორი დიდი დღეობა გადაებ-
 მის, მთელი ქართლი იქ მოიყრის თავსა, ყველა სიმ-
 ლერა იქ შეიკონებაო. ეს რო თქვა, იტვრინა, თითქოს
 ადუდუნდა სიმღერები ველისა, დაიძრა, წამოვიდა
 და ამ დინებასაც, ვითარცა ყველასა თუ ყველაფერ-
 სა, თავის ფონად გამოერია „ნეტავ ახლა ჩემთან იყ-
 ვე, ხახე...“ – გამოერია და წაიმღერა. მარიამობას იქ
 ილია ყოფილა, აკაკი, ვაჟა, ყველა სახელოვანი ადა-
 მიანი სწვევია მარიობასა, ბატონი გიორგიც ბევრჯე-
 რა სწვევია, ყველას თავისი ხელმოწერა დაუტოვია
 ამირეჯიბიანთ დიდ სუფრაზედა, ამ მარიობას მეც

მივუმატებ ჩემს სახელსა და გვარსაო. არადეთში იმ-
ხნელები შეეგებებიან ან რაღა ჩამოუთვალოს, დაჰ-
ხედოს რუკასა, დაჰხედოს როგორც მოენებება,
თუნდაც სათვალითა, თუნდა უსათვალოდა, ადგილი
არ არის მოუნიშნავი, ყველა არც უთქვამს, არც სა-
ჭიროა, ეცოდინება, ყველგანა ჰყავს პატივისმცემე-
ლი თუ თაყვანისმცემელი ბატონ გიორგისა, იმანაც
ყველა გაიხსენა, ყველა მოიკითხა, დრო იხელთა და
მოიკითხა, როგორა ხართო, რა დღეში ხართო, თა-
ნაც ეგება ხელი წაახმართ ამ ჩემს ახალგაზრდა მე-
გობარსაო, ამოიჩემა, მოდის, ახალგაზრდული ამო-
ჩემება ბედისნერაა შემოქმედისა, იქ გარდასწყდება
გარდასაწყვეტიო.

რას იტყვის დაშინებული მასპინძელი, რა უნდა
აფიქრებდეს ასე მომზადებულ ადამიანსა?

არაფერს იტყვის მასპინძელი, არც რუკას დაჰ-
ყურებს, თუმცა იქვე ჩამომჯდარა, მაინც არ წაუც-
დება თვალი რუკისკენა, თითქოს არც ესმის, რას უყ-
ვება სტუმარი, თითქოს იმის ბაფთას წაურთმევიან
გულისყური, დაჰყურებს, აკვირდება, ვითომც უკ-
ვირსო, ვითომც ეუცხოვებო, ხანაც გაჰხრის ტუჩის
ბოლოებსა, ისე, ვერავინ მიუხვდება, რაიმე ეჭაშნიკა
თუ არ ეჭაშნიკაო. როგორც ენებოს, მაგრამ აქ დუ-
მილი უხერხულია, რაღაც უნდა თქვას, მოუწონოს ან
დაუნუნოს, რაც უნდა თქვას, ამისთვის სულერთია,
ოღონდ უნდა თქვას, ამან ამდენი ილაპარაკა, ნუთუ
იმან ერთი სიტყვა მაინც არ უნდა დაანიოს?!

რას იტყვის მასპინძელი? ან რა ეთქმის? – არც
არაფერი. ისე მაინც დარწმუნდეს, უთავბოლო კაცს
რო არ შეჰხვდრია, იმათთაგანი არ არის, თვალს რო
დაჰხუჭავენ და გადაერევიან მორეესა, მოხდეს, რაც

მოსახდენიაო, დარწმუნდეს, დაიჯეროს. სხვა ყალიბზე მოჭრილა, ბრმად არაფერს აედევნება, წინასწარვე აუწონია ყოველი წუთი, წინასწარ იცის, სად როდის მოხვდება, აი, დაჰხედოს, დაჰხედოს რუკასა, აღნიშნულია საათებიცა, წუთებიცა, სამმაგადაა აღნიშნული, იმის მიხედვითა, თუ რითი ივლის, ცხენითა, ურმითა, თუ ფეხითა; აი, დაჰხედოს, დღეს, ამ საათზე ხევთისში რო იქნებოდა, ზედ აწერია „დევთისსა“. ნუ გაუკვირდება, თუ მოახსენებს, რო ამ საუბარსაც მიმხვდარიყო, სიტყვა მოემზადებინა წინასწარა, ნუ გაუკვირდება, ერწმუნოს, დაუჯეროს. თუმცა ამდენად აღარ გამოუტყდება, ისა დუმს, დადუმდება ესეცა, დუმილი ოქროაო? – იყოს, მიეცემა ოქრო მდუმარებასა.

ყურადღება თუ ეყოფოდა ამ შეთამამებულ მოგზაურსა და ან ჯერ სტუმარსა ხეთერელებისა, მიხვდებოდა, გასჩენოდა გულმოდგინე მსმენელი, – შალვა დასდგომოდა თავსა, ჩასციებოდა იმის რუკასა. ფეხაკრეფით შემოსულიყო ან შესაძლოა ბრაგუნითაც შემოვიდა, მაგრამ სულერთია, ეს მაინც ვერაფერს გაიგებდა, რახან ერთის დარწმუნება თუ მოხიბვლა ამოეჩემებინა, აღარ გაიხედავდა მეორისკენა, თუნდაც გაეხედა, ვერ დაინახავდა, ერთი, ერთადერთი ტრიალებდა ამის თვალსა თუ გონებაში. შალვას თვალი თუ წარმოსახვა სხვაგვარი გახლდათ, ის უწყინარი რუკა, მონახაზი ახალგაზრდა მუსიკოსის მოგზაურობისა, არცთუ ლაზათიანად მონახაზი, თვალსაჩინო სტრატეგიულ გეგმად წარმოედგინა. გამოცდილი თვალი უცებ გარკვეულიყო და ის ლურჯნითელი თუ სხვაფერი გრეხილები საომარ ველზე გადაეტანა, გადაეტანა შიდაქართლის

ველზედა. ვითომც ერედვისა ან ტბეთის ან თუ ლომისას სერებზე მდგარიყოს, იქ დაეცეს შტაბი, იქიდან დაენახოს მოძრაობა ლაშქრისა, იქიდან განეგოს, წარემართოს მთავარი დარტყმა, გორი აელოს, გაენმინდოს ქართლის მთები და ველები, მოემზადებინოს იქაობა კოლხეთის ლაშქრის გადმოსასვლელადა. მერე სხვა იქნებოდა, მერე დასახავდნენ გეგმას თბილისის ალებისა, მერე სხვა რუკები დაიფინებოდა, ჯერ აქ ამ ველებზე უნდა დაბანაკებულიყო დიდი ლაშქარი, ძლევამოსილი, სიკეთისა, სამართლიანობისა, ერის უფლების გადასარჩინადა. არა, ეს უბრალო რუკა არ უნდა ყოფილიყო, არც ეს ყმანვილი არ უნდა ყოფილიყო ასე დაბნეული თუ მიამიტი, როგორც მოაჩვენებდა თავსა, აქ დიდ რამ უნდა იყოს ჩათქმული. მხოლოდ იმას უმაღავდნენ, შემოვიდა თუ არა, დადუმდნენ, ვითომდა აქ არაფერიო. ეს კიდევ ჰო, ეს არ იცნობს, მაგრამ ელიზბარს რალა დამართენია, ნუთუ ისე გაუკულმართდა, ისე წაირყვნა ქვეყანა, რო ძმა ძმას აღარ ენდობა; ელიზბარს რალა დამართენია, რას დაჰყურებს იმ შავ ბაფთასა, რად იქცევა ისე, ვითომც ერთი ვინმე ახირებული ყმანვილი სწვევოდეს და, თავიდან როგორ მოიცილოს, ველარ გაუგიაო. ეგება ის ბაფთაც რილაცის ნიშანია, ნუ აჩქარდება, დადუმდეს თვითონაცა, ეგება იმ ბაფთით უნდა გაიგოს, ენდოს თუ არა ამ უეცრად და უცნაურად მოვლენილ ყმანვილსა, ნუ აჩქარდება, დაე სდუმდნენ, დაე მიუხვდნენ და ენდონ ერთმანეთსა, მანამდის თავისი გაარკვიოს შალვა ხეთერელმა, განსაზღვროს, თუ საიდან დაიწყოს მოძრაობა, გამზადებული ლაშქარი ჰო არა ჰყავს, უნდა მოუხმოს ტყედგაჭრილებსა, მთადგახიზნულებსა; მო-

უხმობს და დაიდრებიან; მოძრაობა არ გამოეპარებათ, — რა გზას აირჩევს, როგორ შეეხამება?.. ბალენახები თუ ჭალები კარგი საფარია, მაგრამ აშკარადაც შეიძლება, მინდვრად გასულა ხალხი, შუაგული კალოობაა, ბრუნავს კევრი, ჯერ არ დადაბლებულა ძნები, ჯერ მინდორიც არ მოუცლიათ, ეზიდებიან ბულულსა. ტბეთიდან ურწყავებს რო გაჰხედო, გადაყვითლებულ ნანვერლებს რო გაჰხედო, ლანდებიტაა სავსე, მინდვრად მოფუთფუთე, მოფუსფუსე ლანდებიტა, იმატებენ ლანდნი, იმატებენ, იმატებენ და ლაშქრად იქცევიან, მოულოდნელად ნამოიმართებიან სასნაულადა. აი, აქაც, რუკაზეც ზოლები არ გასდევს ურწყავების მხარესა, თეთრადაა, მთავარბანაკადაა მონიშნული, კარგადა სცოდნია გარემოება ამ რუკის შემდგენელსა; ლიხის გადმოსასვლელებიც იქიტაა, კარგადა სცოდნია, კარგად გაუთვალისწინებია ყველაფერი, შუაკაციც კარგი აურჩევია, ჰო, რა მოხერხებული ყმანვილია, ხალხური სიმღერები უნდა შევაგროვოო, ჰმ!..

დუმილი გრძელდება, ამან განსაზღვრა თავდაპირველი განსასაზღვრელი, ახლა დანარჩენი დარიგებანი თუ რჩევანი უნდა მოესმინა, გაჰყოლოდა, დაეზუსტებინა, უარეყო ან მიეღო, დრო არ ითმენდა, არ ითმენდა აქამდისაცა, მითუფრო ახლა, რახან დანყებულა, უნდა დაინყოს. დუმილი გრძელდება, — რას ჩაჰკირკიტებს ამ შავ ბაფთასა, აბრეშუმის ნაჭერია, სხვა რა უნდა იყოს, ამოქარგულია რამე, საიდუმლო ნიშნებია? თუ უბრალო დათქმაა, გაენდე ამის მომტანსაო? გაენდე, რალას უცდი, ბრძანების თვალით გადაჰხედა შალვაძეა, თვალიც დაუქნია, გაენდეო.

ელიზბარი შემობრუნდა.

– კარგახანია აქეთ აღარ უვლია ბატონ გიორგისა, – თითქოს სინანულითა თქვა ელიზბარმა, – ალბათ თბილისიდან აღარც გამოსულა და ზოგი რამ, შესაძლოა, ნათლად ველარ წარმოიდგინოს. ბევრი რამ შეიცვალა, ბევრი რამ ისე აღარ არის ან უფრო პირდაპირ რო ითქვას, აღარაფერია ისე. ამ ბარათებიდან ნახევარსაც ვერ ჩააბარებთ პატრონებსა, ზოგან მხოლოდ დედაბერები დაგხვდებიან, ან ახლოსაც არ გაგიკარებენ, ან არაფერში გამოგადგებიან. აქ, აქ, აქ, – ხელი დაადო რუკაზე მონიშნულ წერტილებსა, – საძირკვლების მეტს ველარაფერს იპოვნი, – აქ, აქ, აქ, აქა, აქაცა თუნდ აქაცა, – კვლავ თითით მონიშნა – ვინმე იქნება, მაგრამ დალენილი და დამსხვრეული თულა იქნება, სტუმარმასპინძლობაც რო აღარ ეცოდინება, ისეთი იქნება, აქ, აქაცა, აქაც, კიდევ რამდენიმე ადგილას თითქოს ისევა ფეთქავს სული, მაგრამ რა ფეთქავა... ერთი სიტყვით, მოყოლილან უამთასიავის ქვეშა, სასიმღეროდ აღარავისა სცხელა.

სასიმღეროდ აღარავისა სცხელაო, – შალვამ ჩაახველა უამურადა, ესე იგი ეუარება, არა თანხმდებო, იტკიცა, აილენა, ლამის შესძახა, უგნური სიფრთხილეაო, მაგრამ უცებ წამოჰკრა სიამაყემ ხეთერელებისა და ჩაადუმა: ეს ყმანვილი ცენტრიდანა ბრძანდება, რა თქმა უნდა, ცხადია, აშკარაა, ბრძანებანი მოუტანია, ნათელია და ნათელზე ნათელი, ცენტრის ბრძანება უნდა შესრულდეს უყოყმანოდა, ასე იყო ადაბაბიდანა, ასეა, ასე იქნება, მაგრამ ელიზბარი ვილაა, რა ძალა აქვს ესოდენ ბეჯითი, გულმოდგინე, ესოდენ დაჯერებული უარისა? რა მოვლენებ-

ში მოქცეულა, რა გავლენა მოუპოვებია ამ ჩია კაცსა, თავისი დღენი რო ნამღების სუნი ასდის, თავისი დღენი სტიეთოსკოპი რო უდევს გაძვალტყავებულ ავადმყოფთა გულმკერდზედა? ხეთერელეები არც გაისხლიტებოდნენ მოვლენათა გულიდანა, ხეთერელეებს ბევრჯერ გადაურჩენიათ საქართველო, გადაურჩენიათ ვაჟკაცობითა, ოლონდ ახლა ისე დაბრუნებულა ნუთისოფელი, ფარული და მოხერხებული მოქმედება გადაქცეულა ვაჟკაცობადა. ეს წყნარი კაცი, ეს ჩია კაცი დიდი ამბების გულში მოქცეულა ხეთერელთა შეუპოვრობითა, რო ეუარება, რაღაც იცის, მეტი იცის, ყმანვილზე ჰო არაფერი ითქმის, იმათზე მეტი იცის, ვისი სახელითაც მოვლენილა, – გიორგი ყანჩაველიო, – ამბობენ, რაც უნდა თქვან, შალვას უკვე მოეხსენება, რის საფარია სახელგანთქმული კომპოზიტორი, თვითონ ის, ალბათ, არაფერ შუაშია და არც გაეგება, თუ რა ხდება იმის გარშემო: „მეც ასევე ვარ, არაფერი ვიცი, მაგრამ უნდა გავიგო, უჩემოდ არ იქნება, რაც უნდა იყოს ელიზბარი, სამხედრო საქმისა მაინც არაფერი ესმის, მე უნდა განვაგო, მე უნდა გავუძღვე, ამან მოაწყოს ლაზარეთები, მე უნდა გავუძღვე ალბათ ასეც არის გათვალისწინებული, ამიტომ დამისწრეს, ამიტომაც არ მერიდებიან“. – გაიფიქრა და მოეკიდა სიამაყე ხეთერელეებისა. რუკაც აღარ უნდოდა, წელზე შემოიდო ხელები და ბოლთა წამოიწყო, ურუკოდაცა ჰხედავდა შიდაქართლსა, მთებიანადა, ხეობებიანადა, ველმინდვრებიანადა; ჰხედავდა ბალ-ვენახებში გამოხვეულ სოფლებსა, მდინარეთა ზოლებსა, გზებსა, ბილიკებსა, სოფლების სიდიდეც მოეხსენებოდა, მხოლოდ, ესა ჰქონდა სავარაუდებელი, რომელს რამდე-

ნი კაცის გამოყვანა შეეძლო, რამდენი დაეტანა ომებსა, რამდენი გადასულიყო იმათკენა, რამდენი ამათ მიემხრობოდა, – მხოლოდ ესლა ჰქონდა სავარაუდებელი, ძნელი რამ უნდა ევარაუდნა. წესის მიხედვით, აღნუსხული უნდა ყოფილიყო, მაგრამ ვინ იყო აღმნუსხველი ან ვინ რას გაიგებდა ამ არეულ დროში. დაძახილი უნდოდა, ძლიერი დაძახილი, ვინც აედევნებოდა, ნაუძღვებოდა იმათა. ვინ აედევნებოდა?.. ძნელი რამ ჰქონდა განსასაზღვრი. დაე ამათ გადაენყვიტათ, მერე იხმობდნენ, გაუმხელდნენ, სთხოვდნენ, უთავე აჯანყებასო, ესეც მოახსენებდა თავის ვარაუდებსა; თუმცა ასე უცებაც არა, ითაკილებდა ახვენინებდა, რატომ აქამდის არ გამიმხილეთო... ბოლთა გავიდა აივანზედა, ბრაგუნობდა სამოახლო, ბრაგუნობდა სარდლის ფეხქვეშა.

IV

დაე ემსჯელათ, იხმობდნენ, გაუმხელდნენ... მაგრამ არაფერი გაუმხელიათ, ისე ისადილეს, ისე იყაბმმეს, ისე მიბინარდნენ. შალვა გაგულისდა, გაიბუსხა, დადიოდა გაბუტული ბავშვივითა, ოლონდ თავსაც ირწმუნებდა: ფრთხილობენ, რა გასაკვირველია, აქ დიდი სიფრთხილაც არის საჭირო, ათჯერ გაზომე და ერთხელ მოსჭერიო, ნათქვამიც არის, ათჯერ გაზომავენ და მერელა გამიმხელენო. ისე მიბინარდნენ, ეტყობა, მაინც ვერ მოზომეს ათჯერა, როდის მოზომავდნენ, ხვალა, ზეგა, ერთი კვირის შემდეგა. – ვინ უნყის, როგორი საზომი ჰქონდათ. ამას მოთმინება არ ეყოფოდა, გარეგარეც აღარ ივლიდა,

მიეჭრებოდა ჯიქურადა, აბა, მორჩით მაგ მიკიბულ-მოკიბულ ლაპარაკსა, გადმოყაჭეთ, რა განგიზრახავთ, მე რა მევალეაო; ისე მიბინარდნენ, მაინც ვერ მიეჭრა, მაინც დაითმინა, თუმცა ლელავდა, გაგულისებულისყო. მერე დამშვიდდა, უეცრად დამშვიდდა, სტუმარსაც რო იმის მახლობლად გაუმართეს სანოლი, თვალები მილულა და ისე გაიფიქრა, ყველაფერი იციან, ყველაფერი გათვალისწინებულია, აი გამჟღავნების დროო. და მიბინარდნენ.

გარედანაც არაფერი ისმოდა, გაყუმულიყო სოფელი, მხოლოდ ცაცხვი ჩიფჩიფებდა ფანჯარასთანა, შრიალებდა ცაცხვის ფოთოლი სამოახლოს ფანჯარასთანა, ისევე შრიალებდა, თუმცა მოახლენი აღარ იყვნენ იქა, ვაჟკაცები იყვნენ, დიდი ამბავი უნდა გამჟღავნებულიყო. წინასწარაც დიდი დუმილი უნდოდა, რას ამტყდარიყო ცაცხვი, რასა ჩურჩულებდა ფოთოლი ცაცხვისა. მოყურადენი ჰო არა ჩურჩულებდნენ. რა გასაკვირია?.. ადგა, გადაიხედა. არავინ იყო, არავინ მოსჩანდა, თვით მთვარეც არ მოსჩანდა, მხოლოდ ჩამოღვრილიყო ცაცხვის ფოთლებში, იქითიქითაც ჩამოღვრილიყო, არავინ იყო, მაინც მიხურა ფანჯარაი, მიწყნარდა შრიალი, ეგება აღარცა ჩურჩულებდა ფოთოლი ცაცხვისა; მიწყნარდა შრიალი, ჩაგუბდა პატარა ოთახი, ჩაგუბდა და ჩაიხუთა, რადგან რო თამბაქოს ეწეოდა ზედიზედა, შალვაი, თამბაქოს ბოლით ითქვამდა სულსა, დიდი გამჟღავნების მოლოდინშია. იმას წამოახველა, აჰაა, წამოინწეს და წამოინყებსო. ამასაც წამოახველა, მზადა ვარ, გისმენო. არაფერი მოესმა, დაძაბა ყურადღება, ნაყელყელავდა, აღბათ ყურში უნდა წამჩურჩულოსო. არა, მხოლოდ გვერდი იცვალა სტუ-

მარმა, კიდეც ნამოახველა, ბოლმა თუ შეანუხა, ამო-
ენენა ყელი, ნამოახველა და მინებდა ძილსა.

დალლილიყო, ღრმა ძილს მიეცა. შალვა ხეთერე-
ლი ვერ დაიჯერებდა, თავს იმძინარებსო, ასე ფიქ-
რობდა, უფროდაუფრო მოსწონდა ეს იღუმალებით
მოცული ყმანვილი; მოსწონდა იმისი თავშეკავება-
ცა, ნელან თანმხლები რო დაუნუნა, მსჯელობაც
მოსწონდა, ღრმა რწმენაცა: მხოლოდ ასეთი რწმე-
ნით თუ გავიმარჯვებთო, ასეთი დაჯერებითა, ასეთი
შეუპოვრობითა, თორემ ჩემი ძმისთანანი ვერაფერს
აანყობენ ნესრიგზედა, ანყობილსაც მოშლიან, მო-
ფუტკნიან, მიმოანგრევენ, გამარჯვებულნიც დაფ-
რთხებიან, აღებულ ციხესიმაგრეებს ჩააბარებენ
მტერსაო. იცნობს თავის ძმასა, სხვებსაც იცნობს ამ-
დაგვარებსა, ოღონდ ეს უკვირს, რამ მოაქცია ელიზ-
ბარი წინააღმდეგობის მოძრაობაში, როგორ მოუპო-
ვებია ესოდენი გავლენაი, მთავარ ბანაკიდან მოვლე-
ნილსაც რო ეწინააღმდეგება, უარყოფს იმათს გან-
კარგულებასა, უსაბუთებს, სხვაგვარად უნდა მოქ-
მედებაო, რამ მოაქცია? ბრუნავს წუთისოფელი,
ბრუნავს ერი დანახნაგებულო, ბრუნავს და ეხლება
ათას სიავესა, ათასგვარ მტერსა, ეხლება და უმაგ-
რდება, უმაგრდება უმტკიცესი, უმახვილესი ნახნა-
გებითა, ზედ ეფშხვნება სიავე ამა სოფლისა, ზედ
ეფშხვნება მტერი, ეფშხვნება და ეგლისება, კვლა-
ვაც ეფშხვნება, ვიდრე თვითონაც დაბლაგვდებო-
დეს, მაგრამ ბრუნავს წუთისოფელი, ბრუნავს ერი
დანახნაგებულო და მერე სხვა ნახნაგებით შეეგებება
სხვა სიავეთა, სხვა ბოროტ მტერსა; ბრუნავს წუთი-
სოფელი, ბრუნავს ერი დანახნაგებულო და ილესება
ნახნაგები დაბლაგვებული თუ ფხამოცვეთილი,

ილესება უფრო მრისხანე ბრძოლებისთვისაო. ელიზბარიც თუ ალესილა ან ელოდა, თუ როდის დადგებოდა იმისი ჟამი, როდის მოაბრუნებდა წუთისოფელი ქარტეხილთა შესახლელადა. ბრუნავს წუთისოფელი, ბრუნავს ერი დანახნაგებული და აქ სადმე იქნება ამისი ნახნაგიცა, აი წამოდგება და გაუმხელს, შენი ჯერიაო.

ის არ აპირებდა წამოდგომასა... შალვა ხეთერელი ვერ დაიჯერებდა, უფრო და უფრო მოსწონდა ეს ყმანვილი, ამდენი მოთმენა რო შეეძლო, ამდენი გონიერება რო შესწევდა, ბარემ მიიძინოს ყველამა, მოითენტოს, მიბინარდეს, მიმკვდარდეს, თუ ვინმე ელოდება ჩვენს გამჟღავნებასაო. ეს უბრალო გამჟღავნება ჰო არ იქნება, – დავალებანიც ექნება, – გადასაცემი, დავალებანი, განკარგულებანი, ბრძანებანი, ხუმრობა ჰო არ არის, მოძრაობის გულში მოქცეულა, ლიხით გადმოსვლა უნდა შეამზადოს, უნდა შეამზადოს ალება თბილისისა, დედაქალაქისა, დიდი ისტორიული მოვლენაა, თვით დავით აღმაშენებელსაც უფრო მეტი, ბევრად აღმატებული არაფერი მოუშოქმედნია.

აქ უცებ ხრიალი აუტყდება სტუმარსა, ეს არც ხველებაა, აღარც სუნთქვაა, თითქოს სული ეგუებებაო, სულთამხუთავი დასხმია თავსა, იგერიებსო; ხრიალებს ასე, მერე ამოახველებს და სულს მოითქვამს, მაინც იტვრენს, იტვრენს კარგახანსა, ალბათ ერკვევა, სადა ვარ და რა დამმართნიაო, ბოლოს გაერკვევა, იმასაც გაარჩევს, თუ როგორ ადდადის გაღვივებული წერტილი, როგორ დაეკიდება სანოლიდანა, არის, არის ერთ ადგილას შეჩერებული, თითქოს უნდა წაიფერფლოსო, მერე როგორ

აიმართება, გაღვივდება, გაკაშკაშდება, თითქოს ნაპერწკალი უნდა ნაჰყაროსო, მაგრამ ბოლი შემოეხვევა, ბოლო ჩაბურავს სანაპერწკლოდ გამზადებულსა, თავს გააღწევს იმა ბოლსა, კვლავ დაეკიდება, თითქოს უნდა ჩანელდესო, ჩაიფერფლოსო, ჰო ამასაც გაარჩევს და გაუბედავად იტყვის, ან უფრო – ნამოიკნავლებს გაუბედავად: არ შეიძლება ფანჯარა გავაღოთო. რატომაც არაო და სანოლიდან ნამოიჭრება შალვა ხეთერელი. მე თვითონო, ესეც ნამოიჭრება. როგორ გეკადრებათო, არ დაანებებს, ეს მე მომანდეთ, იმედი გქონდეთ, არაფერი გამომეპარებაო. ფანჯარასაც გააღებს, იქიდანაც გადაეკიდება, მიმოატარებს თვალსა, მიუშვერს ყურსა, ჩქამი რა არის, ფოთლის ცახცახში არ ამერიოსო, კარსაც გააღებს, ჩავა ძირსა, ეზოს შემოივლის, გავა გზაზედა, გავა დიდი სიფრთხილითა, კედელ-კედელა, გაინაბება, მიაყურადებს, იქნება ასე, რო კარგად დარნმუნდეს, დაიბეჯითოს და კიდევაც დაიბეჯითებს: ღრმა ძილს მისცემია სოფელი, ყველაფერი მისცემია ძილსა, სწორედ ის დროა, ერთი პირი ძილი ნყალმაც იცისო, რო იტყვიან, ფოთოლიც გაყუმულა, გამტკნარებულა. სწორედ ის დროაო და სტუმარიც მისცემია ძილსა, განიავებულა ოთახი, გაბერტყილა ორპირ ქარზედა, შვება მოჰგვრია, ჩაპირქვავებია ღრმა ძილსა. ვერ დაიჯერებდა შალვა ხეთერელი, ალბათ მელოდება გატვრენილიო, ჰო ალბათ მელოდებაო და მიუვა, თითქოს ჩასჩურჩულებს ანუ მოახსენებს, ყველაფერი რიგზეა, ირგვლივ სინყნარე სუფევსო. შენც არ მომიკვდე ვერაფერს გაიგებს სტუმარი, ჩურჩული რა არის, ვერ გამოერკვევოდა, თოფიც

რო დაეცალათ ყურთანა. ერთი პირი ძილი წყალ-
მაც იცისო, სანყალს, ამასაც თუ მოერია ერთი პი-
რი ძილიო, მაგრამ ამას არა მართებდა ძილი, ახლა
არა მართებდა, სწორედ ახლა უნდა ეფხიზლა.
იფიქრა შევანჯღრევო. გადაიფიქრა. ისევ ფანჯარა
მიკეტა. მიკეტა კარიცა, ისევ დააღვივა პაპიროსი,
ისევ გაგუდა იქაურობა, უარესად გაგუდა, თვითო-
ნაც შეუგუბდა სული.

მამალმაც იყივლა. პირველად იყივლა, აჰაა, შე-
იშმუშნება სოფელიო, პირველი ყიული იმდენი არა-
ფერი, მესამე ყიულამდის კიდევ დრო იყო, გაგუდუ-
ლიყო პატარა ოთახი, ან დაიხრჩობოდა მანამდისა,
ან გამოუტყდებოდა, კიდევ დრო იყო... კიდევაც ნა-
მოიკნავლა, არ შეიძლება ფანჯარა გავალოთო. არ
შეიძლებაო, მიუგო შალვა ხეთერელმა, გაბუსხული-
ვით მიუგო. რატომო, ძლივძლივობისლა აღმოთქვა
სულშეგუბებულმა სტუმარმა.

– ბოლოსდაბოლოს, მეტყვით თუ არა...

– ბატონო?!

– მეტყვით თუ არა?!

– რა უნდა გითხრათ?!

– რა დაგაბარათ ჩემთან, საკუთრად ჩემთან რა
დაგაბარათ გიორგი ყანჩაველმა?!

– საკუთრად თქვენთან?!

– არაფერი?!

– არაფერი... თუ გამახსენდება, ბატონი გიორგი,
ვგონებ, ასე ბრძანებდა...

– დია!

– თუ კარგად მახსოვს...

– ჰო, ჰო!

– დაარბიეს ხეთერელთა დიდი გვარიო, ორიოდემ უცხოეთში გაასწრო, იქ მხოლოდ ელიზბარი დაგხედებაო. იმისი უფროსი ძმაც უნდა გადარჩენილიყოსო...

– ჰო, ჰო, ჰო!

– მაგრამ ის აქ, სადღაც, თბილისში უნდა იყოსო...

– ჰოოოოოოოო... – გააგრძელა შალვამა და პაპიროსი მოსრისა საფერფლებზედა. ადგა, ფანჯარა გამოალო, იქვე შეჩერდა გაღებულ ფანჯარასთანა. აშრიალებულიყო ცაცხვის ფოთოლი, ისევე შესშრიალებდა თუ შესჩურჩულებდა ძველ სამოახლოსა, ნინათ ამას არ ესმოდა ეს შრიალი, ამისი ოთახი იქით იყო, იქითა, აქედან შორსა, იქ ფართო აივანი გადაშლილიყო, აივანს ვაზი ასდევნებოდა, ასე არა შრიალებდა ვაზის ფოთოლი, ეს სამოახლოს შრიალი გახლდათ. აღარც ის ახსოვს თუ როგორა შრიალებდა ვაზის ფოთოლი, დიდიხნით მოშორდა აქაობასა, რუსეთს აღიზარდა, რუსთა სამხედრო სკოლებში, რუსთა არმიისთვისა, აღიზარდა და იბრძოდა, ყურში უნოდა ტყვიები, გუგუნნი, ქუხილი უდგა ყურშია. რაც უნდა იყოს მიმხვდარიყო: ელიზბარის ძმა აქ სადღაც არისო, აქვე მოვძებნითო, შენ მხოლოდ ელიზბართან გექნება საქმე, ესეც იქ ჩამოვა განსაკუთრებული დავალებითაო, რა თქმა უნდა, განსაკუთრებული დავალებითაო, სხვაგვარად არ დაუშვებდა სიამაყე ხეთერელებისა, – განსაკუთრებული დავალებითაო, ანუ სარდლად შიდაქართლისა: თქვენ მანამდის გააფრთხილეთ შეთქმულნიო, დაიბარეთ ტყედგასულნიო, ერთისიტყვიტ მოემზადენით ამის ჩამოსასვლელადაო. ეს უკვე აქ გახლავთ, რალა ბედენაა დავალება გიორგი ყანჩაველისა თუ

ვილაც სხვისა თუ სხვებისა, ვინც ამოჰფარებია თუ ამოჰფარებიან გამოჩენილი კომპოზიტორის სახელსა, რა ბედენაა, რა დაცდა უნდა? ეს უკვე აქ გახლავთ და უკვე იცის, ელიზბარი წინააღმდეგია, ჰმ, წინააღმდეგია, – ელიზბარმა წამლები მოამზადოს, ბევრი მალამო მოამზადოს, განაფოს მონყალების დები, სხვა დანარჩენი ამისი განსარიგებელია. აღარ ახსოვდა, თუ ვით შრიალებდა ფოთოლი ვაზისა, არ იცოდა შრიალი ცაცხვის ფოთოლთა, არ იცოდა, არც მოესმოდა, ტყვიები უზუზუნებდა ყურში, ქუხილი უდგა, აეტანა მძვინვარებასა. ჰო, ის უკვე აქ გახლდათ, მაგრამ ჯერ მაინც გარეშე პირი იყო, ჯერ არავინ დაემორჩილებოდა, მაინც უნდა მოესინჯა. და შემობრუნდა:

– მე აქ გახლავართ, მომახსენეთ ყველაფერი! – შემობრუნდა და ბრძანა სარდალმა, ჭეშმარიტმა მხედართმთავარმა, აფსუს, რო მხოლოდ ზურგზე დასცემოდა ოდნავი ნათელი მკრთალი მთვარისა, აფსუს, ვეება შუქურებით რო არ განათებულყო ან არ იდგა დიდების დარბაზში უფლისციხისა, დიდების კვარცხლბეკზე, როცა მზე შუადღისა გაპირდაპირებოდა ზესარკმელსა, გაპირდაპირებოდა და იმსხვრეოდა, იღვრებოდა, იფრქვეოდა, რათა უფრო მეტი ბრწყინვალეობით გამოეჩინა ფიცის მიცემა, გამარჯვებული დაგიბრუნდებითო ან მოხსენება, გავიმარჯვეო, მტერი ქედს იხრის თქვენს წინაშეო; გადაშუქებულიყო ტახტი უხუცესთა, სახე უხუცესთა, დაბორკილიყო მტერი ან და მარადისო, ან და მარადისაო, აფსუს, აქ მხოლოდ გამოუძინებელი ახალგაზრდა მუსიკოსი მიწოლილიყო, ბნელ კუთხეში მიწოლილიყო, ძილი თავისკენ ეწეოდა, შალვა ხეთერელი

თავისკენა, აღარ გაეგებოდა, რომელს დანებებოდა ან რომელი დაიმორჩილებდა.

– უკვე მოგახსენეთ... – ამოილულლულა და გადაბრუნდა კედლისკენა.

– ელიზბარს მოახსენეთ...

– დიახ, სულერთია, ბატონი გიორგი ყველას იგივესა სთხოვს, დაეხმარეთო. – საბნის ყური მოაფათურა, მოიხვია თავზედა, ლამის შეხუთულიყო თუ შეგუბებოდა სული, მაინც წამოიკეცა, ისე საშინლად მოსჩვენებოდა სახეი, რომელიც მკაფიოდ არცა სჩანდა, მხოლოდ ზურგიდან რო წამოჰყვნოდა მკრთალი ნათელი.

– ბრმად არავის ვეხმარები.

მკვეთრად მოესმა ნახურულ საბანშიცა, გადაიგდო საბანი.

– ბრმად რატომაო...

– რახან ჩავერევი, ჩემს ხელთ უნდა იყოს ყველაფერი.

– არ ვიცი, რა მოგახსენოთ...

– ჩემს ხელთ უნდა იყოს სტრატეგიული გეგმა, რუკა და შიფრის გასაღები, რაზმების განლაგება, ლაშქარის რაოდენობა, იარაღის სანყოფები, მომარაგების გზები და საშუალებანი, უშუალო ურთიერთობა უნდა მქონდეს მთავარ შტაბთანა, რწმუნება უნდა მქონდეს სრული თავისუფლებისა. ასეთია ჩემი პირობა, თუ თქვენ სხვა წინადადებანი გაქვთ, მოლაპარაკება უაზროა.

სტუმარი წამოჯდა, არაფერი გაეგებოდა, სიბნელეც ხელს უწყობდა იმის გაუგებრობასა, თვალებს ახამხამებდა უაზროდა, ამაოდ ცდილობდა, რაიმე დაენახა, ნათქვამიდან რო ვერაფერი გამოერკვია,

ეგება სახეზე ამოვიკითხოო, ამოდა ცდილობდა, ლამობდა ამოდა. მთვარის შუქი ისევ მკრთალად ჩამოშვებულიყო ფანჯარაშია, ჩამოშვებულიყო ირიბადა სჭრიდა შალვა ხეთერელის ზურგსა, კეფასაც გადასდევდა, ჰკვეთავდა კუნჭულსა პატარა ოთახისა, შუამდის სვეტად ასდევდა კედელსა; იმ სვეტში მაინც მოქცეულიყო, სახე ფანჯრისთვის მიეშვირა, ჰო მიეშვირა, გაპირდაპირებოდა, რა ვუყოთ, თუ მკრთალი გახლდათ ნათელი, სახე მაინც გამოირჩეოდა, აღავსებდა ნათქვამსა, როგორმე ოდნავ მიახვედრებდა; ამოდა ცდილობდა, ამოდ ინატრებდა, ადგილიდან არ იძვროდა შალვა ხეთერელი, იდგა გაჭიმული, მხედარს რო შეჰფერის გადამწყვეტ წუთებში, – მაშ რაო, მიიღებთ ჩემს წინადადებასა, სხვაგვარად მოლაპარაკება უაზროა.

– მართალი ბრძანებაა, მოლაპარაკება უაზროა, – ასეც მიატანა სტუმარმა, ეტყობა მოენონა ნათქვამი, მიატანა ხალისიანადა, ოდნავადაც ჩაიცინა, მკვირცხლად წამოიკეცა საბანი და მიექცა ბალიშსა. გამოუძინრობის ბრალი თუ იყო ან მიუხვედრელობისა, თორემ ცოტა უფრო იფრთხილებდა. იმისი ბრალიც იქნებოდა, აქამდის რო არ ემოგზაურა. ბევრი სხვა რამის ბრალიც იქნებოდა, ვთქვათ, იმისა, რო ვისაც იცნობდა, თუ ვისთანაც ესაქმებოდა, ერთმანეთსა ჰგავდნენ ან თავგამოდებიტა ჰბაძავდნენ ერთმანეთსა, ან ამას ეგონა ერთნაირნი არიანო, იშვიათად გადაჰყროდა სხვატა და სხვატა, ეგრერიგად ვერ ერკვეოდა, რა ზნისანი, რა ხასიათისანი იყვნენ ადამიანები, – უამრავ ზნისანი, უამრავ ხასიათისანი. სიბნელესაც თუ დავაბრალებთ, კიდევაც საკვირველია, უფრო სახიფათო რად არ წამოსცდა. თუმცა

ესეც საკმარისი გახლდათ, მიეჭრა შალვა ჯიქურა-
და, საბანი გადაადრო, მკლავში ჩაავლო ხელი და ნა-
მოაგდო.

– მაშ რად დაიწყეთ მოლაპარაკება?!

– რა გნებავთ ჩემგან?! – შესძახა სტუმარმა ცო-
ტა შიშითა, ცოტა განწირულივითა, ცოტა იმ იმედით-
თა, ვინმე გაიგონებს, მომხედავენო.

– მაშ რად დაიწყეთ მოლაპარაკებამეთქი.

– არაფერი მესმის.

– გვიანლა არის უკანდახევა, ყველაფერი თქვით,
ჩემს გამოსანვევადა და შესამზადებლად თქვით,
აჰა, მე მზადა ვარ, დააბოლავეთ, თქვით დანარჩენი-
ცა, ქარაგმების თავი არა მაქვს, ჩემთვის ყველაფერი
ნათელი უნდა იყოს.

– ნათელიც არის, ბატონი გიორგი...

– დიახ, დიახ, რაო ბატონი გიორგი?!

– სთხოვს ყველასა, ყველასა, ვისაც შეუძლია, ვი-
საც დრო არ დაეშურება, მირჩიოს, მიმასწავლოს თუ
როგორ მივიკვლიო მუსიკალური საზოგადოებისათ-
ვის ჯერ კიდევ უცნობი ხალხური სიმღერები.

– რომელი სიმღერები?!

– ხალხური სიმღერები.

– რას ნიშნავს ხალხური სიმღერები?!

– სიმღერებს, ხალხში რო შექმნილა, დახვეწილა
საუკუნეების განმავლობაში, თაობიდან თაობას
გადმოსცემია, წამოუღია წინაპართა კენესა თუ სი-
ხარული, დამაფიქვრელად, გულსჩამწვდომად გად-
მოუტანია. ხალხური სიმღერები რამდენიმე ჯგუ-
ფად დაიყოფა. ერთი მაგალითად...

– ლაწირაკო, – შესძახა შალვა ხეთერელმა და
ძალდაძალ შეანჯღრია სტუმარი, – კონსერვატორი-

ის სტუდენტი გგონივარ თუ აბუჩად მიგდებ?! როგორ მიბედავ!..

მოიბუზა სტუმარი, ჯერ გაინია ეგებ ნაუვიდეო, მიხვდა, ვერსაით გაუსხლტებოდა მარწუხივით შემოჭდობილ თითებსა, მერელა მოიბუზა.

– აკი მკითხეთ?! – თქვა ეგრე მობუზულმა, – განა თქვა, – ნამოიქრიტინა.

– რა გკითხე?!

– რასა ნიშნავს ხალხური სიმღერებო.

– ჰოდა რასა ნიშნავს?..

რაოდენ მიუხვედრელიც უნდა ყოფილიყო, იგივეს მაინც ველარ გაიმეორებდა, ვერც სხვას იტყოდა, – რას იტყოდა, სხვა რა უნდა ეთქვა?! უცნაურ ყოფაში მოხვედრილიყო, რა ელონა, აღარ იცოდა, შიშობდა, კიდევ არ შემანჯღრიოსო, შიშობდა ველარ გაუძლებდა, შეჰყვირებდა, მომეშველეთო. ეგება სჯობდა, ახლავე ეხმო მშველელისთვისა, ეგება აქამდისაც უნდა ეხმო, ეხმო მაშინვე, რო იგრძნო, ვიხრჩობი თამბაქოს ბოლშიო. მაგრამ ის რაც იყო, იყო, ახლა მაინც ნულარ დაიგვიანებდა... მარწუხი ეშვებოდა, ნელ-ნელა ეშვებოდა, უცებ მოეხსნა. გაბრუნდა მრისხანე ლანდი, ფანჯარას გადაადგა, მაშინ სახეზე დაეცა მკრთალი ნათელი, სახე იქითკენ მიქცეულიყო, ეს მაინც ვერ დაინახავდა. მშველელი მიავიწყდა, ოლონდ ყოფილიყო ეგრე მდუმარედა თუ ეთქვა რაიმე, თავისთვის ეთქვა, ანთუ მდუმარება აჯობებდა, რა თქმა უნდა, ძილი მით უკეთესი, ძილი ღრმა, გადაკარგული ამა ქვეყნიდანა, მაგრამ ვინ დააცადა, – რას ნიშნავს ხალხური სიმღერებო, ჩასციებია და ეს ვერას მიუგებს, ტვინიც რო გადაიბრუნოს, ვერაფერს ეტყვის, რაც იცის, იმაზე მეტსა, ვერა ვერაფერსა.

– იცით, რა?! – შესძახა უცებ აღმოჩენის სიხარულითა, – შევეუთვლი ბატონ გიორგისა, შევეკითხები, შესაძლოა სხვაგვარი განმარტებებიც იყოს...

თავი მოიბრუნა შალვა ხეთერელმა, ისე მოიბრუნა, ცალ მხარეს დაეცა შუქი მთვარისა. ისურვებდა და იხილა სტუმარმა, იხილა მრისხანე სახეი, ოღონდ ეს ისეთი მრისხანება გახლდათ, ვერაფერი რო ვერ ენამებინა:

– ეს უფრო გონივრული წინადადებაა, – გამოისროლა ნახევრად გაშუქებულმა სახემმა, მკრთალი მთვარით გაშუქებულმა, – თანახმა ვარ, შეატყობინეთ. მანამდის ჩვენ შეგვიძლიან განვაგრძოთ საუბარი, ოღონდ ასე აბდაუბდა აღარა, ნათლად ვილაპარაკოთ, რა განგიზრახავთ, რას აპირებთ, როდის დაინწყებთ?

სახე წინ წამოვიდა, გამოსცდა მკრთალ ნათელსა, მთვარის ნათელსა, აქეთ სხვა ნათელი აღარ იყო, სიბნელე გახლდათ, სიბნელე და შეფიქრიანებული მგზავრი, ახალგაზრდა მუსიკოსი, შეფიქრიანებული და შენუხებული, ნეტავი როგორღა ნათლად ლაპარაკს მოითხოვსო, ან რა დროს ლაპარაკია, ან აქამდის რად არ გამომეხმაურა თუ ასეთი მხურვალე მომხრეა ჩემი, ან რა აბრაზებს, ვინ ეუბნება უარსო. ჩაფიქრებაც რო არ შეიძლებოდა, – როდის დაინწყებთო: მოდიოდა სახე, ბნელში მოინევდა, მკვეთრი ლანდი მოაპობდა მღვრიე სიბნელესა.

– ხვალვე, – შეაგება მოჩქარებითა, ეგება შევაჩერო მკვეთრი ლანდიო. მართლაც შეაჩერა და მოჩქარებითვე მიაყარა, აღარ დაიძრასო, – განზრახული მაქვს ორგვარი მეთოდი მუშაობისა, ბა-

ტონ გიორგის ეს მოეხსენება, მოსწონს, თანახმაა: ესე იგი ორგვარი მეთოდი. რა მეთოდებია ეს მეთოდები: ადგილობრივ და გამონვევით. ადგილობრივ, ნიშნავს, მე თვითონ ჩამოვივლი ან ჩვენ თვითონ ჩამოვივლით, კალოები იქნება, თუ სხვა რამ საქმიანობა იქნება, დღეობები იქნება თუ სხვა რამ გართობანი, ან დატირება, ესეც შეიძლება, რა თქმა უნდა, ერთი სიტყვით, ჩამოვივლით და, რასაც გადავეყრებით, ჩავინერთ, იქვე ჩავინერთ, ბუნებრივად, ბუნებრივ პირობებში. ჩამწერი საუცხოვო მაქვს, თუ არა და, ნოტებზე გადავიღებ. შემდეგი ანუ გამონვევით, ნიშნავს, მოვიხმობთ შერჩეულს მომღერლებსა, რომლებიც ჩვენის თხოვნით, ჩვენის შეკვეთით შეასრულებენ რაც იციან. ორივე ამ მეთოდს თავისებური ნაკლიცა აქვს, თავისებური ღირსებაცა. ორივეს ნაკლსაც მოგახსენებთ, ორივეს ღირსებასაცა, ოღონდ აქედანვე იცოდეთ, თანახმა ვარ მივიღო ყველა სხვა მეთოდი, ყველა სხვა რჩევა, ოღონდ არ გამოგვრჩეს არცერთი ნიუანსი, მცირედი ნიუანსიც არა. ახლა რაც შეეხება ნაკლსა და ღირსებას, ორივესი ცალ-ცალკე...

ისევ წამოვიდა მკვეთრი ლანდი. მკაცრი სახება, განა წამოვიდა – დაეშვა, დაქანდა ნაჯახივითა, დაეცემა და შუა გადააპობსო, ათად მოიკუნტა სტუმარი მოიგრიხა, დაეხვა, მაინც არაფერი ეშველებოდა, განწირულიყო. მაგრამ შეჩერდა ნაჯახი, ფხა შეახო და შეჩერდა:

- გაგაფრთხილე თუ არა?!
- გამაფრთხილე... – ნაინკმუტუნა.
- მაშ რაღას მიედმოედები?!

– რაცა მკითხეთ... – სცადა თავი წამოენია, მკითხე და გიხსნიდი დაწვრილებითაო.

– გიბრძანეთ, ნათლად ილაპარაკემეთქი, – შეს-
დახა ჩვეული მრისხანებითა, ილაპარაკებთ თუ არა
გარკვევითა?! იტყვით თუ არა, იტყვით თუ არა?! –
კიდევ რამდენჯერმე გაიმეორა და იყვირა ისე, ზრი-
ალი დაინყო ძველმა სამოახლომა.

ვინ იცის, რა მომხდარიყო, ელიზბარი რო არ მიშ-
ველებოდა, – ჯერ ხმა მიაწვდინა, მერე თან მიჰყვა
ხმასა, რა ამბავია, რა დაგმართნიათო.

– უნდა მითხრათ, – შეჰყვირა ძმამა, – მე არ შე-
მიძლიან ავიტანო იდუმალებით მოსილი სიტყვები
და გადაკრული ლაპარაკი, მე უნდა ვიცოდე ყველა-
ფერი, მე უნდა მემორჩილებოდეთ, თუ არა და, უარს
ვაცხადებ და ვნახოთ ერთი, სხვას ვის იპოვნით ჩემ-
ზე გამოცდილსა, ჩემზე ერთგულსა, ჩემზე თავდა-
დებულსა!..

– ბოდავ, – მწვავედ ამოიდახა ელიზბარმა, – ასე
იცის ცუდმა სიზმრებმა.

– ნუთითაც არ წამძინებია...

– მით უარესი, უფრო მწარე ბოდვანი იცის უძი-
ლობამა... დაიძინე!

– არ დავიძინებ, უნდა ვიცოდე!

– დაიძინე, შე საცოდავო... – წყნარად წარმოს-
თქვა ელიზბარმა, წყნარადა, ოლონდ საოცარი გუ-
ლისტკივილითა, თან მოაყოლა სიბრალულიცა, უსა-
სოობაცა, უიმედობაცა, თან მოაყოლა უსათუთესი
განცდა უბედურობით შეძრწუნებულისა, რომელს
არ ძალუძს, თანაუგრძნოს, ხელი წაახმაროს, თვით
შებორკილა და გათანგულა, მიუტოვებია ღმერთსა
თუ სიკეთესა, გამრიგესა სოფლისა, ველარაფერი რო

ველარ განურიგებია, გასცლია, გამდგარა, მიუტოვე-
ბია; წყნარად წარმოთქვა წყნარადა, ოღონდ შთამა-
გონებლადა, ეს გამოცდილი ექიმის ზემოქმედებაც
იყო, ზემოქმედებაცა ძმობისა, იმ გაუგებრობისაცა,
აქამდის რო ვერ გაერკვია და ვერც გაარკვევდა
შალვა ხეთერელი.

V

კრინტი აღარ დაუძრავს შალვა ხეთერელსა, ისე
დაილია ღამე, დღეც გაჰლია უბრადა, უხმოდა, ნა-
წილიც არ ჩაუდვია პირში, არც საუზმეს გაჰკარე-
ბია, არცა სადილსა. არც გარეთ გასულა, არც წამო-
უნწევია სანოლიდანა, წამხობილიყო, წაპირქვავებუ-
ლიყო, არ უნდა არავის დანახვაი, არც ხმის გაგონე-
ბა არავისი. არც არავინ ეპასუხებოდა, სტუმარი
ვერც გაჰბედავდა, არც რძალი ეპასუხებოდა, ძმა
მაინც დაეხმაურებოდა, რა თქმა უნდა, მაგრამ არ
მოეცლიათ, არ გაეჩერებინათ შინა, დილიდანვე გა-
ეყვანათ, დილიდანვე დაატარებდნენ აღმა-დაღმა,
გაღმა-გამოღმა, შორსა თუ ახლოსა, დაატარებ-
დნენ ავადმყოფებთანა თუ დაჭრილ-დაჩეხილებთა-
ნა, მშობიარეებთანა თუ ბნედიანებთანა, უეცრად
გულშემოყრილებთანა თუ საიქიოდ გადადებულე-
ბთანა; ერთს რო უვლიდა, მეორე დასდგომოდა თავ-
სა, არიქა, ჩემთან წამოდიო, დაუზარელი იყო და
დაატარებდნენ, მუქთი იყო და ეტანებოდნენ, ან ვინ
არ მიეტანებოდა, ვინ მოასვენებდა მუქთასა, დაუ-
ზარელსა? – არც არავინა, მილიციაც იმას იხმო-
და, პატიმარს მივაცილებდით გორსა, გაგვექცა და

ვესროლეთო. დაჰხედავდა, დაიხრებოდა, გისვრია-
 თო. დაუდასტურებდა. შემოგვაკვდა, აღარაფერი
 ეშველებო. შემოგკვდომიათო, აღარაფერი აღარ
 ეშველებო, დაეთანხმებოდა. ახირება არცა სჩვეო-
 და, იყო მუყაითი, საქმის ერთგული, მორჩილი ყვე-
 ლასი, დიდისაცა, პატარასიცა, სხვადასხვა მოვლი-
 ნებულისა თუ უფროსისაცა, ამპარტავენებისაცა და
 თავმდაბლებისაცა, გულუმტკიცებისაცა და
 გულჩვილებისაცა, ყველასი, ყველასი, ყველა საშ-
 ველად უხმობდა, ასდევდა ყველასა; შინაურების-
 თვის ვერ მოეცალა, ვერ დახმარებოდა ძმასა. ერ-
 თხანს თითქოს შვება მიეცა, ეს მაშინა, ხართაშობი-
 სას რო დაეშვა მზეი, კიდევაც გაეშურა შინისკენა,
 მაგრამ გადაუდგნენ პატარამეჯვრისხეველები, ჩი-
 კოიძეებისათვის უსვრიათო, ორლობეში დაცემუ-
 ლან დიმიტრი და ლადოო, მიჰხედუ თუ კაცი ხარო.
 კაცობის შეხსენება არც უნდოდა, სიტყვის მასალა
 იყო, არც უნდოდა, ხვენნა თუ მუდარა, ან შეხსენე-
 ბა სიბრალულისა, სხვებს უნდოდათ, დაკარგული-
 ყო, სიბრალული, სიკეთე დაკარგულიყო, გაავებუ-
 ლიყო დიდი ნაწილი იმა მხარეში, მაგრამ იმათ ვე-
 რავინ მოაგონებდა სიკეთესა თუ სიბრალულსა,
 მხოლოდ ამას მოაგონებდნენ, მოაგონებდნენ, ვინც
 ვერასოდეს დაივიწყებდა.

ასე მიტოვებულიყო შალვა ხეთერელი უძმოდ
 და უმეგობროდა, მიტოვებულიყო გაფიცებული
 ფიქრებისა და ანთებული წარმოსახვის ანაბრად.
 სიბრაზით აღარაფერი აბრაზებდა, კიდევაც მოს-
 ნონდა ეს უმტკიცესი ვაჟკაცები, რო არ გაუმხილეს,
 არ გამოუტყდნენ, დააბნიეს, აუხვიეს თვალი. არა,
 ამას თვალი არ აჰხვევია, უფრო ცხოველად წარმო-

იდგინა, მაგრამ სულერთია, იმათ დაეფარათ, რადგან რწმუნება რო არა ჰქონდათ, გამოსტყდომოდნენ. ალბათ თვით გიორგი ყანჩაველი გამოუტყდება, ასეც უთქვამს, აქ არისო, – თბილისშიაო, გასაგებია, რახან აქ არის, მევე მოველაპარაკები, შენ იქ შენს საქმეს მიჰხედო, გასაგებია ყველაფერი, ნათელია, ნათელზე ნათელი; გიორგი ყანჩაველი შალვას დაეძებს, ხოლო ეს აქ არის, ხევთისშია, აქ არის და გულს ასკდება, რად არ მეტყვიანო, – ვინ ეტყვის გიორგი ყანჩაველზე უკეთესადა? ვერც ვერავინ ეტყვის, არც არავინ ეტყვის, უნდა მიაშუროს თბილისსა, უნდა შეხვდეს... და ხართაშობისას, ელიზბარი ორლობეში ჩიკოიძეების გვამებს რო დასცქეროდა, შალვამ ლაგამი ამოსდო თავიანთეულ ცხენსა თავიანთეულ ბაღში, ზედ მოევლო და გაჰქუსლა გორისკენა, საღამოს მატარებელს მივუსწრებო.

ვერ მიუსწრო, არ ეწერა... ელიზბარიც ვერ დაბრუნდა შუალამემდისა, ასე ეწერა.

ვერც ნიკუშა ასცდენოდა თავის წერასა, იდგა და ელოდა, იჯდა და ელოდა, იწვა და ელოდა ელიზბარ ხეთერელსა, ფეხი ვერ გაედგა უმიმისოდა, ვერ გამოეცადა დათქმული „მეთოდები“, ვერც ვერავისთან მისულიყო, ვერც ვერავინ მოეწვია; არც მოუხერხდებოდა, არც თავი ჰქონდა, მძიმე ღამე გადაეტანა, ძილი გასტეხოდა, აზრიც დაჰბნეოდა ძილგატეხილსა. გზა არა ჰქონდა ლოდინის იქითა, გზა არა ჰქონდა და ელოდა. ისიც აშინებდა სადაც ელოდა, აშინებდა პატარა ოთახი, სასტუმრო ოთახი, რომლის ერთადერთ ფანჯარას შეჰბუტბუტებდა რტოები ცაცხვისა, შეჰბუტბუტებდა წუხანდელზედ მეტი იდუმალებითა. რტოები როდი აშინებდა, არცა იდუმალება,

ვერც ჩასწვდებოდა იდუმალებას ფოთოლთა შრიალისა, მხოლოდ ის აფიქრებდა, კიდეც არ ამოცურებულყო მკაცრი სახება, მკრთალად გადაშუქებული, ნახევრად გადაშუქებული მთვარის ნათელითა. ამოდ შეფიქრიანებულყო, არც ეს ენერა, სხვა რამ ენერა, სხვა რამ უნდა გადახდომოდა, არ იცოდა, ვერც მიხვდებოდა, ოლონდ მიხვედრაც აღარ უნდოდა: კარს მოსდგომოდა ანთებული სანთელი. კარი გაიღო, იქვე აქანავდა მკრთალი შუქი. ფანჯარაშიც მკრთალი შუქი ჩამომდგარიყო, ურხევი, შეუქანებელი. ეს სხვა გახლდათ, ეს ცახცახებდა, ქანაობდა, გადანყდებოდა და ნამოვარდებოდა, მომეტებულად ნამოვარდებოდა, წინ მოინევდა, მოვიდა სულ ახლოსა, სანოლთან დადგა. კვლავაცა ცახცახებდა, კვლავაცა ქანაობდა, ოლონდ არ აპირებდა დაძრულიყო იქიდანა; დასცახცახებდა მკლავსა, ზეანეულ მკლავსა, მოხდენილსა, მომხიბლავსა ისედაცა, მითუმეტეს სანთლის შუქქვეშა; დასცახცახებდა ჩამოშლილ გრძელ თმასა, შუაზედ რომ გადაყოფილიყო, ნანილი მხრებზე გადაჰფენოდა, ნანილი ჩამოტოტილიყო მკერდზედა, ჩამოტოტილიყო, ჩამოტალღულიყო, თეთრი ემოსა, თეთრზე ეფინა, თეთრზე ჩამოტალღულიყო.

გამოცხადება თუ იყო, ნეტავი სხვა რა იქნებოდა, – ლოცვად უნდა დამდგარიყო, შევედრებოდა, ეს ქვეყანა შენი ხვედრია, შენი ვართ, შენი, მეც მომხედე, მეც წარმმართე გზასა კეთილსაო. ნამოინია.

– იწექით, – სთქვა ქალმა, უბრალოდა სთქვა, ვითომდა აქ არაფერიას, სკამი მიიდგა სანოლთანა, ძირს დადგა შანდალი. – თუ გეძინებათ, არ შეგანუხებთ, გავებრუნდები.

– არა... რასა ბრძანებთ!

– ინექით, ინექით! ნუ შენუხდებით, თორემ გავბრუნდები... – ქალი წამოდგა, შანდალს დაეწოდა, შეასრულებდა დანამუქრსა.

– არა, არა, არა... როგორც გენებოთ... – დამორჩილდა სტუმარი, თან ფანჯრისკენაც გააპარა თვალი, იქიდანაც მოჩვენება ჰო არ გადმოდისო.

არა, იქ ისევ შრიალებდა ფოთოლი ცაცხვისა, იდგა მკრთალი სვეტი ფანჯრის რაფაზე, ირიბად იდგა.

აქ იჯდა ქალი, თმა ჩაჰლვროდა კალთაში, ღვარს იგროვებდა მუჭში, იგროვებდა და ვერც იგროვებდა. ცახცახებდა სანთელი, აცახცახებდა ქალის ლანდს, ყველაფერს აცახცახებდა პატარა ოთახში. გარეთ ფოთოლიცა ცახცახებდა, შუქი არა, შუქი მთვარისა, იდგა, ჩასვეტილიყო ირიბადა, დადარაჯებულიყო, თითქოს იმიტომ დადარაჯებულიყო, მკაცრი სახება თუ შემოიჭრებოდა, გადაეყო შუაზედა. აქ იჯდა ქალი, ლამაზი ქალი, შეჭფრფინვოდა სანთელი, შესცახცახებდა.

– გეტყობათ, შენუხდით, – თანაგრძნობით წარმოსთქვა ქალმა, – ჩამოხვედით დიდი იმედებითა, არ დაგხვდათ ნიადაგი შესაფერისი თქვენი იმედებისა.

– არა, რატომ?! ვიმედოვნებ... – კიდევ რალაც უნდა მოედევნებინა, მაგრამ აქ კიდევ წამოიწია, თან შეკრთა, საბანი არ გადამეჩეროს, არაფერი არ გამომიჩნდესო, – თუ ნებას მომცემთ, საშუალება თუ მექნება, წამოვდგები.

– ინექით-მეთქი. – და ქალმა სანთლისკენ წაიღო თვალი, ავიღებ და გავალო.

– არა! ნუ! – საჩქაროდ მიატანა სტუმარმა, – უხერხულია, თითქოს ავად ვიყვე...

– არც გასაკვირია, – არ ეურჩა ქალი, ოღონდ იქვე დასძინა, – თქვენ არა, ჩვენა ვართ ავადა, მე ვარ ავადა, სიმარტოვე და სულის ობლობა ყოვლად საშინელი ავადმყოფობაა; ჩემი მეუღლე ბრძანდება ავადა, ქედის მოხრა და დამორჩილება შემადრწუნებელი სიმდაბლეთა, ავადმყოფობაზე ავადმყოფობაა, დაცემულობაა სულისა.

– არა, რატომ?!

– რატომ არა?! – შეუბრუნა ქალმა, მწყრალად შეუბრუნა, ეჭვმაც გაუბზარა ისედაც სევდანარევი ხმაი.

– მართალსა ბრძანებთ, რა თქმა უნდა, – აღელდა სტუმარი, რად ვეურჩეო. – ოღონდ მე მინდოდა მეთქვა...

– მე ვამბობ, – მოუჭრა ქალმა, – და რასაც მე ვამბობ, ჭეშმარიტებაა; მე ქვეყნის ამბებს არ მოგახსენებთ, ჩემსას გეუბნებით, გეუბნებით ჩემი ქმრისასა და ეს ყველაზე უკეთ მე მომეხსენება, და რაც ყველაზე უკეთ მომეხსენება ჭეშმარიტებისა ან მგვანია ჭეშმარიტებისა.

– გეთანხმებით... – მხურვალედ შეეპასუხა სტუმარი, თითქოს ურჩობა უნდა გამოისყიდოსო, თუმცა არცთუ გაბედული გახლდათ ეს მხურვალეობაი, ისეთ ყოფაში იყო, უხერხული გამოსდიოდა ყველაფერი.

– მე ვამბობ, – თითქოს შეუნყრა ქალი, ნუ მეპასუხებით, – „მძიმე არის მარტოობა სულისა...“ ვიმეორებ, რა თქმა უნდა, მაგრამ ვიმეორებ, როგორც განცდას ჩემსასა, საკუთარსა, შეუცილებელსა. ადრე ვიმეორებდი ისე, როგორც ლამაზ, პოეტურ სტრიქონსა, ახლა ვიცი თუ რა არის მარტოობა სულისა; კარგია, რო გავიგე, ჩავენდი აზრსა, ჩავენდი

შთაგონებას პოეტისა, მაგრამ ნეტავი არ გამეგო, ნეტავი კვლავაც აღტაცებით წამომეძახნა, „ო, როგორ მომწონს, მშვენიერია!“ წამომეძახნა და მიმენაბა თვალები, როგორც გვჩვეოდა, უფრო თავს ვინონებდით, ვიდრე ლექსსა. – ქალი დადუმდა, მიილულა, თითქოს უნდა წარმოიდგინოს, როგორი ვიქნებოდი მაშინაო.

– არა, – ისევ აჩქარდა სტუმარი, – თქვენ ყოველთვის ჩასწვდებოდით, ყოველთვის განიცდიდით.

– ახლა განვიცდიმეთქი, – კიდევ არ დაანება ქალმა, – განვიცდი მომეტებულადა, რაც უფრო მორჩილდება ხალხი, რაც უფრო მდაბლდება, მით უფრო გაუგებარიცა ხდება ჩემთვის ის კაციცა, ვინც უნდა მანუგეშებდეს, მამხნევებდეს, მასულიერებდეს. ის თითქოს არც ამჩნევს თუ რა მემართება ან რა ხდება ირგვლივ ან თვითონვე რა დამართნია, თითქოს არც ამჩნევს თუ აინუნშიც არ აგდებს არაფერსა. ასე რო იყოს, უკეთესიც იქნება, აუხსნი, გააგებინებ, წააქეზებ, გაამხნევებ, აიყოლიებ, უკეთესი იქნება!.. მაგრამ ო, არა, ასე არ არის, იცის ყოველი, გაეგება ყოველი ნათლადა და დიდებულადა, გაეგება და წაულუნია თავი, მოდრეკილა აუტანელი სიმძიმის ქვეშა, გაგიკვირდება თუ როგორ იტანს!.. უარესიც აუტანიათო, ამასლა თუ იტყვის, იტყვის ისე, უგერგილოდა, ჩანთას წამოავლებს ხელსა და მირბის, შემოგვძახებენ თუ არა, ჰეჰეი, ექიმო, მოგვხედო. ეს არის და ესა, ექიმიანნი დაგვერქვა და ესაა ჩვენი სახელიცა, გვარიცა, აზრიცა ჩვენი ცხოვრებისა, აქ ვინყებით და აქა ვთავდებით. მხოლოდ ავადმყოფებს გავახსენდებით, ავადმყოფები შემოგვტირიან, გამორჩენილები დაგვლოცავენ,

ოლონდ იცი რა, ვინმე გალეშილი რო შემოგვეჭრეს და კისრისტეხით გაგვრეკოს აქედანაცა, მოსარჩლე მაინც არ გამოგვიჩნდება. ეგეც არას იტყვის, გავა უდრტვინველადა, მინდვრად გამართავს კარავსა, ან არც არას გამართავს, ხეს მოეფარება, ბუჩქს მოეფარება და დაელოდება, აცა, საიდან შემომძახებენ, ჰეჰეი, ექიმო, მოგვეშველეო. ვერ ამიხსნია, თუ რა დამართნია. ჩემს მაზლს თუ ჰკითხავ, მოგვიანებული ხალხოსნობააო. არა, არა მგონია იდეა თუ რწმენა აქ არაფერ შუაშია, ეს სისულელეა, სიბრიყვეა, სიჩერჩეტეა, სხვა რამ არ დაერქმის, არც შეიძლება, სხვა რამე იყოს.

ამოისუნთქა ქალმა, სული მოითქვა და დრო იხელთა სტუმარმა:

– არა მგონია... – ამოსთქვა სტუმარმა.

საცა ამოსთქვა, იქვე ჩაათქმევინა ქალმა, ლამაზმა ქალმა, განათებულმა სანთლის შუქითა:

– არც გეგონებათ, სწორადა მსჯელობს, სწორად განსაზღვრავს მოვლენებსა, კარგად ერკვევა ყოველ მდგომარეობაში, ურთულეს მდგომარეობაში, რად გეგონებათ?! კიდევაც გაგაოცებთ გონიერებითა, დინჯი, აუღელვებელი მსჯელობითა. მაგრამ მერეა ძნელი ასატანი, მერე, თითსაც რო არ გაანძრევს არავის სანინააღმდეგოდა, კრინტსაც რო არ დასძრავს. ყველაფერს რო შეეგუება, ბოროტებასაც შეეგუება, ვით გარდაუვალ ბედისწერასა. ეს უნდა იცოდეთ, ისე ძნელია იმასთან ლაპარაკი, ისე ადვილია დაგიყოლიოთ. ნუ დაჰყვებით, ნუ დაუჯერებთ, არ დასთმოთ თქვენი, თუ ვერ აიყოლიებთ, დაეხსენით, სხვაც ბევრი გამოგიჩნდებათ მხარისამბმელი. – ეს მღელვარედ გამოსთქვა ქალმა, სანთელიც ჰო ირ-

ხეოდა, ღელავდა, აღელვებდა იმის ლანდსა. ფოთო-ლიც აღელდა ფანჯარაშია, ცაცხვის ფოთოლი, ჩაიშ-რიალა და აქოთქოთდა.

– ბატონმა გიორგიმ... – განმარტება სცადა სტუ-მარმა.

– ბატონ გიორგის ეხსომება ისეთივე, როგორიც გახლდათ, რწმენით აღსავსე, გატაცებული ახალ-გაზრდა... ეს იყო, მორჩა, დრომ დააგლიჯა ფრთები, ფრთებდაგლეჯილი ბახალაა, ბახალა! – გაცხარდა ქალი, – ხალხი დაეცა, ხალხი დამორჩილდა და და-მორჩილდა ესეცა... დამორჩილდა!.. მე სულ სხვას ველოდი, მე სულ სხვას შევტრფოდი ამ ადამიანში...

– მე უნდა მეთქვა, – მიადევნა სტუმარმა, მია-დევნა, ცოტა არ იყოს, აჩქარებითა, ეუხერხულეზო-და, მასპინძლის კიცხვას რო ისმენდა, მერე როგორა: მიწოლილიყო და ისმენდა, დიასახლისი უჯდა სა-წოლთანა, სანთელი არხევდა დიასახლისსა, კალთა-ში ჩაღვრილ თმას აწვალებდა დიასახლისი. – სხვა-ნიც მიმასწავლა ბატონმა გიორგიმ...

– გამჭრიახია ბატონი გიორგი, თქვენც სხვებს მოუყარეთ თავი თუ კიდევ სადმე მოიძებნება მეზ-რძოლი ხალხი... ბრძენი... გონიერი... არც ასე აღ-გზნებული, ეს ჩემი მაზლი რო ბრძანდება, ბრძენი, ბრძენი!.. ნუ დაჰკარგავთ დროსა, ახლა წუთის და-კარგვაც არ შეიძლება, წუთს დაჰკარგავთ და დაი-კარგება ყველაფერი, სამუდამოდ დაიკარგება. – ქა-ლი გაშეშდა, თითქოს შესძრა ავმა წინასწარმეტყვე-ლებამაო. სტუმარს მოეჩვენა, ჩქამი გატყდაო, გაი-სუსა, გაეკრა ბალიშსა. ქალი პასუხს ელოდა, ვაჟი – ვიღაცასა, აი, ვიღაცა შემოაღებს კარსაო. სდუმდნენ და ელოდნენ. ცახცახებდა სანთელი, იწვოდა სანთე-

ლი. მატულობდა შუქი მთვარისა, ფანჯარა ივსებოდა, ნელ-ნელა ივსებოდა. – ნუთის დაკარგვაც არ შეიძლება! – გაიმეორა ქალმა, გაიმეორა უფრო მძაფრად.

– ახლა რა უნდა ვქნა?! – უმწეოდაცა თქვა, ესეც გამოდიოდა: მირჩიე და მერე მე ვიციო.

– იმას ნუ ელოდებით, შეჰყარეთ სხვანი... ბატონ გიორგიმ როგორც გირჩიათ... – ჩურჩულით დაასრულა, ჩამოღვარული თმა წამოიკრიფა, ტურპირზე გადაივლო და ჩაბალახის ყურივით გადაიგდო მხარზედა, თითქოს ამხედრებულა, ქუსლს შემოჰკრავს მერანსა და შეჰკიჟინებს, მომყევითო.

აჰყვა სტუმარი, აუფოფინდა, აუჩურჩულდა სული, წამოიწია და ლოგინში რო წამოიწია, მიხვდა თუ რა უმწეო ყოფაში ჩავარდნილიყო, ამიტომაც წარმოსთქვა, ცოტა არ იყოს, მწუხარებითა:

– ამ ღამიან რალა იქნება...

– ახლა ასეა: ღამე და დღე აღარ გაიყოფა!..

– არა, აღარ დაველოდები... გათენდება თუ არა, შევუდგები ჩემს საქმესა. საუკეთესო ჩამწერი მაქვს, მეთოდებიცა მაქვს შემუშავებული, ნაცადი მეთოდებია, მაგრამ მე თავისებურად გამოვიყენებ, უთუოდ, უთუოდა, გათენდება თუ არა, შევუდგები. – მხურვალედ დასძინა, თითქოს გადავიწყებოდა, ლოგინში რო წამომჯდარიყო.

წამოდგა ქალი, თმა გადმოელვარა, გადმოეფრქვა თეთრ სამოსზედა, წამოდგა და აიმართა, მომალლო გახლდათ, კეთილად ნაგები. ფეხებთან ახლოს შესთამაშებდა სანთელი, ზეინვედა, თითქოს აწვდომა მონდომებიო, ვერ ასწვდომოდა, სახე ველარ გაეშუქებინა ეგრერიგადა, ვერ გადავლებოდა

წარბთა, წამწამთა, ვერ გადავლებოდა, ვერ დაჰკვდომოდა. არც საჭირო იყო, უფრო ფიქრიანად მოინევდა სახე, ოდნავ დაეჭვებული, ოდნავ გაშუქებული. ხელიც აცურდა, ამოტივტივდა შუქზედა, მარჯვენა ხელი, გაიჭიმა გრძელი თითები, შეეხო ნიკაპსა, სტუმრის ნიკაპსა, რა თქმა უნდა, მცირედად შეეხო, აინია ისევე მცირედადა, ნელ-ნელა აინია, აიყოლია ნიკაპი, გადაშეშდა თვალები, მიაჩერდა ოდნავ გაშუქებულ სახესა.

– მჯერა, სხვა რამე რო გამოქმედებთ, სხვა რამ წამდვილი, ჭეშმარიტი, დიადი! სიმღერებს არ უნდა აეყოლიებიანეთ, არა, ახლა საამისო დრო არ არის, არა, სიმღერებს არ უნდა აეყოლიებიანეთ, არა, არა...

– მხოლოდ სიმღერებსა...

თვალები იყო წრფელი, განათებული შინაგანი სიმართლითა და სინმინდითა; თვალები იყო წრფელი, გმირული არა, გმირისა არ იყო ის თვალები, არც არაფერსა მალავდა, ვერც დამალავდა, მეტიც არაფერი შეეძლო.

– ჰა, ჰა, ჰა... – ჩაიციანა ქალმა, ჩუმადა, თითქმის გაუგონრადა, ჩაიციანა ჩუმადა და მწარედა, თავის-თვის ჩაიციანა: ამას თურმე არაფერი გაეგებოდა – სტუმარსა ცხადია – ვერც ამ სიცილს მიუხვდებოდა, ნაღვლიან სიცილსა, ვერ მიუხვდებოდა თუ რა ძალა მოეკრიბა, სანთელი რო აენტო და შემოელო კარი; აენტო და შემოელო, რადგან ყურმოკრულ სიტყვებს დაერწმუნებინა, მოვიდა გმირიო. გმირს ელოდა, გმირი უნდოდა, სწყუროდა გმირი, იცოდა, თვითონა რო აუცილებელი იყო გმირისათვისა, თვითონაცა, სწორედ ასეთი – ლამაზი, დაუმცხრალი, გატაცებული, გამტაცებელი, დამპყრობელი და აღმგზნები

ძლიერი სულია, ისეთისა არა, ელიზბარი რო
 ბრძანდებოდა, არც ასეთისა, არა, ასეთისა მით უფ-
 რო არა... ჭეშმარიტი სულია, თავგანწირულისა. ეს
 რად ეგონა? რა ბავშვური სახეა?! ბავშვი აღარაა რა
 თქმა უნდა, აღარც ყმანვილია, იმ ასაკისაა, გმირი
 რო უნდა იყოს, მაგრამ ვაგლახ! ეს რად ეგონა?! ხმა
 აქვს თავისებური, მკვეთრი, თან იდუმალი, რაღაც
 ფარულითა და საშიშით აღსავსე? სიტყვებიც ასეთი
 გამოსდიოდა, იდუმალი, ფარული, შიშით აღსავსე,
 ეს რად ეგონა?! – ჰა, ჰა, ჰა... გააგრძელა ქალმა, ხე-
 ლი დაუშვა მონყევითა, დაჰქნია, შეათამაშა სან-
 თლის აღზედა, თითქოს რაღაც უამური თუ უწმინ-
 დური მოეცხო, უნდა მოიწვას, მოიშოროსო.

– მაგრამ ხალხური სიმღერების შეგროვება რო
 განმიზრახავს, სხვა რამ უფრო დიდი განზრახვაც მა-
 მოქმედებს, – შესძახა სტუმარმა, მხურვალედ შესძა-
 ხა, – ოპერის დანერას ვაპირებ, იცით! ჯერ ეს არა-
 ვისთვის მითქვამს, მხოლოდ თქვენ გიმხელთ. – დიდი
 ნდობა იყო, თანაგრძნობა უნდოდა ამ განდობასა და
 შთამგონებლობა, ქალი სამისოდ ლამაზიც გახლდათ,
 ძლიერი სულიცა ჰქონდა, მაგრამ ეტყობოდა, არ აჰ-
 ყვებოდა, ისევ ჩაიცინა იმ თავისებური, ჩუმი, გულ-
 დამწყვეტი სიცილითა, ჩაიცინა და დაენოდა სან-
 თელსა, უნდა აელო, გასულიყო. მიუხვდა სტუმარი,
 მიეტანა სანთელს დანოდებულ ხელსა, მიეტანა, შე-
 მოეჭდო. – მხოლოდ თქვენ გიმხელთმეთქი. თქვენ
 დამიპყარით და მე მოხარული ვარ ამ ტყვეობისა...

– რას მიმხელთ?! – ქალმა.

– ოპერა უნდა დავწეროთმეთქი.

– და ამისათვის მპირდებით ტყვეობასა?!.

– უხერხულია!!! – შეცბა რო სტუმარი...

– ჰაჰაჰაჰა... – ჩაიციხა ქალმა. მწარედ ჩაიციხა. მწარედა, მწარედა. – განა ახლა ოპერების დროა?!.. – ჩაიციხა და ჩაიციხა, უფრო მწარედ ჩაიციხა ქალმა, ჩაიციხა და ხელი გამოსტაცა. სანოლიდან გადასწვდუნოდა სტუმარი, დანდობოდა იმა ხელსა, გამოეცალა სანდობელი, თავი ვერ შეიმაგრა, დაემხო სანთელსა. არაფერი მომხდარა, სანთელი ჩაჰქრა, თუმცა მოასწრო, წარბები მოეჭრუსა მოგზაურისთვისა, – ეგეც არაფერი, ბევრი არაფერი. მაშინ ვერც გაიგო, ბრაგვანი მიიღო თუ არა, წამოვარდა, მაშ რაო, ეგრე სათაკილო ყოფაში ჰო არ დარჩებოდა, უნდა მოესწრო, უნდა შეეჩერებინა ქალი, ვაჟკაცობა მართებდა ვაჟკაცსა, ჰოდა რახან მართებდა, კიდევაც წამოიჭრა, მაგრამ გვიანლა გახლდათ, გაესწრო ქალსა, ჩქამიც აღარ ისმოდა იმისი, სამაგიეროდ სხვა ჩქამი გაიგონა, ეზოს მოეტანა ის ჩქამი, ჩქამი ელიზბარისა, ანთუ შალვასიო, ეგონა, ეგონა და შევარდა ლოგინში ცივცხელადა, წაინაბა, მოიმძინარა თუ მოიმკვდარუნა თავი.

მოეჩვენა, თუმცა მერეც ველარ მიხვდა, რო მოეჩვენა... ელიზბარს ჯერ არ ეცალა შინ მოსასვლელადა, მძიმე იყო ის ღამეი, მწარე იყო ის ღამე იმისთვისა, მწარეი, მწარეი, ოლონდ ჯერაც არაფერი იცოდა, თუმცა იქვე იდგნენ მაუნყებელნი, იდგნენ და შელონებულიყვნენ, როგორ ვუთხრათო. ეჭვს აართმევდა ელიზბარი, მაგრამ არ ეცალა, დაჭრილს დასტრიალებდა, – ცხვირში მოერტყათ ტყვია, ცხვირი გაეგლიჯათ, სისხლისაგან იცლებოდა, იტანჯებოდა უწყინარი გლეხი, უწყინარი და ისიც გლეხი, რო არ გეგონოთ, ვინ იცის თავადიშვილი, აზნაურიშვილი ან მღვდელი, ან მასწავლებელი ბრძანდებოდაო, არა, გლეხი, გვარად ჯოხაძე, სახელად შაქრიაი.

– ასეა ჩანერილი მაშინდელ უწყებაში, მილიციის არქივში რო ნაანყდები. ბევრად უარესსაც ნაანყდები, ბევრად საშინელსაცა, ხოლო აქ თუ ამას მოვიხსენიებ, ასე უბრალოსა თუ ჩვეულებრივსა იმ ჟამისათვისა, მხოლოდ იმიტომა, იმნუთს რო იქ გახლდა, ელიზბარი, სწორედ რო შაქრიას დასდგომოდა თავსა... შაქრიას ქალიშვილი მოსწრებოდა თვალშუქიანი, სახემწყაზარი. ეს იყო, დავიდარაბა ამას მოჰყოლოდა: რადე ბლუჯიაშვილი და მიხა ლიჩელი მისჭროდნენ კარზედა, გოგო გამოგვიყვანეო. როგორთუ გოგოო, აყვირებულა პატიოსანი კაცი. ბიჭოს, ეს კიდევაც უარზეაო, უთაქებიათ და უთაქებიათ, თავი გამოუთქვეფიათ რევოლვერის ტარითა, დაუციათ და ტყვია დაუხლიათ, მთვრალეები ყოფილან, საფეთქლის ნაცვლად ცხვირში დაუხლიათ. კარგი რამას, მთვრალეები ყოფილან, თორემ ადვილად დაუსწორებდნენ საფეთქელსა, გულსაც დაუსწორებდნენ ადვილად, განაფულიყვნენ, არ ააცდენდნენ; დაბრალებაშიც განაფულიყვნენ: „როგორც ცნობებიდან ირკვევა – სწერდა ბლუჯიაშვილი, – სოფ. უკმელაში მცხოვრები შაქრია ჯოხაძე საჭმელს ანვდის ბანდიტ გიორგი უდიშვილს, მივედით ამის გამოსარკვევათ მე და უნცმილ მიხა ლიჩელი. უკანასკნელის შესაპყრობად მიღებულია ზომები. ამისათვის ვკითხეთ შაქრია ჯოხაძეს. უკანასკნელი გაიქცა, ეზოში დაგდებულ გუთანს წამოედო და სახნისზე ცხვირი გაიჭრა...“ წერაში ვერ განაფულიყო, მაგრამ ეგ მერე რაო, მთავარია აზრი, მთავარია მზადყოფნა, სიფხიზლეა მთავარზე მთავარი და სწერდა გამოფხიზლებული რადე ბლუჯიაშვილი, გორის მაზრის მილიციის უფროსსა სწერდა მეჯვრისხევის მილიციის

უფროსი; ამას ვრცლად სწერდა, ხოლო სხვა ცნობებს შემოკლებით ატყობინებდა: „აძვიში მცხოვრებელმა რკინის გზის ახრანის მოსამსახურემ გრიშა მელაძემ მოჰკლა ვინტოვკით სოფ. პატ. მეჯვრისხევში მცხ. დიმიტრი და ლადო ჩიკოიძეები“. ან: „მეჯვრისხევისა და ხევთისის საზღვრებში მოკლულია მცხ. ქ. თბილისში შალვა ხეთერელი. უკანასკნელმა ცხენი გაიტაცა. უთხრეს გაჩერდით და მოკლული იქნა“. სამაზრო მილიციის უფროსი თავისი მხრით აუწყებდა მაზრის თემობის თავმჯდომარესა, ხოლო ის ნითელი ფანქრით წაანერდა „ცნობათ“, ნითელი ფანქრითა, ან ლურჯითა, რომელიც შეესწრებოდა ანუ რომელი წვერიც მთელი შერჩებოდა ორწვერა ფანქარსა, წაანერდა და გაატანდა მდივანსა, იქ ამითი მოთავდებოდა, უბრალოდა, უმტკივნეულოდა, განუცდელადა. აქ ჯერ ისევა ბორგავდა შაქრია ჯოხაძე, ბორგავდა, კვნესოდა, გავეშებულიყო უწყინარი, უშფოთველი აუმღვრეველი კაცი, გასწამებოდა ხორცი, ასწენვოდა სული, ვინ იცის, როდის დაუმშვიდდებოდა: ვინც ამშვიდებდა, იმან ჯერ არც იცოდა, თუ რა უბედურება დასტეხოდა თავსა. სხვებმა იცოდნენ, იდგნენ მაუწყებელნი, ასუსულიყვნენ, ვერც ვერა ეთქვათ, უთქმელობაც არ იქნებოდა.

VI

ჰო უთქმელობაც არ იქნებოდა და უთხრეს, თუმცა ეგრე პირდაპირადაც ვერ უთხრეს, – კიდევ ერთისათვის უსვრიათო, ასე მოახსენეს, ალბათ გეცნობაო, დასძინეს ასეცა, გეცნობა და მახლობე-

ლიც რო იყოს, გასაკვირი არ იქნებაო, რაც უნდა იყოს, იმდენი რამ გადაგიტანია, არც ამისი გადატანა გაგიჭირდებაო, თუნდაც გაგიჭირდეს, მაინც გადაიტანო, რადგანაო, ნათქვამიც არისო, სიკვდილამდის ვის მოუკლავს თავი კაცსა გონიერსაო; ნათქვამიც რო არ იყოს, ჭირვარამი ასალკლდევებს ადამიანსა და ერთი ქარიშხალი ვერას დააკლებს სალ კლდესაო, ორიც ვერას დააკლებსო, სამიცაო, რამდენიც უნდა ვთვალოთ, ვერას დააკლებსო, სალი კლდე სალი კლდეა და ბევრი ქარიშხალი უნდა, უამრავი ქარიშხალი უნდა, უამრავზე უამრავი უნდა იმის ჩამოშლასაო... ეს მაშინ იყო, ჩქამი რო გაიგონა, გაიგონა თუ მოეყურა, ყოველშემთხვევაში, ელიზბარი არაფერ შუაში გახლდა, არ დაბრუნებულყო, ჯერაც ვერ დაბრუნდებოდა, ჯერ იქით მიეშურებოდა, იქითა, მეჯვრისხევისა და ხევთისის საზღვრისკენა, და რო მიატანდა, ეგრე მალედაც ველარ გამობრუნდებოდა.

აქ ვინ იცის სხვა ვინმე მოანყდა, ეგება სისხლი დააბორიალებდა ვინმესა, - იცისო სისხლმა, თვალებს აურევს მკვლელსაო; იცისო, ოლონდ მაინც ვინ უწყის ვინ მოსწყდომია? ან ეგების არც არავინა ყოფილა, ეგება გულის ძგერამ შეაკრთო სტუმარი, ეგება გამოფხიზლდა და დაითაკილა, რა უდიერად მოვიქეციო, გამოფხიზლდა და ეგონა, ეს არის წამასწრესო. შესაძლებელია! ეს ჰო კეთილსინდისიერი ახალგაზრდა გახლდათ, ადათნესების თაყვანისმცემელი, ერთგული მასპინძელისა, პატიოსნების ერთგული; გახლდათ და წაიტეხა კისერი, ანუ კინალამ წაიტეხა, აჰყვა, აფოფინდა, ველარ დადრიკა სურვილი. რა ვუყოთ თუ თვითონ არ მიუძღვის ბრალი, რა

ვუყოთ, ბრალეულს ვილა გამოიძიებდა, მასპინძელი თუ წაადგებოდა თავსა...

ეგონა, წამომადგა და ეს არისო, იტყვინა, მოიმკვდარუნა თავი.

მერე ეგონა, სიზმარში ვარო... დრო გავიდა რა თქმა უნდა ამ ხანიდან იმ ხანამდისა. ვინ იცის, ჩასთვლიმა, ვინ იცის, ერთი პირი ძილიც მოუვიდა, – ნულარ შევალთ ამდენის გარჩევაშია, სათქმელი ის არის, სიზმარში ვარო, რო ეგონა, თუმცა მკაფიოდ ესმოდა ფეხის ხმაცა, შელაპარაკებაცა, ნათლად ეჩვენებოდა, შუქი რო შეჰქონდათ და გაჰქონდათ, რაც-რაც-რაცებიც შეჰქონდათ თუ ვილაცაც შეასვენეს, მაგრამ მერე რაო, სიზმარი სწორედ იმისი სიზმარია, ცხადლივად მოგაჩვენებს ყველაფერსა. ვიდრე ასე სჯეროდა, არა უჭირდა რაი, ის გამოცხადებაც სიზმარს მიაწერა და აღარ ერცხვინებოდა მასპინძელსა, რა ვუყოთო, რაც უნდა იყოს, სიზმარი იმიტომაც არის სიზმარი, არ ემორჩილება ჩვენს ნებისყოფასაო. მაგრამ მალე მიხვდა, სიზმარში რო არ იყო, მიხვდა, რამდენჯერმე რო მოაწყდნენ ამის კარსა, კიდევაც შემოვიდნენ, შემოანათეს ჭრაქიცა; მალევე გაბრუნდნენ, გაიტანეს ჭრაქიცა, გაიხურეს კარიცა, ოღონდ სულ გაიხურეს, გაეცალნენ სამუდამოდა თუ მალე ისევ შემობრუნდებოდნენ, – ამდენამდის ველარ მიატანა გუმანი. ვერც მიატანდა, დაბნეულიყო, დაქარულიყო. მანამდის მაინც არა უჭირდა, ვიდრემდის სიზმარში ეგონა თავი, ზღაპრები ახსოვდა, შთაბეჭდვოდა საიქიოს მოგზაურობის სურათები სხვადასხვა ნაწარმოებებიდანაცა, შთაბეჭდვოდა და ცხოვლად წარმოიდგენდა განკითხვასა, მონანიებასა, მსჯავრსა, აღსრულებასა, მარად მდუ-

ღარე კუპრსა, შიგ ჩაყირავებულ ცოდვილთა, მარადიულ კოცონსა, კოცონს ჯოჯობხეთისასა, ზედ დაფერფლილთა, შიგ ჩაფერფლილთა, რამეთუ უღირსად ეცხოვრათ ამ ქვეყნადა და იქ, იმა ქვეყნად შეჰგებებოდნენ ღირსეულ სასჯელსა; ჰო წარმოიდგენდა, თუმცა ამისი წარმოდგენა თუ წარმოსახვაც არ იყო ადვილი, განცდა სიზმარსაცა სცოდნია, შიში სცოდნია სიზმარსაცა, მაგრამ იმდენი მაინც არა, ცხადლივმა რო იცის, არა, იმდენი არა, არც იმისი მუასედიო. ვინმემ ეგება გაიხადოს სადაოდა, არც მუასედიო და არცა მუათასედიო, თქვას, ვინმემ ეგება უმეტესადაც დასახოს შიში სიზმარისა, მოდი ამას ნუ გამოვეკიდები, იმასვე მიუბრუნდი, – მიხვდა, სიცხადე რო იყო, მიხვდა და შეძაგძაგდაო.

შეძაგძაგდებოდა, მაშ რაო, შეძაგძაგება რა არის, რატომ არ დაირღვა, რად არ დაიშალა ნაწილ-ნაწილად, – ის ჰო მიხვდა ასე, ამგვარადა: ვითომ აკუნეს მასპინძლები, აკუნეს და ახლა ამას დაეძებდნენ. კარიც შეუღეს, ჭრაქიც შეუნთეს, მაგრამ თვალი აეხვათ თუ რა იყო, ვერ დაინახეს, აქ ვერ დაინახეს და სხვაგან დაეძებენ, კარმიდამოს მოედვენ, შეიჭრნენ სარდაფებშია, გაცვივდნენ ბალსა თუ შუკებშია, არ წაგვივიდესო; იქ ვერ იპოვნიათ რა თქმა უნდა, იქ ვერსად გადააწყდებიან და შემობრუნდებიან, შემობრუნდებიან და დააფეთებენ თვალსა, აგერ აქ ბრძანებულაო. ასე იტყვიან, ბრძანებულაო, ზრდილობიანად მოიხსენიებენ, უზრდელად წამოჰკრავენ ხელსა, ააგდებენ და გაიგდებენ. ან არც ააგდებენ, არც გაიგდებენ, აქვე აჰკუნავენ, ლოგინშივე აჰკუნავენ, როგორც აჰკუნეს მასპინძლები, არც დააყვირებენ, არც დააკვნესებენ, როგორც არც დააკვნესეს

მასპინძლები. თუმცა არა, შეკვივლებაც მოესმა, ტირილიცა, რალაც ვედრებისა თუ მუქარის მსგავსიცა, მოესმა ნამდვილადა, მაშ დაკვივლება მოუსწვრიათ, ესეც მოასწრებს, უნდა მოასწროს, რალაც შვებაა, რალაც განელებაა სიმწარისა, ოდნავი განელებაც დიდი რამეა, შებრძოლების მაგვარი მაინც არის, ხელთ არაფერი გიპყრია, გდიხარ ლოგინში და რო ჰყვირი თუ ჰკივი, ვითომ თავს იცავ. ესეც კარგია, ესეც რალაცას ნიშნავს, თუ ნიშნავს მართლა რაიმესა, მაგრამ ნუთუ აქ იმისათვის ამოსულა, ეს გაარკვიოს, ნიშნავს თუ არა მართლა რაიმესა, ნუთუ ასე უნდა ელოდოს, ასე საპყარივითა, – საპყარი რო ელის სიკვდილსა და ევედრება მალე მოდიო, მალე მიხსენიო?! არა, აქ ამისათვის არ ამოსულა და არც დაელოდება სიკვდილსა...

ამის მოფიქრება გახლდათ ძნელი რამ, თორემ მერე სწრაფადა აღესრულა ყველაფერი, სწრაფადა, ელვის უმალა, ხოლო თუ რა აღესრულა, მიჰყევი, მიადევნე თვალი:

შალითა გააძრო საბანსა და ზენარს გადაანასკვა. სანოლი მიაჩოჩა ფანჯარასთანა, ზენარი ჩააბა, ჩაასკვნა სანოლსა, მერე ისროლა ფანჯარაში ნასკვიან-შალითიანადა. სამოსი დაახვია, დაკუნჭა, შეხლართა ერთმანეთში და მიაყოლა შალითასა, ჩამწერი გულზე მიიხუტა, გადაჯდა რაფაზედა, ერთი კიდევ შემოიტრიალა თავი, თვალი მოავლო იქაობასა და ჩაეკიდა შალითასა, უცებ ყურთან გაუზუილა რალაცამა, კედელს მიასკდა, ნაფშხვენები შეეყარა თვალეებში, მეორემაც გაუზუილა, იქვე ჩაერჭო და აგურის ნასხლეტმა გაუკანრა ღანვი. გაუკანრა, გაუკანრა. დიდი არაფერიო. მესამე ნასროლიც ეძგერა

იქვე, მაგრამ მაშინ ის უკვე ძირს ეგდო, ხელი უშვა შალითასა და ძირს დაეზღერთა. არ მოხვედრია, ისე დაეზღერთა, არც დაცემისას უტკენია რამე, მაინც არ წამომდგარა, იყო ეგრე, როგორც დაეცა, არც იძვროდა, არცა სუნთქავდა, თითქოს არცა სუნთქავდა, ეგრე გაეკმიდა სული. კიდევ მიეფრქვა ტყვიები იქაობასა, კიდევ ჩამოიფშხვნა აგური, ქვაც ჩამოიფშხვნა, კირი წამოვიდა ჩხრიალითა, ზედ გადაეყარა, თითქოს უნდა ჩამარხოს, ჩაფლას ცოცხლობრივად, ან გადაეფაროს, დაიფაროს, იხსნასო. უფრო იხსნა, ჩაღუმდა იქაობა და შეირხა ესეცა, ხელი მოაფათურა და სამოსსაც წააწყდა. მერე გაცურდა, მერე წამოყელყელავდა, საიმედოდ იგულა თავი, წამოინია და აი მაშინ კიდევ ანივლდა ტყვიები, ამტვერდა კედელი ხეთერელებისა, ცაცხვებსაც შემოებდღვნა ქერქი. ეს მაინც გადარჩა, ალაყაფში შევარდა, კედელს მოეფარა და ხელები მოიფათურა სხეულზედა, სადმე სისხლი ჰო არ დამდინდაო, – არ დასდენოდა, საღ-სალამათად იყო, ვერ დაეჯერებინა, ისევ ეძებდა ჭრილობასა, ისევ ეგონა, აი აჰაა, სისხლში ამომესვრება ხელები, აი აჰაა, ნატყვიარში ჩამეფლობა თითებიო. არც ამოესვარა, არც არსად ჩაეფლო, მერე უფრო უშიშარი ადგილი მოათვალიერა, ბნელოდა, მაინც მოათვალიერა, მიეჩვია თვალი სიბნელესთვისა, კიდევაც გამახვილებოდა თვალი, გაემახვილებინა, დაეძაბა გაჭირვებასო. იქვე სარდაფის შესასვლელი ყოფილიყო, წინამო სარდაფისა, იშვირა ფეხი და გადავარდა. კარებსაც მიეტანა სარდაფისასა, მიეტანა, მაგრამ ვერ შეაღო, უნდა შეეღო, კარგი საფარი იქნებოდა, უკეთესს ვერც გამოსძებნიდა, აღარც გზა-კვალი იცოდა, აღარც თავი ჰქონდა მეტი

დავიდარაბისა, განსაცდელი გამოიარა, ვაჟკაცურად გამოიარა და ახლა ცოტახანს უნდა მოეთქვა სული. მიყუჩებულიყვნენ თავდამსხმელნიცა, – ან გაფანტულიყვნენ, ან ვერ შემოებდნათ ეზოში, ან თავს უვლიდნენ. რაც იყო, იყო, დრო მოეხელთებინა, სული რო მოეთქვა, სამოსი მოერგო და თან ეფიქრა თუ რა წყალს მისცემოდა.

და გამოეცხადა ბატონი გიორგი.

და შეჰღაღადა, ამანა ცხადია, არ დამძრახო რო გეურჩეო.

და გაჰქრა იგი გამოცხადებაი...

არც ფიქრი დასცალდა და არც მორგება ტანსაცმელისა... მორგებით ბარემ მოირგებდა, მორგებულნიცა ჰქონდა და კიდევაც მოირგებდა, გამოენყობოდა, თუმცა უხერხული დრო დასდგომოდა, უხერხულადგილასაც მოხვედრილიყო, მაინც გამოენყობოდა, მაგრამ ვერ გამოენყო და ვერც გამოენყობოდა, რადგან შარვალნი დაჰკარგოდა, ახლა ეს გაუხდა თავშისაცემი და გადასდო ფიქრი იმისა, თუ რა წყალს მისცემოდა. ფიქრი მაინც არ დასცალდებოდა, აივანი შეზანზარდა, მერე აბრაგუნდა კიბეები, ჩამოირბინა ერთმა, მეორემ, მესამემ, შეიძლება მეოთხემაცა, მეხუთემაცა, შეუძლებელი არაფერია, მაგრამ ამას სათვალავი აერია და იქ შეჩერდა, სადაც აერია სათვალავი. ჰო კიბე ჩამოირბინა სამმა, სამივე გავარდა გარეთა, გასტვინა, გაჰკივლა სამივემ, არავინ გამოეპასუხა, ტყვიაც არ მიაყარა, არავინა, ამათაც იტორღიალეს იქვე ორიოდ წუთსა, მერე შემობრუნდნენ, აარახრახეს კიბეცა, აივანიცა, ისევე აარახრახეს და შიგნით შეიკრიფნენ. ამას კიდევ ერთხელ დაუარა შიშის ზაფრამა, კიდევ დაიკუნტა

ცხრაკეცადა, დაიკუნტა, დაილია, დაინრიტა, ლამის ჩაეცია სარდაფის კარის ჭუჭრუტანაში; ლამის ჩაეცია, მაგრამ ვერ ჩაეცია, ვერც ჩაეტეოდა რა თქმა უნდა, მხოლოდ ხმა გამოსცა კარმა, შეჭრიალდა, შეჭრიჭინდა, გაიჭახუნა, სწორედ მაშინ გაიჭახუნა, კიბე რო აარახრახეს იმა სამთა; კიბე აარახრახეს, ჭრიჭინი თუ ჭახუნიც არ გამოეპარათ ან ერთ-ერთს არ გამოეპარა, შიგნით რო შევიდნენ, გაელაპარაკა დანარჩენებსა, დააეჭვა, დაიყაბულა, მალევე გამოიყვანა გარეთა. ისევ ჩამოირბინეს, ჯიქურ ეძგერნენ სარდაფის კარსა, ერთბაშად ჩაავლეს ხელი იმ დაკუნტულ, დაჭმუჭვნილ მოგზაურსა, ამასა, ამასა, ამ გულმაგარ მოგზაურსა აქამდისა და ამიერიდანაცა. ჩაავლეს და აიტაცეს, ვითომც ბუმბულიაო, აიტაცეს, აარბენინეს...

მაშინ შიში აღარ უგრძვნია, მხოლოდ მოუთმენლად ელოდა, კიდევ რა მოხდებო. ეგება სწორედ ეს გახლავთ შიში; შიში ვინ უწყის ეს არის, ოლონდ რაც არის, იყოს, ის აღარაფერს განიცდიდა, აღარას გაურბოდა, არაფერს მიეტანებოდა, ვერც ვერაფერი დაენახა, მომჩვარებულიყო, მინებებოდა მსახვრალ ძალასა; მინებებოდა, ოლონდ ხმამ გამოიტაცა იმა მინებებიდანა, მივიწყებიდანა, მიკარგულობიდანა, ის ხმა ელიზბარისა გახლდა, მწუხარებით აღსავსე ხმაი, ცრემლით დატანილი, დატანილი მდულარებითა, – რა მოგივიდა, რა დაგმართნია, რა დღეში ხარო. თვითონ შეძრწუნებულებიყო, ამისთვისაცა ჰყოფნოდა ნუგეში. იმა ნუგეშმა თუ გაამხნევა, თვალი აუხილა, ყურადღება დაუბრუნა და სანთლები აუციალა თვალებში. სანთლები ენთო ტახტის თავთანა, ორი კელეპტარი ენთო, სხვა – პატარა სანთლები. სანთლე-

ბი დაჰნათოდა სუდარასა. სუდარა თავიდან ბოლომდის გადაჰფენოდა ტახტსა. ვილაც გამოტილიყო სუდარის ქვეშა, ვილაც ვეება ვაჟკაცი, გამოტილიყო, გათავებულიყო. იქით კუთხეში თეკლა იჯდა, გამშრალი, გაქვავებული, ქანდაკეული, აქეთ – ელიზბარი, ისევე გამშრალი, მანამდის ალბათ გაქვავებული, ხოლო მაშინ უკვე ამოძრავებული, ზრუნვიანი, ამისის დარდით შეფიქრიანებული – რა დაგმართნია, რა დღეში ხარო.

ის სამნი თუ ოთხნი ჩამოეხსნენ, შეუშვეს ხელი, მორიდებით მიდგნენ კართანა, კარებში იდგნენ, კართანვე აიტუზნენ, აღარც ხმა გაუღიათ. ამას ისინი აღარც ენაღვლებოდა, სირცხვილმა დარია ხელი, სანახევროდ შიშველი იდგა ქალის წინაშე, ხელებს იხვევდა ტანზე, სიშიშველე ეგება დამიფაროსო. გუნებაზე არ იყვნენ, თორემ სასაცილო იყო. კართან ატუზულები გარეთ გაიკრიფნენ, არც იქ გაუცინიათ, საგულდაგულოდ მოიფათურეს იქაობა, ჩამწერი მოუძებნეს, სამოსი შეუგროვეს, – ზოგი სად დავარდნოდა, ზოგი სადა, გზაგზა, სარდაფის კართანა, შარვალი ჰო ცაცხვებთანვე დაჰკარგოდა, ისიც უპოვნეს, მოუტანეს, გაუნოდეს, ჩაიცვიო. ელიზბარმა არ დაანება, უბრალო ხალათ-შარვალი გამოუტანა, როგორსაც ურჩევდა, ისეთები გამოუტანა, უბრძანა, ესენი ჩაიცვიო. დიახაც უბრძანა, თუმცა არ უთქვამს მაღალი ხმითა, არც თვალეხი დაუბრიალებია, ხელებიც არ გაუქან-გამოუქანებია, მაგრამ ისე თქვა, ალი წაიხარა სანთელთა, და, რო აიძართა, ეს უკვე გამალებით იცვამდა იმ უბრალო, გლეხურ, ხალათ-შარვალსა. მერე ისიც უბრძანა ელიზბარმა, ჩემს გვერდით ჩამოჯექიო. უხმოდ

აღუსრულა, ჩამოჯდა და მუხლებზე დაიდო ჩამნერი, ზედვე გადაიწყო გამტვრიანებული, ნათრევი, ნანვალეხი კოსტუმი. ეგეც არაფერი, განმენდდა, გაასუფთავებდა, ჯერ ეს გაეგო, რას ინებებდა ელიზბარი ან რა მომხდარიყო, ვინ გაშოტილიყო სუდარის ქვეშა. ეს რო იკითხა, თავისთვის გულში იკითხა და პასუხად ქვითინი აუვარდა, მიხვდა, რაც მომხდარიყო, მიხვდა, ვინც უნდა ყოფილიყო. ქვითინი აუვარდა და იქვითინა კარგა ხანსა. არავის უცდია იმისი დამშვიდებაი, კრინტი არ დაუძრავს ელიზბარსა, თეკლა ისევე იჯდა, გაქევავებული, ნაქანდაკევი, კართან ატუზულნი, სულაც ნასულიყენენ ან ეს ველარასა ჰხედავდა, ველარასა და ველარავისა, გარდა ამისა, თუ როგორ დაფარფატებდა სანთელთა ალი სუდარაზედა, – აბრიალდებოდა და გადაილანდებოდა, გადაილიბრებოდა და აენტებოდა, მერე ლანდები შეითამაშებდა და აპნკიალდებოდა ნალვენთი. ამისი თვალეხიც აპნკიალდებოდა მაშინვე, ეწვოდა თვალეხი, ერთად მოეყარა ამდენ განცდასა, ცრემლად მოდიოდა, გული ჰპოვებდა შვებასა.

ჰპოვებდა თუ არა ჰპოვებდა, ე ცრემლი ნამოეფრქვა და, როგორც ნამოეფრქვა, ისევე დაენრიტა, ეს მაშინა, ღმუილ-ზმუილი რო მოესმა გარედანა, ჯერ გარედან მოისმა, მერე კარი შემოალო და, კართანვე რო ნაემხო, შუბლი ტახტს ახალა ლეკო თათაშელმა. კართან ატუზულნი მართლაც გაკრეფილიყვენენ, ლეკო მოეყვანათ, თან მოჰყვენენ და იქვე აიტუზნენ. ლეკო ღმუოდა, ლეკო ზლუქუნებდა, თავში იცემდა: მე რად არ ვიყავი შენს ადგილასა, მე რად არ მოვკვდი, მე რად არ მომკლესო. აცადა ელიზბარმა, თეკ-

ლაც არ შეპასუხებია, კრინტი არ დაუძრავთ კართან ატუზულთა, ამასაც ჰო დაენრიტა ცრემლი... ლეკო იბეგვავდა თავპირსა, მოსთქვამდა, იხოკდა წვერსა, იდგა ნუთი შეუბედავი, შეუხებელი. მერე შეეხნენ, ნაიხარნენ. ნაიხარნენ კართან ატუზულნი, ნამოაყენეს, დასვეს ჭირისუფალის გვერდითა, მაშინ იმას გადაეხვია მოტირალი, დაჰქვეითინა გულზედა, გულში ჩაჰქვეითინა. ესეც მოთავდა, სული მოითქვა, მოიშრო ცრემლი და უკვე თავისი ხმით იკითხა, როგორ მოხდაო.

საამისოდ არაფერი მიუგო ელიზბარმა.

– ეს უნდა გავიყვანოთ... – ელიზბარმა თქვა.

– უნდა გავიყვანოთ. – მაშინვე ჩაება ლეკოცა.

– აქეთ არ ივარგებს... მთელი მილიცია გორში მოუყრიათ...

– არა, აღარ ივარგებს, – არ დააცადა ლეკომა.

– ვგონებ უკეთესი იქნება...

– უკეთესი იქნება. – დაუდასტურა ლეკომა. ეს სხვა ლეკო გახლდათ, განა ისეთი, ამას რო ახსოვდა, ნაცემ-ნაბეგვი, სამოსშემოხეული, არა, რა სათქმელია, სხვა ლეკო გახლდა, დანმენდილი, გასუფთავებული, განბანილი, გაუთოვებული, ცოცხალი, მკვირცხლი, ამყოლ-დამყოლი, ცოტა დაუფიქრებელი, ცოტა თამამი, ცოტა მშიშარაცა, ანუ ისეთი, როგორიც გახლდა; გამოშუშებულიყო, გამოახლებულიყო მოვლითა, ნამალ-მალამოთი, გამოახლებულიყო, ოღონდ ისეთივე გახლდა. უკეთესი იქნებაო, რამდენჯერმეც გაიმეორა.

ელიზბარმა დააცადა, ამას უნდა დაეცდია, თორემ ის არ დააცდიდა, ამან დააცადა და იმანაც მოკუმა პირი.

– უკეთესი იქნება, კავთისს გახვიდეთ. – განაგრძო ელიზბარმა და ლეკომაც გაალო პირი. ხელი აიქნია ელიზბარმა. ლეკომ წამოახველა. ვითომდა რაო, მეხველებოდაო. – სოფელს აუქცევით რა თქმა უნდა, – ისევ ელიზბარმა თქვა, – კათარელთა სასახლეს შეეფარებით. იქ დაიღამებთ ხვალინდელ დღესა. იქაობა მოინარიკლეს, ეჭვი თუ არ აგართვეს, აღარავინ გაეკარება. შენი სიფრთხილის იმედი მაქვს. – კიდევ გაალო პირი ლეკომა, კიდევ აიქნია ხელი ელიზბარმა და კიდევ წამოხველება ამჯობინა ლეკომა. – შენი სიფრთხილის იმედიცა მაქვს და ძიდაც იღონებს თავისასა. ქალბატონ ეფემიას წამლებს წაუღებთ. ძიდა თავს გამოიღებს, არას გაგიჭირვებთ. ეს ამალამისა და ხვალინდელი დღისაა... ხოლო ხვალ ღამიან პირდაპირ ნატბისისაკენ აიღებთ გეზსა. მოერიდებით სოფლებსა თუ კალოებსა. მრწყველებიც გამოვიდნენ უკვე, მოერიდებით მრწყველებსაცა, თქმა არც გინდათ, მოერიდებით ყველასა და ყველაფერსა, ღიახვეებზე ფონებსაც არ დაუნყებთ ძებნასა, დაკლებულია წყალი, სადაც გახვალთ, ყველგან ფონი იქნება. ერთი სიტყვითა, პირდაპირ ნატბისისაკენ აიღებთ გეზსა, იტრიელებთან მიხვალთ და მერე იმათ იციან, ქარელს გაიყვანენ ან ურბნისსა ან სკრასა, გაიყვანენ, იმათ იციან, გაამგზავრებენ თბილისსა. გაამგზავრებენ, იმათ ეგრერიგად ვერ შეუვლენ, ისინი ჯერ არ დაშლილან და ადვილად ვერ ეკარებიან... ჰო შენ იცი, შენი იმედი მაქვს...

– რა ბრძანებაა, აბა ვისი იმედი გექნება! – შესძახა ლეკომა, დრო მომეცაო, იფიქრა და შესძახა მოჩქარებითა, კიდევ არ ამიქნოს ხელიო.

– კეთილად გეველოთ... – ჩაიდუდუნა ელიზბარმა. ეს მიხვდა და წამოდგა.

– ახლავე მივდივართ?! – გაიკვირვა ლეკომა.

– ახლავე... – კბილებში გამოზარა ელიზბარმა.

– რა თქმა უნდა, ცხადია, აუცილებლად ახლავე, დაუყოვნებლივ, – მხურვალედ დაატანა ლეკომა, – აბა! – შეუძახა კართან ატუზულებსა, გაგვიძეხითო. იმათ მხოლოდ გზა დაუთმეს და, ცოტა არ იყოს, შეცბუნდა ლეკოი.

– შენ განდობ... – აუხსნა ელიზბარმა. – ამათ როგორც ენებოთ, ნავიდნენ, მოისვენონ...

– ნნ... – თითქმის ერთად შეიხმიანა სამივე, – ასეთ ყოფაში მარტო როგორ დაგტოვებთ, ექიმო?! ნნ... არა...

– სოფელს მაინც გააცილეთ...

– სოფელსა?! ჰოოოო... – ესეც ერთადა თქვეს, ერთნაირადვე გააგრძელეს.

გადანყვეტილიყო გადასანყვეტი, ესენი უნდა დარჩენილიყვნენ, წასულიყვნენ ისინი, ამათ გზა უნდა გაეთავაზებინათ, მიცვალებული უნდა გამოეტირათ წამსვლელთა და მოიმართა ლეკოცა, მოიმართა და ვერც მოიმართა, უფრო აიძუდგა შიშატანილივითა, ისე შეჰკივლა თეკლამა:

– ო, უბადრუკო, უქნარანო, უმაქნისებო!.. – შეჰკივლა ისე, არც შერხეულა, გაქვავებულს ამოსდიოდა მწარე ხმაი, მწარე სიტყვები, – წადით, გაიძურნეთ, უშველეთ თავსა, გაიძურნეთ სათითაოდა და სათითაოდაც ჩაახოცინეთ თავი, ო, უბადრუკო, წადით, წადით ო, უბადრუკო! თქვენ გერქვათ განა მეთაურნი, ჰა, ჰა, ჰა... თქვენ გამოატარეთ ერი ბედუკუდმართ საუკუნეებში, თქვენ იხსენით, თქვენ გადაარჩინეთ?!

ჰა, ჰა, ჰა... თქვენ აღმოგაჩნდათ საარაკო გონიერება, ძალაც საარაკო, მოხერხება ზღაპრული, თქვენ გადაურჩით მრავალ ურდოთა, გადაურჩით და გადაარჩინეთ ყველა თქვენიანი, თქვენ იყათ განა?! ჰა, ჰა, ჰა... საით გარბიხართ, რამ დაგაგლახაკათ თუ თქვენ იყავით?! ჰა, ჰა, ჰა... ვის ეგონა, რო მოგდგამდათ სული დიდი წინაპრებისა, ვინ მოგანდოთ ჩარხი ჩვენი ცხოვრებისა, ვინ იყო იგი, ვინ გადაგვიდგა, ვინ გაგვნირა ასე უღვთოდა, ვინ იყო იგი, მძვინვარი!.. ვის ეგონებით შთამომავალნი გმირებისა, ჭიალუანო, ნამცეცანო სულითა, გულითა, ნამცეცანო, ჭიალუანო, თქვენა ხართ გმირნი, სად არის გმირი! გმირები უნდა ქვეყანასა და ჭიალუებს შესჩეჩებიათ ხელში ბედი ერისა, ო რა დრო დამდგარა, დრო განწირვისა, გარდაგებისა... ბარემ გაიპოს მიწა და თან ჩაგიტანოთ, გაიპოს მიწა, გაიპე, მიწავ, გაიპე, მიწავ!.. ჰა, ჰა, ჰა, დაიმაღენით, მტვრად იქეცით, არცა ყოფილხართ მეტი მტვერზედა...

– ძვირფასო თეკლა! – ამოსთქვა ლეკომა, ან აქამდის როგორ დაითმინა, მაგრამ ახლაც სადაც ამოსთქვა, იქვე ჩასთქვა.

– ნუ გამაგონებ!.. – კიდევ უფრო შეჰკვივლა თეკლამა და თითქოს ქანდაკება უნდა მოიმზღვლესო, ისე შექანდა, – ღირსი ხარ განა ქართულისა?! სხვა ენა ჩაიდგით, სხვა ენაზე თქვით, თუ რამე გინდათ, თუ რამე გეთქმით, ნულა შებილწავთ, ენას მაინც ნულარ შებილწავთ!..

– ძვირფასო თეკლა...

– აააარრ გამაგონო!!!.....

ხელი აიქნია ელიზბარმა, ადგა ჭირისუფალი. ქანდაკება ისევ მიქვავდა, თავი ჩაჰკიდეს დანარჩენთა.

– იარეთ... ყველაფერს ვერ ატარებ... იქ დაგხვდება... იარეთ!.. – ჩაიდუდუნა ელიზბარმა. ხელი გაუნოდა სტუმარსა, ოდნავ, სულ ოდნავ მოუჭირა ხელი, გაამხნევა, დააიშედა.

გავიდნენ, ნავიდნენ, ჩქამი არ გატეხილა, ისე გავიდნენ.

VII

მერეც უბრად იარეს, თუმცა გვარიანი ენაწყლიანი გახლდათ ლეკო თათაშელი, ენაწყლიანი გახლდათ, მაგრამ ცოტა მშიშარაც იყომეთქი, აკი მოგახსენე, – ჰოდა, რახან მოგახსენე, შენვე მიხვდები კიდევაცა – შიში უშრეტდა ენის წყალსა, შიში ღამისა, მდუმარი, გატვრენილი ღამისა. ღამეს ყოველთვის გაურბოდა, მოთავეობა თუ წინამძღოლობა არა სჩვეოდა, გაურბოდა თუ არა სჩვეოდა, ახლა მოულოდნელად დაჰკისრებოდა, უნდა გაეძლო, უნდა აეტანა. კიდევაც გაუძლო დუმილსაცა და უგზოუკვლობასაცა. უგზოუკვლობასაცა მაშა, – უგზოუკვლოდ იარეს, თუმცა კარგი საურმე გზა იდო კავთისამდისა, გზაზე დააყენეს გამცილებლებმაცა, მაგრამ მიეფარნენ თუ არა ისინი, გადაეშვა უგზოუკვლოდა, გადაეშვა და თან გადაიყოლა ისიცა, ვისაც მიუძღვოდა, რალა თქმა უნდა თან გადაიყოლა. ესეც შიშისა გახლდათ, ელიზბარს ასე არ დაურიგებია, თქმით არ უთქვამს, ოღონდ სწორედ ასე გულისხმობდა, გზას არ დაადგეთო, გულისხმობდა და იმეორებდა, იმდენჯერ იმეორებდა გულში, ისე შეჰყურებდა უსიტყვოდაცა, ვინ იცის,

ვინ უნყის, შეიძლება ასედაც იფიქროს ვინმემა, მაგრამ აქ შთაგონებაც არ იყო საჭირო, ისედაც სჯეროდა ელიზბარსა, თუ გაჰბედავს ღამით სიარულსა ლეკოი, გზაზე არ გავა, ისეთი მშვიდარააო, იცნობდა, იცოდა... და მისდევდნენ ხან ძეძვიანსა, ხან ხევთურას ფლატეებსა, ხან ღობე-ყორეში გაიხლართებოდნენ; მინდვრად იმდენი არაფერი, მინდვრად რუებში თუ ჩაიხინცებოდნენ, იმდენი არაფერი, ხნულლებზე თუ გადააბამდნენ, ეგეც არაფერი, სიმინდებში თუ მოხვდებოდნენ, კიდევაც უკეთესი, მაგრამ ერთი ხანობა ახალნარწყავ ხნულში ამოჰყვეს თავი, ძლივძლივობისას გააღწიეს ამოლაფულებმა და დასწყევლეს მინდორიცა, გულში დასწყევლეს, ხმა მაინც არ ამოუღიათ.

ხმა არ ამოუღიათ, მხოლოდ ქაქანებდნენ, ქასქასებდნენ, ქრიტინებდნენ, ისე ითქვამდნენ სულსა, ისეც მიატანეს კათარელთა სასახლესა. კიდევაც ინათა, ცისკრის ნათელში აილანძა სასახლე კათარელთა, დაიღია გაძალღებული ღამეი, შეფიცხდა იმედი მოსვენებისა. სტუმარმა შეისვენა, უკვე ახლოსა ვართო. ლეკომა. ლეკოც შეჩერდა, შეჩერდა ცოტა არ იყოს დაბნეული, თავგზადაკარგული, იმედდანიქრეული, გაცბუნებული. არ უნდა გაცბუნებულიყო, აქეთ არ უნდა წამოსულიყო, რა ვუყოთ თუ აღუთქვა ელიზბარსა. მერე რაო, განა როდის იყო, რო აღასრულებდა აღთქმულსა თუ დანაპირებსა, — არც არასოდესა, შეჰპირდებოდა, ვისაც როგორა სურდა, მერე იქცეოდა თავის გუნებისადა, იქცეოდა, როგორც უჯობდა, მდულარეში თითს არ ჩაჰყოფდა, ძილს არ მოიკლებდა, ოფლს არ მოიდენდა. ახლა რაღა დამართნოდა, — ოფლიც მოსდიოდა ნურნურითა,

ძილიც გასტეხოდა, ცეცხლშიც ამოეყო თავი. აქეთ რამ წამოიყვანა, ვერ გადაუხვია, ვერ მიადგა უფრო საგულდაგულო სადგურსა?.. ღამე იყო და ვერ მიადგა, ღამე იყო და ვერ გადაუხვია ელიზბარის ნათქვამსა, ღამე ერეოდა, სძლევდა, იმორჩილებდა, თეთქვავდა შიში ღამისა. იცოდა ელიზბარმა, ამიტომაც დაავალა. მხოლოდ ღამიან იარეთო, მინათითებს არ ასცდებოდა ღამიანა, ვერ ასცდებოდა, ვერ წაუვიდოდა, დღისით სხვა იყო, დღისით თვითონ იცოდა, სადაც ერდო მაღალიო, მეც იმისი მაყარიო. კათარელთა სასახლის მაყარიც ბევრჯერ ყოფილა, ყოფილა, როცა ერდო მაღალი იყო, ძალიან მაღალი იყო, აქეთ მაინც ყველაზე მაღალი, მაგრამ დაცემულიყო ერდო კათარელთა, დაცემულიყო სასახლეი კათარელთა, მაშ რაღას მოსულიყო, რამ მოათრია, ჭკუათუ არ ეყო, ფეხებს მაინც რაღა დამართნოდა, ნეტავი აქეთ რად მოათრევდა... ინათა და მაშინღა მოიფიქრა ამდენი.

ინათა და დანარჩენსაც მოადევნებდა, გამართულ ოჯახებს გაიხსენებდა, ჯერ კიდევ გამართულებსა, ჯერ კიდევ ერდომალლებსა, იქით მიახწორებდა, – ეგერ, ეეე... სოფელიც ალანძულიყო ცისკრის ნათელში, კათარელთა სასახლის მიღმა ალანძულიყო. ეს უკვე მოდევნება გახლდათ, ფიქრმა აიშვა, გავიდოდა, გაიგანებდა, გაიტანდა გასატანსა. მაგრამ მანამდის ესეც უნდა გაეგო: ვინ ასდევნებოდა, ვინა ბრძანდებოდა, რა უნდოდა, რად ასდევნებოდა ღამესა ან რად მიიწევდა მაინცდამაინც კათარელთა სასახლისაკენა? ამის გაგებაც არ გაუჭირდებოდა, ჰკითხავდა და გაიგებდა, სხვაც არაფერი გაუჭირდებოდა, რახან გათენდა, რახან გათავდა გა-

ძალღებუღი ლამეი. და ის იყო, თქმა დააპირა, პირიც გააღო, ვერ მოასწრო, ჯერ იმისი შეკითხვა გაისმა:

– რა სუნია?!

– დამწვრისა... – მიუგო ლეკომა.

– დამწვრისა?!

– დამწვრისა მეთქი... – ხმაში წყრომა შეეტყო ლეკოსა, ხმის ამოღება რად დამასწარიო, წყრომა ამისი იყო, თორემ სალაპარაკოდ რო ინვევდა, მიხვდა, კიდევაც ესიამოვნა; თუმცა გამონვევა რად უნდოდა, გათენდა თვითონვე წამოქენჩრილიყო, მაგრამ სხვა რა უნდა ეთქვა, ეს კიდევ სხვასაც უმატებდა, მიეცეს და მიემატოსო, ამასაც ეს ენება, – დამწვრისა მეთქი... – უფრო რბილად გაიმეორა. რა დამწვარაო, ამასაც იკითხავ, ვიცო, ვიცო, ნუ შეწუხდები, რახან დავიწყე, ბარემ ყველაფერს მოგახსენებ, რა დამწვარა და სასახლეი კათარელებისა. ჰხედავ?.. აბა კარგად დააკვირდი, სასახლეა განა? გადაბუგული სასახლეა, გადარუჯული კედლებია, მეტი აღარაფერი. გარშემო დიდი გაღავანი ერტყა, კოშკებითა. აი ჩვენ რო ვდგევართ, აქ გადიოდა გაღავანი. სადღაა გაღავანი? ეეე... ან კოშკები სადღაა, ან ბეღლები, ან ძარები, ან საბძლები, თავლები სადღაა? ქვა-ქვაზე აღარ დაუტოვებიათ, გაიტაცეს და გადაბუგეს. ინვოდა, ჩაიფერფლა, ჩამქრობი ვინ იყო, დიდხანსა ხრჩოლავდა, სუნიც ჩარჩა და იქნება ასე, აღბათ აღარასოდეს გადაივლის ეს დამწვრის სუნი... ჩუუუუ... – უცებ მოადევნა და ჩაჯდა, ჩაიკუნტა, ვინმე თუ მოეჩვენა. არავინა სჩანდა, არც მოეჩვენებოდა, სავარაუდოა, მიხვდა, ხმამაღლა ვლაპარაკობო და შეეშინდა, თუმცა ინათლა, მაინც შეეშინდა, განა მარტო ლამისა ეშინოდა.

ამას რატომღაც არ შეეშინდა, მხოლოდ მიმოიხედა, ჩაჯდომით მაინც ჩაჯდა უნებლიედა, ეს დაღლილობისაც იყო, იმისაცა, წინ რო თურმე მოსვენების იმედი არა ყოფილიყო; თურმე გადაბუგული სასახლე აღანძულიყო ცისკრისფერებში და იდგა სუნი სიდამწერისა, ცისკრისფერებში იდგა ის სუნიცა, გაუნელებელი სუნი.

– რაღა გვეშველება? – იკითხა სტუმარმა.

– უსაშველო შენი მტერი იყოს. – ეს მხნედ ამოსთქვა ლეკომა, მხნედა, ოღონდ ხმადაბლადა, – მაგრამა, მაგარიც ეს არის, რომა ვიდრე საშველი გამოგვიჩნდებოდეს, ჩემო კეთილო და მოწყალეო ხელმწიფევ, ეგება მაცოდინო, ვინა ბრძანდებით.

– სახელად ნიკუშას მიწოდებენ... – მყისვე გამოეხმაურა თანამგზავრი, თუ ეს არის მთელი დაბრკოლება, როგორ დავახანებ, გვარსაც ახლავე მოგახსენებ, მამის სახელსაცა, ავტობიოგრაფიასაც მოგიყვები, გაივლო გულში, გულშიც გაივლო და კიდევაც მოადევნებდა, მაგრამ სიტყვა ჩაუჭრა ლეკომა:

– ეგ „უშა“ არ მომწონს, ნწ... არ მომწონს, შენ როგორც გენებოს, მაგრამ მე არ მომწონს და რაც არ მომწონს, არც გავიმეორებ...

– ისე... – ესეც საჩქაროდ მოადევნა თანამგზავრმა, ემანდ არ შემომწყრეს ეს ერთადერთი იმედიო, – ნათლობის მიხედვით ესტატე მქვია, ოღონდ ასე არავინ მიწოდებს და არც მე მომწონს...

– რას მიქვია, არ მომწონსო?! – წყრომისადა თქვა ლეკომა, – ნათლობის სახელი არ მომწონსო?! სადაური რა არის?! ადამიანობა ნათლობა გახლავთ და ნათლობის სახელი დაგინუნებია, ურჯულოს გზაზე შემდგარხარ და ის არის...

– არა, ასე ნუ ბრძანებთ... – აქ მაინც დაშინდა თანამგზავრი ან ითაკილა, ურჯულობა რად დამწამაო.

– ესე ვბრძანებ და ესედაც გავიმეორებ, – არ დაინდო ლეკომა, – მე ჩემდათავად ნიკოს დაგიძახებ და შენ, როგორც გენებოს, გინდა გაიგონე და გინდა არა, ჩემო კეთილო და მონყალე მბრძანებელო.

– გავიგონებ... – ადვილად დაეთანხმა თანამგზავრი.

– მაშ რას იზამ, წინ წყალი, უკან მენწყერიო, მეტი რა გზა გაქვს...

ამანაც შეაკრთო თანამგზავრი:

– ბატონი ელიზბარი ასე არა ბრძანებდა...

– მე ვბრძანებ, აქ მე ვარ და არა ელიზბარი.

– მაგრამ...

– რის მაგრამაო, რა მაგრამაო, აქ მე ვარ-მეთქი, და თუ არა გჯერა, მე რო მე ვარ, და თუ არ მოგწონს მე რო ვარ, შენ შენთვისა და მე ჩემთვისა. – ტუჩები გაბუსხა ლეკომა, წამოდგა ეგრე გაბუსხული, წავიდა მოჩქარებითა.

ესეც წამოდგა, მოჩქარებით დაავლო ხელი ჩანთასა, – საკაიკაო ტანისამოსი მაინც გამოეყოლებინა.

– არ მითქვამს, არა მჯერა და არ მომწონსმეთქი, – მისდევდა და მისძახოდა სტუმარი, – არაფერი ამისი მსგავსი მე არ მითქვამს და დავიფიცებ, გულშიც არ გამივლია. მჯერა, თქვენ რო თქვენა ბრძანდებით, მჯერა და ძალიანაც მომწონხართ. მოითმინეთ თუ შეიძლება, ის მაინც გამაგებინეთ, სადა მტოვებთ და საით წავიდე... – აქ რალაცას წამოედო, წაიფორხილა, გასწორდა, ისევე გაეკიდა, ისევე წამოედო და წა-

იქცა, თითქოს რალაცა ჩაფშხვნა დაცემისასა, ნამოდგომისასაც ეფშხვნებოდა, რალაცა, რო მირობოდა, მაშინაც ხრამახრუში გაჰქონდა ფეხქვეშა, მაშინ ყურადღება არ მიუქცევია, ახლაც გაუელვა და გადაუქრა ფიქრიდანა, ადვილადაც ვერ გაარჩევდა ცისკრის ფერებში, ადვილად ვერ მიხვდებოდა, რა იყო და რისგან იყო. ლეკომ იცოდა, რა თქმა უნდა, ხანძარს ჩაებუგა ბალი სასახლისა, იშვიათი და უცხო ნინოვანნი, სხვადასხვა ქვეყნებიდან შემოზიდული, გახარებული რის ვაივაგლახითა ჩაებუგა დეკორირებული ბუჩქნარები, ფანჩატურები, ჩაებუგა და ჩაენახშირებინა. მერე ნახშირი ეზიდათ, სულ ვერ გაეზიდათ, ან დაენუნათ წვრილწვრილები, მოღავებულიყო, იქაობა მოთენთიანებულიყო ნახშირითა, ნახშირი ხრამუნობდა, ნახშირზე დაეცა, ნახშირი აჰყვა ჩანთასაცა, ხელებსაცა, სამოსსაცა, ხნულის ლაფიც ჯერ არ შემრობოდა, ნახშირიც აჰყვა, მოედო, შემოერტყა.

ლეკოც მიეშველა და ნამოდგომისასა, ხელიც გაუნოდა და სიტყვაცა, სიტყვით უფრო ნამოაყენა:

– არც მიმიტოვებხარ და არც მიგატოვებ, ოლონდ არ გამაბრაზო, მეტი არაფერი, მეტი არაფერი, განა სხვა რამე პირობასა გთხოვ? ნნ... არა, არ გამაბრაზო. ესეც იცოდე, მე ვერაფერი გამაბრაზებს და შეიძლება უცბადაც გავბრაზდე, გეგონოს, ვითომც აქ არაფერიო, მე იმნუთს ვინ იცის ტანისამოსი შემოვიფლითო. არა, ამას არ ვიზამ, ამისი ნუ შეგეშინდება, მაგრამ სხვა რამეს ვიზამ, უარესს ვიზამ თუ გამაბრაზებ... არავინ მიხსენო, არ გეგონოს, თითქოს ვინმეს ჭკუაზე მივდიოდე, ჰო, არ გეგონოს და ვერც გამაბრაზებ. მეტი არაფერი, ძნელია? არ

არის ძნელი, მე ასე მგონია, ძნელი არ არის, ხოლო შენ თუ ძნელად გეჩვენება, მშვიდობითა ბრძანდებოდე, მონყალეო ხელმნიფევე. – შებრუნდა, ზურგი უჩვენა, მოემზადა ნასასვლელადა, აბა ჰაა, შენზე ჰკიდია, დავრჩე თუ ნავიდეო. – ძნელია?! – იკითხა მუქარითა.

– ადვილია, ადვილია, ძალიან ადვილია... – დაეშურა სტუმარი.

– ძნელიც რო იყოს, აგრე იტყვი, მეტი რა ჩარა გაქვს!..

– არა, მართლაც ადვილია.

– ძნელი იყოს და ძნელი აიტანე.

– იყოს, როგორც გენებოთ, ისე იყოს, ოლონდ ეს მიბრძანეთ, სადა ვართ და რადა ვართ ან მოვისვენებთ თუ არა ცოტა ხანს მაინცა?

– მოისვენებ თუ არა, ეგ რო მოგახსენო, ჩემო კეთილი ყმანვილო, ჯერ ეს უნდა მიბრძანო, აქ რად მოვსულვართ? – თვალი თვალში გაუყარა ლეკომა, თანაც მოჭუტა წვრილი თვალეზი. უცნაურად იელვა მოჭუტულმა თვალმა ცისკრის შუქზედა, წამისად იელვა, ოლონდ ისე იელვა, შეაჟრიალა სტუმარსა.

– ემაგას ჰო მე გეკითხებით... – მაინც ესა თქვა, ანთუ სხვა რა უნდა ეთქვა?!

– რახან მეკითხები, მაშა არც შენ იცი, – დაასკვნა ლეკომა, ოლონდ არ შეჩერდა ამ დასკვნაზედა, – ან მართლა არ იცი, ან მიმაღავ. მე რო გეკითხები, მე მართლა არ ვიცი, ხოლო შენც თუ არ იცი მართლა, აქამდის ჰო ბრმად ვიარეთ და ვიარეთ, ამიერიდანაც უნდა ვიაროთ ბრმადა. შენ არ ვიცი, მე კი არ მომწონს ბრმად სიარული, არა, რადა ვითომო, თვალი მოუცია ღმერთსა და თვალის ჩინიც არ მო-

უკლია, რახან მოუცია და რახან არ მოუკლია, მე ძალისძალად არ ჩავიღამებ, ნნ... არა, რადაო, ვითომაო!

– ჰოდა, რადაო?! – უაზროდ იკითხა მგზავრმა, გზამოკვეთილმა, დაბნეულმა, ღამენათევმა, იკითხა და რო აჰხედა აბრიალებულ ცისკრის ვარსკვლავსა, ვერ გაარჩია, ვერ დაინახა ვერაფერი ბრიალის მეტი.

– ჰოდა მეც მანდა ვარ, – დაატანა ლეკომა. – ჰოდა რადაო, შენც მიდასტურებ, არა? კეთილი და პატიოსანი, ახლა გავინათოთ ბნელი და ვიაროთ სინათლითა. მე ლეკო თათაშელს მიძახიან და განა იმიტომ მიძახიან ლეკო თათაშელსა, ხეთერელმა ჩამავლოს ყურში ხელი და მაპრონილოს, როგორც უნდა, ნნ... არა, ამიტომ არ მიძახიან ლეკო თათაშელსა. ეს ერთი ღამე, რაც იყო, იყო... ეგება არ მოგნონს ჩემი ნათქვამი, ეგება ღამღამობით ნონიალს დაჩვეულხარ მთვარეულივითა ანდა არ გინდა, გამოჩნდე დღისითა, მზისითა?! რატომ არ გინდა, რა განგიზრახავს, რად არ გამომიტყდები თუ შენი თანამოაზრე ვარ, ჰა?!

– თანამოაზრე?! – მიადევნა სტუმარმა, მიადევნა დუნედა და გარინდდა.

– თანამოაზრე, მაშა, – გაუმეორა ლეკომა, – თანამზრახველი, თანამონანილე, თანამდგომი, რაც გინდა დაარქვი, მე მიგიძღვივარ, მაგრამ შენ მოგყვები, მოგყვები და ველარ გამოგყვები, თუ არ მაცოდინე, საით მოგყვები. მიხვედრით, მიმხვდარვარ, რა გამოეპარება ლეკო თათაშელსა, ხეთერელების ჭკუა ერთად რო მოაგროვო, იმოდენა მე ნეკში მაქვს, აბა, ნეკშია, რა გამოეპარება ლეკო თათაშელსა!.. შენ შენი მითხარი, მე ჩემი ვიცი, შენ შენი მითხარი და მოვისვენოთ...

– ჩემი რა გითხრათ, – თავი ასწია სტუმარმა, – ხალხური სიმღერების ჩასანერად ჩამოვედი, ეს იყო ჩემი განზრახვა და სურვილი...

– მერე?!

– მერე...

– რას დავენონებით ამ ღამიანა, ღამე რა უნდა სიმღერებსა?! რა ლობეყორეს ვედებით?! დიდება შენთვისა, ღმერთო!.. აკი გითხარი, ხეთერელები-სოდენა ჭკუა ნეკში მაქვსმეთქი, ეს იყო გითხარი და ამიხდა კიდევაცა, ეგრე ამიხდინე, ღმერთო ყველაფერი! – ხელები აიშვირა ლეკომა, ოლონდ არ აუხედნია, ეტყობოდა, ეს უფრო ფუჭი სიტყვები იყო, ვიდრე მხურვალე მონოდება ღმერთისა. – ახლა ჩემთვის ყველაფერი ნათელია, ვიცე, რა ვილონო და როგორ მოვიქცე. ასე არა სჯობდა? აქამდის გეთქვა, შე დალოცვილო, ბრმად რად მატარე ამ ღადალუდა გზებზედა! რაც იყო, იყო, სინანულიც არ იცის ლეკო თათაშელმა, არც არას დაგაყვედრებს და არც არას დაგამადლის, რაც გინდა, აგისრულებს, გაგახარებს, გატარებს ნეტარებითა, ლხინსა და დღეობას არ გამოგილევს, მაშ რაო, სიმღერებიც იქ არის, სადაც ლხინია, ქორწილია, დღეობა სადაც არის, ლხინებსა და ქორწილებში გატარებს, დღეობებს არ გამოგატოვებინებს, არა, რა სათქმელია... მერე რა დღეობები მოდის, ეს ფერიცვალებაო, ის მარიობაო, ეს გერიტობაო, თავგერიტობაო, შუაგერიტობაო, ჰეჰეი, რა დღეობები მოდის!.. დღეობისა და ლხინის ყადრი იცის ლეკო თათაშელმა, სიმღერის ეშხი იცის და რახან სიმღერები მოგნდომებია, ჩემს იქით გზა არც გექნებოდა. კარგად მიმხვდარა ელიზბარი, თუმცა მთლად

ხეთერელთა ჭკუა რო შეაგროვო, აგერ, ა, ნეკა ფრჩხილში ჩამეტყვა, მაგრამ ამას მაინც კარგად მიმხვდარა.

ხასიათი გამოუკეთდა ლეკოსა, იარა უფრო თამამადა, გვერდი აუქცია სასახლესა, ჩამოიტოვა, თითქოს აქეთ აღარც მოიხედავსო, ყორეებს შემოუარა, ბოგირი გადავლო და ისევ ჩამობრუნდა. ეს მისდევდა თავჩალუნული, არაქათი აღარა ჰქონდა, მაინც მისდევდა, მუხლები ელუნებოდა, ებრიცებოდა, მიუდმოუდიოდა შიგნიგარეთა, მაინც მისდევდა, აღარც სინანულის თავი ჰქონდა, აღარც სურვილისა, წინააღმდეგობა ჰო რა სახსენებელია, მისდევდა მორჩილი, მოტეხილი, მოჩოლოჩინებული. იმას თითქოს ძალა მიეცაო, ნაბიჯს უმატა, ხველებასაც უმატა... ხველებასაო, რო გაიგონეთ, არ გეგონოთ გაცივებულიყოს, არა, არ გეგონოთ, თუმცა მოგახსენე, ნარწყავებში ჩაცვივდნენ, დასველდნენ, ამოილაფნენმეთქი, მაგრამ ეს არაფერი, არ გაცივდებოდა ასე იოლადა, იმისათვის ჩახველება თავმონონება იყო, ჩაახველებდა და შეათამაშებდა მხრებსა, ყელს მოიღერებდა, აუცმუკდებოდა ტანი. ეს გახლდათ შეგრძნებაი სიამოვნებისა, ესევე ეგრძნო, ბოგირი რო გადაიარა. ჩამობრუნდა, რუს გამოჰყვა ნაპირ-ნაპირა, განიერ რუსა, დიდ რუსა, ისევ სასახლისა თუ სასახლარის მხარეს მიექცა, ოლონდ აქეთაც გამოჩნდა რაღაც შენობაი, ალანძული თუ შელანძული კედლები მარცხენა მხარეს დარჩენილიყო. ჰო გამოჩნდამეთქი, სტუმრისათვის გამოჩნდა, გამოარჩია იმისმა დავარდნილ ქუთუთოებში გამობჟუტულმა თვალებმა, თორემ ლეკომ აქამდისაც იცოდა, უფრო ძველი სასახლე რო გადარჩენილიყო, თუმცა იმასაც მის-

წვდომოდა ხანძარი, აელოკა ცეცხლის ენებსა, მაინც გადარჩენილიყო, ხიდი და თალები ჩაებუგა, დიდრუს გადამდგარი ხიდი და თალები, მოჩუქურთმებული, მოხარატებული, მოლამაზებული, ჩაებუგა, ჩაეტანა, ვითომცა ყოფილა, ვითომცა არაო; ძველი სასახლე გადარჩენილიყო, თუმცა გაძარცულიყო, რა თქმა უნდა, გაძარცულიყო, მაგრამ ესეც იმდენი არაფერიო, ლეკოს როდის ენაღვლებოდა, ან რად უნდა შეენუხებინა თავი საამისო ფიქრითა, როცა შეეძლო მისულიყო, დანაყრებულები და მოესვენა; სტუმარს თუ უნდოდა ეფიქრა, ეფიქრა, რამდენსაც რო მოინებებდა, თუმცა ვერც ის მოიფიქრებდა ამაზე მეტსა. და არცა ფიქრობდა, მიფრატუნებდა, მიჩლატუნებდა წელმონყვეტილი.

ასე მიადგნენ ძველ დარბაზებსა, ჩამუქებულთა, ჩაყურსულთა. ხავსმოდებული ძველი ქვითკირი რალაც უცნაურად გამოსჭვივოდა ცისკრის ფერებში; ძველი ქვითკირი გამოსჭვივოდა, ოლონდ ვინრო და მაღალი ფანჯრები თითქოს უკუნეთიდან ამოდიოდა ან შესასვლელიყო უკუნეთისა. შუშები ჩაემსხვრიათ ან ამოელოთ, თორემ შუშებზეც ალიცლიცდებოდა ცისკრის ვარსკვლავი, შიგნით ველარ შეელნია, ვერ შეებედნა უკუნეთისთვისა. ნუ შეებედნა, ლეკოს აღარც უნდოდა იმის შუქი, სხვა შუქი უნდოდა, სხვა ზრუნვა უნდოდა, იმიტომაც ახველებდა ისე საიმედოდა, ისე გამომწვევადა კიდევაც გამოინვია, შავი რამ აილანდა ქვის კიბეზედა, შავი, კუნაპეტი, ჩამოაბნელა ციალი ცისკრისა.

– ძიძა... – თანამგზავრის გასამხნევებლადა სთქვა ლეკომა, თქვა და ჩაახველა, მე ვარო, მიცანიო, ან ვინ არ იცნობს ჩემს ჩახველებასაო. იცნო, რა თქმა

უნდა, ოღონდ არც გამოხმაურებია, არც შერხეულა, რო მიატანეს და მიესალმნენ, საპასუხო ჩაიდუდუნა გაურკვეველადა, მერელა შებრუნდა, ნატუსტუსდა, წინამო წაიარა ლანდის ტუსტუსითა, დერეფანში შეუძღვა თუ არა, უფრო ჩამობნელდა თუ არა, სანათიც გამოჩნდა, იქვე წამოემარჯვებინა, თახჩაში ჰქონოდა, ფარდაჩამოფარებულ თახჩაში. მერე სანათიანად ნატუსტუსდა, ნატუსტუსდა ისევ უთქმელადა. შეხედვითაც არ შეუხედნია, ჩაატარა ვინრო დერეფანი, ბოლოს ვინროვე ოთახში შეუძღვა, არც იქ შეაჩერა, ისევ დერეფანში გაიყვანა, იქიდან კიდევ სხვა ოთახში, სანათი ასნია, შემოატარა ცარიელ კედლებზედა, დიდ წალოსთან შეაჩერა, ერთი გააქგამოაქანა, გააღეთო. ლეკო მიუხვდა, გააღო; გააღო, მაგრამ ცარიელი დახვდა წალოი. სანათი კვლავ შეირხა. კედელს მიანექიო, როგორღაც ისე შეირხა. ლეკოც მიანვა კედელსა. ძვრა არა ჰქონდა კედელსა. დაქანდა სანათი, დაბლა დაანექიო, დაბლა დაანვა, არ დამორჩილდა, კიდევ მიანვა, რაც ძალა ჰქონდა, არ იქნა და არ დამორჩილდა. სტუმარს მიებჯინა სანათი, შენ რალას უდგეხარ, მიეშველეო, ისიც მიეშველა, დაანვა კედელსა. რა ძალა შერჩენოდა ან რა ძალა დაატანა, ძნელი სათქმელია, ადვილიც იყოს, რალა საძიებელია, როცა დამორჩილდათ კედელი. დაიხრჭიალა, დაიძრა, ამოვარდა დამწყვედული ნესტი და უკუნი. სანათი შეერია იმა ნესტსა და უკუნსა, ესენი მერელა ჩავიდნენ, ჩაჰყვნენ კიბესა ანუ ჩაეკიდნენ და გაეკიდნენ შუქსა, შუქი რო შეჩერდა, შეჩერდნენ ისინიცა, იქაც წალო დახვდათ და შედრკნენ, სადღა მივდივართ, რა ამბავია ჩვენს თავსაო, შედრკნენ თუ შეშინდნენ, უღმობლადა ქანაობდა სანათი, გააღეთო, გაა-

ღეს და, ცოტა არ იყოს, შვებით ამოისუნთქეს, – ლოგინი ენყო ნალოში, აკრიფეთ და წამოიღეთო, სანათი ბრძანებდა. აკრიფეს და აიტანეს. კედელი მიგმანეს, ნალო მიხურეს და სანათმა ბრძანა გამომყევითო; გამომყევითო, მაგრამ ამდენი დუმილი და მორჩილება აღარ იყაბულა ლეკომა, აქვე დავრჩებითო, მეტის თავი აღარა გვაქვსო, თუ რამეს შეგვაჭმევ, ჰო კარგი, თუ არა და, ჯანდაბას ჩვენი თავი, დავეყრებით და ძილი რო ნაგვიღებს, ვალალას შესწყვეტს მუცელიცაო. კედელკუთხე მოიტუსტუსა სანათმა, ტახტი აქ არ არის, მაგიდა და სკამი, სად გინდათ დანვეთ, ან როგორ რა უნდა მიირთვათო. როგორც არისო, როგორც გიჭირდეს, ისე გიღირდესო, მიუგო ლეკომა. მაშინ კუთხეში, იატაკზე ჩაიფერხა სანათმა, ამათაც იქვე დაჰყარეს ლოგინი...

VIII

დაჰყარეს და მიეყარნენ, მიეყარნენ და მიიკარგნენ, აღარ გაეგებოდათ, თუ სად იყვნენ, სად არა, რო გამოფხიზლდნენ, მაშინაც აღარ გაეგებოდათ. ისევ დღე იდგა, ამდენს მაინც მიხვდნენ. ოთახში პატარა მაგიდაც შემოეტანათ, სკამებიცა, მაგიდაზე შოთები ენყო, ნივრის წნილიცა, ჯამებით ლობიო, კიტრები და პატარა დოქიცა, ძალიან პატარა, საარყე დოქიცა. ალბათ დილასვე შემოიტანეს, სამხრად არაყს არ მოართმევდნენ; თუმცა წესსა თუ ჩვევას რაღას დაგიდევდნენ განიადაგებულ ოჯახში, მაგრამ ჩვევა მაინც ჩვევაა, სულსაც რო ლაფავდეს, ჩვევას მაინც მიეტანება ადამიანი, უფრო ძალუმად მიე-

ტანება, თუ მიხსნის, ეს მიხსნისო... ჰო სკამებიც არ გახლდათ ცარიელი, ამათი სამოსი ეფინა სკამებზედა, განმენდილი, გაუთოვებული, გასპეტაკებული. ადგომალა უნდოდა, ვერ ამდგარიყვნენ, ძვალრბილი გაჰყროდათ, თავი გორავდა უსაურო, ნესტიან ბალიშზედა. მერე, როგორც იყო, ჯერ ლეკომ წამოჰკრიფა ძვალ-რბილი. ახალუხი გადაიცვა და ტაში შემოჰკრა, ეს ტაში ხმობისა გახლდათ და, თითქოს იქვე მიდარაჯებულაო, მაშინვე კარი შემოალო შაოსანმა დედაკაცმა, დოქით წყალი შემოიტანა, ტაშტიც შემოაყოლა, იქვე დააწყო, პირსახოციც ჩამოჰკიდა კარის სარაზავზედა. ლეკომ ხელები გაატატანა, დიდრუში უნდა ჩავდგე და თავითფეხამდის განვიბანო, ვითარცა იორდანიაში იესო ქრისტეო. არც ურჩობა იყაბულა, არც შედარება მოუწონა იმა დედაკაცმა ანუ ნუხანდელმა ძიძამა, არ მოუწონა, ოღონდ სიტყვით არ გამოუთქვამს, სახეც არ მოუჩანდა ეგრერიგადა, თვალებზე ჩამოეფხატა და ტუჩ-პირი აეკრა შავი თავშლითა, მაინც შეეცყო უამურობაი, ისე შექანდა, ისე გაიხიდა კარებში, გაიხიდა და გაჰქრა მერე თვალმოუკრავადა.

ნიკო ჯერ ისევ იწვა, ჯერ კიდევ ებლიტებოდა თვალები.

ჰო ჯერ კიდევ ებლიტებოდა თვალები, მაგრამ იმდენი მაინც გაარჩია თუ როგორ ეწვალებოდა ლეკო თათაშელი, – ცალი ხელით ისხამდა წყალსა, ცალით იბანდა; გაარჩია და წამოდგა, მიეშველა, დაუსხა წყალი. ლეკომ მადლობა მოახსენა, სავარცხელი ამოაძვრინა ახალუხის ქისიდანა, თმა-წვერი ჩამოივარცხნა, ფანჯარასთან მიდგა, იქ ჩამოივარცხნა, აქეთ აღარ მოუხედნია, არც დაუნახავს, არც არად

ენაღვლებოდა, ეს თუ როგორღა ეწვალეობდა, ცალი ხელით ისხამდა, ცალით იბანდა. ძიძა იქ აღარ იყო. გავიდა ჰო, ამას რო ებლიტეობდა თვალეები; ხელ-პირი გადაიბანა თუ არა, ძიძაც შემოვიდა, როგორც რო გაჰქრა, ისევე გამოჩნდა, გაიტანა ნაბანი წყალი, მერე აღარ გამოჩენილა ან რაღად უნდოდათ, საჭმელ-სასმელი ჰქონდათ, სუფრა განყობილიყო. იყო და სწორედ ეს არ მოსწონდა ლეკოსა, დილით განყობილი სუფრა არ მოსწონდა, არ ეჭაშნიკებოდა ნალამური ლობიოი, არაყი ჰო, არაყზე უარს არ იტყოდა, მაგრამ ერთი ჭიქის მერე ღვინოს მოინებებდა, გრილ ღვინოსა, არა სჩანდა არცა მომტანი, ფრატუნიც არსაით მოისმოდა. მაშინ ელიზბარ ხეთერელის მიერ გამოტანებული წამლები გაახსენდა ლეკოსა, ტაში შემოჰკრა, ახლა მე ვიცო; ახლა მე ვიცო, ოღონდ მაინც არავინ გამოჩენილა და ვერც საცოდნელმა გამოჰყო თავი. მაშ ეგრეო, გულზე ხელი დაიბრაგუნა ლეკომა, კეთილი და პატიოსანიო, ხელი დაიბრაგუნა, დაიქადა, კარი გამოალო და ისეთი წივილ-კივილი ასტეხა, გეგონებოდათ, სასიკვდილოდ დაუკოდიათო. აწივლდა, აზუზუნდა, აზუზუნდა ხავსიანი დერეფნები, დაიგუგუნეს გამოცარიელებულმა დარბაზებმა. ბუყბუყი ამოვიდა სარდაფებიდანა. ძიძა მაინც ვერ შეაშფოთა, ნელ-ნელა, აუკვირველად, ლანდად მოადგა ამათ კარსა, რას ინებებთო, ეს აგრძნობინა მდუმარედა, შეურხეველდა. ჩვენ არაფერსაო, ითაკილა ლეკომა: მე მაინც, ჰო მოგეხსენება, არც არაფერი მინდომია, არც არაფერს ვინდომებო, მხოლოდ წამლები მომირთმევია ქალბატონ ეფემიასთვისა, უბოძეთ თუ შეიძლებაო. აქ წამლები გაუნოდა, არც გაუნოდა ანუ გაუნოდა,

ოლონდ ჯერ მიცემას არ აპირებდა, არც ძიძას გამო-
 უშვერია ხელი, ოდნავადაც არ შეუტოკებია. მეო,
 მოახსენებდა ლეკოი: გავიგე ნამლები რო შემოლეო-
 და ქალბატონ ეფემიასა, აქეთ აღარც შემომივლია
 ან რალად უნდა შემომეველო, რახან გავიგე, გავეშუ-
 რე პირდაპირ ხევთისსა; შენ ეიმეთქი, შევუტიე
 ელიზბარ ხეთერელსა, რა ბებიაშენის მუქათებსა
 ხევმეთქი, რას მიგიტოვებია ის ქალიმეთქი, ახლავე
 მომიმზადე ნამლებიმეთქი, ახლავე, ამნუთშიმეთ-
 ქი... თორემამეთქი... ჰოდა, რალა ბევრი გავაგრძე-
 ლოო, აგრემც გაგიგრძელდება ნუთისოფელი, დაამ-
 ზადა თუ არა, გამოვეშურე, თვალის დახამხამებაში
 გამოვეშურე და აი, აჰა, მომირთმევიანო. მაშინლა გა-
 მოაშვირა ხელი ძიძამა, გამოაჩინა გრძელი, მსხვილი
 თითები, ცოტა ნუჟრიანი თუ ცოტა დაგრეხილი თი-
 თები, გამოაჩინა, შემოახვია ნამლებსა, გაბრუნდა,
 გავიდა უთქმელადა. ახლავე ღვინოს მოგვიცუნცუ-
 ლებსო, შეიხალისა ლეკომა, მაგრამ არ იქნა, არ მო-
 უცუნცულა; რალას იზამდა, მაშინ არაყი ჩამოისხა,
 გადაჰკრა და ნეტარადა თქვა: იფ, რა არის, ამისთა-
 ნა არაფერი დამილევიაო; ახლა ლობიო ნახე, ამის-
 თანა არაფერი მიგემნიაო; ნივრის წნილი! იფ! იფ!
 იფ, ნეტავ რა არის, რა ხელმა ჩასდოო. ახლოს მოი-
 ნი, გულიანად შეექეცი გეთაყვა, ვისაც ბედმან რაცა
 მისცეს, დასჯერდეს და მას უბნობდესო, ღმერთმა
 აცხონოს ამისი მთქმელიო.

მაინც ვერ მოისვენა ლეკომა, ცოტა აიტკიცა,
 ცოტა შეჭიკჭიკდა და ველარ მოისვენა, ტაშიც შე-
 მოჰკრა, ნივილკივილიც ასტეხა, აღარავინ გამოეხ-
 მაურა, არავინ გამოჩნდა, მაშინ ჩაახველა მუქარისა-
 და, თავდაჯერებისადაცა, შენ აქ მომიცადეო, თქვა

და გავიდა. ესეც უცდიდა, მეტი რა ჯანი ჰქონდა, ფანჯარასთან დაბორილებდა და უცდიდა. მალალი, ანონილი ფანჯარა გაჰყურებდა დიდრუსა და გადამწვარ სასახლესა. შავი, გარუჯული კედლები, თაღებ-მოშლილი სვეტები ატაცებულყო ცის სილურჯეში, კრიალა სილურჯეში. სვეტთა და ჩამონგრეულ კედლების შუა მთებიც ლურჯად გამოიცქირებოდა, მთები ანუ კალთები კავკასიონისა, მწვანეც მოსჩანდა, ეს ტყის ქოჩორი გახლდათ ან ჭალებისა, ან ფლატეებზე გადაკიდული ბალებისა, რაც უნდა ყოფილიყო, იყო სიმწვანე, იყო სილურჯე და შებოლილი სვეტები, შავი კედლები გადაბუგული სასახლისა. მაშინლა იგრძნო, ხალისი რო დალეოდა, მაშინლა იგრძნო სიმარტოვე და მიუსაფრობა, გაქცევა მოუნდა. მაგრამ არ იცოდა სად იყო, ლეკოც სწორად არაფერს ეუბნებოდა, ისევ თავისი რუკა თუ უშველიდა, გაურკვევდა გზასა კავთისიდან ნატბისამდისა, ან სხვა მხრით საითმე გაურკვევდა, ისე, რკინიგზას რო მიახლოვებოდა, გასცლოდა იქაობასა, მთლად იქაობასა, მთლად შიდა ქართლსა, ქართლის ზეგანსა, მთების შუა რო გადაშლილა ხელისგულივითა, გადაშლილა ისე ნათლად, ისე მკაფიოდა, კანთიელადა, ერედვის სერებიდან თუ გადმოიხედე, ჭიანჭველაც არ გამოგეპარება. თუმცა ამასთან ვის რა ესაქმება, – ჩემთან ვის რა ესაქმებაო, – მაგრამ მაინც დაუძძიმდა გული, მაინც ჩაუგულმოდგინდა თავის რუკასა... ვერ გაიგო თუ როგორ ნაადგა ლეკო თათაშელი, იქვე ყურთან ჩაუხველა, და მაშინლა აიხედა მგზავრმა, კინალამ თავი მიახალა, ოლონდ მაშინვე უკან დაიხია, რუკაც უნებლიეთ მოკეცა და უბეში იტაცა, შიშიანად იტაცა, ისე ცულლუტად უბრწყინავდა

თვალეები ლეკოსა, ისეთი რიხით ახველებდა, ისე გამომწვევდა.

– ეს... – დაბნეულად ამოიძახა ნიკომა.

– სსსს... – ტუჩებზე თითი მიიფარა ლეკომა, არაო, რადაო... ყველაფერი ვიციო.

– არა...

– ვიცი, ვიცი, მე ლეკო თათაშელს მიძახიან და ეს იმასა გულისხმობს, რო ყველაფერი ვიცი. ეს იმასაც ნიშნავს, რო ენაზე არაფერი დამადგება, მაგრამ ნურას უკაცრავად, ვერც ვერაფერს გაიგებენ ჩემგანა. ეს ისე... ახლა აი რა უნდა მოგახსენო, ჩემო ყმანვილო მეგობარო; უნდა მოგახსენო და ის უნდა მოგახსენო, რომა ჩვენი წასვლის დროა. მალე ისევ შემოლამდება და მე ლამიან ფეხს აღარ გავადგამ გარეთა, არც გამიდგამს და არც გავადგამ, ნუხანდელი რაც იყო, იყო, იყო და არა იყო რა, აღარც იქნება, ასე, რო ჩვენი წასვლის დროა, მაგრამ ვერც ნავალთ, ეფემია თუ არ ვინახულეთ. იმან ვინძლო დიდხანს მოინებოს ჩვენთან საუბარი, შენ უნდა შეახსენო, რო გვეჩქარება. არა, მეც შევახსენებ, მაგრამ საუბარი ჰო იცი, ხანდახან რაგვარად ჩაითრევს ადამიანსა, მეც ეგებ ჩამითრიოს და თუ ჩამითრიოს, შემახსენე, გვაგვიანდებათქო. ვიმედოვნებ, არ დაგავინყდება.

– არა...

– ძალიან კარგი და დიდებული. აქამდის სად არის ის ურჯუკი დედაკაცი?! წყუღიმც ვიყვე თუ ეტყოდა, რო აქა ვართ, ისე გაგვისტუმრებდა, არ ეტყოდა.

– აჯობებდა...

– არ გამაგონო!.. მე ლეკო თათაშელს მიძახიან და მაშ მე უკეთ ვიცი, რაცა სჯობიან, რა აჯობებდა

ან რა აჯობებს მერე, მრავალ ნელთა მერე რა იქნება საუმჯობესო. ეს მე მომეხსენება და ნურავინ გაირჯება რამე მირჩიოს. ვერც ვერავინ მირჩევს, ვინც მიცნობს, რჩევასაც ვერ გამიბედავს. შენ ახლა მეცნობი და მიპატიებია. არა, მაღლობად არა ჰღირს, ესოდენ მცირეზე ნუ დაიხარჯები, ბევრად მეტის მიტეევებაც შემიძლიან, დიდსულოვანი გახლავარ, ლეკო თათაშელს მიძახიან და იმიტომაც გახლავარ დიდსულოვანი. ერთი სიტყვითა, ვუბრძანე, მოახსენოს, დიახაც ვუბრძანე, მოახსენოს, რო თან მახლავს ისეთი ვინმე...

– რაო?! – შენრიალდა სტუმარი.

ნარბები აჰყარა ლეკო თათაშელმა, მოჭმუხნა შუბლი და კბილებში გამოსცრა:

– მე ვარ თუ არა ლეკო თათაშელი?!

– როგორცა ბრძანებთ... – დადრკა სტუმარი; რა თქმა უნდა, დადრკებოდა, ინანებდა სიტყვა რად ჩავურთიეო.

– ჰოდა, ასედაცა ვბრძანებ, მოახსენემეთქი, თან მახლავს ისეთი ვინმემეთქი... – და მგზნებარედ ჩაახველა ლეკომა, ისე ჩაახველა, კმაროდა რიხისა და სიამაყის გამოსამზეურებლად, კმაროდა, მაგრამ არ იკმარა, ხელი შემართა, შეატკაცუნა თითები, ცერებზეც შეიმართა, ეს მე გახლავართო, ჩემი უმაღლესობა ბრძანებს, ძირს ვერავინ დაუშვებს ჩემს ბრძანებასაო.

სხვისა რა გითხრა, ამჯერად არც არავინ არავის არრას არ ეკითხება, იქ მხოლოდ ეს გახლდათ, ეს გზააბნეული მოგზაური, ეს შესცქეროდა, ეს უსმენდა და ალბათ, მართლა ისე მოესმა, რო მყისვე დაფაცურდა, წამოაპირქევაა ჩანთაი, კოსტუმი გამოათ-

რია, თეთრი პერანგიც გამოაყოლა, შავი საყელური ბაბთაცა. დაჭმუჭვნილიყო ყველაფერი, არ ჩაიცმოდა, არ გამოდგებოდა საზეიმო შეხვედრისთვისა, არადა, არც ის შეეძლო, წამდგარიყო ელიზბარ ხეთერელის მიერ ნაჩუქარი გაცრეცილი ხალათ-შარვლითა ან გაცრეცილი რა მოსატანია, ახალთ-ახალიცა ყოფილიყო, ვერ გამოჩნდებოდა ისეთი სამოსითა. ღამე სხვა იყო, ხნულებში ბოდიალი, ფლატეებზე ფხოტიალი სხვა იყო, ქალბატონ ეფემიასთან შეხვედრა სხვა იყო, რა თქმა უნდა. თუმცა არც იცის, ვინ არის ის უჩინარი ქალბატონი ეფემია, მაგრამ ვინც უნდა იყოს, ისევ აჯობებს, წარუდგეს დაჭმუჭვნილი კოსტუმითა, ვიდრე მეკალოესი თუ მხვნილმთესველის ხალათ-შარვლითა. დაჭმუჭვულობისათვის ბოდიშს მოიხდის, ერთხელ როდი, ათასჯერაც მოიხდის ბოდიშსა, მგზავრს მიეტყვება, მიეტყვება ისედაცა, მითუმეტეს ათასჯერ თუ მოიხდის ბოდიშსა. მაგრამ ლეკო სხვასა ფიქრობდა, სამოსი გამოსტაცა ხელიდანა, სკამზე დაჰყარა, დერეფანში გაიტანა სკამი, კარი მიხურა და თვალი ჩაუკრა, ახლავე გავიგებთ, მიგვიღებს თუ არა ქალბატონი ეფემიაო. ნიკოს მოენება, ახლა უფრო მტკიცედ ეთქვა უარი, მაგრამ მონებება, ან არც არაფერია, თან თუ არ ახლავს გაბედულებაცა, გაბედულება ვერ მიადევნა, ბაგეს ვერ ამოაცილა სურვილი, ისედაც ვერ ამოაცილა, ლეკოც არ აცდიდა, ენანყლიანობდა, ამტკიცებდა, რო იყო ლეკო თათაშელი და, რო ის იყო, რაც იყო. მერე უცებ ივარაუდა თუ ჩქამი მოესმა, ყურები დაცქვიტა, ფეხაკრეფით მიირბინა კართანა, ფრთხილად გამოალო, ფრთხილადა უჭრიალოდა, გაიჭვრიტა, გააცურა ხელი და სკამი შემოითრია. დაუთოვე-

ბული კოსტუმი, დაუთოვებული პერანგი და საყელური ბაფთა ენყო სკამზედა. ჩაიცვიო უთხრა, ჰხედავ, ვბრძანებ, ჩემს ბრძანებას ვერავინ ნაუვაო.

შეეძლო კვლავაც განეგრძო ტრაბახი, გადაჰყროდა მორჩილ მსმენელსა, ურჩებსაც არ მოერიდებოდა, არც ერიდებოდა, ტრაბახით წარუდგა ქალბატონ ეფემიასაცა, თუმცა მანამდის, ვიდრე ეფემიას არ მოჰკრა თვალი, ცოტა არ იყოს, შეშინებულიყო, ემანდ უცებ გარეთ არ გაგვაცილოს, პირში ჩალაგამოვლებული არ დაგვტოვოს ამ არნაუტმა დედაკაცმაო. ასე ეგონა, ძიძა რო მიუძლოდა ქვედა დერეფნებში, ზედაში რო მიუძლოდა, ასევე ეგონა, უცებ დაგვაქანებს და სადღაც ბაღში ან დიდრუისპირას ამოვყოფთ თავსაო. მერე უარე და უძახე, აქ რა გვინდაო, რა იქენიო, უძახე რამდენიც გინდა, არავინ გამოგეხმიანებაო. თავისთვის ეგონა, თავისთვისა ფიქრობდა, ეჭვიანადაც გადაჰხედავდა ნიკოსა; იმას ეჭვისა არაფერი გაეგებოდა, ნელგამართული მიაბიჯებდა, დერეფნებსა და დარბაზებში მიაბიჯებდა, თუმცა გამოცარიელებულ დერეფნებსა და დარბაზებში, მაგრამ ეგეც არაფერი, გადაიხსნებოდა ბრწყინვალე დარბაზიცა, სადაც შეეგებებოდნენ, მოუსმენდნენ, გაუგებდნენ, მოუწონებდნენ, წააქეზებდნენ, დახმარებას აღუთქვამდნენ და კიდევაც დაეხმარებოდნენ, მაშ რაო, კაცს თავი გადაედო საერო საქმისთვისა, ბოლოსდაბოლოს უნდა შესდგომოდა, უნდა გამოსჩენოდნენ გიორგი ყანჩაველის სამედო პირნი, სწორედ აქ უნდა გამოსჩენოდნენ.

კიდევაც გამოჩნდა... ბრწყინვალე დარბაზისა რა მოგახსენო, ბრწყინვალე შეხვედრისაც აბა რა გითხრა. მაგრამ მაინც ის ოთახი მთლად ცარიელი არ

გახლდა, იდგა აუცილებელი, ძველებური, შინნაკეთები კაკლის ავეჯი და თქვენ წარმოიდგინეთ, ერთი დიდი ხალიჩაც ეკიდა კედელზე, ერთიც ძირს ეფინა, ისიც დიდი, მთლიანადა ჰფარავდა იატაკსა. ერთი სავარძელი გორგოლაჭებზეც იდგა, იქ იჯდა ქალბატონი ეფემია. იქ გახლდათ, სტუმრები რო ეახლნენ, არც წამომდგარა რა თქმა უნდა, არა წესისადა, არამედ იმიტომა, წამოდგომა რო არ შეეძლო, წელქვევით მოეწყვიტა დამბლასა, წელქვევით მოეწყვიტა, ოლონდ წელზევითაც თითქმის აღარ იყო, გაეჩანაგებინა ურვასა. ავინყდებოდა სად იყო, ავინყდებოდა, ვინ იყო, დროდადრო ავინყდებოდა, იბინდებოდა, იკარგებოდა, მერე მოეგებოდა გონსა, მოეგებოდა და ინატრებდა, მიკარგულიყო, მაგრამ ეს არ გახლდათ იმის ნებისადა, მიიკარგებოდა, როცა არ უნდოდა, მოეგებოდა, როცა არ უნდოდა. იმჯერად მეტიხმეტად შეფიცხებულყო ან უეცრად შიშმა გადაჰკრა შავი ფერები, რამეთუ ხელი რო განიწოდა მისალმებისადა თუ მისაამბორებლადა, განიწოდა და მაშინვე გაიტაცა ზურგსუკან, გაიტაცა მეორე ხელიცა. ცოტახნის მერე მხოლოდ მარჯვენა გამოაჩინა და გრძელი ფრჩხილები ლამის ნიკაპში ატაკა წინწამდგარ ლეკოსა, არცთუ შეიმჩნია ლეკომა, თავაზიანად ჩამოართვა ხელი, ცერებზე აინია და ისე ეამბორა, ისევეც შეაგება თანამგ ზავრსა ხელი იგი. ისიც მისწვდა საამბორებლადა, ამბორჰყო ცხადია, ოლონდ თვალს რაღაცა ეუცნაურა, ჩაჭდეულიყო თითები, მუქი ზოლები შემოვლებოდა, – ბეჭდები თუ ნაეძრო, ბეჭდებს თუ მალავდა ზურგსუკანა. და უცებ თითქოს რაღაცა იაზრა ქალბატონმა ეფემიამო, გაიკისკისა უცნაურადა, უკანვე გაიტაცა მარ-

ჯვენა ხელი და ორივე რო გამოაჩინა, ორივეზე უბრწყინავდა მშვენიერი ბეჭდები, კიდევაც გაიკისკისა: თქვენი რატომღა შემეშინდაო, მაგრამღა რაო, შიში გებატონობს, გარჩევა დავკარგეთო, ღრმა ამოოხვრას ამოაყოლა.

დავკარგეთო, დაუდასტურა ლეკომაცა და მოადევნა მაშინვე ესეცა, – ფაფისგან დაშინებული, დოს უბერავდაო.

– ამაზე ითქმის... – ქალბატონმაც დაადასტურა, ქალბატონმა ანუ თუ რილასმა ქალბატონმაო, ამა ძველისძველ ციხე-დარბაზს თუ შემოჰფარებოდა, ისიც ძიძას ხათრითა, ან იმიტომაცა, ჯერ რო მაინცდამაინც არც მოენდომებინათ ის ციხე-დარბაზიცა, არც დასანვაავადა, არც დასანგრევადა – თუ მონდომებდნენ, ძიძაც ვერ უშველიდა ველარაფერსა, ვერა, ვერ უშველიდა, როგორც ვერ უშველა იქითა, იმ ახალ სასახლესა; თუმცა იქ არცთუ გადაჰლობია ვინმესა, არც გადაჰლობია და ვერც გადაელობებოდა, – დაიტაცეს, გაძარცვეს მდიდარი სასახლეი, ამის თვალნი გაძარცვეს, გამოშვიგნეს, გამოაცარიელეს ხორხოციტა, გნიასიტა, აურზაურითა, ამას ნარბიც არ შეუხრია, არც სინანული ამოჰფენია, გადაჰფარებოდა მხოლოდ ეფემიასა, გადაჰფარებოდა და შთააგონებდა უთქმელადა: ნურც გაიგონებ, ნურც განიცდი, გაქვავდი ასე ჩემსავითაო. უკეთესად ვერც ვერავინ შთააგონებდა, გაქვავება მაინც ვერ მოეხერხებინა ეფემიასა, ჩაკუნტულიყო გორგოლაჭებიან სავარძელშია, ყურები დაეცო ცერებითა, დანარჩენი თითებით ისრესდა თვალეზსა, ისრესდა და კანკალებდა, ციებიანივითა კანკალებდა; ანთუ უარესადაცა კანკალებდაო, ოლონდ გაჭირდება

გამოძებნა შედარებისა, გაჭირდება და ისევ ეს იყოს, როგორც ითქვალა, მაგრამ თუ მაინც წარმოიდგენ რაიმე უარესსა, წარმოიდგინე აკეპილი ადამიანი, ის ისაა აკეპილი და აჩეხილი, როცა ჯერ ისევ თახთახებს ხორცი, ძაგდაგებს, ძრწის, ჯერ ისევ თბილია და ისევე თახთახებს. ასე გაუძლო, გაძლებად თუ ითქმის, ძარცვას გაუძლო, უმონყალო ძარცვასა, გაუძლო მანამდე, ბიბლიოთეკამდე, ბიბლიოთეკამდე გაუძლო მხოლოდლა... იქ ველარ გაუძლო, ვერა, ვერ გაუძლო ტყავის ყდები რო შემოაფლითეს უძველეს ხელნაწერებსა თუ უახლეს გამოცემებსა, სიფრიფანა ფურცლები რო ააგლიჯეს წიგნებში ჩატანებულ სურათებსა და იქვე ნეკო რო ჩაახვიეს იმა ფურცლებშია, ჩაახვიეს და ჩაიხითხითეს, გააბოლეს და ჩაიხითხითეს გასაოცარი ნეტარებითა, ველარ გაუძლო და დაინივლა: რასა სჩადიხართ, ველურებოო, დაინივლა და შეგორდა ბიბლიოთეკაში გორგოლაჭებიანი სავარძელითა რალა თქმა უნდა, შეგორდა და დაეწოდა მოღავებულ წიგნებსა, დაეწოდა და ისროლა, სტყორცნა აქეთ-იქითა, ესროლა ყველასა, ვისაცთუ მისწვდა, ვისაცთუ უწია, სტყორცნა წივილითა, წყველა-კრულვითა, ამოიფხრინა ყელი, ხმადაბალ საუბარს მიჩვეული ყელი. მერე რას იზამდა, ძნელი სათქმელია ან ვითომ ისეთს ნეტავი რას იზამდა, ოლონდ ისიც არ დასცალდა, რაც უნდა ყოფილიყო, – ვილაცამ ასწია ვეება ფეხი, ტატყი ასწია და სდრუზა სავარძელსა, გორგოლაჭებიან სავარძელსა სდრუზა ცხადია და გავარდა სავარძელი, კარი გაგლიჯა და იქითა ოთახში შეასკდა კედელსა, შეასკდა და წამოპირქვავდა, ქვეშ მოიყოლა გულწასული ქალბატონიცა.

მერე აქ მოეგო გონს, მოეგო და ვერც მოეგო, აღარაფერი ეცნობოდა, მხარი მოჰქცევოდა, ველარაფერი გაეგო შერუჯული კედლებისაცა, ძიძაც არაფერს ეუბნებოდა. მითხარიო, ჩააცივდებოდა ძიძასა, ჩააცივდებოდა და ცნებაც აერეოდა. ძიძა უყვებოდა ცნებადაკარგულსა, ზღაპრებს უყვებოდა, ბავშვობისას რო მოეთხრო უამრავჯერა, ახლაც მოუთხრობდა უამრავჯერა, ისევ ზღაპრებით გამოიყვანდა, გამოაბრუნებდა, შემოატრიალებდა ამ ქვეყნისაკენა, – ზღაპრებითა და ელიზბარის წამლებითა. აღარც აღარავის იკარებდა ელიზბარის მეტსა, ახლობელნი ჰო აღარ შერჩენოდა და აღარა... უცნაური ბედი დაჰყოლოდათ კათარელებსა, ყველა დევნილისა და გაძევებულის მხლებელნი გახლდნენ. უძველესი საუკუნეებიდან რო არ შემოჰყვე, ჩამოსათვლელად ისიცა კმარა, ხოლო ახალსაუკუნეებში – ისინი ეახლნენ არჩილ მეფესა, ვახტანგ მეექვსესაც, ისინი გაჰყვნენ, ალექსანდრე ამილახვარსაც იმათ უერთგულეს ყველაზე მეტის თავგამოდებითა, ალექსანდრე ბატონიშვილსაც ისინი დაჰყვებოდნენ, ისინი გადაასახლეს იულონ და ფარნაოზ ბატონიშვილებთან ერთადა და აგერ ეს არის – იმ დღემოკლე ხელისუფალთაც ისინი გაეკიდნენ. ეს ყველაზე მწარე გამოდგა, გამოდგა მაშ რაო, – ერთნი თუ სამშობლოდან დევნილთა და გაძევებულთა მხლებელნი იყვნენ, მეორენი აქა რჩებოდნენ, აქვე მოიშუშებდნენ ჭრილობებსა, აქვე მოიდგამდნენ სულსა, კიდევა ზრდიდნენ ერთგულ შვილებსა; ახლა აღარავინ დარჩენილიყო, მობრუნების პირიც აღარავის უჩანდა, განენილიყო, გაქარწყლებულიყო ოდესლაც ძლიერი, მრისხანე გვარი და მოსთქვამდა ქალბატონი ეფემი-

აი, – თუმცა ვილასი ქალბატონი, ვილასი ქალბატონიო, მაგრამ სწორედ ამას მოსთქვამდა, რო აღარც ვილასი იყო, აღარც რილასი იყო, ცრემლილა გახლდა, ვალალილა გახლდა, დაღუპული გვარისა, წინა-აღმდეგობასა და ერთგულებაში დაღუპულისა.

და ვალალებდა... მიიკარგებოდა და გამობრუნდებოდა. გამობრუნდა და ბეჭდები დამალა, მიიკარგა და აღარ გაეგებოდა, ვინ მისულიყვნენ, რა უნდოდათ, რა პირს ალებდა, რა ხელებს იქნევდა ეს წინ ნამომდგარი კაცი, კაცი თუ ურჩხული?!

და ის იყო:

– აააააააჰ... ჰააააააა... – ინივლა ქალბატონმა ეფემიამა, ინივლა და გადასავსავდა, მანამდის მოასწრო, კავებში ჩაეხლართნა თითები და მოებღვინა ჩიხტი-კოპი, ლეჩაქ-ბაღდადი.

ესენი შეკრთნენ, უკან დაიხიეს, მერე თითქოს მიხვდნენ, უნდა მივეშველოთო, ხელები გაიწვდინეს, წაინიეს წინწინა, მაგრამ თავი შეარხია ძიძამა, ქუშად გამოჰხედა. თქვენს ქერქში დაეტიეთო, შებრუნდით და გადაეყუდეთ ფანჯრის რაფასაო. ასეც მოიქცნენ, თუმცა ვინ უწყის, ამდენიც არ უნიშნებია ძიძასა, ოღონდ რაც უნდა ყოფილიყო თუ რამდენიც უნდა ყოფილიყო, იმათი ჩარევა არ უნდოდა და არც ჩაერივნენ, იყვნენ ეგრე გადაყუდებულნი, არც არას ამბობდნენ, არც არასა ფიქრობდნენ, მხოლოდ შიშობდნენ, კიდევ რა სეირს დაანევეს გორგოლაჭებიანი ქალბატონიო. ესენი შიშობდნენ, ოღონდ იმას სასეირო აღარაფერი დამართვნია, თვალი დაეწმინდა, ფიქრი დაეწმინდა, გამობრუნდა, გამოტრიალდა, არც ის დავინყებია, თვალთ რო აემღვრა და ურჩხულად მოეჩვენა ლეკო თათაშელი, არც დავინყებია,

არც დაუმალავს, გამოუტყდა, ასე მომეჩვენაო, გამოუტყდა, როცა მოშორდნენ ფანჯრის რაფასა და იმის წინ ჩამოსხდნენ, ჩამოსხდნენ ცოტა არ იყოს მოშორებითა, თუმცა მოსარიდალი აღარაფერი ეტყობოდა ქალბატონ ეფემიასა, მშვიდად მისვენებოდა სავარძელსა, კავები თუ ჩიხტი-კოპი გასწორებოდა, ვერცხლისფერი ბალდადი მოხდენილად გამოკვანძოდა ნიკაპქვეშა. გულისპირიც ვერცხლისფერივე ჰქონდა, კაბაცა. ლეჩაქი გამოქათქათებულიყო ვერცხლისფერიდანა და გადაჰქათქათებდა ვერცხლისფერსა. მუხლებზე ატლასი ეფინა, ისიც ვერცხლისფერი და ოქრომკედლიანი. საზეიმოდ გამონყობილიყო, მაინც დაეკარგა მთავარი ცნება, გონთ დაეკარგა და მიიკარგა, – შენ გამიგებო, შენ არ გებოდიშებო, – ეუბნებოდა ლეკოსა, – ამ ყმანვილთანა მაქვს საბოდიშო, მაგრამ ალბათ ესეც გამიგებს, ისეთი ვალი დაჰკისრებია, ყველაფერი უნდა იცოდეს, ყველაფრის გაგება უნდა შეძლოსო.

– მე... ქალბატონო... – ამოილულლულა სტუმარმა და, ცოტა არ იყოს, მწყრალად გადაჰხედა ლეკოსა.

– მართალსა ბრძანებთ, – დაუდასტურა ლეკომ, – უიშვიათესი ადამიანია, ყველაფერი გაეგება, ყველას თანაგრძნობა შეუძლიან, ყველას მიუხვდება, თქმა რად უნდა, თავისთავად მიუხვდება და თანაურგრძნობს. ჯერ შენ თვითონაც არ იცი თუ რა გინდა, ეს უკვე მზადაა, ხელი წამოგაშველოს. მე თუ ლეკო თათაშელი ვარ, ადამიანის გამოცნობაში არ შევცდები და ჩემს ხმას დავანევ იმ ღირსეულ ადამიანებსა, ესოდენ დიდებული ვაჟკაცივინც ამოარჩია საშვილიშვილო საქმისათვისა. – ასე გამოსთქვა და ხელე-

ბი აღაპყრო ლეკო თათაშელმა, ხელებიც აღაპყრო, თვალებიცა, თან ტუჩები ააცმაცუნა, თითქოს ვილაცას ესაიდუმლოებაო, რალა ვილაცასა, თვით ღმერთს ესაიდუმლოებაო. ხან ისედაც გაუშინაურდებოდა თითქოს იესოს ძმად მოაქვს თავიო, ღვიძლ ძმადა, ღვიძლადა რალა თქმა უნდა.

თითქოს მოინუსხა სტუმარი, თითქოს აღარაფერი გაეგებოდა, უარი ველარ ენამებინა, ვინ უწყის, ნახდეს ეს საიდუმლო გასაუბრებაო.

თვალეზი აღეპყრო ქალბატონ ეფემიასაცა, სასოებით აღეპყრო და შესჩურჩულებდა, საშვილიშვილო საქმისთვისაო, საშვილიშვილო საქმისთვისაო, ჭერს შესჩურჩულებდა. დალაქავებულსა და შებლალულ ჭერსა.

– მე ყოველთვის მჯეროდა, – განაგრძობდა ქალბატონი ეფემია, – მჯეროდა, რო მალე თავს დავაღნევი ამ საბედისწერო გაოგნებასა, მჯეროდა და აი ახდა! ღმერთო შენითა! ღმერთო შენითა!..

– ახდა!.. – უცხო ხმით დაანია ლეკომა. სტუმარს რო უცხოდ მოეჩვენა, ეგ არაფერი, თვით ლეკომაც მიმოაცეცა თვალეზი, ნეტავი ვინ იყო, მე თუ სხვა ვინმეო.

– მე ყოველთვის მჯეროდა, – ისევ დუდუნებდა ეფემია თავისასა, – მჯეროდა, მჯეროდა... მჯეროდა, რო იარსებებდა ჩვენი ერი, მჯეროდა და აი ამიხდა, ურჩობა გაჰბედა, მაშ იარსებებს, მაშ იარსებებს, უეჭველია, ის იარსებებს, ვისაც ძალა შესწევს ურჩობისა.

– უძვირფასესი სიტყვებია... – შესძახა ლეკომა.

– ცხონებულმა მამაჩემმა იცოდა ასე. – თავი გამოიღო ეფემიამა.

- ცხონებული პაპაჩემიც ხშირად იმეორებდა ხოლმე. - ლეკო შეეპასუხა მოკრძალებითა.

- პაპისპაპას არ მოვსწრებივარ, - გოროზად გადმოიხედა ეფემიამა, - თორემ იმისგან გავიგონებდი... შენ რაო ლეკო!.. უსათუოდ წინ უნდა ჩამიდგე?!..

დასთმო ლეკომა, აბა ნუ დასთმობდა, - ისევე ასავსავდებოდა ეფემია ქალბატონი, ლეჩაქს მოიბდღვნიდა, მოსტყორცნიდა ჩიხტი-კოპსა და დაიგრიხებოდა, დაიხლართებოდა, დაიპრანჭებოდა ისე, ძვლები დაენვოდათ შემყურეთა; იმიტომაც დასთმო, ძიძა წამოდგა, არც არა უთქვამს, არც შეუხედია, მაგრამ ისე წამოდგა წინა, იგულისხმებოდა, ახლავე გაგიყვანთ, გამომწვევად თუ ელაპარაკეთო. გამონვევა არც უნდოდა ლეკოსა, მხოლოდ ტრაბახი უნდოდა და არც გამოილევდა სატრაბახოსა, დაე, ეს ეთქვას ამის მამასა თუ პაპისპაპასა, თავისიანებს სხვა რამეს ათქმევინებდა, უფრო ბრძნულსა, უფრო ომახიანსა, ათქმევინებდა კიდევაცა, გააკეთებინებდა კიდევაცა, ენაზე ჭალი არ მოედებოდა, ეფემიაც არ აუხირდებოდა. სტუმარსა რალა ექნებოდა თავგამოსადები, ან ძიძა რას შეეხმობდა პირში, - ჰოდა, ჩალრმავდებოდა, გაიგანებდა, აიქაფებდა პირსა, ჟინს მოიკლავდა ტრაბახითა... ჟინს მოიკლავდაო და კიდევაც მოიკლა, მხოლოდ სტუმარი შეეპასუხა რამდენჯერმე, თუმცა განა შეეპასუხა, - შეახსენა, დაგვაგვიანდებო. შენც არ მომიკვდე, ყურადღება არ მიუქცევია ლეკოსა, ის მაინც არ გამოჰპარვია, ეფემიამ რო მოადევნა, რა გეჩქარებათო. მართლაცდა, რა ეჩქარებოდათ, ლეკო მაინც საით მიემშურებოდა? არც არსაითა, არ აწვიმდა და არ ათოვდა, არა სციო-

და და არა სცხელოდა, დანაყრებულიც იქნებოდა, ცოტა ეს იყო, სასმელი მოსურვებოდა და ესეც გამოჩნდებოდა, ენა გამოაჩენდა, ენა მოიტანდა, ენას შესძლებია ყველაფერი, კვლავაც შესძლებდა. და მოაგონებდა, თუ როგორი მასპინძლობა იცოდნენ კათარელებმა, რა მარნები ჰქონდათ, როგორ ღვინოებს აყენებდნენ. კახური ღვინოები ჰო საქვეყნოდ განთქმულია, კათარული იმათი ბადალი იყო. ზოგჯერ მეფეები კათარულს არჩევდნენ, დიდი ელჩობის დროს იმითი გამოიღებდნენ თავსაო. ძველ მეფეებზე ვამბობო, განუყოფელ საქართველოს მეფეებზე, თორემა რო განვიყუთ და გავნანილდით, ამას იქით გზა არცა ჰქონდათ ქართლის მეფეებსაო. ეთანხმებოდა ეფემიას სახეგაშუქებული, თვალანთებული ეთანხმებოდა, სამაგალითო გადმოცემებს მოადევნებდა, საგვარეულო ისტორიაც მოითხოვა და იქიდან უკითხავდა დიდად თავგამოსადებ ამბებსა. ჰო საგვარეულო ისტორია მოითხოვა, დასალევი არაფერი მოუთხოვია, არც ძიძას გამოუჩენია თვალები, არც კრინტი დაუძრავს რალა თქმა უნდა, ხელნაწერი მიაართვა და მიჯდა ისევ კუთხეში, – მიჯდა თუ მიეყუდა კუთხესა ან დაესვენა, როგორც ქანდაკება რამ მარადიული უძრაობისა. ხოლო ეფემია ჰყვებოდა თრთოლვითა და ძრწოლვითა, რო სამი საუკუნე სწერდნენ იმისი წინაპრები საგვარეულო ისტორიასა, სამ დიდ ტომად შეედგინათ და დაეკაზმათ ვეფხის ტყავშია, სამივე ტომი ხანძარში ჩაბუგულიყო და ახლა ეს აღდგენდა ზეპირადა, ძველს აღდგენდა და ახალსაც მიუმატებდა, დღევანდელი დღეც შევა ამ ისტორიაშიო, დღევანდელიო, კვლავაც არეული და აბურღულიო.

ეს იქნება ჭეშმარიტი ისტორია, შესძახა ლეკომა, მე ვარ წინამძღოლი დღევანდელი დღისაო.

წავიდეთო, კიდევ შეახსენა სტუმარმა. მაშინ უკვე უდროოდ შეახსენა, – მწუხარი მოსწოლოდა კათარელთა ძველისძველ დარბაზებსა, კუთხეები ჩაბინდულიყო და აღარა სჩანდა ქანდაკება მარადიული უძრაობისა, მაინც გამოჩნდა, გამოერჩა ჩაბინდულ კუნჭულსა, კარი გამოაღო და სარაზავზე შეაცივა ხელი. არ გემშვიდობებითო, სთქვა ქალბატონმა ეფემიამა და სიამოვნებით ჩაახველა ლეკომა, რა თქმა უნდაო, რა დროს გამომშვიდობება არისო, ჩაახველა ამ აზრითა, თანაც თვალი ჩაუკრა სტუმარსა, – აჰა, აღსრულდა, ვიხილავთ კათარელთა მასპინძლობასაო, ანიშნებდა თვალის ჩაკვრითა; ძიძასაც უთხრა გულთბილი სიტყვები, იმ იმედითა, შორეულ დარბაზამდის არ გვატარებ, აქვე სადმე იქნება სუფრა გაშლილიო; იმედიანად უთხრა და იმედიანადაც აედევნა. იმანაც ატარა, მიახვევ-მოახვევინა, აიყვან-ჩაიყვანა, კარი გაუღო და პუპლუც: ვარსკვლავებმა ჩასჩახჩახათ თვლებში. ვიდრე გამოერკვეოდნენ, ჭერი აგვხადეს თუ რა არისო, კარი მოიგმანა და ურდული ჩაჭედა შიგნიდანა, ძიძამა. ლეკო მაშინვე ეძგერა კარსა, მაგრამ გვიანდა იყო, აღარ იძვროდა კარი, ძველისძველი მაგარი კარი, ძელებისა და ლოდსატყორცნებისათვის რო გაეძლო, ისეთი მაგარი, ლეკოს მუშტებისა რა უნდა ეგრძნო ან ყვირილით რას გააწყობდა, – გულს თუ მოიოხებდა, ან როგორ მოიოხებდა გულსა, – გარეთ ღამდებოდა, შიგნით გაეგდოთ ურდული.

– კარი გააღე, შე კუდიანო, როკაპო დედაბერო, – მაინცა ჰყვიროდა ლეკოი, – კარი გააღე, შე ქაჯების ჩამომავალო, შე არნაუტო, შე ღრძო, შე მუდო, შე

ქვის ქვეშ ამოსადებო, შე ქასკანჯიელო, შე... შე...
კარი გააღე. მანდ დაგვრჩა...

– აქ არის... – ნულარა ჰყვირიო, ამ კილოთი უთხრა სტუმარმა. მართლაც იქ იყო, კართანვე იდო ნიკოს ჩანთაი ელიზბარის სამოგზაურო სამოსელითა...

მხრები ჩამოჰყარა ლეკომა, მხრები ჩამოჰყარა და კბილები გაახრჭიალა, სხვა რაღა ჩარა ჰქონდა; კბილები გაახრჭიალა, ოლონდ ვერც გაახრჭიალა, სადღა იყო ვაჟკაცის კბილები. ცა ჩახჩახებდა, ისევე ჩახჩახებდა, როგორ მაშინა, ეს რო ვაჟკაცურად აკრაჭუნებდა კბილებსა, ან როგორც მაშინა, კათარელებს რო ქარი უქროდათ და ბრწყინავდა ეს დახავსებული ციხე-დარბაზი, ბრწყინავდა მეტისმეტი ბრწყინვალეებითა, ანდა როგორც მაშინა, დედამინაზე ჯერ სიცოცხლევ რო არ იყო ანუ როცა აღარც სიცოცხლე იქნება და აღარც დედამინა... ჩახჩახებდა და იჩახჩახებდა... და იჩახჩახებდა...

IX

ჰო ჩახჩახებდაო და იჩახჩახებდო, – საიდან სადაო, მაგრამ საიდანაც უნდა ყოფილიყო, ამდაგვარმა ფიქრმა წამოჰკრა ლეკოსა, ხავსიან ქვის კიბეზე რო ჩაიკეცა სიბრაზისაგან სასონართმეულმა; ამდაგვარმა ფიქრმა წამოჰკრა და მაშინვე გამოუკეთდა ხასიათი; ხასიათი გამოუკეთდა და მყისვე წამოდგა, გამოეცალა ხავსსა.

– ადამიანი არავის არ უნდა აჰყვეს, – განაცხადა ლეკომა, – ნუთისოფლის სტუმრები ვართო, ნათქვა-

მი რო არის, კიდევაც უნდა იყვეს სტუმარივითა, ილალოს, იმხიარულოს, გაახაროს თავისი ყვავილი, ვინც რა უნდა თქვას, ვინც რა უნდა ილონოს, არავის გამოეკიდოს, იაროს თავისი გზითა... – განაცხადა ისე, რო ალბათ კარგახანს ილაპარაკებდა კიბის თავზე წამომართული, ხელებგაშლილი, წამოხურული ვარსკვლავიანი ცითა, მაგრამ დრო იხელთა და აღარ დააცადა ნიკომა:

– ვიართ ჩვენი გზითა...

– რომელი გზითა?!

– რომელსაც დავადექით.

– აჰ! ვინ იცის გგონია, შენს გზას ავდევნებივარ?! ნუ გეგონება, მე ლეკო თათაშელს მეძახიან და რახან შევახსენე ჩემს თავსა, შენი გზით უნდა იარომეთქი, მაშ უნდა გაიყაროს ჩვენი გზები, რადგან შენ თუ წაღმა მიდიხარ, მე უკულმა უნდა ვიარო, შენ თუ უკულმა მიდიხარ, მე წაღმა უნდა ვიარო, შენ თუ აღმა მიდიხარ, მე დაღმა უნდა ვიარო, შენ თუ გაღმა გადიხარ, მე გამოღმა უნდა დავრჩე.

– რასა ბრძანებთ?!

– რაც გაიგონე. მე ჩემი მოგახსენე, ახლა შენსა მოვისმენ და მერე წილი ვყაროთ.

– მმმმმმე როგორც გავიგე, ჩჩჩჩჩჩმმმმმი მიტოვება გნებავთ... – ცოტა არ იყოს, ენა დაება ნიკოსა.

– ისეთი გონიერი ყმანვილი ხარ, სხვაგვარად ვერც გაიგებდი.

– მერე მე რა წყალს მივცე?!

– შენ იცი, – შეშფოთება არად ჩაუგდო ლეკომა, – მრჩეველად ვერ გამოგადგები. ღამიან ყოველთვის ჭერქვეშა ვყოფილვარ და ღამის გზებისა არაფერი

გამეგება. შენ დღისით გამოსაჩენი პირი არა გაქვს, მე ლამლამობით ხეტიალი არ მეპიტნავენა. წუხელის რაც იყო, იყო, შეგარგოს ღმერთმა, ახლა გავიყაროთ... – ბრძანა ლეკომა და მკვირცხლად ჩაათავა ხავსიანი საფეხურები.

– ცის ქვეშა მტოვებ?! – ჩაედევნა ნიკოცა, რალა თქმა უნდა.

– მინის ქვეშაა ძნელი, გაუსაძლისო, თორემ ცის-ქვეშ რა გაგიჭირდება; რაც უნდა გაგიჭირდეს, დამხმარე მაინც გამოგიჩინდება, ცის ქვეშ ხელის განოდება შეიძლება, მინის ქვეშ არა, ნნ, არა.

– აქ ვინ გამომინოდებს ხელსა?!

– გამოჩნდება, უნუგეშოდ არ დარჩება ადამიანი. – იდაყვზე მოუთათუნა ხელი ლეკომა, – ვინმე გამომჩნდება, სხვა თუ არა, ეგ ურჯუკი დედაკაცი მაინც გამოჩნდება, მე წავალ თუ არა, მაშინვე გაგიღებს კარსა.

– არა მგონია, – შეეპასუხა ნიკოი, შეეპასუხა წყნარადა, ფიქრიანადა, – სწორედ ისე გამოგვისტუმრა, როგორც დაგვითქვა ელიზბარ ხეთერელმა.

– მე რა გითხარი!.. – აყვირდა ლეკო თათაშელი, – მე რა გიბრძანე?! გიბრძანე თუ არა, აღარ მიხსენო ელიზბარ ხეთერელიმეთქი!..

– მიბრძანე...

– მერე?!

– წამომცდა...

– მერე?!

– აღარ წამომცდება...

– აღარც გუნებაში გაივლებ!

– აღარა...

– მაშ წავიდეთ.

ასე შერიგდნენ მოულოდნელად ანუ ლეკო შეურიგდა და ნიკოც აედევნა ტუსტუსითა. ნიკოცაო. ნიკუშას რო ველარ იტყვი ლეკოს შიშითა. აედევნებოდა, მაშ არადა, თავს გამოიდებდა. რას მიყვირი, რა აბუჩად მიგდებო. სხვაგან, ვინ იცის, თავიც არ გაეყადრებინა, მაგრამ აქ რა ექნა, სხვა რა ელონა, მეტი რა ჩარა ჰქონდა!.. მიჰყვებოდა ფეხდაფეხა, ვიდრე ლეკო ბილიკს მისდევდა თუ მიდიოდა ალაღბედადა. ის მალე შარაგზაზე გავიდა... ასეც იტყვიან ხოლმე, გზაშარაზე შედგაო, ოღონდ ამას ქალზე იტყვიან, კაცზე არ ითქმის, ისეთი ნიშანი დასდებია, ქალზეა მორგებული, ხოლო კაცი თუ შარაგზაზე გავიდა, ეს მართლაც გზაზე გასვლასა ნიშნავს, დიდ გზაზე, ფართოსა, სწორსა, გატკეცილ გზაზე, ოღრო-ჩოდროებსა, ორნოხებსა, ფლატეებსა თუ ლადალუდას თავს რო დააღწევს და ამოისუნთქებს შვებითა. თუმცა აქ არ ითქმის, ნიკომ ამოისუნთქა შვებითაო. არა, არ ითქმის, არა, როგორ ითქმის, როცა პირიქით მოხდა, მაშინვე გაახსენდა შეგონებანი ელიზბარ ხეთერელისა, სუნთქვა გაკმინდა და თვალები დააცეცა; შეგონებანი გაახსენდა, ოღონდ სახელი გადაიგდო გონებიდანა, ემანდ ენაზე არ წამომივარდესო. არც წამოუვარდებოდა, არ დააცდიდა ლეკოი, გატაცებულიყო თავისი სიტყვითა, სიტყვითაც გატაცებულიყო, გზითაცა ანუ აღმოეჩინა სახსარი გზის შემოკლებისა და ამითი აფოფინებულიყო: მხარში ამომიდექო, პირველყოვლისა ასე უბრძანა, გზა განიერია, ორსაც დაგვიტევს მხარდამხარა, ორჯერ ორსაცა, ოთხჯერ ოთხსაცა და მეტსაცაო. მეტსაცაო, — ერთიმეორეს რო არ ვეხლებოდეთ, ერთიმეორეს რო არ ვანყდებოდეთ ოჩანი ხარებივითაო; ჩვენ მაინც

დაგვიტევს, რამდენიც უნდა მივეხალათ თუ მივეჯახოთ ერთმანეთსაო, ჰოდა, მხარდამხარ მომყევი, ყური მომაპყარი გულმოდგინედა და არც დაიღლები, არც გაბეზრდები, ის ნანყენობაც გაგივლის, თუმცა შენ არაფერი გწყენია, მაგრამ გულს მაინც რაღაცა დააჩნდებოდა, თავისთავად დააჩნდებოდა, დაედებოდა ოდნავ ლაქადა, მცირე წერტილად დაეტყობოდა და იმ ლაქასა თუ წერტილს ამოგაცლისო. ერთი სიტყვითა, მომაპყარ ყურნი და დაიხშე ბაგენიო. ჰო, ასე უბრძანა პირველყოვლისა და მერე განაგრძო ანუ ნამოიწყო:

– ეგრე ყოფილა და ეგრე უვლია კათარელებისა და ოცხელების მეზობლობასა, ვისაც კათარელები აიბუებდნენ, ოცხელებთან მივიდოდა. ერთმანეთსა მტრობდნენ კათარელები და ოცხელები და მეგობრობდნენ ერთმანეთის მტრებსა. ეგრე ყოფილა, ეგრე უვლია ამათ მეზობლობასა. ოდესღაც ახლო ნათესავეებიცა ყოფილან. ოცხელისათვის მიუთხოვებიათ მშვენიერი ასული კათარელებსა. ქალი ძალიან ჰყვარებიათ და შორისად რო ვერ გაუმეტებიათ, აქვე უბოძებიათ სოფელი, აქვე დაუსახლებიათ. ეგრე ეეე, საით მიგიღერებია კისერი?! ეგრე ეეე, ძაღლების ყეფა რომ მოისმის ცოტა შორითა, აქვე ჯერ ისევ კავთისია, მანდ ბევრი ძაღლი ჰყეფს, დიდი სოფელია, ის ეგრე დიდი ვერ არის. ყური მიუგდე, ამის ნახევარი ძაღლის ყეფა არ მოისმის, ამის ნახევარიც ვერ იქნება, მაგრამ კარგი სოფელია, დოვლათიანია, გონიერია და თუ კაცი გონიერია, სოფელიც ღონიერია, მეტი არც არაფერია სანატრელი ამ ცოდვილ ნუთისოფელში. ის თავდაპირველი ოცხელიც გონიერი გამოდგა, გონიერება არ აკლდათ შთამომავ-

ლებსა, ოლონდა სადღაცა, რომელიღაცა შთამომავალი შემოსნყრა კათარელებსა თუ რომელიღაცა თაობის კათარელებმა ამოიძულეს ოცხელი, ახლა ამის გარჩევაში ვერ შევალ და თუ ძალიან გაინტერესებს, როცა მოიცალო, კვლავაც ენვიე ქალბატონ ეფემიასა და წვრილად მოგიყვება, ან ამოგიკითხავს ზეპირად აღდგენილ ისტორიაში. ამას იმიტომ გეუბნები, ცნობისმოყვარეობა რო დაიოკო და სიტყვით ჰო არ მელობები, ფიქრითაც არ შემიძალო ხელი, თორემა მე თუ სხვა ვთქვი, შენ თუ სხვა იფიქრე, მეც გამექცევა სიტყვაი, შენც დაგეკარგება გულისყური და თავბოლოს ველარ მოვაბამ სათქმელსა. ხოლო თუ უკვე არ დამკარგვია სათქმელი, იმას მოგახსენებდი, რომა ვერ გეტყვი, თუ როდის ამოიძულეს ერთმანეთი კათარელებმა და ოცხელმამეთქი, ოლონდ იმას მაინც არ დაგიმაღავ, რო ვისაც კათარელები ამოიბუებდნენ, ოცხელს მიეკედლებოდა, ვისაც ოცხელი ამოიბუებდა, მიძუნძულდებოდა კათარელებთანა. არც დაგიმაღავ და თავშივეც გითხარი, და კიდევაც გეტყვი, კიდევაც გაგიმეორებ, აბა ისე როგორ ჩაგაგდო გულისხმაშია?! ჰოდა, კიდევაც რო გეტყვი, ესეც იცოდე, კათარელებს ყოველთვის კათარელებად რო მოვიხსენიებ, ხოლო ოცხელები არ წამომცდენია, ამასაცა აქვს თავისი მიზეზი: კათარელები ყოველთვის ბევრნი იყვნენ, ხოლო ოცხელები არცა ყოფილან, ოცხელი ყოველთვის ერთი გახლდათ; ყოველთვის ერთი ძე ჩამოუვიდოდათ, დანარჩენი ქალები იყვნენ ან ქალებიც არ გამოერეოდნენ, ძე იქნებოდა ერთადერთი, გვარს განაგრძობდა, შურსაც განაგრძობდა კათარელებსა ან ახლა იმას გადაელერძებოდნენ კათარელები

და ისე ზედმინწევნით გაიმეორებდნენ წინაპრების ნაქმნარსა თუ ნათქვამსა, თითქოს არც შეცვლილიყვნენ, იყვნენ იგივენი, უკვდავნი, ნირუშლელნი. აჰა, ესეც უკვე გითხარი. ახლა რაღა მოგახსენო?! ის უნდა მოგახსენო, რაც უნდა მომეხსენებინა: ყოველთვის ერთი ოცხელი იყომეთქი და კიდევაცა ბრძანდება ერთი ოცხელი, სახელად გიორგი ჰქვიან, სწავლული – მეტსახელადა. ამხანად უფრო სწავლულად მოიხსენიებენ, გიორგი რო იკითხო, ეგება ვერც მიგიხვდნენ თუ რომელი გიორგი გინდა. შენც თუ იკითხო, სწავლული იკითხე, გამოსაცნობად ნუ გაიხდი საქმესა. მე კითხვაც არ მინდა, სახლი ვიცი და კარი. აი ასე თვალხუჭულა მივალ, თუ გინდა დავნაძლევდეთ!.. თუმცა არა, რამდენიმე წლის წინათ დაგენაძლევებოდი უყოყმანოდა, ახლა არა, ნწ, არა, ერთი ფეხი რო ამერიოს, პირდაპირ ამათში ამოვყოფ თავსა, ამათში, ყველგან რო ჩაჰყვეს ცხვირი და ყველაფერს რო დაადგეს თავაანთი ტურტლიანი ფეხი, ამათში... იქვეც არიან, იქვე, იმავე სახლში. სახლი დიდია, ძველებური სასახლეა ოცხელებისა, არცთუ ძალიან ძველებური, ამ წინა საუკუნის ყაიდისაა, ოღონდ რომელი ყაიდისაც უნდა იყოს, იმის თქმა მინდა, სახლი დიდია მეთქი, მაგრამ სწავლული ერთ კუნჭულშია მიჭედილი, დანარჩენში ესენი გაპარპაშებულან. მიჭედილი რო არის, ესეც თავისი ბრალია ან თავისი ნებაა. გერმანიაში ფილოსოფია ისწავლა და იქიდან ჩამობრუნდა თუ არა, რაც რამ მამული ებადა, რაც რა საქონელი თუ სამუშაო იარალი ებადა, სათემოდ გამოაცხადა, სახლიც სათემო გამგეობას გადასცა, თვითონ მიიკუნჭა ერთ მხარესა, ეგ თქვენა და ეგ ყველაფერიო, რაც გინდათ ჰქე-

ნით, როგორც გენებოთ, ისე მოიქეცითო; მე აქეთ ვიქნები ჩემთვისა ჩემს წიგნებთანა და ჩემს ფიქრებთანაო; ჰო, აქეთ ვიქნებიო და აქეთაც არის, ანუ იქით არის, შარაგზიდან, მთავარი შესასვლელიდან ესენი ბრძანდებიან, ის იქით გახლავთ, მოქცეულა პირუკუთა. თავისი ნებით მოქცეულამეთქი, ამიტომაც მოგახსენებ, თუმცა სულერთია, აქამდის თუ დაახანებდა, ესენი მოაქცევდნენ სწორედ იმდაგვარადა. იმისი შორსმჭვრეტელობა მხოლოდ ისაა, რასაც ესენი ძალად დამართებდნენ, დაიმართა თავისი ნებითა, ძალადობასაც გადარჩა და იოლადაც ვერ უბედავენ ვერაფერსა. ან რალა უნდა გაუბედონ, წასართმევი აღარაფერი გააჩნია. თუმცა რატომაც არაო, აუარებელი ფუტკარი ჰყავს, მაგრამ ალბათ მიხვდება და იმაზეც თავისით აიღებს ხელსა, ჯერ თუ არ აუღია, მალე აიღებს. არც დათანაღრდება, არც არად ჩააგდებს, ვერც ვერაფერს შეატყობ, ვერას გაიგებ, სწყინს რამე თუ უხარიანო, მხოლოდ ერთი ვაჟი ჰყავს და მზე და მთვარეც იმაზე ამოსდის. მეუღლე მშობიარობას გადაჰყვა და ისე იდარდა, აღარავის ეგონა, თუ კიდევ ექნებოდა საამქვეყნიო პირი. მაინც გამობრუნდა, გამოაბრუნა პირმშოს სიყვარულმა, ცოლი აღარ შეურთავს, ვინ უწყის, ქალსაც აღარ გაჰკარებია, აღარც შავი გაუხდია იმის შემდეგა. კაცებმაც იციან ასეთი ერთგულებანი, მითუმეტეს, თუ ცოლი მშობიარობას გადაჰყვა. უდედო შვილიც უყვართ განსაკუთრებული სიყვარულითა. შვილის სიყვარული შვილის სიყვარულია, რა თქმა უნდა, მაგრამ სხვა ყოფილა სიყვარული შვილისა, დედა თუ მშობიარობას გადაჰყოლია. თუმცა, ვინ იცის, რა ყოფილა, არც ჩვენი საძიებე-

ლია, არც ჩვენი ქკუის საკითხავია, ისე, უდარდელადაც რო ვიყვეთ, ხოლო ახლა მით უმეტესად, ძალას ნუ დავატანთ ქკუასა, მუხლს დავატანოთ ძალაი, ე გზა მალე დავკეცოთ და მალე მოვექცეთ სადმე ჭერქვეშა. თუმცა ამაზე ჩქარი სიარულიც აღარ შეიძლება, ცოტაც თუ ავუჩქარეთ, სირბილი გამოგვივა და ეჭვებს ველარსაით გაექცევა ორი მორბენალი კაცი ამ ლამიანა. ნუ გეგონება, უთვალოდ დავრჩენილიყვნეთ ან უყუროდა, ნურც ახლა გეგონება, ნურც ნურასოდესა. ნათქვამიც არის, ტყე უყურო ნუ გგონია და მინდორი უთვალოო, ნათქვამიც არის და მართალიც არის; ჰოდა, რახან ნათქვამიც არის და მართალიც არის, ცოტა რო მოვუკლოთ, უკეთესი იქნება, ვინ უწყის, ვინ შეგვეფეთოს და რად უნდა ვაფიქრებინოთ, ე ვინ არიან, საით მიეშურებიანო. არც მივეშურებით, არც არაფერი გვედარდება, მოვსეირნობთ და მოვმასლაათობთ, კარგი სალამოა, უნალველო საუბარი უყვარს ასეთ სალამოსა. რამდენიც უნდა ვინალველოთ, მაინც ვერაფერს შევშლით განგებისაგან აწყობილ ნუთისოფელშია. მოგვწონს თუ არ მოგვწონს, უნდა მივყვეთ იმის ნებასა, ვიდრე აქა ვართ, ხოლო როცა იქით გადავბარგდებით, გავარსკვლავება თუ გვინერია, ჩვენც მივეკრობით ამ გაჩახჩახებულ ზეცასა, გადმოვიხედავთ მაღლიდან და გაგვეცინება, ნეტავი იქ, დაბლა ვიღანი არიან, რასა ფართიფურთობენ, რა ლობე-ყორეს ედებიანო. ჯერ ისინი გადმოგვეყურებენ და დაგვეცინიან, მერე ჩვენც ვიცინებთ იმათსავითა. ჯერ იმათი ჯერია, ჯერ ჩვენა ვართ სასაცილონი, ჩვენამდის სხვანი იყვნენ, ჩვენს მერეც იქნებიან სხვანი და სხვანი, ეს გვაძლებინებს, ეს აგვატანინებს, თორემ

ისე ვინ აიტანდა... გახსოვს?! მე თვით ვანოსთვის მომისმენია, მანდ მომისმენია, კათარელთა სასტუმრო დარბაზში. უჩვეულო რამ დარბაზი იყო, რაც იყო, იყო, მანდ მომისმენია. აკაკის მთანმინდაც მომისმენია, ილიასაც მანდ შევხვედრივარ; ვილას აღარ შევხვედრივარ, რალა აღარ გადამხდენია. ერთი, წისქვილის ქვა არ დაბრუნებულა ჩემს თავზედა, თორემ დანარჩენი ყველაფერი გადამიიტანია. ახლა აგერ შენზე გადამკიდა ბედმა, მოვმასლაათობთ უნაღვლოდა, უდარდელადა, არც არავისი გვეშინიან, არც არაფერი გვეფიქრება და, წისქვილის ქვაც რო დაბრუნებულყო ჩემს თავზე, ალბათ ამაზე გაუსაძლისიც არ იქნებოდა. რაც უნდა იყოს, ცოტაცა და ჰა, მოვექცევით ჭერქვეშა. კათარელები ვისაც აიბუებდნენ, ოცხელის კალთა გადაეფარებოდამეთქი, გითხარი და კიდევაც გიმეორებ, ამჟამინდელი ოცხელის ამბავიც მოგახსენე და მისი შვილისაცა, თუმცა არა, შვილისა არაფერი მითქვამს, ბევრსაც ვერაფერს გეტყვი, ოღონდ ერთი რამ მაინც იცოდე: ისიც ფილოსოფიის სასწავლებლადა სწევია გერმანიასა, ხოლო იქიდან რო დაბრუნდება, არც გასაცემი ექნება რამე, არც დასარიგებელი, ფილოსოფიაც არავის ენდომება და ადგილს ვერ იპოვნის თავის მიწაწალზედა... ასე იცოდე, ასე დაიხსომე, თუმცა გინდა დაიხსომე და გინდა არა, მე არ მენაღვლება და არა მგონია, შენც მეტი არაფერი გქონდეს სადარდებელი. ჩუ!.. ვილაცა მოგვდევეს ფეხდაფეხა. ისიც თუ შეჩერდა, აღარ ისმის... ან ეგება ჩვენივე ჩქამი მომეჩვენა ვილაცის ფეხის ხმადა?! ნუ გაგიკვირდება, კაცი თუ დაშინდა, იმაზე საცოდავი აღარაფერია; სხვაგვარად თუ ვიტყვით, და-

შინებული კაცი და ცხოველი აღარაფრით განირჩევა ერთმანეთისგანა, ხოლო გაცხოველებული ადამიანი თუ რა იქნება, შენ თვითონვე მიხვდი, მე ამდენი ახსნა აღარ მომიხერხდება. ისე, არ იფიქრო შიში გაჰკარებოდეს ჩემს გულსა, არა, არ იფიქრო, არც არასოდეს გაჰკარებია და არც გაეკარება არასოდესა, ახლა მხოლოდ შენთვის შევფიქრიანებულვარ და ამიტომ ვიხედები უკან-უკანა. შიშმა უკნიდან იცის ნამოპარვაი, პირდაპირ არ შეგეჩხება, ლაჩარია და პირისპირ შეხლა იმიტომაც არ შეუძლიან; ლაჩარია და თუ ნამოგეპარა, თუ დაგიჯაბნა, მორჩა, ველარაფერი გიხსნის; დრო თუ გიხელთა, ლაჩარზე მძვინვარი, საშინელი, გაუტანელი არცა ყოფილა, არც იქნება, და რაც რამ უბედურება დატრიალებულა ამ ქვეყანადა, ლაჩართაგან დატრიალებულა. დრო გამობხდება, ისე აირევა აზრი, ლაჩრები გმირებად მოგვევლინებიან, მტარვალები – მხსნელებადა, მწვალელები – წმინდანებადა. ქვეყანა რო თავდაყირა დადგება, ტვინი გადაბრუნდება და გადაბრუნებული ტვინისაგან ან მეტს რას უნდა მოელოდე, ჰა?! არა, ნურას მომიგებ, ძალას ნუ დაიტან, თუ რამე მოგადგეს ენაზე, ნამოაგდე, თუ არა და, ნუ დაიტან ძალასა. ხსენის მეტი არაფერი გამოვა ძალისძალად გამონველილი ტვინიდანა. მე ასე მითქვამს და მე ლეკო თათაშელს მიწოდებენ ანუ რაც მითქვამს, ჭეშმარიტი მიბრძანებია, მაგრამ თუ არავისა სჯერა, ვაი იმათა, იმა ურწმუნოთა, თორემ მე რაო, მე რას დავეკარგავ, რა გამაჩნია? არც არაფერი, რაცა ვარ, ესა ვარ და რაც გამაჩნია, თან მაბადია. ნავიდეთ! ჩუ!.. რა ვქნა, რა არის, მოგვეყვება ვინმე თუ ჩვენი ფეხის ხმაა, ჰა?! იყოს, რაც უნდა იყოს, მოგ-

ვყვეს თუ მოგვდევეს, ხოლო თუ ჩვენივე ჩქამია, ცოტა უფრო ფრთხილად ვიაროთ და ჩამოგვცვილდება, დაგვანებებს თავსა. ვიაროთ აბა!..

და იარეს. ბევრი იარეს თუ ცოტა იარეს, გადაუხვიეს შარაგზიდანა, – ლეკომ გადაუხვია და მიჰყვა სტუმარიცა. თუმცა ისიც სტუმარი გახლდათ, ესეცა, ოღონდ იმან იცოდა, თუ სად მიდიოდა, ამან – არა. თუ რამეს იფიქრებდა, ალბათ იტრიელებთან მივდივართო, ამას იფიქრებდა. ამასობაში, ეზოს კარი შეალო ლეკომა; კარი შეალო თუ არა, რალაცები გამოცვივდნენ ბზის ბუჩქებიდანა, ეძგერნენ და ფეხებზე შემოეხვივნენ ამასაცა, იმასაცა. ამანაც შეჰყვირა, იმანაცა, ოღონდ ლეკო მალე მოეგო გონსა, ნუ გეშინიანო მონადირე ძაღლებია, არაფერს დაგვიშავებენო. ჰო, ნუ გეშინიანო და თან დაიხარა, ხელი გადაუსვა ძაღლებსა: ამისი გასროლილი თოფი არავის გაუგონია, მაინც ვერ შელევია მონადირე ძაღლებსა, ორი თუ სამი ყოველთვისა ჰყავს, ალბათ მარტოობას იქარვებს ამითიო.

– ვისთან მოვედით?! – იკითხა მოგზაურმა.

– რა საკითხავია?! – ძაღლებს შეეშვა ლეკო. გაცვივდნენ ძაღლები, კიბე აირბინეს, გაშლიგინდნენ აივანზედა, მერე გაინაბნენ, წაინკმუტუნეს, თითქოს ვილაცას რალაც აუნყესო, ჰო, წაინკმუტუნეს და ისევ ჩამოცვივდნენ, ისევ აეგლისნენ ამათა.

– ჩემთვის საკითხავია... – ვედრებასავით ჩაიდუღუნა ნიკომა.

– განა კიდევა?!

– ეს არის მოვედით და...

– ჰოდა, მოვედით.

– ვისთანა?!

– ვიზეც გელაპარაკე. აკი გითხარი, ოცხელს შეეფარებოდა, ვისაც კათარელები აიბუებდნენმეთქი. ტყუილად დავილალე ყბები?! იმდენი გითხარი და ამდენიც ვერ გამიგე. ვაიმე, ვაიმე, რა მთქმელი ვყოფილვარ, ან რა გამგონე შემხვედრია!

– რატომ, რატომ?!.. მე კარგად გავიგე, მაგრამ ჩვენ ცუდად არ მივუღივართ ქალბატონ ეფემიასა.

– სამაგიეროდ ცუდად გამოგვისტუმრა.

– ძიძამა...

– აჰაა, მაშ შენა გგონია, ი უცხვირპირო დედაკაცი რამეს ჩაიდენს ეფემიას უნებურსა?! ნუ გგონია, ახალგაზრდა ხარ, მაგრამ არც ისე ახალგაზრდა ბრძანდები, ყოველ შემთხვევაში ბავშვი მაინც აღარა ხარ, ნუ გეგონება ასე, გეგონოს ჩემსავითა და ჩემსავით რო გეგონება, იმასაც მიხვდები, ეფემიამ უკვე იცის, ვის კარსაც მივდგომივართ. უკვე იცის და იწყევლება, იწყევლება ისე მწარედა, რო ერთი მაინც არ აგვცდება, წამოგვეწევა სადმე და გვაკოლინებს.

– მერე აქ რა გვინდა?!. აკი იტრიელებთან უნდა მივიდეთ?..

– რას იზამ, წესად დადებულა, იქ ვისაც ამოიბუებდნენ, აქ მოვიდოდნენმეთქი.

აქ უკვე აივნიდან მოისმა:

– ვინ არის?! მოდი თუ მოდიხარ! – მოისმა მკაფიოდ, მბრძანებლურადა, ცოტა არ იყოს, უამურადაცა.

– ვინ ვიქნები...

– ლეკო იქნები, კარს შემოაღებ და მერე გაიდებ თავპატიყსა, ლეკოს გარდა სხვა ვინ იქნები?..

– მარტო არა ვარ...

– მობრძანდით!..

მობრძანდითო და ჩამოეგება მასპინძელი, ჩამოეგება და წამოდგა, ორივე დაჰფარა სიმაღლითა, ცოტა კიდევაც მოხრილიყო, ეს გარეთვე შეიმჩნეოდა; იქაცა ჩახჩახებდა ზეცაი, ჩამოდვრილიყო ღამეული ნათელი თუ ანარეკლი მზისა, მთვარე – ვარსკვლავებს რო მოუტაცნიათ, შუქი არა აქვთ თავიანთი, ოლონდ უხვად აფრქვევენ სხვისასა. რა ენაღვლებათ?! ან ვინ უწყის, ძალიანაც ენაღვლებათ, მაგრამ არავინ უწყის და ჯერ მხოლოდ იმას ამბობენ, რაც უწყიან, – მზისაა ყველაფერი, მზისასა ფლანგავენო. მზისა იყოს, ვისიც იყოს, ვისიც უნდა იყოს, იქაცა ფლანგავდნენ, აფრქვედნენ ბედოვლათურადა, ჩახჩახებდა ეზოი, იქით საფუტკრე ჩახჩახებდა, იქით ბალი. ჰო, მალლა თუ არ აიხედავდი, გეგონებოდა, ეზო და ბალი აფრქვევს ნათელსაო, მასპინძელიც ნათელივით ჩამოესვეტა, ხოლო ლეკო, ჰო მანამდისაც ენთო კელეპტარივითა. ასე ავიდნენ, შუქად ავიდნენ გაშუქებულ აივანზედა, შუქად შევიდნენ შიგნითა. დღესავითაა, ლამპაც არ ამინთიაო, მასპინძელმა ბრძანა; ის აღარ უთქვამს, არც საჭიროაო, მაშინვე აანთო და ძნელი სათქმელია, მოიმატა თუ მოიკლო შუქმა ოთახში. ისედაცა სჩანდა ასხმული წიგნები იატაკიდან ჭერამდისა, ყოველი კედლის გაყოლებითა; ისედაც სჩანდა გრძელი ოთახი, გადაყოფილი თეჯირითა. იქით ალბათ სანოლი მოენყოთ, აქეთ სასადილო თუ სასტუმრო, სულერთია, რაც ერქმეოდა. იდგა მაგიდაი, გარეშემო სელის სკამებითა, სხვა ნურაფერს ნუ მოიკითხავდით, მხოლოდ წიგნები გამოიცქირებოდა, აქედანაცა, იქედანაცა, თეჯირსაც წიგნები გადმოჰყურებდა.

ჰო მასპინძელმა ლამპარი აანთო და მოიბოდიშა, ცოტა ხანს უნდა დაგტოვოთო. ალბათ ვახშმის თა-

დარიგისათვისაო, იყნოსა ლეკომა, იყნოსა და თვალი ჩაუკრა ნიკოსა. ნიკო ვერ მიუხვდა, მხრები ასწურა. მაშინ ხელი ჩაიქნია ლეკომა, წამოდგა, ამას აღარ მოუხდია ბოდიში, ისე გაედევნა მასპინძელსა. გაედევნა და რალაც უთხრა, რალაც ისეთი, რომ მერე მოლუშული შედგადიოდა მასპინძელი, თუ რამეს იტყოდა, იტყოდა მოზომილადა, ფრთხილადა, დუნედა, მხოლოდ დიახსა და არას მიუგდებდა ენანყლიან ლეკოსა, ზედაც აღარ უყურებდა იმის თანმხლებსა, თუ აუცილებლად უნდა მიემართა, ვთქვათ, მიირთვიტო, ჭერს აჰხედავდა და ისე მიმართავდა. ცხადია ეს მაშინა, ვახშამი რო გაიშალა, ხოლო ვახშამობის მოთავებისას თვალიც გაუსწორა და სიტყვაც არ დააკლო.

– არ ვიცი, ვინა ბრძანდებით, – დაიწყო ასე, – არც მინდა ვიცოდე. შელამებისას შემომეხმაურეთ, დაგაპურეთ და მოგასვენებთ, თუ აქვე ინებებთ მოსვენებასა, თუ გზას განაგრძობთ, თქვენი ნებაა, ხელი მოგიმართოთ ღმერთმა; თუ მოისვენებთ და მერე ჰო მაინც განაგრძობთ გზასა, განაგრძეთ, ენიეთ თქვენს სანადელსა, მე ჩემდათავად არც დაგიმახსოვრებთ, ვერც გიცნობთ, სადმე რო გადაგეყაროთ. ასეა, ჩვენ სხვადასხვა აზრისანი ვყოფილვართ. მე პატივსა ვცემ სანინაალმდევო აზრსაცა, მაგრამ ყველა აზრი აზრი როდია, ზოგი აზრსა ჰგავს, ოლონდ პიტალო უგნურებაა. უგნურებას არც გამოვედავები, დავგმობ და გავეცლები. თქვენც ნუ ეცდებით, გამომედავოთ, მხოლოდ მომისმინეთ, თუნდა დამიჯერეთ, თუნდაც არა, მხოლოდ მომისმინეთ, მერე ენიეთ თქვენს გზასა. ნურც იმას ეცდებით, შემახსენოთ ციცერონის ნათქვამი, კაცი თუ პოლიტიკური მოღვაწე არ არის, სახედარია და მეტი არაფერიო. აქ უადგილოა ამის გახსენებაი, ციცერონი რომაელი გახლდათ, რომა-

ელებს სახელმწიფო ჰქონდათ და რომელი სახელმწიფო მოღვაწე უნდა ყოფილიყო აუცილებლად, გარდაუვალად, გადანყვეტილად, ათენელებს სახელმწიფო ჰქონდათ და პლატონი სახელმწიფო მოღვაწე უნდა ყოფილიყო, პოლიტიკური მოღვაწე უნდა ყოფილიყო, უნდა ეოცნება ფილოსოფოსების სამეფოზე და გასაკვირველიც არ არის, ჰგონებოდა, სიცილიელი ტირანები აუხდენდნენ უდიადეს იდიალსა, თუმცა ისეთმა ძვირფასმა მეგობარმა, როგორც იყო დიონისო პირველი, მონადაც გაჰყიდა; მაინც არ დაცხრა, გამოისყიდეს თუ არა მონობიდანა, იმის შვილზე, დიონისო მეორეზე გადაიტანა ოცნებანი – ჰო ასე გახლდა? – მხოლოდ იმიტომ, ერთხელ კიდევ რო გაცრუებულყო, მაგრამ მაინც არ დაცხრა, ვერც დაცხრებოდა, რადგან ათენელი გახლდა, ათენელებს სახელმწიფო ჰქონდათ და უნდოდათ. შენ რაო?! თუმცა შენ შენი იცი, არას გეკითხები, არას გედავები, ჩემსას მოგახსენებ, არაფერი რო არ გამაჩნია და არც არრამი ძალმიძს. თუ შემძლებოდა, ჩავერეოდი იმათ შორისა, მოთავეობა რო იკისრეს ძლივას დაბრუნებული დამოუკიდებლობისა და ვერც რამ გააგებინეს ერთმანეთსა, ხალხსაც ვერაფერი ჩაუდეს თავში, ჰო, ჩავერეოდიმეთქი, მაგრამ ვერ ჩავერიე, ვერა; მე იქ ვერ ჩავერიე, შენ აქ ნუ გაივლებ გულში, ციცირონი მტრებსაცა მეგობრობდა კეისრისა და მეგობრებსაცა კეისრისაო, ნუ გაივლებ, რამეთუ სხვა ვინმე გახლდა ციცირონი, შესაძლებლობანიც გააჩნდა სხვადასხვაგვარი, წერასაც აეტანა პატივმოყვარეობისა. მე არც რა გამაჩნია, მცირე რამ თუ მქონდა, სოფელს გადავეცი, პატივმოყვარეობისაც ვერაფერი გავიგე, ხოლო უამისოდ ვერა, ვერ ივარგებ სახელმწიფო თუ პოლიტიკურ სარბიელზედა. მე ასე მგონია, ჩემი თავის, ჩემი არსების,

ჩემი საძრაობის ანალიზისაა ეს აზრი, სხვას თუ სხვანაირს ვერაფერს დამაჯერებს, ვერა, ვერაფინა, ჰოდა, ნურას შეეცდებით თქვენცა, ნუ, ნურას შეეცდებით ტყუილუბრალოდა... არც გიცნობთ, არც მინდა გიცნობდეთ, პური მთხოვეთ და გაჭმიეთ, ღვინო მთხოვეთ და გასმიეთ, მოსვენებასაც თუ ინებებთ, მოისვენეთ, ყაბულს ვიქნები, ნასვლა თუ გინდათ, გასნით, იარეთ, კალთებს არ ჩამოგახევთ, მოიცადეთმეთქი, თქვენი თქვენ იცით. მე არაფერი ვიცი თქვენი.

უსმენდა სტუმარი ჯერ დაბნეული, მერე გაოგნებული, მერე თითქოს გამოერკვაო, პირი გაალო სათქმელადა, მაგრამ აუქნია ხელი მასპინძელმა, აუქნია მძულვარედა თუ მრისხანედა, შენი ხმის გაგონებაც არ მინდაო, არაო, ოღონდ მაინც გაჰბედა ჩვენმა მოგზაურმა:

– მე... მე რაღაც არ მესმის... – ასე გაჰბედა.

– მე უკვე ვუთხარი... – ლეკომ გაუღიმა შეთქმულივითა, შეთქმულივითა თუ გამცემივითა, სულერთია თუ როგორ გაუღიმა, უფრო მეტად დააბნია, უფრო გააოგნა სტუმარი.

– რა უთხარი?! – შესძახა და სახეზე შემოირტყა ხელები, შემოირტყა და შეჩერდა ასე ნახრილი, თავჩალუნული, ხელებაკრული პირსახეზედა.

ის იყო, ხმაც მოისმა გარედანა, მასპინძელს უმხობდნენ, გაეგება მასპინძელი, შელაპარაკებაც მოისმა, ალბათ გაიგონებოდა მთლად სოფელში, ისეთი სინყნარე იდგა, ისეთი მღუმარება.

„ვილაცები გყოლია...“ ამბობდა მოსული, ვითომც უბრალოდა, ვითომც სიფრთხილითა, ხოლო ნამდვილად მუქარის კილოთი.

„ლეკოა...“ მიუგებდა მასპინძელი, დინჯადა, აუმღვრევლადა; ვითომც მუქარა არც უგრძვნიაო.

„რას დაძრნის?!“

„შემოლამებია და შემომეფარა...“

„დაეტიოს თავის სოფელში...“

გაიცა ბრძანებადა, აღარც აღარაფერი ითქმოდა ბრძანების შემდეგა, აღარცა თქმულა, აუჩქარებლად შემობრუნდა მასპინძელი, ღამის სტუმარი თუ ღამის გუშაგიც გავიდა ეზოდანა, ალბათ გავიდა, შუკაც ჩაიარა, ალბათ ჩაიარა, გაშორდა იქაობასა, ხმა აღარ მისწვდებოდა, ალბათ აღარ მისწვდებოდა და მაშინ აყვირდა ლეკოი:

– ჩემი სოფელია, მთელი ქვეყანა ჩემი სოფელია, არავის ვაკითხებ, სად დავილამებ თუ სად გავითენებ, ყველა დაეტიოს თავის ქერქშია და მეც დამანებონ ჩემი ქერქი... ჩემი სოფელია, მთელი ქვეყანა ჩემი სოფელია!.. – აყვირდა და წაეტანა საღვინესა.

– გეყოფა... – ურჩია მასპინძელმა.

– არ მეყოფა! – გაჯიქდა ლეკოი.

– მეტიც მოგსვლია... – ხელი დაუჭირა მასპინძელმა, თან გადაჰხედა ახალგაზრდა სტუმარსა, ო, რა თანამზრახველი გიპოვნიაო, ო, როგორ შეშურდება ყველა დროის მოღვაწესაო. – დაეხსენი... მოისვენეთ... წასვლას თუ ინებებთ, თქვენი ნებაა...

X

შენთან დამრჩომის ასე და ისეო, შესძახა ლეკომა, რახან შესძახა, ცხადია, აღარც გაჩერდებოდა, თუმცა ვინ უწყის, მაშინვე აშლოდა სინანული, რა დროს გულფიცხობაა, რო მიიწევ, საით მიიწევო. სინანულს მაინც ვეღარ მოერეოდა, ცოტა შემთვრალი-

ყო და იმიტომაც ველარ მოერეოდა, ეთაკილებოდა თანამგზავრისაცა. ჰო, რა თქმა უნდა, ეთაკილებოდა, ამიტომაც გაიმეორა მჭახედა, შენთან დამრჩომის ასე და ისეო, ხელი წაატანა სტუმარსა, ადე, გამომყევი, არც გამოემშვიდობოო. იმანაც ვერ მოასწრო გამომშვიდობებაი. მოგზაურმა. მასპინძელი აივნამდისაც არ მიჰყოლია, სამაგიეროდ, ძალღებმა გააცილეს. ისინი შეეგებნენ, იმათვე გააცილეს, ჭიშკრამდე როდი, – არა, იქით როდი წასულა ლეკოი, – ბალის ბოლომდისა. იქამდის მიჰყვნენ ძალღები, იქვე დაყუნცდნენ, რადგან ბეგთან ჩაიმუხლა ლეკომა, ნე-ბივრად წამოწვა მხართეძოზედა. შენც ამასვე გირჩევო, მიმართა თანმხლებსა, მიმართა უკვე დამშვიდებული ხმითა. ცოტა კიდევაც წამოამთქნარა, ახლა ძილს აღარაფერი ემჯობინებაო.

– ასე იცის გულფიცხობამა, – მშვიდადვე დასძინა ლეკომა, – სიფიცხეს თუ არ ავყოლოდი, ლოგინში მოვისვენებდით, ჭერი გვეფარებოდა, დილით საუზმე გველოდებოდა. ახლა აღარ ვიცით, რა გველოდება, რა გვინერია. სიფიცხემ მიმტრო, შენც მტრად გადაგიდექი ჩემი სიფიცხითა. სხვა დროს აინუნშიც არ ჩავაგდებდი, რაც უნდა ეთქვა მასპინძელსა. არ იფიქრო, გულფიცხობა არ მჩვევოდეს, მაგრამ იქ გავფიცხდებოდი, სადაც გამივიდოდა. აქ რაო, რა გაგივა, მე შენ გეტყვი, კალთებს ჩამოგახევს, რა დროს წასვლააო. როგორც გენებოსო, ქართული აღარაფერი შერჩენია მაგ მამაცხონებულსა. ყველა ეგრეთია, უცხოობაში ვინც გაზრდილა. ხელად აიღებენ უცხო ზნესა, ხელად დაჰკმობენ მამაპაპურსა, გამოიცვლებიან, გადასხვაფერდებიან, მტრად დაგიდგებიან და ამას უძახიან

ამაღლებასა, „ინტელექტუალურ“ თუ რაღაც ამ-
დაგვარ ამაღლებასა. ამაღლებულა ეგ ოცხელების
ჩამომავალიცა. ვიცი, რა უკმეხიც არის, ვიცი და
ვერიდები, მაგრამ ჭკუაკითხული კაცია, ამ ჩვენს
საქმესაც ჭკუაკითხული ხალხი უფრო გამოადგება,
ჰა, არა?! მე, ლეკო თათაშელს ასე მივარაუდნია,
არც არასოდეს გამმტყუნებია ვარაუდი, მე, ლეკო
თათაშელსა. ჭკუაკითხულის ვარაუდს ვამბობ, თო-
რემა, აყოლით რო ჩვენ არ აგვეყოლია, შენც იხილე,
მეც დავინახე თვალნათლივადა. ისიც მართალი
ბრძანა, არც არასოდეს არავის ავეყოლივარო, ფი-
ლოსოფოსობასა ჩემულობს, წმინდა ფილოსოფო-
სობასა წმინდა ბერივითა, პოლიტიკურ მოვლენებ-
ში არ გავერევიო. თუმცა მაგას ასე ჰგონია, ვი-
თომც არავინ იცის მაგისოდენი, მაგრამ ის მაინც
გამიგია, გამიგონია და გამიგია, თურმე ქვეყნად
არა ყოფილა ისეთი ფილოსოფოსი, პოლიტიკაში
რო არ გარეულიყოს, აქ არა ყოფილა, ამ ქვეყნადა,
ხოლო სადმე სხვაგან თუ ყოფილა, ჯერ იმისი არა-
ფერი იციან, მეც ვერავისგან გავიგონებდი, რახან
ვერ გავიგონებდი, ვერც გავიგებდი. მაგან საიდან
გაიგო ან საიდან გაიგონა, ვერას მოგახსენებ, ამას
მაინც ბეჯითად გეტყვი, ბეჯითად გამიგონია და
ბეჯითადვე მოგახსენებ, რო ფილოსოფია თუ
რწმენა არც არაფერია ისე თავისთავადა, მხო-
ლოდდა საფარია პოლიტიკური ბრძოლებისა, ხო-
ლო თუ მებრძოლი არა ხარ, ფილოსოფოსიც არ იქ-
ნები, ასე გამიგონია, ასეცა მჯერა. რამდენი წიგ-
ნიც უნდა წაიკითხოს, ნწ, არა, ფილოსოფოსი არ
გამოვა მაგისგანა. ისე, ჭკუაკითხული კაცი ჰგონი-
ათ, კიდევაც ეკითხებიან ჭკუასა, მე ჩემდათავად

არასოდეს არაფერს დავეკითხვივარ, არც დავეკითხები, მხოლოდ ერთხელ წავიკითხე მაგისი წიგნი, ერთხელ მაინც უნდა წამეკითხა, მეტს აღარაფერს წავიკითხავ მაგის დაწერილსა, თუმცა აღარც სხვათა წაწერებისაკენ მიმიწევს გული, ყველაფერს თავისი დრო ჰქონია, ჩემი ფიქრებისთვის ველარ გამირთმევია თავი, სხვისით რაღას ავფორიაქდე, არ ვიცი, მე და ჩემმა ღმერთმა!.. შენ როგორც გენებოს, იკითხე, იზუთხე, რაც გინდა ჰქენი, ხოლო მერე, როცა ვერავისგან ვერაფერს ვერ გაიგებ, ჩემს ჭკუაზე შესდგები, თანაც იცოდე, უკეთესია თუ მალე შესდგები ჩემს ჭკუაზედა... არა, ამისი თქმა არც მინდოდა, არა, არც მინდოდა, ენას ძვალი არა აქვსო, ნათქვამია, ენაზე ჭალი არ მოედებაო, ისიც არის ნათქვამი და ჩემზეა ნათქვამი, – ვამბობ, რაც არ უნდა მეთქვა, მაგვიანდება, რის თქმაც მინდოდა. თუმცა ვითომ საით მივეშურებით – ყველაფერს მოვასწრებთ, ამასაცა, იმასაცა, ოღონდ ჯერ ეს იყოს: ჰოდა, იმისი თქმა მინდოდა, ერთხელ წავიკითხე მაგისი წიგნიმეთქი და ერთი ფილოსოფოსისა არ იყოს: იმისი წიგნი რო წავიკითხეო, რაც გავიგე, ჰო ბრძნულზე ბრძნულია, რაც ვერ გავიგე, მომეტებული სიბრძნე იქნებაო, გაგიგონია, არა?! გაგიგონება, ისიც გაგახსენდება, თუ რომელი ფილოსოფოსი ბრძანდებოდა, რომლის წიგნზე ბრძანებდა თუ არ გაგახსენდება, ეგეც არაფერი, აგერ მე არ მახსენდება, არც არაფრად ვაგდებ, ის არ იტყოდა, სხვა იტყოდა, ახლა ის სადღა ვიმარჩიელო, ვინ იტყოდამეთქი, ჰა, სად ვიმკითხაო?! მთავარი ისაა, რო მეც ისე დამემართა, იმ ფილოსოფოსივითა ანუ ამ ჩვენი მასპინძლის წიგნი რო წავიკითხე,

რაც გავიგე ჰო უაზრობა იყო, რაც ვერ გავიგე, მომეტებული აბდაუბდა იქნებოდა. მე ასე მითქვამს, მე ლეკო თათაშელს მიძახიან, შენ ეს კარგად მოგეხსენება. ჰოდა, რახან ლეკო თათაშელს მიძახიან და რახან მე მითქვამს, ჭეშმარიტებაც იქნება. ეჰე, როგორ შემომცქნავიან ე ძალლები, თითქოს ერთ სიტყვასაც არ დაჰკარგავენ, ყველაფერს მიურბენინებენ პატრონსაო, მიურბენინონ, მევე ნავალ და პირში ვეტყვი.

ნამოინია.

დასნია თანამგზავრმა, – თუ მივბრუნდებით, ბოდიში გვმართებსო.

შემოსწყრა ლეკოი, თავს მიგანებებ, თუ კიდევ გამაგონე ასეთი რამო. პასუხისათვის აღარ მოუცდია, ადგა, ავიდა ბეგზედა, აიქარა, ისკუპა, გადაევლო რუსა და იქითა ბეგზე აიმართა, აიმართა გაჩახჩახებულ მთვარის ქვეშა, ამანაც ისკუპა, მაგრამ ვერ მოზომა, ფეხი მოუღიპდა, მკერდით დაეცა ბეგსა, დაეშვა, ჩაისლიკინებდა, ჩავარდებოდა რუში, ნყალში ჩავარდებოდა. ბევრი არაფერი, დიდი რამ ფათერაკი არ იქნებოდა, დასველდებოდა, ამოინუნებდა, ამოიწყუმპალებდა, ოლონდ გადარჩა ამასაცა, ხელი დაატანა ლეკომა, ქეჩოში ჩაავლო და ამოსნია, ამოიფხოწიალა. ძალლები იქიდან გადმოჰყურებდნენ, გამოაცილეს, გაიყვანეს სამშვიდობოსა და ემშვიდობებოდნენ კუდის ქიცინითა, ესეცა სჩანდა მთვარიანში, კარგადა სჩანდა ჩახჩახა მთვარის ქვეშა. ვარსკვლავებს აღარ მოვიხსენიებ, იქავე ბრძანდებოდნენ, რა თქმა უნდა, ისევე ბრწყინავდნენ თავიანთ სამბრძანებლოშია. თავიანთი შუქითა ბრძანდებოდნენ თუ სხვისი შუქითა, ე ამათ ჰო გზას უნათებდნენ

და სავარაუდოა, არ აუტეხდნენ დავიდარაბასა, არ წამოიწყებდნენ საასტრონომიო საუბარსა. არც სხვა რამ სასაუბრო გამოსჩენიათ ანუ ლეკოს აღარ დაუძრავს კრინტი, ისე გადაიარეს ვეება კორდი, მერე მუხნარს შეერივნენ, მერე გავიდნენ ისევ კორდზედა, ხოლო იქ, ვეება გორა წამოემართათ კორდის შუაგულზედა. რა იყო თუ რისგან იყო, ამას არ უკითხავს, იმასაც არაფერი უთქვამს, ოღონდ იცოდა, რა თქმა უნდა, რაც იყო თუ რისგანაც იყო; იცოდა, ოდესღაც იქ რო გადაჭიმულიყო ციხე-დარბაზი მაბკურელთა, ოდესღაცა, ძველთა-ძველ დროსა, როცა ჯერ კიდევ კათარელთა გასაგისიც არ იყო აქეთ მხარესა, ხოლო ოცხელთა სახელი მონაგონიც არა ყოფილა. ზეობდნენ მაბკურელნი, განმგებლობდნენ მაბკურელნი, მაგრამ უღმობელად გადაბრუნდა იმათი ცხოვრების ჩარხიცა, ზოგი ბრძოლებში განყდა, ზოგი სხვამ დაჩაგრა, ზოგმაც თვითონ ამოიჭამა თავი, შეირყა დედაბოძი გვარისა, ჩაიქცა ჭერი, ჩაიქცა დიდებული ციხე-დარბაზი. ძეძვი გათამამდა, ეკალბარდმა გადაიარა, შეიკრა ძეძვის მთადა, გაუვალ მთადა, ველარც ვერავინ შესულიყო, გამომსვლელი ვილა იქნებოდა, თუმცა რატომაც არაო, — ხარობდნენ ფრინველნი, ხოლო ქვენარმავალთა სიხარულისა რა მოგახსენოთ, ისე, ბლომადა ბრძანდებოდნენ ერთნიცა და მეორენიცა.

მაბკურელთა გვარისანი მაინც შემორჩენილიყვნენ, მიმოღავებულიყვნენ, მიმოფანტულიყვნენ, აღარ მოსდევდათ ძველი დიდება, არცა ქონება, მხოლოდ სიამაყე შემორჩენოდათ, დაუთმობლობა შემორჩენოდათ, გულისანი იყვნენ, უფიქრელად შეასკდებოდნენ, ჩიტის კვერცხივით შეასკდებოდნენ,

ვინც უნდა გადასდგომოდათ წინა. ერთ იმათგანს იქვე დაედო ბინაი, გორმახის ძირას აეგო პატარა შენობაი, ალიზის შენობა, ისევე მინის პირადა. ხასხასებდა ალიზის სახლი, ხასხასებდა პატარა სახლი და ლეკოც იქით მიხასხასებდა. მიხასხასებდა და მიხასხასდა, შეუძახა, თანაც ჩაახველა თავისებურადა, სხვა არ გეგონოთო, მე გახლავართო. მაინც არავინ აპირებდა გამობმარებასა, იდგა მდუმარება ისეთივე, ძეძვიან მთაში რო ჩამარხულიყო. არც ლეკო ეშვებოდა: გიგოო, – შესძახებდა თითქოსდა საიდუმლო ხმითა, ჩახველებასაც მიაყოლებდა, ფრთხილადა, ნაპარევადა. თანდათან უნდა შეემალლებინა, მაგრამ რატომღაც უდაბლებდა და უდაბლებდა, ისეთი სიჩუმე იდგა, ისე მიწყნარებულიყო ირგვლივ ყოველი, მკაფიოდ გაისმოდა ოდნავ ნათქვამიცა. თანაც ნათქვამია, იდუმალი ჩურჩული უფრო გამოიხმობს მიმალულსა თუ მიჩქმალულსაო; ნათქვამია თუ არც არის ნათქვამი, სულერთია, ჩურჩული უფრო გამოადგა ლეკოსა. ვინ არისო, გამოეპასუხნენ. ოღონდ ქალი გამოეპასუხა და, ცოტა არ იყოს, შეაფიქრიანა ქალის გამოეპასუხებამა. წინასწარ ქალს არ გამოუშვებდა მამაკაცი, დღისითაც არა, მით უმეტეს ამ ღამიანა, – შინ თუ არ იყო მამაკაცი, ნასულიყო ან წაეყვანათ... წაეყვანათ... აღარც უკვირდათ: მიჰყავდათ და მიჰყავდათ... ერთხანს ლეკოსაც ეგონა, მეც წამიყვანენო, ამიტომ იყო შიში რო დასჩემდა, მანამდე რო ტრაბახობდა ხოლმე, უშიშარი ვარ უხორცოსავითაო; ხოლო ეს მაინც სადაც უნდა წაეყვანათ, თუნდა ნასულიყო ნებისადა, მერე რაო, ვითომ ლეკოს რაო, რას გამოადგებოდა ამის გარჩევანი, – შინ არ შეესვლებოდა,

ეს იყო, რაც იყო, სხვა დანარჩენი წყალსაც ეზიდა; ჰოდა, ეზიდა, ამოიხვნეშა და გამობრუნდა, მიაჩერდა თანამგზავრსა მხრებანურული, უსასოო, ენაჩავარდნილი.

თანამგზავრსაც ენა ჩავარდნოდა, მიმხვდარიყო, უთავბოლო მეგზურს რო გადაჰყროდა; ამას მიმხვდარიყო, მაგრამ იმას მაინც ვერ გაიგებდა, როდის ექნებოდა დასასრული ამ უგზოუკვლობასა, როდის მიაღწევდნენ იტრიელებამდისა. მონატრებოდა იტრიელები ასე მოღლილსა, ფეხზეჩამოშეშებულსა. თავდაპირველად არ მოსწონდა ელიზბარის რჩევანი, დაბრუნება არ უნდოდა, მაგრამ ახლა ჭკუაში დაუჯდა, თუმცა დაუჯდა თუ არ დაუჯდა, გზა არა ჰქონდა ლეკოს იქითა, ხოლო გზა ლეკოსი იგრიხებოდა, იხლართებოდა, ინენებოდა უაზროდა, უთავბოლოდა, უმისამართოდა. ბოლოს მაინც სადღაც მიდიოდნენ, მიადგებოდნენ ვიღაცის კარსა, მაგრამ ნეტავ ან რად მიდიოდნენ, ან რას გამოეცლებოდნენ ან ახლა აქ რად ასუსულიყვნენ, როცა არავინ ეხმაურებოდა?..

თუმცა მოიცა... ჩაიჭრიალა კარმა, ოდნავ გაიღო, ოდნავ გამოჩნდა ქალის სახეცა, ვინა ბრძანდებოდა, ესეც გაისმა ოდნავადა, ოღონდ ლეკოს პასუხი ჭექასა ჰგავდა, – ლეკო გახლავარო, ლეკო თათაშელიო. თავისსავე ხმას მიჰყვა აფოფინებული, სტუმარსაც წაავლო ხელი, რა თქმა უნდა, ერთად მიადგნენ კარსა. კარი მომეტებულად არ გაღებულა, ქალის სახემაც დაინია უკან-უკანა, უფრო გამკრთალდა, ან აღარც მოსჩანდა. გიგოს ამბავი გეცოდინებაო, ესეც მოისმა უფრო ჩუმადა, ჩუმივე ამოკენესითა.

წაუყვანიათო, დაიდასტურა ლეკომა ცხადია, მაგრამ როდი გამოტეხილა, ვითომც იცოდა და ვითომც უკვე შინაც ეგულეობდაო, ისე გაიკვირვა:

– არ გამოსულა აქამდისა?!

– ვინ გამოუშვა?! – გაოცდა ქალი, ოღონდ სახესულ აღარ მოსჩანდა, კარსუკნიდან ეპასუხებოდა.

– სხვები გამოუშვეს, ვინც დანერა გაზეთში, ვგმობო, წარსულსაო ჩემსასაო, გამოუშვეს...

– ამ ჩემმა არ დანერა...

– დანეროს.

– არ დანერს.

– დანეროს...

– არ იცი რა ახირებულია?!

– რა დროს ახირებაა, ხალხი გვჭირდება, გარეთ უნდა გამოვიდეს ხალხი, როგორც იქნება, უნდა გამოვიდეს, დანეროს, ვითომ რა არის ნაგლეჯი გაზეთისა, მთელი რა არის, ნაგლეჯი რა იქნება...

– ეჰ, რამდენჯერ შევეუთვალე...

– კიდევ შეუთვალე... ახლა სხვა არის, ჩამოსულია ისეთი კაცი... – საოცარი იდუმალეებით ჩაიჩურჩულა ლეკომა და წინ წასწია თანამგზავრი, ოდნავ წასწია და კარებს მიახალა შუბლითა, კარი არ იძვროდა, შეჩერებულიყო ოდნავ ჭრილადა, კაცი ვერ გაეტეოდა.

უცბად გაიღო, უცბადვე შევიდნენ და ჩაიკეტა კარი, უცბად ვერც ვერაფერი გაარჩიეს, გარეთ მეტი სინათლე იდგა. იქაც გაშუქდა, სანათს ჩამოფარებული კოლოფი აიტაცა ძლიერმა ხელმა. პირველად დედაბოძი გაანათა სანათმა, მერე ხელი, კოლოფი რო აიტაცა, მერე ხელის პატრონი, ჯმუხი, წარბებწამოხურული მამაკაცი. გახსნილი პიჯაკიდან რევოლ-

ერის ტარი მოუჩანდა. სანათმა დაადგა თვალი, ამათაც დაადგეს თვალი, იმანაც შეისწორა, შიგნით შეინია, დაბრძანდითო, განაცხადა და წამოსწია დაბალი, სამფეხა ჩამოსაჯდომები, ჩამოსხდნენ...

– ჩემი ძმაა... – თითქოს შეავედრაო, ისე თქვა ქალმა.

– ვიცნობ პეტრე ვარაზელსა... – ვიცნობო, ან რა თქმა უნდოდა, ვილას არ იცნობდა ლეკოი. იმ ბავშვებსაც იცნობდა სათითაოდა, კედლის გასწვრივ დიდ ტახტზე რო ჩარიგებულიყვნენ. იმათი შემოსვლისას თავი წამოსწიეს, წამოყელყელავდნენ, აახამხამეს თვალები და ისევ დაცვივდნენ ბალიშებზედა; იმ ბავშვებსაც იცნობდა, ყველა იცოდა დიდპატარიანადა, იცოდა, ვისი ვინ იყო, ვისი რა იყო, საქონელი თუ ძალლი, კალო-საბძელი თუ ბალვენახი, მარანი ჰო ყველასი იცოდა, ყველა მარნის შინაური გახლდათ. მხოლოდ ესაა, აქ არ ეგულებოდა მარანი, გიგო მამბკურელი ვერაფერი მემარნე თუ მევენახე იყო, ვერც მხვნელ-მთესველად გამოირჩეოდა. სამაგიეროდ, უკეთესს ვერ ინატრებდი ამფსონადა, ჩინებული მომლხენი გახლდათ და სხვაგან დიდი მოლხენის შემდეგ ერთი სუფრა რო არა ჰყოფნიდა იმასაცა ლეკოსი არ იყოს, მეორეს სხვაგან თუ ვერ გადაეყრებოდნენ, ისევ აქეთ შემოუხვევდნენ, ისევ აქეთა, რა ვუყოთ თუ მარანი არა ჰქონდა, ღვინო მაინცა ჰქონდა ყოველთვისა, შემოუხვევდნენ, რო მოუთავებიათ, ანთუ მოთავებულან, მიმოლავებულან რომელი სადა და რომელი საითა, ველარ გაუგიათ, აღარცა ხსოვნებიათ, სად მოთავებულან თუ საიდან მოლავებულან, სხვებს არა ხსოვნებიათ, სხვებსა და სხვათა, თორემ ლეკოს

არაფერი გამოორჩებოდა, მაშინვე რო ჩაკარგულიყო, გამოფხიზლდებოდა თუ არა, ნამოუტივტივდებოდა ყველაფერი, ეს ციყვებივით ნამოყუნცული ბავშვებიცა... თუმცა უკვე დაცვივნულიყვენ ბალიშებზე, ფშვინვა ამოეშვათ. ეფშვინათ, გამოეძინათ გულიანადა, ვიდრე ესენიც გადაეყრებოდნენ მოუსვენარ ლამეებსა, ეფშვინათ თანზომიერადა, ეძინათ ღრმადა, უსიზმრებოდა.

– მართლა თუ არის რაიმე ნიშნები, მაშინ... – ჩაიბუბუნა პეტრემა, ხშირი წარბები უფრო მოქუშა და ეგრე მოქუშული წარბებიდან გამოანათა თვალები. – მაშინ...

– არის!.. – მგზნებარედ შესძახა ლეკომა.

– მაშინ... – იმავე ხმით განაგრძო დამხვდურმა. – მაშინ... გამოგიტყდებით, უკვე გზას ვადექი, ბორჯომს გადავიდოდი, იქიდან ახალციხესა და მერე... – ხელი გაიქნია შორეული და ბუნდოვანი გზის ნიშნადა. – მაგრამ თუ არის იმედი, სულ ცოტა იმედი, ფრჩხილისოდენა იმედი თუ არის, მაშინ დავრჩები. – აქ ასწია წარბები, თვალი გაუსწორა იმა უცნობსა, იმედები რო მოჰქონდა ლეკოს თქმითა. ამან გაუსწორა თვალი, იმანაც გაუსწორა, აღარ დაიბნეოდა, გამოცდილიყო, გაეგებოდა, რასაცა გულისხმობდნენ, მიუგებდა, მუსიკოსი რო იყო და არაფერი ესაქმებოდა ამ პოლიტიკურსა თუ სახელმწიფოებრივ დავიდარაბასთანა.

– იცი, რა... – მუშტი შეჰკრა და შემართა ხელი, უნდოდა, რალაც ისეთი მტკიცე სიტყვა ეთქვა, მაშინვე დაერწმუნებინა ეს უცნობი თუ ეს-ესაა გაცნობილი ადამიანი, ესეც დაერწმუნებინა, ეს ურწმუნო თუ ახირებული კაცი, უნდოდა, მაგრამ უცბად ვერ

იპოვნა შესაფერისი სიმტკიცის სიტყვა, შემართული მუშტიც დაეშვა ძირსა, ხოლო ბაგემ იგივე გაიმეორა, – იცით, რა...

– მეც გადავაჭარბე, – მონანიების კილოთი გამოსთქვა ლეკომა, – დავალება დავალებაა... საგანგებო დავალებაა... – მაინც ვერ მოისვენა, მაინც ჩაიჩურჩულა რალაც შორეული იდუმალების ჩურჩულითა.

– გასაგებია, – ჩაიჩურჩულა დამხვდურმაცა, დახარა თვალები, – ჩემი შიში ნუ გექნებათ... არა, არაფერსა გთხოვთ, ისე ნუ გექნებათმეთქი ჩემი შიში, ლეკომ იცის, ლეკო არც გამომიტყდებოდა, რო არ იცოდეს: ჰო, ნუ გექნებათმეთქი ჩემი შიში, იმედი გქონდეთ...

– განა თქმა უნდა?! – გაიკვირვა ლეკომა.

– ამისთვის ვამბობ...

– ეგ ჩემზე იყოს. – უფლებამოსილად განაცხადა ლეკომა.

– შენ იცი... – ილიმის დამხვდური, ილიმის თითქოს უნდობლადა, – მართალი გითხრა, არ მეგონა, შენც თუ...

– ჰა, ჰა, ჰა... კიდევ ბევრ ვინმეს გააკვირვებს ლეკო თათაშელი. შენ ჰო მაინც იცი, ლეკო თათაშელს რო მიძახიან!..

– სხვა რალა ვიცი?!

– შენც კარგად დაიხსომე... – მიუბრუნდა თანამგზავრსა.

– იცით, რა... – დრო იხელთა თანამგზავრმაცა, – ეგ დავიხსომე...

– აგაშენოს ღმერთმა, მეტიც არაფერი მინდა, – თითქოს უფრო გამხნევდა ლეკოი, – ბევრი რამ იდუმალემა ვიცი. ვიცი, თუ როგორა ბრუნავს ჩარხი ნუ-

თისოფლისა და მინდა აღმა ვუზამ პირსა, მინდა დაღმა დავატრიალებ.

– ჰა, ჰა, ჰა... – ძალისძალად გაიცინა დამხვდურმა, – ნუ გეიოლება, მარანი არ გეგონოს ნუთისოფელი, თუმცა გეგონოს, მარანსაც ბევრჯერ დაუციხარ ძირსა.

– მეეე?!!!

– შენა...

– მეეეეეე?!!!

– შენცა, სხვანიცა, სხვანიცა, ვინც შესჭიდებია...

– სადაც სხვანი, იქაც მე...

– ეგეც არის, ეგ გვაჩერებს, თორემ წინააღმდეგობა ახლა მეტისმეტად გაძნელებულია, აღარა სჯობს და სადაც არა სჯობს, გაცლა სჯობსო, ნათქვამიც არის. მაგრამ ვის გავეცალოთ, რას გავეცალოთ?! ვინც გაეცალა, რა მოიგო?! ეს მაფიქრებს რამდენი ხანია და შეეყოვნებულვარ. ესეც ძნელია, უმოქმედობა სიკვდილზე ძნელია; ან ვინ უნყის, რა სიძნელისაა სიკვდილი, ვინ გამობრუნებულა, ვის გაუგებინებია, ეგება ადვილიც არის, რაც უნდა იყოს, უმოქმედობაზე ადვილი იქნება.

– იქნება... – დაუბეჯითა ლეკომა.

– იქნება... – დამხვდურმაც გაიმეორა ფიქრიანადა, – მოქმედება გვმართებს, საძრაობა გვინდა. ყველა მოქმედება უკეთესისთვისა, ჩვენ ჩვენისათვის უნდა ვიმოქმედოთ, ჩვენისათვისა, ჩვენადისთვისა, მერე აჰყვება უკეთესობის ღონისძიებაცა.

– აჰყვება, აჰყვება!.. – შეუფიცხა ლეკომაცა.

– თუნდაც ფრანგები, – დამხვდური მაინც არ გამოშორდა თავის ფიქრსა, – მაგალითად რო მოვიტანოთ, ბედნიერი ხალხია, თავიანთი დღენი უკე-

თესი ხელისუფლებისათვის იბრძვიან. უკეთესისა და უკეთესისათვისა!.. უკეთესისა და უკეთესისათვისა!.. დიდი ერები დიდნიც არიან და ბედნიერნიცა. ჩვენა? ჩვენი დღენი ჩვენი ხელისუფლებისათვის ვიბრძვით, ჩვენი!.. ჩვენი!.. ჯერ ეს რა არის, ჯერ ეს რა უბედურებაა და ახლა ამისი სახსარიც წაგვრთმევია. რა დაგვმართნია, ილაჯი აღარა გვაქვს, განვრთხმულვართ საბოლოოდა, სამუდამოდა, ჰა?!!

– არ დამორჩილდე ასეთ ფიქრებსა. – შეუტია ლეკომა. – არა!.. არა!.. ეგრე არ არი თაყაო!..

– იცით, რა... – მსწრაფლ დასძინა ნიკომა, დასძინა და მუშტიც შემართა, შემართა უფრო გაბედულადა, ალბათ, მოსძებნა უმტკიცესი სიტყვა, შეუვალი, ზემომქმედი, დამამორჩილებელი, მაგრამ ისევ დაუვარდა ხელი, დაუვარდა მაშინვე, დამხვდური რო წამოვარდა და ფანჯარას ეცა, წამოვარდა, რადგან რო თქარუნი მოისმა. არც ისე შორს ლანდებად გაიქროლეს ცხენოსნებმა, ლანდებად გაიქროლეს, ოღონდ ძლიერი ხმაური გამოსცეს, შემაშფოთი ხმაური.

ხმაური გამოსცეს და მიეფარნენ, მიეფარნენ და წარიტანეს ხმაცა, ვინ იყვნენ, ძნელი სათქმელია, სად მიეშურებოდნენ, – მით უფრო ძნელი. სხვანიც გამოჩნდებოდნენ თუ იგივენი შემობრუნდებოდნენ, – არც ამისი მიხვედრა ძალუძდათ, მხოლოდღა ეჭვი თუ დაერეოდათ და კიდევაც დაერიათ ეჭვი. ეჭვი დაერიათ და ერთმანეთს დაუბრიალეს თვალები ანუ დამხვდურმა დაუბრიალა თვალები ლეკოსა, რევოლვერიც წამოსწია წინა: როგორა ფიქრობო, ვინ იქნებიანო. მხრები ასწურა და ხელები გააცანცარა ლეკომა, აბა საიდან მეცოდინებაო, ამასობაში კიდევ მოისმა თქარუნი და ამათ პირდაპირ, ვრცელი

კორდის თავზე შემოპრონიალდა ცხენი, შემოპრონიალდა და ამათკენ გამოემართა. თითქოს მინიდან ამოძვრაო, მეორეც მოჰყვა, მესამეც ასევე. დამხვდური მოსწყდა ფანჯარასა, დამხვდურიო, ვამბობთ, ამათ რო დახვდა, იმიტომა, თორემა იმათ დახვედრას აღარ აპირებდა, – მოსწყდა ფანჯარასა, მომყევითო, ბრძანა, ეცა გვერდით კარსა, შეალო, შევარდა. შევარდა და შეჰყვნენ, ბოსელში გავიდნენ იმ კარიდანა, ბოსელს სანათური ძეძვიანისკენ დასტანებოდა, იმა სანათურს ეძგერა დამხვდური ანუ ამჟამად წინამძლოლი, აინია, გაძვრა, უკეთესია ითქვას, გავარდა ისარივითა. ლეკოს გაუჭირდა, მაგრამ იძალა შიშმა, ხელი დასტაცა წელან დამხვდურმა, ახლა წინამძლოლმა, დასტაცა და გადაითრია. ნიკო გაიჭყედა, აღარც აქეთ იყო, აღარც იქითა, ამასაც არ მოჰკლებია შიში, მაინც ის ვერ დაეტანა, ისინი დაეტანენ, გასწიეს, გაითრიეს. მერე ძეძვიანს მისცეს თავი. იქაც ბევრი საძრომილო შეხვდათ. იქაც ისარივით ერჭობოდა თუ მახათივით ეყრებოდა დამხვდური – ახირებულნიც არაფერი ვარგებულა, რილას დამხვდური, რა წინამძლოლიო, გარბოდა და გაქცეულად ითქვას, წინა გაქცეულადა. მიმყოლებს უჭირდათ, ძალიან უჭირდათ, მაგრამ სხვა რა ელონათ, არ იცოდნენ და ეჭიდებოდნენ გაჭირვებასა.

მუქარა მოსდევდათ, მუქარა მატებდათ ძალასა, იქ იმუქრებოდნენ: ვინ იყვნენ შენთანაო. არავინაო, შესტიროდა ქალი, მოვასწრებთო და ვაი იმათაო, ვაი შენცაო... უჭირდათო, რა სათქმელია, რა გაჭირვება დააბრკოლებდათ?..

ზეცა ქათქათებდა, შუქსა სცრიდა ძეძვნარშია; გაცრილი შუქი ეფინებოდათ ძეძვნარს შეფარებულთა.

XI

ღ მთვარის განაცერი იმდენი არაფერი, მზის განაცერმა გამოაღვიძათ. აქეთ-იქით მიყრილიყვნენ, არც სად ქვეშაგებო, არც სად საბანო, არც სად სასთუმალიო. ნათქვამიც არის, ძილმა სასთუმალი არ იცისო, მართლაც არა სცოდნია სასთუმალი; სასთუმალი რო არა სცოდნია, ეს იმდენი არაფერი, არა სცოდნია არცა შიში, თორემ რა დააძინებდათ, იმდენ ხანს დათქარუნობდნენ ცხენოსნები, იმდენ ხანს ისმოდა თოფის სროლაი. ვინ იყვნენ, ვის ესვროდნენ, რა თქმა უნდა, ამათ არ გაეგებოდათ, არ გაეგებოდათ, არც უნდოდათ გაეგოთ, არც გაეგონათ, ყურებიც დაიხშეს და ვინ იცის, მაშინ ჩაეძინათ, სწორედ მაშინა, ყურები რო დაიხშეს, მაშინ ჩამოიარა ძილმა უსასთუმლოდა, უქვეშაგებოდა, უსაბნოდა, ჩამოიარა და გადაეფინა, მიჰყარ-მოჰყარა აქეთ-იქითა, სამივენი მიჰყარ-მოჰყარა; თუმცა დილით რო გაელვიდათ, თავი რო გადააცილეს მზის ანაცერსა და დაჰხედეს ერთიმეორესა, ორნილა იყვნენ, მხოლოდლა ორნი – ლეკოი და ნიკოი. უთქმელად დააცეცეს თვალები. წამოყელყელავდნენ, გაიხედეს, გამოიხედეს, არავინა სჩანდა, არც ხმა ისმოდა არავისი, მხრები აიჩეჩეს და გაიზმორნენ შემცივნულებივითა. დილა გრილი იყო, მიწაცა გრილი, შეამცივნებდათ, თუმცა იცრებოდა მზეი, დილის მზეი, ადრე დილისა.

მზე მალე იმძლავრებდა, გაახურებდა ძეძვიანსა, ნანგრევების ქვებს გაახურებდა, თავსაც გაახურებდა ლეკოსი, იაზრებდა თუ რა ელონა, ახლა რომელიდა გზას დასდგომოდა, ეს მერე, მზე რო გაახურებდა

თავსა, ხოლო იმნუთს გონებაც შემცვივნოდა ტანშემცვივნულსა ან რახან პეტრე ვარაზელს გადაეყარა, იმას ჩააბარა სტუმარიცა, თავისი თავიცა და იმასვე ელოდა, იმას ეცა თავში, გაეყვანა აქედანა, როგორც შემოიყვანა, ისევე გაეყვანა. კარგია, ზრუნვა რო აგეყრება, სხვაგვარი შვება იცის ზრუნვააყრილობა-მა, შვება იცის და ზრუნვაში შებმა აღარავის ეხალისება. ჰოდა, რახან აღარავის ეხალისება, არც გაემტყუნებოდა ლეკოსა. მაგრამ გამქრალიყო პეტრე ვარაზელი, ან არც გამოჩენილიყო, მხოლოდ მოლანდებოდათ და რაღას არგებდათ ლანდის ლოდინი. არაო, თავი შეიბერტყა ლეკომა, რის ლანდიო, რა ლანდიო, მართლა პეტრე გახლდათ და თუ ველარ მობრუნდება, უამბოდ მაინც არ დაგვყრიდაო. არც უმტყუნა იმედმა, ძეძვნარი რო გახურდა, თვალები ახამხამდა იმა გახურებულ ძეძვნარშია, ახამხამდა გაცრილი მზის ქვეშა, ახამხამდა წუხანდელივითა, საბნებიდან რო წამოეყოთ თავი. იმათგანიც გახლდათ, უფროსთაგანი. გამოძვრა ძეძვებიდანა, ქოთანი და პურები გამოიტანა, შუაში ჩაუნყო პურებიცა, ქოთანიცა, თან დააყოლა სხაპასხუპითა: ბიძაჩემმაო, თქვენაო ღმერთმა ხელი მოგიმართოთო, ხოლო მეო, სადაც დამიძახებთ, იქ გავჩნდებიო, თუ არ დამიძახეთო, თუ არ დაგჭირდებითო, მევე ვენვევი ჩემს გზასაო. ჰო დააყოლა სხაპასხუპითა და ბოლო სიტყვა რო ისევ გაისმოდა, თვითონ აღარა სჩანდა, ჩამალულიყო ძეძვიანშია.

ესენი არ გაჰკიდებიან, რა თქმა უნდა, ხმაც არ დაუდევნებიათ, ერთმანეთს გადაჰხედეს უამურადა, მერე ქოთანს დაადგეს თვალი. ლეკომ აჰხადა სარქველი – პური გამოეჭრათ და ჩაეჭედათ სარქველა-

და – აჰხადა და ამოაჭყამპალა დომა. მოიყუდა, მოსვა, მოსვა მადიანადა. ნიკოს არ მიუვიდა გული, ჯერ ისედაც არ იცოდა დოს გემოი, მერე მით უმეტეს არ მიეტანებოდა, თეთრად რო შემოენუნა წვერ-ულვაში ლეკოსა, შემოენუნა, დაეკიდა თეთრი წვეთები. მაინც დანაყრდნენ ანუ დანაყრდა ნიკოცა, პური მოენონა, თბილი, რბილი ახლადამოყრილი თონიდანა, ცარიელა პური იკმარა, ხოლო ლეკომა, რახან არ გინდაო, ღმერთმა ნუ მოგცეს, რაც არ გინდაო, ლაჯებში ჩაიდგა დოს ქოთანი, პური ჩაიყარა და გამოიბესტა კაი გვარიანადა. ამით მოთავდა დილის საფიქრალი, დაიწყო დღისა, დიდი მხურვალე დღისა, მარიამობისთვის დღისა. ძნელი რამ საფიქრებელი გახლდათ, მაგრამ ეტყობა, ნიკომ ადვილად გაართვა თავი, რადგან პირველად იმან წამოიწყო:

– ჩვენ ახლა უკვე მტკიცედ უნდა მოვილაპარაკოთ.

– მოვილაპარაკოთ... – უნდილად გამოეხმაურა ლეკოი.

– თქვენ რატომღაც გგონიათ, თითქოს რაღაც საიდუმლო დავალება მქონდეს. რატომა გგონიათ, საიდან მოიტანეთ?! აი რას ვიკითხავ პირველყოვლისა. ვიდრე თქვენს აზრსა ბრძანებდეთ, ეგება კეთილი ინებოთ და ისიც განმიმარტოთ, ვთქვათ, მართლაც საგანგებო და საიდუმლო იყოს ჩემი მოგზაურობა, სადაური რა არის ან რა წესია, ყველა შემხედურს გაუმხილოთ, რა წესია?! მაკვირვებს და ვერც გამომიტქვამს ჩემი გაკვირვება, რადგან მოულოდნელ ყოფაში ამოვყავი თავი, რაღაც საოცარი შიშის, უნდობლობის, უპირულობის გარემოში მოვექეცი და მხოლოდ ერთი სურვილი დამეუფლა, რო-

გორმე მალე დავალწიო თავი აქაობასა. ასევე მირჩია... ნება მომეცით ვახსენო ელიზბარ ხეთერელი...

– ახსენე... – გამოეპასუხა დუნედა.

– გმადლობთ! ასევე მირჩევდა ელიზბარ ხეთერელი, გზაც დამისახა, თუ როგორ გამელწია თავი. და მიკვირს, რატომ ავცდით იმ გზასა?! აი რამდენი რამ გვაქვს სათქმელი. ეს უნდა გადავწყვიტოთ, მტკიცედ უნდა მოვილაპარაკოთ, თუ არა და...

– თუ არა და?! – გამომწვევად შეეხმიანა ლეკოი.

თვალეები ჩაუქრა ნიკოსა, გზნება ჩაუქრა ან რა გზნება იყო?! რაც იყო, იყო, ისიც ჩაუქრა, ჩაქინდრა თავი, მერე ძლივძლივს ამოიდუდუნა:

– იცით, რა...

– რა?!. დამცინავად მიაჩერდა ლეკოი, – რაი და, არაფერი! არაფერი ვიცით არცა მენა, არცა შენა, გამოვჭედილვართ ამ ძეძვიანში და რა წყალს მივეცეთ, არ გაგვეგება. ჯერ ეს გავარკვიოთ როგორმე, ჯერ თავიდათავი გავარკვიოთ, მერელა იყოს დანარჩენი. მე ლეკო თათაშელს მიძახიანმეთქი, ბევრჯერ მითქვამს, ნულარ გამამეორებინებ; ჰოდა, რახან ლეკო თათაშელს მიძახიან და მართლაცა ვარ ლეკო თათაშელი, ვიდრე თავიდათავი არ გადაგვინწყვეტია, ვიდრე არ გაგვიღწევია აქედანა, არც არაფერს გიპასუხებ და არც არას შეგეკითხები. თუმცა ერთს მაინც მოგიგებ: გზა თუ ავრეევია, ავრეევია ემაგ შენი ელიზბარისაგანა. როდის იყო, რომ ღამღამობით დავეხეტებოდით?! ღამისა მე არაფერი ვიცო, დღისა ვიცი, მხოლოდღა დღისა და დღეს მივეცემი...

დღეს მივეცემიო და მიეცა დღესა. ბევრი იარეს თუ ცოტა იარეს, ცხრა მთა არ გადაუვლიათ, სულ ვაკე-ვაკე იარეს, არც შარას მორიდებიან, არც სა-

ურმე გზასა, არც მოკლევებსა, არც არავინ შეჰფეთებიათ, არც არავინ გამოხდომიათ, სასალმოდაც არავის გადაჰყრიან, ეგრე მიატანეს არჯევანსა, არჯევნელების სასახლესა. შესაძლოა ოდესლაც არჩევანი ერქვა, მეპატრონენი არჩევნელები გახლდნენ, მაგრამ ჯერ ეს არავის გამოერკვია, ხოლო ამათ ჰო არც ეკითხებოდათ, გამოირკვევდნენ თუ ასე დარჩებოდა გამოურკვევლად. სტუმარს მხოლოდ ის ეკითხებოდა, ნატბისს მოვედით თუ არაო. უკეთეს ადგილას მოვედითო, ლეკო მიუგებდა და ზარსა რეკდა შინდისფერ ალაყაფის კართანა. მეტის თქმა არც მოხერხდებოდა, ვინ იცის, რამდენი ქოფაკი მონყდომოდა კარსა, ერთად მონყდებოდა, შეყალყულიყო ყველა ერთადა, ან ერთიმეორეზე გადადიოდნენ, ერთიმეორეზე მეტსა ცდილობდნენ, გადაენგრიათ კარი, ეგრევე ცოცხლივ გადაეყლაპათ ის ვილაც მოსულნი თუ მოვარდნილნი, რა თქმა უნდა, სასიკეთოდ არა, რა თქმა უნდა, – სხვას რას იფიქრებდა ძალლი, ერთგულობისა თუ სიფრთხილის დიდებული მაგალითი, მაგალითი ეჭვისა, – სხვა არც არაფერი-სა, სხვა რა ყოფილა ძალლის ფილოსოფიას თუ არა ეჭვი. აღშფოთებულიყო ეჭვი და ლამის განყვეტილიყო უმტკიცესი ანჯამები, ლამის გამმოვარდნილიყო ალაყაფის კარები, მაგრამ იქ ვილაც დაერია გააღმასებულ ქოფაკებსა, დაირეკა, შელალა საძაღლეში, მერელა გააღო ალაყაფის კარი, მობრძანდითო, შეაგება, ისე რო არც უკითხავს ვინა ხართ და ვინა გნებავთო. რას იკითხავდა?! ვინ არ იცნობდა ლეკოსა? – ძაღლებიც იცნობდნენ, ხოლო თუ მაინც გააღმასებულიყვნენ, – ეგ ვილა გახლავს თანაო, – მხოლოდ ამიტომ გააღმასებულიყვნენ. კარის გამ-

ლებიც იმ უცნობ ახალგაზრდას მისჩერებოდა, ისე ეპასუხებოდა ლეკოსა.

ლეკოს შეკითხვები არ ელეოდა, პასუხებს ვრცლად მოითხოვდა, მაგრამ ვერა და ვერ ნააქეზა მოპასუხეი, „დიახს“ მიუგებდა ან „არასა“, ხანდახან „ჰოსაც“ გამოურევდა. ზოგჯერ მიაჩერდებოდა ისე, თითქოს შეკითხვა ვერ გაიგოო, სამაგიეროდ, ელობებოდა გულმოდგინედა, საითაც გაინევდა, გზას მოუჭრიდა, აქეთ არაო, იქით მიბრძანდითო. ატარა ასე ჩაღობილად, სასახლის ბოლოს გაიყვანა, აუძლვა პატარა აივანზე – და, იქვე სათითაო ოთახი მიუჩინა: ახლავე გაჩნდება ტაშტი, თუნგი, საპონი, პირსახოცი, მტვერი ჩამოიშორეთ, დაინმინდეთ, დაისვენეთ და მერე მოვახსენებ დიდ ქალბატონსაო.

– შენმა ქალბატონმა რომ იცოდეს... ჰმ! ჰმ, ჰმ, ჰმ... – მრავალმნიშვნელოვნად გამოსთქვა ლეკომა.

– ბატონო ჩემო!.. – გულმოსულად შესძახა ნიკომა. აკანკალდა, სახე მოეფშვნა.

– არაფერი... არაფერი... ნადი!

ის ნავიდა, აქ სიტყვა აღარ გაგრძელებულა, ნიკომ აღარ ინდომა ლაპარაკი, აჩქარებით შეალო პატარა ოთახის კარი, იქვე ტახტი დახვდა, დავარდა ტახტზედა, დავარდა, გასავათებული, ფიქრგაყრილი, აზრგაყრილი, ძვალგაყრილი ხორცისაგანა, გამქრალი, გამოფიტული; დავარდა ტახტზედა ანუ დაეფინა მტვერი, გახურებული მტვერი გვალვიანი ქართლის გზებისა. გახურებული მტვერის სუნი დადგა გრილსა და სუფთა პატარა ოთახში. თვითონ ვერა გრძნობდა, რალა თქმა უნდა, თვითონ მოიყოლა ან თვითონვე ქცეულიყო მტვერად, განა მინადა, მტვერად ქცეულიყო. არ გაეგებოდა თუ სად მისუ-

ლიყო, არ გაეგებოდა, ცხადია და ცხადზე ცხადია, რად მისულიყო, ესეც აღარ გაეგებოდა, არც არა ესმოდა, დახშობოდა სმენა, მახვილი სმენაი. აქამდის ათასგვარი ხმა უდგა ყურშია, ათასგვარი საგალობელი მოესმოდა, მრავალგვარი მელოდია თუ ჰანგი, განაგონს აღიდგენდა ან გარდაჰქმნიდა, მოისმენდა მოსასმენსა, მოიგონებდა თუ იდგა დუმილი, ასეთი დუმილი, მდუმარება, სიმშვიდე უცნაური და ულმობელი. ამისთვის სიმშვიდეც ულმობლობადა ქცეულიყო ან სიმშვიდისაც აღარაფერი გაეგებოდა, აღარ ახსოვდა მოცარტი თუ როსინი, აღარცა ბეთჰოვენი, აღარცა შუბერტი თუ შუმანი, ფალიაშვილი თუ არაყიშვილი, ასე განსაჯეთ, აღარ ახსოვდა აღარც თავისი მასწავლებელი; თუმცა რაღა მოსათვლელია, მტვრადა ქცეულიყო, რაღა უნდა გაეგო, რაღა უნდა ხსომებოდა, მტვრადა ქცეულიყო და იდგა სუნი, სუნი მხურვალე მტვერისა მანამდის გრილსა, სუფთასა, წყნარ ოთახშია. მხოლოდ სინყნარე არ დარღვეულიყო. გვერდითი ოთახიდანაც არაფერი მოისმოდა, ან ისიც ესევე დაგდებულებოდა; ან გასულიყო, დაბორილებდა სადმე; დაგდებულებოდა, თუნდაც ებორიალა, ოღონდ აქ აღარ შემოსულიყო, აღარაფერი ეთქვა, ჩამოჰხსნოდა, მიეტოვებინა. თუმცა ამას აღარც ამდენი გაეგებოდა, ეს წელანდელი სურვილი გახლდათ, გახურებულ გზაზე რო მოდიოდნენ. აქ უფრო ისურვებდა, ამ წყნარ ოთახში, თუმცა თვითონ აღევსო მტვერითა და მხურვალეებითა, მაინც ისურვებდა, მაგრამ ვაგლახ, აღარაფერი ჩაესმოდა, გაყრილიყო სურვილთაგანა, გაყრილიყო, გარდაქცეულიყო თავისთავადა, არ მონდომებოდა ამოძახილი ვაებითა,

მინა იყავ და მინად იქეციო, მტვრადა ქცეულიყო ჭირისუფალთა ვაების გარეშე, უფრო სწრაფად გარდასახულიყო, უფრო მალე განშორდებოდა ამ ცოდვით სავსე დედამინასა, ოღონდ დაებერა ქარსა, ძლიერ ქარსა, ახლავე დაებერა, დაექროლა ან თუნდაც სიოს შემოენავარდა, სიო ნაიღებდა, გაჭფანტავდა, გაანიავებდა, ჩაჰკარგავდა უსასრულობაში უხილავ ნაწილაკებადა, ახლავე ჩაჰკარგავდა, რაღას მოეცადა თუ თვით დედამინა როდის იქცეოდა იმავეგვარივე უხილავ ნაწილაკებადა, გამოუცნობ ბაცილებადა რომელიმე ახალი პლანეტისა, სადაც სიცოცხლე გაღვივებულიყო, ახალი სიცოცხლის ბაცილებადა; როდემდის მოეცადა, რად მოეცადა, როცა უკვე ქცეულიყო მტვრადა. მაგრამ არსად ქარიო, არსად სიოო, იდგა სინყნარე, უშფოთველი, დაუნდობელი, გაუსაძლისი, და ეფინა მტვეერი, მხურვალე მტვერი ქართლის გზებისა.

თვით ლეკომ აიბზუა ცხვირი, კარი რო შემოაღო.

დანმენდილიყო, დახვეწილიყო სახიან-სამოსიანადა.

დიდი რამ ყუათი არ იცის დომა, მოშივნოდა, თუმცა სამხრობა გადასულიყო კარგახანია, ვახშამიც ადრე იყო, მაინც იმედოვნებდა, ნამგზავრნი ვართ, სუფრას გაგვიშლიანო.

თანამგზავრიც უნდა დაეეიმედებინა.

არ იძვროდა თანამგზავრი, მტვრად ეფრქვია ტახტსა, იდგა სუნი მხურვალეებისა, მტვრის სუნი იდგა.

უთხრა, ადექი, გაიბერტყე, დაიბანე, მალე გვიხმობენო, უთხრა ტკბილადა, როგორც მახლობელსა და საფერაოსა. ოდნავადაც არ აფუჟებულა მტვერი.

ლეკო გავიდა, ღიად დააგდო კარი, ორქარი დაპკრავს, გაბერტყავს მტვერსაო.

არც სად ორქარი, არც სად ოღნავი სიოო...

არც მოძრაობა, არცა სუნთქვა თუნდაც მცირედით, თუმცა სუნთქვისა რა იცოდა მტვერმა.

ისევ ლეკო შემოიზუზა, ისევ აიბზუა ცხვირი, მაგრამ მუცელი ამოსძახოდა ვალალასა, ველარ ივლიდა ცხვირის ნებაზე.

მოშორებით ჩამოჯდა, ჩამოჯდა ფანჯარასთანა, სიო არ იძვროდა, მაინც ფანჯარასთანა სჯობდა, წინ ზვარი გაშლილიყო ლამაზადა, თუმცა ლეკო ვერც ამჩნევდა ზვარსა, მხოლოდ კიბეს მისჩერებოდა, აცა, ვინ ამოჰყოფს თავსა, ვინ გამოჩნდება ჩვენი მხმობელიო. ვინც გამოჩნდებოდა, იქაც შევიდოდა, მაგრამ დროზე შემჩნევაც დიდი რამ ყოფილა, წამიც დიდი რამ ყოფილა, სიცოცხლევ წამისააო ნათქვამია და ცოტა თუ გგონია, თუ მოშივნულხარ, კიდევაც მიხვდები რაც ყოფილა წამი.

ბევრს უმსჯელია დროსა და სივრცეზე, ლეკოც თუ ჩაერეოდა ამ მსჯელობაში, სწორედ აქედან დაიწყებდა: თუ მოშივნულხარო.

მაგრამ იქ მოკამათე არ იყო, მსმენელიც არ იყო, მაინც უნდა ეთქვა.

უნდა ეთქვაო და ჩამოჯდა რო მოშორებითა, ახლოდან დაიწყო:

– მე რო ლეკო თათაშელს მიძახიან, განა ტყუილად მიძახიან, არაფერს დავივიწყებ, არაფერს დავუშვებ ძირსა, დროზე გავიხსენებ და დროზე გავახსენებ, ამიტომაც მიძახიან ლეკო თათაშელსა. უნდა მტკიცედ მოვილაპარაკოთო, მიბრძანე, მონყალეო ხელმწიფევ, თუმცა ჩემი მბრძანებელი ჯე-

რაც არ გაჩენილა ამ ქვეყნადა, მაგრამ მაინც ასე გამიხსენებია, მიბრძანემეთქი. მაშინ არ ავყევი, ახლა დადგა დრო მტკიცე და საგულდაგულო მოლაპარაკებისა. მე ლეკო თათაშელს მიწოდებენ და არაფერს მოვითმენ ჩემს გარშემო ბუნდოვანებით მოცულსა, ამიტომაც მიწოდებენ ლეკო თათაშელსა. აქ ხელს არავინ შეგვიშლის... დროც დადგა და კარგ ალაგსაც მოვიმყუდროვეთ, არავინ შემოგვეჭრება, ვერავინ გაგვაძევებს, მოულოდნელი არაფერი დაგვემართება, მოვილაპარაკოთ, გავარკვიოთ ერთხელა და სამუდამოდა, თუ რამ შეგვაკავშირა და რისთვის ვიღვწით, ხოლო მანამდე, რამდენადაც მომეხსენება მოლაპარაკების წეს-ჩვეულებანი, უნდა იცოდეთ თუ სად მოსულხარ, ადგილმა ადგილისა იცის, სიტყვა-პასუხიც თავისებური იცის, არჩევანიცა, თანხმობაცა თუ უარყოფაც ადგილმა იცის. ადგილი დიდი რამაა, ადგილი დედაა ზნეობისა, ხასიათისა, შენ როგორ იტყვი? თუმცა მოითმინე, ჯერ ის გაიგე, სადა ხარ და რა ადგილია. გურანდუხტის სასახლეში ხარ, გურანდუხტ არჯვენებისა. არ გაგიგონია? სსსს... არ წამოგცდეს, არ გაპატივებს, არც დაიბნე, როცა მიგვინვევენ, – კარგა გვარიანად ჩამწიფებული დედაბერია, ადვილად გამოარჩევ სხვა ქალებშია; გამოარჩევ და პირდაპირ იმისკენ გაემართე, მუხლი დახარე, არა, ნუ ჩაიმუხლებ, ისე დახარე მუხლი და მოჭმუჭნულ ხელს რო გამოგიწვდის, პირთუკან არ წაიღო, მოწინებით ეამბორე დაჭმუჭნულ ხელსა, ეამბორე და მერე მოიკითხე, როგორა ბრძანდება თქვენი უსათნოესობათქო, მოიკითხე ხმადაბლა, არ დაგავინწყდეს, ხმადაბლადა, თორემ ხმას თუ აუწიე, იფიქრებს, ყრუ

ვგონივარო, გაანჩხლდება, როგორთუ ყრუ გგონივარო, გაანჩხლდება და ზურგს გიჩვენებს, მერე მორჩა, აღარ შესდგება ჩვენი მოლაპარაკებანი, აქ აღარავინ დაგვაყენებს. სადმე მაინც მოვილაპარაკებთ, მაგრამ მერნმუნე აქა სჯობიან, მერნმუნე და შენც ძალიან ხმადაბლა მოიკითხე, გამოესაუბრე ხმადაბლა, თუნდაც შეატყო, რომ არაფერი ესმის, მაინც ნუ აუწევ ხმასა. ესაა პირველი შეგონება, პირველი და თავიდათავი, თუ გინდა, აქ გაგვაჩერონ რამდენიმე ხანი, თუ გინდა, წარმატებით დაიწყოს ჩვენი მოლაპარაკება, წარმატებითაც დაიწყოს, წარმატებითაც დამთავრდეს, კვლავ შეგაგონებ, რიცხვით ეს მეორე იქნება: გურანდუხტის გარშემო ქალები იქნებიან, მხოლოდ ქალები, ყველა ასაკისანი, ყოველგვარი სახისანი, არ შეიმჩნიო თუ უღამაზესიც შეგეფეთოს, უმახინჯესიცა, გამორჩევით არავის მიაცქერდე, არც გამორჩევით გამოელაპარაკო, არავისთან განცალკევდე, არავის დაუნყო ცალკე კურკური. გურანდუხტი ამას არად ჩააგდებს, მაგრამ სხვები არ მოგინონებენ და თუნდაც ერთმაც რო აგითვალისწინოს, მორჩა, აღარავინ გამოგესარჩლება, აღარც გვედგომება აქა... ესაა მეორე შეგონება, მეორე და თავიდათავი, კარგად დაიხსომე, თავიდათავია, ყველაფერი თავიდათავია, რიცხვმა არ აგიჭრელოს თვალები. კვლავაც შეგაგონებ, რიცხვით ეს მესამე იქნება: დაჭმუჭნულ ხელებს დაუკოცნი თუ არა გურანდუხტსა, მოიკითხავ თუ არა, იქვე მოახსენე, რო დიდებულად მიგვიღეს და დიდებულად დაგვაბინავეს, რო ჩვენს წინ საუცხოო სანახაობაა, აქ კაცი სხვას ვერაფერს ინატრებს, - თვალი მომცა და მაცქერინაო. ამგვა-

რი რამ უთხარი, უკეთესად უთხარი, ოღონდ ამ აზრისა იყოს, მაშინვე მოგვიჩვენე სხვა ადგილსა, უკეთესს მოგვიჩვენე, თორემ აქ, ამ საკანში მოლაპარაკებას რა მადლი ექნება?! დამერწმუნები, არ ექნება მადლი, არცა აზრი, წარმატებაც საეჭველია. დიდი დარბაზი გვინდა, მრგვალი მაგიდა, ნუ გეფიქრება, რამდენიმე დარბაზი არის ამ სასახლეში, თუნდაც საბილიარდო ავირჩიოთ. დიდი რევოლუცია დაწყებულა საბილიარდოში, ისტორიული მოლაპარაკებაც გაიმართება. შურის ციხეც იქიდან მოსჩანს, არ აგერიოს, ეს სხვა შურის ციხეა. ჰო, არ აგერიოს და კვლავაც შეგაგონებ, რიცხვით ეს მეოთხე იქნება, მეოთხე და თავიდათავი: დაჭმუჭნულ ხელებს რო დაუკოცნი გურანდუხტსა, არ დაგავინყდეს, ბექა უქე. ბექა არ იცი?! ღმერთო ჩემო, ეგ არ შეგეცყოს, არც შეგეცყობა, ახლავე გაცოდინებ – შვილიშვილია გურანდუხტისა, ძე ნაზიბროლასი, მამისას არაფერს გეცყვი, გურანდუხტს თვალში არ უჯდა სიძეი, გამეცალე, გადაიკარგე და შენს ძეს ვალიარებ არჯევნელთა მემკვიდრედაო? ისიც გაეცალა, გადაიკარგა და ბექა მემკვიდრეა არჯევნელებისა, რამეთუ სხვა ძე არ ესვა გურანდუხტსა, მარტოდენ მარტო ასულნი, განა ერთი, განაო ორი, განა სამი, განა ოთხი, განა ხუთი, განა ექვსი, შვიდნი ასულნი, რომელთაგან ექვსმა ჯიშზე იარა, მხოლოდლა ნაზიბროლამ შვა ძეი და მასზე გადავიდა გვარიცა, მამულიცა არჯევნელებისა. გურანდუხტმა ინება ასე, ბექაა სასოება გურანდუხტისა და უქე ბექაი, ენით უთქმელია ღირსება მისითქო, ისაა იმედი გამოხსნისა, გადარჩენისა, ჩვენი იმედი, იმედი ერისათქო. უთხარი ასე და რამდენ ხანსაც უნდა გაგრძელდეს

ჩვენი მოლაპარაკება, ვისაც უნდა მოვაბეზროთ თავი, ტუჩს ვერავინ აგვიბზუებს, ბუზსაც ვერავინ აგვიფრენს. ახლა ისიც იცოდე, თუ რატომ ვერავინ აგვიფრენს ბუზსა: საბილიარდოდან ასე ჩრდილო-დასავლეთით შურის ციხეს რო დაინახავ ბექობზე, დროშაც გეცემა თვალში... მოიცა, მოიცა, მოიცა!.. კვლავ შეგაგონებ, რიცხვით ეს მეხუთე იქნება, მეხუთე და თავიდათავია: დაჭმუჭნულ ხელებს რო დაუკოცნი გურანდუხტსა, დროზე ისეც მოახსენე, საზღვარს გავარდნილა შენი დროშის ამბავითქო, ქვეყანა ამაზე ლაპარაკობს, ყველას პირზე აკერი-ათქო. გურანდუხტმა მოქსოვა და მოქარგა ის დრო-ში თამარის დროშის დარადა; გამართა და აკურ-თხებიანა, მერე დიდხანს ესვენა ნაკურთხ კუთხეში, გამოჩნდება ვინმე ღირსეული და ჩავაბარებო. მაი-სის მთავრობამ შემოუთვალა, აჰა, გამოვიჩნდით ღირსეულნი და სწორუპოვარნიო და ჩავაბარეო. დიდხანს იყოყმანა, იყოყმანა, მერე სხვა მოქსოვა, მსგავსი გადაილო და გაუგზავნა. გაუგზავნა თუ არა, აიყარნენ ისინი – არა!.. აჰყარა ქარბორბალა-მა. ჩრდილოურმა. – გადაიხვეწნენ და თან ნაილეს, ოლონდ ასლი ნაილეს, ლანდი ნაილეს, ნამდვილი აქ დარჩა, ბექას ჩააბარა; შურის ციხეზე გამოუკიდნია ბექასა, თვითონაც იქ გამოკეტილა, ტყვიამფრქვე-ვები გადმოუდგამს და მრისხანებს ცოფმორეული, საარჯევნოში ფეხს ვინც შემოდგამს, ველარ გააღ-წევს ცოცხალიო. შენ ნუ შეგეშინდება, ჩვენ არას გვერჩის, ის არას გვერჩის და ვერც ვერავინ აგვიფ-რენს ბუზსა; ის ახალ მოწესებებს ემუქრება, თქვენ აქ ვერ შემოხვალთ, მე დავიძრები აქედანაო, მე შე-მოვატარებ თამარის დროშას თამარის საზღვრებ-

ზედაო. რა იქნება, ვინ იცის, ვის უწერია ეს ბედი, ვინ უწყის ვისა, მხოლოდ ესაა, ჯერ აქ ვერ შემოსულა ახალი მოწესე, ვერც ვერავინ აგვიფრენს ბუზსა. დაე, დიდხანს გასტანოს ჩვენმა მოლაპარაკებამა, ნუ გეფიქრება, ვერავინ შეგვიშლის ხელსა. კვლავაც შეგაგონებ, ეს იქნება რიცხვით... მოდი, ჩამოვებსნათ რიცხვებსა, შეგონებას სათვალავი არა აქვს, ყველაფერს ერთად ვერც დაიხსომებ, სხვას თავის დროზე გეტყვი, თავის დროზე აგიხსნი, მხოლოდ ერთი მაინც აქედანვე მიუმატე იმა დანარჩენთან: როგორც გენებოს დაჰფარე თავი, იტრაბახე, რო მუსიკოსი ხარ, დაუკარი, იმღერე, ამღერე, ჩაინერე, დაჰპირდი ოპერაში გადავიტანთქო, დაჰპირდი ყველა აქამყოფსა, გააბრუე, თავბრუ დაახვიე, ოლონდ გურანდუხტს გამოუტყდი, არაფერი დაუმალო გურანდუხტსა, თორემ ჩვენი მოლაპარაკება არ შესდგება. აქ არ გაგვაჩერებს... ნუ, ნუ დასთმობ აქაობასა, აქ კარგია, ძალიან კარგია, აი, ნახავ, გვიხმონ ვახშმადა!..

მაგრამ არა სჩანდა მხმობელი.

მზე დავიდა, ჩავიდა, აიკრიფა სხივები.

არა სჩანდა მხმობელი, არც ჩქამი ისმოდა.

მტვერიც იდო, იდო ნაცარი, გაფუებული და გამტკნარებული; თუ ნაცარი იყო, სადღაც გულში პატარა ნაპერწკალი მაინც ექნებოდა შენახული, გადაიყრებოდა ნაცარი და გამოჰნკიალდებოდა; თუ მტვერი იყო, მხურვალე გზებზე ახვეტილი მტვერი, თვითეული პნკალი მიემგვანებოდა ნაპერწკალსა, მაგრამ რაც იყო, იყო, დანოტიოებულიყო, იდო ნოტიო მტვერი, სუნიც დამდგარიყო ნოტიო მტვერისა.

XII

მტვერს ველაპარაკებო, გაიფიქრა ლეკომა, სახე მოჭმუხნა და მიყუჩდა; წამოჰკრა რალაც აზრმა და დამცინავად გადაეფინა მოჭმუხნულ სახეზე: ჩემი დღენი მტვერს ველაპარაკები, მტვერია ყველა, მეც მტვერი ვარ ქარს აყოლილიო, ამ აზრმა წამოჰკრა, ეს გადაეფინა მოჭმუხნულ სახეზე. მერე სიცილი მორთო, იცინა, იცინა, ცრემლი წამოსცვივდა, იქამდის იცინა. თანამგზავრი მაინც არ გამოეხმაურა, ანუ არ შეირხა მტვერი, არ აბორიალდა. მაშ ეგრეო, გაგულისდა ლეკოი, ახლოს მიუჩოჩდა, ტუჩები გაბერა, სული შეუბერა, შეუბერა რაც ძალი და ღონე გააჩინდა, მაინც არ იქნა, არ აფუვლდა მტვერი. არც მოემშვა ლეკოი... მისჯდომოდა და უბერავდა, უბერავდა და იცინოდა. იღო მტვერი, ეფინა კვლავაც შეურხეველადა, ლეკოს სული თუ არა ჰყოფნიდა, ან მტვერი ქცეულიყო ქვადა. ქვას ველარ დასძრავდა სული კაცისა, ქარიც ველარ დასძრავდა. ქვისთვის შეიძლება წვენი გამოედინათ, მაგრამ ეს მხოლოდ ნაცარქექიას მოუხერხდებოდა. ნაცარქექიას, ვინ იცის, ქვებიც დაეძრა სულის შებერვითა, ვინ იცის, ვინ უწყის, მაგრამ არ არის ზღაპარში ასეთი ამბავი და ალბათ იმასაც არ მოუხერხდებოდა, თორემ ვინ გამოსტოვებდა, ვინ არ დახარბდებოდა, მოეთხრო, თუ როგორ უბერავდა ნაცარქექიანი, თუ როგორ იფშვნებოდა ტინის მთები, როგორ იფრქვევოდა ლოდები სეტყვასავითა, როგორ იუუყებოდნენ დევები... ამოდ დამშვრალიყო ლეკოი ან არცთუ ამოდ დამშვრალიყო, გაბეზრებულიყო ლოდინითა, ერთობოდა.

ალარც მზე იდგა ზვარში, ჯერ არც ბინდი ჩამონოლილიყო, არც ჩქამი ისმოდა, ოლონდ უცებ გაისმა ჩქამი პატარა ფეხებისა და მოკლე, სწრაფი ნაბიჯებისა. ლეკო აიმართა მაშინვე, გასწორდა, წელზე შემოისვა ხელი, უფრო დავინროვებოდა ისედაც ვინრო წელი.

მოახლე შემოფანცქალდა, ქალბატონი გიხმობთო. ორივე ხელის თითები შეატყუპა ლეკომა, დაიკოცნა ერთიცა, მეორეცა, ჯერ ერთი ესროლა მოახლესა, მერე მეორეი, კიდევაც წაინია, მაგრამ გაასწრო, გაფრთხა, ველარც მიაღვენა თვალი თუ საით გაჰქრა. ვერც მიაღვენებდა, ვერც გაეკიდებოდა, გასწენოდა დიდი რამ საზრუნავი, როგორმე უნდა დაეძრა ეს მტვერი თუ გაქვევებული მტვერი, ისე ვერ წარუდგებოდა ქალბატონ გურანდუხტსა. მაგრამ არ დასჭირებია დიდი რამ ღონისძიება, გადაბერტყილიყო მტვერი, მოგზაური წამომდგარიყო ან გამომძვრალიყო მტვრის ტომრიდანა, გამომძვრალიყო დაქანცული, უილაჯო, სავათმიხდილი, კიდევ უფრო გაფერმკრთალებული ისედაც ფერმკრთალი... ასეცა სჯობდა, გამოჩენისთანავე მოინადირა გული ქალთა კრებულისა, მოინადირა ფერმკრთალი სახითა, მინისლული თვალეებითა, აუკვირველობითა, მართლაც საოცარი აუკვირველობითა, სიდინჯითა, ზომიერებითა, მაშინაცა, გურანდუხტის დაჭმუჭნულ ხელს რო ეამბორებოდა, მაშინაცა, იმის მარჯვნივ რო დაიხარა და დაეტანა გულქანის ხელსა, გურანდუხტის ერთ-ერთი ქალიშვილის ხელსა... გულქანისაო, მაგრამ ადვილად იტყვის ენაო, – ჩიხტიკოპში გამონყობილი უცნაურობა დასკუპებულიყო მაღალ საზურგიან სავარძელზედა, დასკუპებუ-

ლიყო თავმომწონედა, გამომწვევადა, სწორედ ისე-დათა საგანგებოდ განვრთნილ მაიმუნებს რომ სჩვე-ვიათ, ასეც იგულისხმება, მაინც უშფოთველად დაე-ტანა გრძელ მტევანსა, საოცრად გრძელსა, საოც-რად მგვანსა იმ მტევანისა, ის-ის იყო რო ეამბორა, მგვანსა სიგრძითა, მოყვანილობითა, ოღონდ ნაკლე-ბად დანაოჭებულსა, ეს რო გადიტანა, მერე ასაზი-ზებელი არაფერი გახლდათ, – მარცხნით კიდევ ორი ასული უჯდა გურანდუხტსა, ერთიმეორეზე სანდო-მიანი, ერთიმეორეზე თვალმისავალი, ნაზიბროლაი, დედაი ბექასი, და ელენეი, დედაი ხუთი ასულისა, რომელთაგან ოთხი დარბაზის ბოლოს, კედელთან ჩამჯდარიყო.

ჰო, ოთხი ჩამჯდარიყო, მეხუთისაც უნდა თქმუ-ლიყო, თუმცა იქ არ გახლდათ, არც შემოვიდოდა, გათხოვილიყო, ქმარი ახალ მონესეთა შორისა ტრია-ლებდა, ცოლს აღარ უშვებდა ძველ ოჯახშია. გურან-დუხტს ისიც ამოელო გულიდანა, ამოეშალა შვილიშ-ვილთაგანა, როგორც ამოეშალა თავისი ასულები – მარი, ეკა, ანიკო, ელისო შვილებიანადა, ქალიშვილე-ბიანადა; ყველას ქალიშვილი შესძენოდა, ჯიშზე ეა-რათ თუ გვარზე ეარათ, ასე მოსვლოდათ, ასე და-მართოდათ. თუმცა განა ამიტომ გასწყნომოდა გუ-რანდუხტი? არა, რა სათქმელია, თვითონ დედა გახ-ლდა შვიდი ქალიშვილისა, სხვას აბა როგორ დაასაყ-ვედურებდა! არა, რა თქმა უნდა, თუ უსაყვედურებ-და, თუ აეყარა გული, იმათ აეყარათ გული, დავინყე-ბოდათ დედაცა, მამაცა, გვარიცა, ტომიცა, სხვადას-ხვა ჯურის ჩინოვნიკებსა და ოფიცრებს გაჰყოლოდ-ნენ, გადახვეწილიყვნენ ჯერ რუსეთშია, მერე გაეტა-ცა რევოლუციის ქარსა და გაეტყორცნა, ვინ უწყის,

ვინ საითა, ვილა მიაკვლევდა, ვილა გაიგებდა იმათ ასავალ-დასავალსა? ყოველშემთხვევაში, ვერას გაიგებდა გურანდუხტი, შემთხვევითაც რო გადაჰყროდა შვილიშვილებსა, ვერ მიხვდებოდა, თუ ამისი სისხლი უდიოდათ ძარღვებში, ვერ მიხვდებოდა, ვერც ვერავინ დაარწმუნებდა. ჰოდა, ამოელო გულიდანა, რა ბედენა იყო, გულში ჰყოლოდა და ეკანკალა იმათთვისა?! ესენიც ეყოფოდნენ საღელველადა, საჩქროლველადა, აი, ესენი: გულქანი, ნაზიბროლა, ელენე თავისი ოთხი ასულითა.

ჰო, ოთხი ჩამომჯდარიყო, მეხუთესი ითქვა და კიდევ ითქმის, ამათიც ითქმის... ახლა ამათ რაც შეეხება: ისე ისხდნენ, რო ერთიმეორეს აჰკროდნენ: ზეინაბი, მერი და ირინე, სალომე გამოცალკევებულიყო, იჯდა გოროზადა, ურხევადა, ამპარტავნულადა, თითქოს არც დაუნახავს თუ ვინ შემოსულაო, თუ როგორ ჩამოურიგა ხელზე ამბორი გურანდუხტსა, გულქანსა, ნაზიბროლასა, ელენესა, ან ამათ როგორ ესაღმებაო; ჰო გამოცალკევებოდა, გამოჰყოფოდა, დანიშნულიყო, დღედღეზე ელოდა დანიშნულსა, მზითევსა და ქორნილსაც დაჰპირებოდა დიდედა გურანდუხტი, ქორნილის ოცნებას მისცემოდა ისედაც გოროზი, ამპარტავანი, გამომწვევი. სტუმარი მაინც ვერ გამოინვია, ამას არც შეუმჩნევია, რამდენნი იყვნენ, როგორნი იყვნენ, შორიდან მიესაღმა ისე, არცერთი სახეც არ გამოურჩევია, მიესაღმა და ჩამოჯდა მოშორებითვე, ოღონდ ჩამოჯდა ისე, რო მოჰყვა გულქანისა და ირინეს გასწვრივა, სიმახინჯისა და სილამაზის გასწვრივა, გადამწიფებისა და სიქორფის გასწვრივა. სხვას ეს უმაღვე შეეტყობოდა, მორიდებით მაინც

გააპარებდა თვალსა სილამაზისკენა, მორიდებით მაინც ჩაიჩოჩებდა, ჩაიჩოჩებდა სილამაზისკენა, სიქორფისკენა. ამას თავიც არ შეურხევია, არ გაუხრია თვალი, იჯდა წელამართული, იჯდა წინა კიდეზე სელის სკამისა, იჯდა ისე, თითქოს აჰაა, უნდა ნამოხტესო, თავის ფიქრებში ჩაძირულა, თავის ფიქრებსვე უნდა გაეკიდოსო, მაგრამ ყურადღებაც არ დაჰკარგვია, ეპასუხებოდა თუ ეკითხებოდნენ, თავს უქნევდა თუ ეთანხმებოდა, ოდნავ, თითქმის შეუმჩნევლად უქნევდა თავსა, თვალებსაც ოდნავად მიჰხრიდა მოლაპარაკისკენა და რახან მხოლოდ სიბერე ლაპარაკობდა, სიბერისაკენ მიჰხრიდა თვალებსა. ჩამიჩუმი არ ისმოდა სიქორფისკენა, სილამაზისკენა, სიტყვა არ ჩაურთავს არც გოროზ სილამაზესა, სალომეზე მოგახსენებ, არც ანჩხლ სილამაზესა, მერიზე მოგახსენებ, არც შემპარავ სილამაზესა, ზეინაბზე მოგახსენებ, არც ხალას სილამაზესა, ირინეზე მოგახსენებ; სიქორფეც ჰო ირინე გახლდათ, ახლად შეთვალეზული, შეღერებული, შენივთებული უბინო ოცნებებსა. მაშინაც ოცნება შემოჰპუროდა ან იმას თუ იგონებდა, მომჩვენებია თუ არა ეს ჭაბუკიო. ზეინაბი არაფერს იგონებდა, არც მერი იგონებდა არაფერსა, მხოლოდ ფრთხილად ზვერავენენ ერთმანეთსა, ჭაბუკსაცა ზვერავენენ, ჩვენ ორთაგან რომელზე შეაჩერებს თვალსაო. სალომესი რა გითხრათ, არ მოსწონდა ეს საიდანღაც მოვლენილი ჭაბუკი, არც არავინ მოსწონდა თავისი დანიშნულის გარდა, არც უნდოდა, იქა მჯდარიყო, მაგრამ არ იქნებოდა, უნდა დასწრებოდა მიღებასა, თორემ, ვინ იცის, განრისხებულებიყო დიდება გურანდუხტი, მერე მზითევი? მერე ქორწილი? მაინც

საქმე რად გაეხადა საჭოჭმანოდა თუ საბოდინოდა? იქნებოდა ასე, გოროზად გადაავლებდა თვალსა, რა თავი გამოგიდვია, ათასი შენებრისათვის მითქვამს უარიო, ასე გადაავლებდა თვალსა და დასტკებოდა სიამაყითა.

დამტკბარიყო, ეს ჰო ამათკენ არც იხედებოდა, გურანდუხტი ლაპარაკობდა, გულქანი ჩაურთავდა ჭირვეულ სიტყვებსა, ნაზიბროლა დედას ეთანხმებოდა, ელენე იჯდა აუკვირვლად, ამაყადა, თუ იტყოდა, ქმარს მოიგონებდა, ახლა ის რო იყოს, ყველაფერი ნალმა დატრიალდებოდაო. არ ედავებოდნენ, დააცდიდნენ და განაგრძობდნენ თავიანთსასა ანუ გურანდუხტი განაგრძობდა. ხოლო გულქანი აწვალვებდა ენის წვერზე, – ისიც იყო, მაინც უკულმა ტრიალებდა ყველაფერიო, ოჯახიც თავდაყირა დაგიტოვა და თუ ჩვენ არა... – აწვალვებდა ენის წვერზედა, ჯერ მხოლოდ უღრენდა, დალოდებოდა შესაფერის დროსა, რო უფრო მწარედ მოერტყა გულში, მოერტყა და გაეპო; ამ საიდანლაც მოვლენილი ჭაბუკის სათქმელსაც დალოდებოდა, რო შეჰბმოდა პირში, არ მოსწონებოდა, უნდოდა შეჰბმოდა პირში, გაეხელებინა, გაემწარებინა, დაერღვია ეს მოგონილი სიდინჯეი თუ მართლა სიდინჯეი, აერია დახვენილი, ფერმკრთალი სახე და ის შემზარავად მოხდენილი თითები აესავსავებინა ჰაერშია; დალოდებოდა, ოღონდ ვინ უწყის თუ როდემდის მოუნვედა ლოდინი. ლეკოს დაეგდო ბურთი და მოედანი, ლეკო მიუგებდა გურანდუხტსა, აიმედებდა, ამხნეევებდა: კაჟივით ქალი ხარ, დიდხანს იცოცხლებ, ბევრს შეესწრები, ყველაფერს კარგსა, ყოვლად სანეტაროს შეესწრებიო.

– ფუჭი იმედი სასონარკვეთაზე უარესია, – მკვახედ გამოსთქვამდა გურანდუხტი, – რილას იმედო, უამრავი თესლი მობნეულა ერთი ციცქნა მინანყალზედა, თესლი თესლსა სჭამს და მინასა ჰფიტავს თესლი უამრავი, თესლი ბოროტი; კეთილ თესლს ველარას შეენევა მწირი ნიადაგი და ველური თესლი გაიდგამს ფესვსა, გადაშენდება იფქლი იგი და ძიმნარე მოედება აქაობასა, თუ გადაშენდა, ეგ კიდევ არაფერი, გადაჯიშდება იფქლი იგი, გარდაიქცევა, ძიმნარედ იქცევა იფქლიცა...

ვითომ ვერაფერიც ვერ გაიგო ლეკომაო, ანთუ იმნუთს მართლაც ვერაფერი გაიგო, ანთუ არ ენება გულისდამამძიმებელი საუბარი, როგორც თუ რა იყო, გაიცინა თუ გაიღმიჭა, შეჰბედა ქალბატონ გურანდუხტსა, შეჰბედა, ვითომ შეჰბედა:

– პირდაპირი ბრძანდებოდი ყოველთვისა... ეს იგავები რისა რა არის, როდის აქეთია რო მისჩვევიხარ?!.

– უსამართლობა რო დაგვაცხრა იმის აქეთია...

– უსამართლობა... – დაუდასტურა ლეკომა, – უსამართლობა... – გაიმეორა, გადაავლო თვალი მოგზაურსაცა: ჰხედავ თუ როგორ ერთგულებაში მოგიყვანეო, გადაავლო ასეთი თვალი. შეიშმუშნა მოგზაური. ნელში გაიჭიმა ლეკოცა: ჩვენ ერთნი ვართო, ერთადა ვართო, ისე გაიჭიმა.

არც შეუხედია ლეკოსათვისა გურანდუხტსა, მოგზაურს შეავლო თვალი, დაეხსნა იგავებსა:

– ... დაგვაცხრა და გაგვიბატონდა, გაგვიბატონდა და ნაგვიქეზა წვრილფეხობაცა, ნაგვიქეზა, ნაგვიქეზა, რო ისეიროს; აურევია და არეულა ჩვენი მინანყალი, გაპოხილი ჩვენი სისხლისთა. გაპოხილი...

თითქოს არა კმაროდეს... შემოხეტებულან უამრავი ერისანი, შემოხეტებულან თუ შემოუხეტებიათ და მორიდებაც არა აქვთ ჩვენი. არც უნდათ მიიღონ ენაი ჩვენი, ზნეი ჩვენი, თვითონვე ლამობენ რო გადაგვაკეთონ, ლამობენ და შენევენაცა აქვთ. მოძლიერებულან, მოძლიერდებიან უფრო მეტადა... რილასი იმედო?! ჩვენვეც ჩავიგდეთ ჩვენი თავი ამა ყოფაშია, ადვილად ჩავყევით და ძნელადაც ველარ გამოგვიხსნია. კარი გავუღეთ ყველა ჯურისასა, ყველა ვიგინდარას გავუღეთ კარი, სუფრა გავუწყეთ და მსახურად დავუდექით. ჩვენ ამას სტუმართმოყვარეობა დავარქვით, ხოლო იმათ სტუმრობა მოიწონეს და გვაქციეს მართლაც მსახურებადა. მონებად გვაქციეს, მონებადა, მსახურობას კიდევ რა უჭირს!.. ასე არავეინ არ მოქცეულა არასოდესა. დიდი ერები იმიტომაც შექმნილან დიდ ერებადა, უცხოელი რო უცხოელად მიუჩნევიათ და არც გაუყადრებიან თავი იმათთვისა, ვიდრე არ მიუღია ზნეი ამათი, ენაი ამათი, არა, არ გაუყადრებიან თავი. მხოლოდ ასე მოქცეულან და კარგადაც მოქცეულან ბატონებო!.. გამოეცადათ მუხანათობაი მოსულისა, იცოდნენ თუ რა იყო მოსული. ჩვენც გამოგვეცადა, გამოგვეცადა ბევრჯერა, მაგრამ გადავეცდინეთ ბედოვლათობასა, სტუმართმოყვარეობა რო დაგვერქმია, თავმომწონეობასა, ფუჭ თავმომწონეობას გადავეცდინეთ, გადავეცდინეთ და გადავეცდინეთ, ჭკუა მაინც რო ვერ გვესწავლა. ვერ გვესწავლა, ვერც რო წინათა, ვერც რო ახლაცა, ვერა, ვერ გვესწავლა და ალბათ ვერც ვისწავლით, უბედურება ეს არის ჩვენი. მოიცალეკო!.. შენ გამომიწვიე და ახლა მაცალე!.. რამდენჯერ უთქვამთ თუ როგორ გაცობულან უცხოელი

მოგზაურები, ძველი, თვით ძველი მოგზაურები, გაუგონარი და უჩვეულო პატივი რო მიჰგებიან ჩვენში, გოცებულან, დაუნერიათ: არსადაო, არც აღმოსავლეთში, არც დასავლეთში, ასე არავინ შეინყნარებს უცხოელსაო, უცხო თესლსაო, ასე არავინ გაუღებს კარსა, ასე არავინ დაუმდაბლებს თავსაო. ჩვენები თურმე, მაშინაც თურმე ბედოვლათები, იჭიმებოდნენ და თავმომწონებოდნენ, ჩვენ ასე ვიცით, ჩვენნაირი არც ვინ იქნება ამქვეყნადაო. ვიყავით და ვართ, ვართ და ვიქნებითო. ვიყავით. ვიყავით. მაგრამ თუ ვართ, საკითხავი აი ეს არის და თუ ვიქნებით, ისიც კიდევ საკითხავია!.. ასე ვერა, ველარ ვიქნებით, ველარ ვიქნებით ასე თუ გაგრძელდა... ქვეყანას ძარცვავენ უმონყალოდა და ეს არაფერი, სულს რო ძარცვავენ, ის უფრო მომეტებული საშინელებაა. და ჩვენვე ვიძარცვავთ თავსა ჩვენსა, სულსა ჩვენსა ჩვენვე ვიძარცვავთ. ჩვენიანები შემოუძღვნენ, ჩვენიანები დაათარეშებენ, ჩვენიანები დაჰხარხარებენ გაჩანაგებასა ჩვენსასა... რილას იმედო, რალა იმედო, სასონარკვეთა მიმჯობინებია ფუჭი იმედისათვისა.

ლეკო ისეთი ღიმილით უსმენდა, ეტყობოდა, რო პასუხი ჰქონდა მომზადებული, მხოლოდ ელოდა, დაამთავროსო, ანთუ შეისვენოსო, და აქ მიუსწრო, მიუსწრო და ჩაუჭრა:

– ახალგაზრდები სხვაგვარადა ფიქრობენ ჩემო კეთილო. ჩვენც უნდა დავეხსნათ მოთქმა-წუნუნსა და ახალგაზრდებს უნდა გავუგოთ. მე ჩემდა თავად უკვე გავუგე, უკვე ავჰყევი და იმათთანა ვარ... ამათთანა ვარ!.. აი!.. აი იმათი წარმომადგენელი. შეჰხედეთ და გჯეროდეთ, რო არაფერი დაკარგულა, გჯე-

როდეთ, გნამდეთ, არც დაკარგულა, არც დაიკარგება, გჯეროდეთ, გნამდეთ, რამეთუ სწამს ლეკო თათაშელსა და რაცა სწამს ლეკო თათაშელსა...

– გურანდუხტი იმას არ იწამებს ასე ადვილად.

– არცა გულქანი! – მოსჭრა გულქანმა და თვალნი მღვრიენი აძგერა დებსა, გაიმეორეთ თქვენ თქვენის მხრითაო; თვალნი მღვრიენიო, შემაშფოთნიო, მაინც სხვა გამოსთქვა ნაზიბროლამა, ვამაყობ, ბექას დედა რო ვარო, აი რა გამოსთქვა, ელენეც ამას გაეპასუხა, ვაჟკაცებს არ დაუვარდებიან ჩემი ქალიშვილებიცაო.

გულქანმა გაიცინა მწივანა ხმითა, ვერვინ მიუხვდა, რად გაიცინაო, ვერც ვერავინ ჩაეძიებოდა, მხოლოდ იტვრინეს, გატვრენა მართებდათ.

– მერედა რატომა?! – ჰკვირობდა ლეკოი – ჰოოო... ყოველთვის ასე მეურჩებოდით, მერე მეთანხმებოდით.

– არასოდესა, აააააარასოდესა!.. – განიმატდა გულქანი.

– გაგახსენო?! – შეება ლეკოი, – ჯერ ერთი: როცა ჯერ კიდევ ახალგაზრდობა მეთქმოდა, მეორედ დავქვრივდი, მეორედ ქორწინება რო მოვინდომე შენს დასთანა, ეკასთანა, შენ ქვა ააგდე და თავი შეუშვირე, დაგიჯერა იმანაცა, მე უარი მტკიცა, მე, ლეკო თათაშელსა, და ვილაც ჩიტირეკია ოფიცერს ჩამოეკიდა კისერზე. მერე ჰო ინანეთ?! ეს ერთი... მეორე...

– ჯერ ეგ ერთი იყოს. – შეუტია გულქანმა, – არც გახსოვს, ეკა როდი, ანიკო მოგნონდა...

– მერე რაო, – არ დაიბნა ლეკოი, – ისიც გაეკიდა ვილაც ჩიტირეკიასა...

– კმარა!.. – მტკიცედ განაცხადა გურანდუხტმა, ისედაც მკვეთრი ხმა ჰქონდა, უფრო აუნია, მოსჭრა კამათი. – ყველას მართალი ჰგონია თავი, მაგრამ ყოველთვის ერთია მართალი, ხოლო ვინაა იგი, მხოლოდ ღმერთმა უწყის.

– ღმერთმა და ლეკო თათაშელმა...

– ცუდია გახუმრება ღმერთთანა, – გურანდუხტმა ბრძანა, – თანაც, კარხანია გავიგეთ, რო ლეკო თათაშელი ბრძანდებით და არა დავით აღმაშენებელი.

გულქანმა გაიცინა, ნაზიბროლამაცა, ელენემაცა, სალომემაცა, სხვებმა არა.

თუმცა არა, ლეკომაც გაიცინა, ყველას ნააჭარბა, თვალეშიც ამოისვა ხელი, ვითომდა რაო, ცრემლი მომივიდა სიცილისგანაო, თანაც დასძინა:

– ისიც ვერაფერი შვილია, დაწერა „გალობანი სინანულისანი“, ვითომ რაო, „ვეფხისტყაოსანი“ ჰო არ დაუწერია?!..

– საქართველო დაწერა, ვილა გამოჩენილა ასეთი მწერალი?! – მოსჭრა გურანდუხტმა და წამოდგა, სავახშმოდ გავიდეთო; წამოდგა და ხელი გაუწოდა ლეკოსა, შერიგების ნიშანიც იყო, თანაც მიმაცილე მაგიდამდისაო.

ნიკოს გულქანმა გაუწოდა ხელი...

ხელიც გაუწოდა და გვერდითაც მოისვა, თუმცა ჯერ გურანდუხტი მიუჯდა მაგიდასა, მერე ლეკოი, მერელა გულქანი და ნიკოი, ნაზიბროლაც იქვე ჩამოჯდა, მოპირისპირე მხარეს, – ელენე თავისი შვილებითა. მაგიდა უფრო გრძელდებოდა, ძველი, მკვიდრი, კაკლის მაგიდაი. იქ ორმოცდაათ კაცზე ნაკლები არასოდესა სადილობდა დიდი არჯევანის

დროსა, მაგიდა ორმოცდაათზე მეტისათვის გაჭიმულიყო; ახლა იმ სიგრძედ არცა შლიდნენ სუფრასა, ერთ კუთხეში მიიკუნჭებოდნენ და, ცარიელ მაგიდას რო გაჰყურებდნენ, წარმოიდგენდნენ, თუ ვინ სად იჯდა, ვინ როგორა ხუმრობდა, ვინ როგორი სმა იცოდა, ვინ როგორი ჭამაი, ვინ ჭინჭყლი იყო, ვინ ამტანი, რასა დავობდნენ ან რა იყო გასართობი; წარმოიდგენდნენ, მოიგონებდნენ, ან მიატანდნენ ცრემლსა, ან იცინოდნენ, ან წაკინკლავდებოდნენ ესენიცა თუ სხვადასხვაგვარად დახსომებოდათ; დები წაკინკლავდებოდნენ, აცდიდა გურანდუხტი, აცდიდა, აცდიდა და რო იტყოდა, ველარავინ გადაუჭრიდა სიტყვასა, ვერ გადაუჭრიდა თვით გულქანიცა. სადაო იწყებოდა დიდი ჯიხვიდანა, მოიგონებდნენ, თუ ვის როდის დაელია ის დიდი ჯიხვი, – გულქანი ამტკიცებდა, არავის დაუცლია დიდი არჯევანის გარდაო, ნაზიბროლა და ელენე სხვებსაც მოიგონებდნენ, – ელენე, მაგალითად, თავის მეუღლესა პირველყოვლისა, ნაზიბროლა ვერა ბედავდა მეუღლის ხსენებასა, მეჯვარეს ასახელებდა, ცხადია, თავის მეჯვარესა. დავა გრძელდებოდა, ბოლო არ უჩანდა მტკიცებასა, ხოლო ჯიხვი გამოტილიყო კარადის თავზედა, დიდი კარადის თავზედა, თავიდან ბოლომდის გადამოტილიყო, ვინ იცის, როდის აქეთია აღარავის მიეტანა ტუჩთანა. ბევრი სხვა ჯიხვიც აღარავის მიეტანა ტუჩთანა, იმასთან შედარებით მომცრონი, მაგრამ თავისთავად მოზრდილნი, შემაშინებელნი. ისინი კარადაში ეწყო. ის ჯიხვთა, ყანთა კარადა გახლდათ. რა ზომის ყანნი არ შეგხვდებოდათ, რა სევადისა, ძნელია ჩამოთვლა, თუმცა, არც ისე ძნელია, ყოველშემთხვევაში ჩემთვის არ

არის ძნელი, შენთვისაა მოუთმინარი. აღწერილობანი გამხდარა მოუთმინარი. ჰოდა, რატომ გაგინყვიტო ძაფი მოთმინებისა, რატომ ჩამოვყვე, თუ რა სევადისანი იყვნენ ის ყანნები, რომელ და როდინდელ ოსტატთა ნახელავნი, როდის შექენილნი, სად შექენილნი, ან მორთმეული როდის და ვისგანა? რო ჩამოვყვე, ისტორია გამოვა გვარისა, ჯიხვი რა არის, ყანნი რა არის, იქიდანაც ამოვა ისტორია გვარისა. დავეხსნები თუ ესეც მოუთმინარია, ვიკმარებ: იდგადიდი კარადაი, ენყო ჯიხვნი, ყანნნი უამრავი ზომისანი, უამრავი, უმომხიბლავესი სევადისანი. სხვა კარადაც იდგა მოშორებითა, იქ თიხის სასმისები ენყო: ჯამები, მარნები, კულები, ჭინჭილები, სხვადასხვაგვარად მოყვანილნი, უამრავნი. იდგა ბროლის სასმისთა კარადაცა, ვერცხლის სასმისთაცა. ჭურჭლეულისას არაფერს გეტყვით, რადგან ლეკო მხოლოდ ამ კარადებთან მიდიოდა, აქედან გამოჰქონდა სასმისები, სხვადასხვა სასმისი სხვადასხვა სადღეგრძელოსთვისა, გამოჰქონდა მოზრდილნიცა, მომცრონიცა, გამოჰქონდა თამამადა, ეშხიანადა, მხოლოდ თვალიც არ აუყოლებია კარადის თავზე გადაზმორებულ ჯიხვამდისა.

ლეკო თამადობდა, რალა თქმა უნდა, თამადობდა და ორატიორობდა, არა ჭირვეულობდა, ღვინოს არ აძალებდა არავისა, არცა ქალებსა, არცა ნიკოსა. სხვა არც არავინ გამოჩენილა, თუნდაც გამოჩენილიყო, არ დააძალებდა, არა სჩვეოდა გამოდევნება თუ გამოჯიბრებაი, სვამდა თვითონა. ვიდრე შეეძლო, წვეთს არ დაიკლებდა, რო აღარ შეეძლო... ჯერ შეეძლო, ადღეგრძელა ყველა სათითაოდა, მოიგონა მიცვალებულნი, ცრემლიც ამოინმინდა, ზოგზოგე-

ბისათვის ისე დასწვოდა გული, მოიგონა დაღუპულნი ან გადაკარგულნი ამა წინარე მოვლენათა გამოისადა... გულქანის საქმრო მოიგონა განსაკუთრებული მღელვარებითა, ბარძიმ ზედახეველი მოიხსენია, საარაკო ვაჟკაცი გარეგნობითა, სიმარდითა, სიმახვილითა. ბრმად დაიღუპა ის საცოდავი, ჯირითში დაიღუპა, მერელა გამოაცხადა გულქანმა თავის საქმროდა, შავები ჩაიცვა. აწირვინა, ვინ უწყის, რამდენჯერ გადაიხადა პარაკლისი, ხატად დაისვენა იმისი სურათი, გულზეც დაიკიდა შიბითა, ვინ უწყის, რამდენჯერ გამოიტირა და კვლავაც მისტიროდა იმის სულსა; მართლაც, ვინ უწყის, თუ რამდენჯერ გადაბრუნდა საფლავში სანყალი ბარძიმი, მაგრამ ვერავის შეეხებენა გულქანისთვისა, დაეხსენ, ნუ აწამებ, საიდან სადაო, რამ მოგაფიქრაო, – ვერავის შეეხებენა, ლეკო ვითომ ისეთი რა რაინდი ბრძანდებოდა, არ დაელია სადღეგრძელოი ბარძიმ ზედახეველისა, ნუგეშინი არ ეცა აცრემლებულ გულქანისთვისა, თუნდაც რო ეგრძნო ლამის რო ეხილა თვალდათვალადა თუ ერთხელ კიდევ როგორ გადაბრუნდებოდა საფლავში უღვთოდ უბედური ბარძიმ ზედახეველი, უღვთოდა, უწყალოდა, ჭეშმარიტადა.

ლეკო თამადობდა და ლეკო თვრებოდა... დათვრა. და რახან დათვრა, ველარც ადგილზე მოისვენებდა, აცუნცრუკდებოდა. ჰოდა, აცუნცრუკდა, ახტა, დახტა, ირინესა და მერის შუა ჩახტა. მყისვე წამოდგნენ ისინი, გურანდუხტმა ანიშნა და წამოდგნენ, თავი დაუკრეს ლეკოსა, გამოემშვიდობნენ, გაფრთხილდნენ. მოიცადეთო, რა დროსიაო, სად მიდიხართო, შეიცხადა ლეკომა, მაგრამ არც გამოეპასუხნენ, არც მოიცადეს, ამანაც არად ჩააგდო იმა-

თი წასვლავი, ახტა, დახტა, ზეინაბისა და სალომეს შუა ჩახტა. აიშალნენ ისინიცა, გურანდუხტმა ანიშნა და ისინიც აიშალნენ მყისვე, თავი დაუკრეს, გამოემშვიდობნენ. რა დროსიაო, ნუთუ საძილედ მიეშურებითო, ბალები ჰო არა ხართო, დაარცხვინა ლეკომა, მაგრამ არ დაირცხვინეს, არც მოიცადეს, არც ამან ჩააგდო არაფრადა, ახტა, დახტა და ელენესთან ჩახტა, კიდევ არაუჭირს რა, ხანში შევიდა, მაგრამ მოსდევს ძველი ეშხიო. ეს გაიფიქრა, ოლონდ ხელის გამოლება ვერ მოასნრო, თავი დაუკრა ელენემაცა, გავიდა ღირსეული თავდაჭერილობითა. ამას თვალიც არ გაუყოლებია, მაშინვე ახტა, დახტა და ნაზიბროლასთან ჩახტა, ჩახტომაც ვერ მოასნრო, გავიდა ნაზიბროლაცა. ამღვრეული თვალეხი მიმოატარა ლეკომა, კვლავაც უნდა ამხტარ-დამხტარიყო, მაგრამ არც ისე ამღვრეოდა თვალეხი, რო ისევ გულქანისა და გურანდუხტის შუა ჩამხტარიყო; ჟინი ამღვრეოდა, სურვილი ამღვრეოდა, ვერც იმდენი გაეხედნა, გაჰკიდებოდა გასულეხსა, თითები ეხლართებოდა, ეხვლანჯებოდა ამღვრეულ თვალეხთანა, თითქოს თვალეხი უნდა ამოიყაროს ან ღანვეხი ჩამოიხოკოსო, მაგრამ არ მიჰკარებია არცა თვალთა, არცა ღანვეხსა, მუშტებად შეჰკრა ის დახვლანჯული თითები და იყვირა, ჯერ ჰო მთავარი სადღეგრძელოები არც მიტქვამსო.

– ბრძანე... – გამოეპასუხა გურანდუხტი.

– ვბრძანო? – გაიკვირვა ლეკომა, მიმოატარა ამღვრეული და გაკვირვებული თვალეხი, ვითომდა რაო, ვიღასთვისა ვბრძანო, სუფრა გაიცალაო.

– დროა მოისვენონ ქალიშვილებმა... – განუმარტა მტკიცე ადათის მიმღევარმა დიდელამა.

– ქალებმა?!

– იმათთვისაც დროა... უკვე დროა! – ეს ისე გამოსთქვა, მალე ჩვენც ავდგებითო.

– მოიცათ! – შესძახა ლეკომა, შესძახა და ეძგერა ჯიხვების კარადასა, არია, აბურდა, ვერ გამოარჩია, ვერ გამოერჩია, ალბათ თვითონაც შიგ ჩარჩებოდა, გულქანი რო არ მიშველებოდა:

– რას ეძებ?! აიხედე! – მიეშველა ამ სიტყვებითა. იმანაც აიხედა, სახე გაუნათდა, აიხედა თუ არა, სწორედ ამას ვეძებო, შესძახა და ცერებზე აინია, ჩამოილო ვეება ჯიხვი, ტურები მოუკოცნა, მერე ორივე ხელი შემოაჭდო მოკოცნილ ტურებზედა, ჭვინტით დააყრდნო იატაკზედა, გამივსეთო ბრძანა. ნიკომ გაუვსო, გაუვსო და შიშით გამოეცალა, შორს გაინია, გავიდა გრძელი მაგიდის ბოლოსა, შორიდან ნაკლებ საშიშად მოსჩანდა ჯიხვი.

– მე ახლა ვინყებ, – რიხიანად განაცხადა ლეკომა, განაცხადა და გადმოკარკლა თვალები, თითქოს დაბეჭდა თავისი ნათქვამიო, – აქამდის რაც მოგახსენეთ, ის ჰო იყო და იყო, ამიერიდან რასაც გეტყვით, აი, ის იქნება, რაც იქნება. მე გამოცანების თამადა არა ვარ და აქედანვე მოგახსენებთ თუ ვისი სადღეგრძელოა, ბექას სადღეგრძელოა, თქვენი ბექასი, ჩვენი ბექასი. დედა უნდა ისმენდეს ამ სადღეგრძელოსა, მაგრამ რახან მოსვენება ინება, ინებოს, თქვენ მოისმინეთ და გაიგონეთ კარგი ყურითა; თქვენ გაიგონეთ ქებაი ბექასი, მალე რო გამოვა თავისი ციხე-სიმაგრეიდანა, ზარებს ჩამოჰკრავს და გვაუწყებს აღდგომასა. უკვე მარტოდ აღარ ითვლება, აგერ ჩვენი სტუმარი, ეს მოკრძალებული ყმანვილი ამოუდგება მხარში...

– ბატონო ლეკო!.. – ნიკო წამოიჭრა, ვედრების ხმა აღმოხდა და ხელებიც განიწოდა ვედრებისადა.

– ნუ გეშინიან, – დაამშვიდა ლეკომა. – აქ უცხო არავინ არის, ნუ გეშინიან, მე ლეკო თათაშელს მიძახიან და იმიტომაც მიძახიან ლეკო თათაშელსა, რო უადგილო ადგილას არაფერი წამომცდება, აქ ითქმის და მეც ვამბობ, თუ რა მოვალეობა დაგკისრებია, რა მოვალეობა აგვიღია კისრადა. დიახ, აგვიღია, რადგან მეც შენთანა ვარ, მეც თქვენთანა ვარ და მე ვიცი, სად რა უნდა ვთქვა...

– ბატონო ლეკო!

– დამაცადე!

– ველარ დაგაცდი...

– დამაცდი!

– ვერა!..

– მაშ, აჰა, შენა თქვი, შენთვის დამილოცნია ეს ჯიხვი... – ასწია ორივე ხელითა და გაუნოდა; ან რალა აწევა უნდოდა, ისედაც გულის კოვზამდისა სწვდებოდა.

– უმაგისოდ ვიტყვი. ტყუილია, არ არის მართალი, რალაც გაუგებრობაა, არ ვიცი რადა, არ ვიცი რისგანა, მე არაფერ შუაში არა ვარ, საამისო საბაბი არავისთვის არ მიმიცია, რად მომახვიეს თავზე, არ ვიცი, ან რა მომახვიეს, გეფიცებით, არც ეს გამეგება, მე მხოლოდ სიმღერების შესაკრებად ჩამოვედი!..

– ჯიხვი ჩამომართვი...

– მე მხოლოდ სიმღერების შესაკრებად ჩამოვედი, მაგრამ ამიხსნა ელიზბარ ხეთერელმა...

– ჯიხვი ჩამომართვი-მეთქი!..

– მაგრამ ამიხსნა ელიზბარ ხეთერელმა, რო ახლა არ არის საამისო დრო და მირჩია, გავცლოდი აქაობასა.

– ვის გაუბედია ამდენი ლაპარაკი უსასმისოდა?!

– მირჩია გავცლოდი აქაობასა, მეც მინდა გავეცალო, ვერ გავცლივარ და ჩემს გარშემო იქმნება რალაც ზღაპრები, დაუჯერებელი ამბები...

– სასმისიმეთქი... ჯიხვიმეთქი... ისე როგორ იქნება ლეკო თათაშელის სუფრაზედა?..

– ... დაუჯერებელი ამბები... ბატონი ლეკო უნდა მშველოდეს, უნდა გამიფანტოს ეს ზღაპრები, მაგრამ ეგ პირიქით...

– კმარა!

– არა! მე გითხარი, ბოლოსდაბოლოს მტკიცედ უნდა მოვილაპარაკოთმეთქი...

– მეც გითხარი და ადგილიც დავთქვით... აქ სუფრაა, სადღეგრძელოებია, მე ახლა ვინყებ და ვინც არ დადუმდება, ღვინოს შევასხამ სახეში...

– ლეკო! – ხმას აუნია გურანდუხტმა.

– მაშ გაჩუმდეს... – მოლბა ლეკოი.

– გაჩუმდები, ოღონდ იცოდეთ, რო მხოლოდ სიმღერების შესაკრებად ჩამოვედი.

– კეთილი... ვითომცა გვჯერა... ეგრე იყოს, მე ვსვამ ბექას სადღეგრძელოსა... – და განაგრძო ქება ბექასი ანუ რა განაგრძო, ძნელი გასამეორებელია, რადგან აქ იყო აღრეული ქება სხვათადასხვათაცა, განსაკუთრებით საკუთარი თავისა; მოგონებანიც იყო, მოგონებანი სხვათადასხვათა, განსაკუთრებით მოგონებანი საკუთარი თავგადასავალისა. ეს თავგადასავალი გმირული გახლდათ, რა თქმა უნდა, თვითონ ყოველთვის მხსნელი იყო, ცხადია, და ცხადზე უცხადესია; კიდევ რალაც-რალაცები გამოერეოდა თვითქებასა თუ თვითაღტაცებასა, ბოდვისმაგვარი გამოერეოდა და ბოლოს მთლად ბოდვად იქცა. ტორ-

ტმანებდა სიტყვა, ტორტმანებდა კაცი, ტორტმანებდა ყანნი, რომელიც დიდი ხანია აღარავის დაეცალა, ან არც არავის დაეცალა არასოდესა, ხოლო წვალე-ბით აქამდისაც ბევრს ეწვალეებინა, კიდევაც ბევრი გაანვალეებდა ამიერიდანა... ოღონდ ჯერ ისევ ლე-კოს ეპყრა ხელთა, დაჰყურებდა ლალისფერ, ატორ-ტმანებულ ღვინოსა, დაჰყურებდა და ბოდავდა, ხო-ლო საბოდვარი რო დაელია, როგორღაც გამოსთქვა მკაფიოდა, თუ გამოამტვრია კბილებში, ისე მტერი დაგეცალოთო, როგორც ეს დაეცალოო, გამოამ-ტვრია და დაენაფა; ჰო ეგონა დავენაფეო, ეგონა, თორემ ჩამოიღებდა, რადგან ერთი ყლუპი თუ ყელში გადასდიოდა დანარჩენი ეღვრებოდა მხრებზედა, გულზედა, ორტოტად ეღვრებოდა, უბეც ევსებოდა, მკლავზე ჰო მოჰხვეოდა და მოჰხვეოდა გრილადა. დიოდა ასე, დიოდა სამ ღარადა, ერთი ყელშია, ორი მხრებზედა, დიოდა და თითქოს არც არაფერი აკ-ლდებოდა, მოდგაფუნებდა, მოტორტმანებდა, მო-ლელავდა, მობუტბუტებდა, მერე ისევ დაიდგაფუ-ნებდა, გადაეღვრებოდა ცხვირპირზედა, თვალეებს ამოუვსებდა, დაინივლებდა ნესტოებშია, დიოდა კი-დევა, მოჰქროდა, მოჰქონდა სუნი შორეული მღვიმე-ებისა, შორეული და გრილი მღვიმეებისა, ისეთივე გრილი, თვითონ რო იყო, ღვინოს რო უნდოდა მცხუნვარე დღეებში შესანახადა; მოჰქონდა სუნი, მოჰქონდა სიგრილე და იღუმალეება, მოდგაფუნებ-და, მობუტბუტებდა, დიოდა მხრებზედა, ყიჭყიჭებ-და ყელში... დაბრუნდა, დატრიალდა ჯიხვი, აღარცა დგაფუნეო, აღარცა ბუტბუტეო, აღარცა ყიჭყიჭეო, აღარცა იღუმალეება შორეული, გრილი მღვიმეებისა, მხოლოდღა ბრუნვა დაეუფლა ჯიხვსაცა, კაცსაცა.

დატრიალდა, დატრიალდა ჭერიცა, იატაკიცა, მაგიდა ავიდა ჭერზედა, თავდაყირა გადმოჰხედეს გურანდუხტმაცა, გულქანმაცა, მერე თვითონ მოექცა ჭერსა, ქვემოდან ნიკო ევედრებოდა, ჩამოდიო, არ ჩამოვარდეო, ხმას აღარ გაგცემო, აღარ აგიხირდებიო, მერე... მერე აღარაფერი დაუნახავს, აღარაფერი მოსჩვენებია, დაასკდა იატაკსა, ყანწმა დაიტანა, დაესვენა გულზედა და კვლავ ჩაჰბუტბუტებდა სიყვარულითა, ჩაჰბუტბუტებდა, ოლონდ ამას აღარ გაეგებოდა არცა ბუტბუტი ძველისძველი ჯიხვისა, არცა სიგრილე იდუმალი მღვიმეებისა, აღარ იყო წუთისოფლისა... იდგა ლალისფერი გუბე, ინვა ლალისფერ გუბეშია.

XIII

ყოველთვის იქ არ იწვებოდა, რა თქმა უნდა, ასნიეს და ჩაიყვანეს, ან უფრო, ჩაიტანეს მისთვის განკუთვნილ ოთახში, ჩაიტანეს, გაჰხადეს ამონუნული სამოსი და წააფარეს საბანი. თავს ადგა ნიკოცა, მერე დაბორიალებდა იავანზე, უნდოდა ეთქვა, უნდოდა საბოლოოდ გადაერწმუნებინა, მაგრამ იცოდა, ვერ ჩააგდებდა გონებაშია და დაბორიალებდა აივანზედა, მეტი რა ჩარა ჰქონდა? ეგება ქალებთან მიბრუნებულიყო? არა, არ იქნებოდა, გამოემშვიდობნენ, ღამე ნებისა უსურვეს, ბოდიშიც მოუხადეს ლეკოს საქციელის გამო, მღელვარედ მოუხადეს ბოდიში, ველარ მიუბრუნდებოდა, ველარ შეანუხებდა... მაგრამ როგორღაც სხვაგვარად გამოდიოდა იმა ბოდიშიდანა: ყველაფერი ეს მართალია, ცხადია

მართალია, ოღონდ დუმილი მართებს ლეკოსაო, – ასე გამოდიოდა გულქანის ნათქვამიდანა; ხოლო გურანდუხტი თითქოს საყვედურსაც შეაპარებდა: განა რა დასდგომია ენაზე ლეკოსა, ნუთუ არ იცნობდი, არ უნდა გაგემხილაო. მართლაც შეაპარა, აივანზე რო დაბორიალებდა, მაშინლა მიხვდა, თორემ წელან მხოლოდ ბოდიში ჩაესმოდა, ეს რა გვიყო, რატომ გაგვიფუჭა ტკბილი სალამოო, მაგრამ თქვენი გაცნობა მაინც ისეთი სასიამოვნოა ჩვენთვისა, მსგავსი უხერხულობანი არაფრად ჩასაგდება, ოღონდ თქვენ მოგვიტევეთ, ოღონდ თქვენ ნუ შეწუხდებითო, – ასე ჩაესმოდა, ასე ამბობდნენ, საყვედური საიდანლა შემოაპარეს? – იფიქრა, იმტვრია თავი, ვერა და ვერ გაიგო; ან რაღად უნდოდა გაეგო, თუ როგორ შემოაპარეს – ჰო შემოაპარეს, ჰო სჯეროდათ, რო შეხვდნენ შეთქმულსა, აჯანყებისა თუ რაღაც ამგვარის მოთავესა? ჰა?! სჯეროდათ?! დაიჯერეს?! როგორ ეუარა, შეეჭიდა ლეკოსა, რა მკაცრად შეუძახა, შეუყვირა, ასე არასოდეს არ აღელვებულა, ასეთი ცილისწამება არასოდეს არ შეჰხვედრია, როგორ შეშფოთდა, მაინც დაიჯერეს?! იმას დაუჯერეს და ამას არა, მცდარს დაუჯერეს და მართალს არა?! როგორ იქნება, როგორლა, რანაირადა?! როგორ გადაარწმუნოს?! ეგება ჯერ არც დაუძინიათ, ეგება ისინიცა ფხიზლობენ, მსჯელობენ, ეგება არც უნდათ, ფარული ზრახვების ადამიანი რო შეჰფარებია იმათს ჭერსა, ეგება ვერც მორიგებულან, თუ როგორ მოინყვიტონ თავიდანა, ეგება უნდათ, ძალიანაც უნდათ და უკვე აფრინეს კაცი ბექასთანა?! ჰა?! ერა დავიდარაბაში ამოჰყო თავი, რა ჭირში ჩავარდა?! რას მიქვიან თუ უკვე უსურვეს ძი-

ლინებისა, რას მიქვიან წესები თუ უხერხულობანი, ახლავე უნდა აუხსნას, ახლავე უნდა გადააჯეროს, გადაარწმუნოს, გადააიწიოს, თორემ მერე და მერე უფრო გაძნელდება, ეჭვად იქცევა, ფეხს გაიდგამს, გაიჯეჯილებს, ველარ ამოფხვრის გაჯეჯილებულ ეჭვსა, ახლავე უნდა...

და გადაეშვა, მართლაც გადაეშვა, ერთი ნახტომით გადაეწლო რამდენიმე საფეხურიან კიბესა, გადაეწლო და მოთავდა ამითი; თუმცა არა, რა მოთავდა, - კაი გვარიან გულისხმეობას გადაეყარა: რალაცა წამოიფაფრა, და ეძგერა, იქიდან მეორე წამოიფაფრა, წამოვიდა მეტის მრისხანებითა. ეს დაზიდა შიშმა, შიშმა დააგდო ძირსა, მადლობა ღმერთსა, ძირს დააგდო, ამდაგვარი შიში გამოდგა, აიყვანა და დაახეთქა, თორემ არის შიში სხვაგვარიცა, გაქცევა იცის იმა შიშმა, სხვაც იცის, ბევრი რამ იცის, ოლონდ იმჯერად, გაქცევისა თუ აღმოჩნდებოდა, მშვიდობით წუთისოფელოო, ნაკუნ-ნაკუნებადლა თუ აჰკრეფდნენ ახალგაზრდა კომპოზიტორსა, მოგზაურსა ხალხური სიმღერების შესაკრებადა, არჯევენელთა სტუმარსა; დაფლეთდნენ არჯევენელთა ძალღებნი, დაფლეთდნენ, დაანაკუნებდნენ, გასცლიდნენ ძვალსა და ხორცსა. ჰოდა, მადლობა ღმერთსაო, ძირს რო დააგდო შიშმა. ძალღებნიც დაყუნცდნენ, დაელოდნენ აფოფრილნი, აძაგრულნი, მოზიდულნი. ნაქცეულს არ დააცხრებოდნენ, არა, შერჩენოდათ ეს წესი, ეს სული რაინდული, ყველა და ყველაფერი შეცვლილიყო, გადასხვაფერებულიყო, დამდაბლებულიყო, ესენი არა, კვლავაც ფეხზემდგომს შეეჭიდებოდნენ, ჩამოეხსნებოდნენ, ჩაფერხილსა, ღირსეულად ჩამოეხსნებოდნენ, ღირსეულადვე დაელოდე-

ბოდნენ, სული მოითქვას, ძალა მოიცეს, დაცემულ-თან ბრძოლა რა ვაუკაცობააო. ეს ვინ უწყის, როდის მოითქვამდა სულსა თუ ძალასა, როდის მოიფიქრებდა თუ რა ელონა, ანკი რას მოიფიქრებდა, შინ შებრუნების მეტსა, მაგრამ შებრუნებასაც წამოდგომა უნდოდა, ხოლო წამომდგარს ისევ დასცემდნენ, ან არც დასცემდნენ ეგრევე, ზეზეულა აუგებდნენ ანდერძსა. ერჩივნა, გდებულიყო ეგრე ურხევლადა, გდებულიყო კიბესთანა, მოკუნტულიყო, მოხრილიყო, სახე ჩაემალა როგორმე ისე, რო გადარჩენოდა, სახე მაინც გადარჩენოდა, თუ ვთქვათ ტანს გააცლიდნენ, მოთმინება დაეღეოდათ და გააცლიდნენ ტანსა; ერჩივნა, გდებულიყო ეგრე და ენატრა, მოთმინება არ დაელიოთ არჯევნიანთ ქოფაკებსაო, წესს არ გადავიდნენ, არ გამოეფიტოთ რაინდული სულიო.

შიში მაინც გააქრობდა, გააქრობდა მაშ რაო, — განა გატვრენილიყვნენ ქოფაკები, განა გაქვავებუ-ლიყვნენ და ისე დალოდებოდნენ. არა, რა სათქმელია, იღრინებოდნენ განუწყვეტლადა, იღრინებოდნენ ხმადაბლადა, ოლონდ შემზარავადა, ხანდახან კბილებს გააკაპუნებდნენ, გაამწკლატუნებდნენ ენასა, თითქოს თბილი სისხლი მოხვდათო, გაამწკლატუნებდნენ და მოადევნებდნენ დაგუდულ ღრენასა. წინწინ არ მოინევდნენ, სადაც დაყუ-ცდნენ, არ იძვროდნენ იქიდანა, მაგრამ დროდადრო ასწევდნენ წინა ფეხებსა, აიმართებოდნენ და გადა-გადმოქანდებოდნენ, შეკანკალდებოდნენ, შეიზრია-ლებდნენ. გაძლება უნდოდა, ატანა უნდოდა, რო-დემდის გასძლებდა, წინ იდო ღამეი, არცთუ ნათელი ღამეი, ღრუბელი თუ წამოფოფრილიყო, თუმცა რა

ბედენაა თუ როგორი იქნებოდა ღამეი იგი შემზარავი, ბნელი თუ ნათელი, რა ბედენაა!

და მოულოდნელად ღრენას დაესხნენ ქოფაკები, ღრენას დაესხნენ და ანკმუტუნდნენ სიამისადა, მისალმებისადა, მუქარისასაც არ ივინყებდნენ, თითქოს ვილაცას ატყობინებენო, აგერ აქაა, გვიბრძანე და გავათავებთო. ამან გადინყვიტა ბედი. და ბედი რო გადინყვიტა, ხმა მოესმა ადამიანისა:

– რომელი ხარ?

– მე ვარ... – ნაიზმუკუნა, თავი მაინც არ აუღია, მოგ ზაურსა ცხადია.

– ვინ შენა?!

– სტუმარი...

– ჰოოო... რა მოგსვლია?

– არაფერი... ოლონდ ძალღები...

– ჰოოოო... – ოდნავ გაიცინა, – ნუ გეშინიან, ადექი!..

ადგა. საშიში მართლაც აღარაფერი იყო, მორჩილად დაყუნცულიყვნენ ქოფაკები, შეჰყურებდნენ ახალმოსულსა, – ეს აღარც ახსოვდათ – ევედრებოდნენ, ოლონდ გვიბრძანე, ოლონდ ამის ჯავრს ნუ შეგვაჭმევო. არაფერი უბრძანებია: შინ შევიდეთო, სთხოვა სტუმარსა. შევიდნენ. უფრო ბნელოდა ოთახშია, გარეთ ვერ გაარჩია, შიშმა არ დაანება, შიგნით მითუმეტეს ვერ გაარჩია, ვინ იყო თუ როგორი იყო ის მოულოდნელი მხსნელი. ვინც უნდა ყოფილიყო, მადლობა მართებდა და მოიმართა მადლობისადა.

– რა სათქმელია... – გაუქარწყლა მოსულმა. – მხოლოდ ეს მითხარი, რა დავიჯერო ლეკოსი?

– არაფერი, არაფერი, ღვთის გულისათვისა!.. – შეევედრა მოგ ზაური.

- სულ არაფერი?!
- არც იოტისოდენა...
- არა?!

- არა! ღვთის გულისათვის, თქვენ მაინც დამიჯერეთ, არ ვიცი, ვინა ბრძანდებით, მაგრამ რახან მეკითხებით, უნდა მოგახსენოთ, რო უცნაურად გავიხლართე რაღაც ზღაპრებში, ვილაცის მაგივრად მიმიჩნიეს, ან უბრალოდ დაიბნენ და მომანერეს ჩემთვის გაუგებარი და უცნაური რამ. - მიაყარა ფიცხლადა, სულმოუთქმელადა, ფიცხლადვე განაგრძო, - ჩემი განზრახვა ჩვეულებრივია, ანუ მუსიკოსისათვის ჩვეულებრივია, ხალხური სიმღერების შეკრება მოვიწოდომე და როგორცა სჩანს, მოვიწოდომე უდროუდროსა, ეს კარგად ამიხსნა ელიზბარ ხეთერელმა, ამასვე მანიშნებდა ჩემი მასწავლებელი გიორგი ყანჩაველი. მე გიორგი ყანჩაველის მოწაფე ვარ. შეგიძლიანთ შეატყობინოთ, ის განვიმარტავთ... არ ვიცი, რას ამბობს ლეკო თათაშელი, ან სხვას რა მოეჩვენა, ან რა ხდება, ან რა უნდა მოხდეს, არაფერი ვიცი, მხოლოდ მუსიკაა ჩემი საქმე, სიმღერა, მელოდია, მხოლოდ... მოიცათ!

კარი გაიგდო უცნობმა. ეს გაედევნა:

- მოიცამეთქი!.. ვილაცამ ჰო უნდა დამიჯეროს?! უნდა ვიცოდე, გჯერათ თუ არა...

- მჯერა... - კიბიდან მოისმა, - გეყოფათ!..

შეჰყეფეს ძაღლებმა, თითქოს დაბეჭდეს ნათქვამი; ძაღლებმა შეჰყეფეს და ესეც შებრუნდა ცივცხელადა, შიშიც შემოუბრუნდა, ემანდ შინ არ შემომიცივიდნენ ქოფაკებიო, შემოუბრუნდა და გაუბრუნდა, მიხვდა, შინ არ შემოუცივივოდნენ, თუმცა არც გარეთ გაუშვებდნენ, მაგრამ ჯანდაბას, ოღონდ

შინ არ შემოსცვივნოდნენ. გარეთ არ გაადგამდა ფეხსა. არც გაუდგამს, არც მოუსვენია, იბორიალა იმ პატარა ოთახში, იბურდლუნა, იდავა, ეკამათა ლეკო თათაშელსა, რამდენჯერმე გაამტყუნა, მოაბოდიშა, ფიცი დაადებინა, რო დილაადრიან გაეშურებოდნენ იტრიელებთანა და მერელა ნამონვა დამშვიდებული, ვითომ მართლა მოებოდიშოს ლეკო თათაშელსა, ვითომ მართლა აღეთქვას, ხვალ უკვე იტრიელებთან ვიქნებითო. ყოველშემთხვევაში ერთხელ კიდეე გაიმეორა წარმოსახული კამათი და თუ ხვალ სწორედ ისევე მოხდებოდა, მორჩა, წინააღმდეგობის ძალა აღარ ექნებოდა ლეკო თათაშელსა... ამ იმედით ნამოიჭრა დილაადრიანადა, წამოიჭრა და შეეჭრა, ელოდა მკაცრ შეპასუხებასა, მკაცრივე სიტყვები მოემზადებინა. ამაო გამოდგა ეს სამზადისი, ღრმა ძილით ეძინა ლეკო თათაშელსა, ეძინა დამშვიდებული სახითა, ტკბილადა, ნებივრადა, ეძინა, როგორც ყოვლად კმაყოფილ კაცსა, ვისაც არაფერი სტკენია, არაფერი წახდენია, არ დაჰკარგვია, არც დაჰკარგავს, არც წაუხდება, ავი არა სმენია მახლობელთა, არც გაიგონებს არასოდესა, არავისთვის უწყეინებია, არც ეს განაწყენებულა არავისგანა, მხოლოდ განცხრომაში ყოფილა, მხოლოდ განცხრომა ელის მარადისა; თუმცა, ვინ უწყის, როგორა სძინავს ასეთ ადამიანსა, არავინ შეხვედრია, არავის უთქვამს, არავის დაუხატავს, არცა ყოფილა, ალბათ არა ყოფილა, – არ იქნებოდა, არც ძილი იქნებოდა ისეთი, მაგრამ ეს მაინც ისეთსა ჰგავდა, თუ იქნებოდა, ასეთი იქნებოდა, ასეთი წყნარი, ნეტარი, ნებიერი.

და დადრკა ნიკოი, დადრკებოდა მაშ რაო, რას შეჰბედავდა ასეთ სიმშვიდესა?! დადრკა და გამობ-

რუნდა ფეხაკრეფითა, კართან რო მივიდა, ერთიც გადაჰხედა, გადაჰხედა და შეყოვნდა: თვალი გაეხილა ლეკოსა. ამას არ შეჰყურებდა, არც არაფერს უცქეროდა, თითქოს ფიქრებს შეაღწერებოდა, ტკბილ ფიქრებსა, ლაღსა, სანეტიაროსა. არავინ უნდათ ასეთ დროსა, სიმარტოვე უნდათ, რო გახანგრძლივდეს გაბრუებაი, გაიგანოს ტკბობამა ნეტარი ფიქრებითა: ჰო, არავინ უნდათ, მაგრამ ეს მაინც არ გავიდა, შემობრუნდა, იქვე ჩამოჯდა და ასე მიმართა:

– ბატონო ლეკო, მომიტევეთ, რო გაგაღვიძეთ, ცოტა ავლელდი და ამის ბრალია. მართალი რო ითქვას, ჩემს აღელვებაში თქვენც მიგიძღვით წვლილი, მაგრამ მაინც არ უნდა გამელვიძებინეთ, უნდა მომეცადა. იმედია მაჰატიებთ! ახლა, თუ რატომ შემოვედი: რაც მოხდა, მოხდა... არ ვიცი, ეს როგორ იმოქმედებს შემდეგა, რა კვალს დასტოვებს ჩემში, ოღონდ რაც უნდა იყოს, ახლა დაწყნარებული განსჯა მმართებს და წყნარ განსჯას იმ დასკვნამდე მივყევარ, რო მკაცრად მოგთხოვოთ, დამთავრდეს ჩვენი ეს უთავბოლო მგზავრობაი, შეასრულოთ, რაც გითხრეს, რის პირობაც დასდეთ, პირობა პატიოსანი კაცისა, ხოლო თუ მაინც გაჯიუტდებით, მაშინ იძულებული ვიქნები ჩამოგცილდეთ და მევე ვენიო ჩემს გზასა. ეს უკვე გადაწყვეტილია, ჩვენ უნდა განვშორდეთ, რა თქმა უნდა, იმ შემთხვევაში, თუ თქვენ უკვე დაგავინწყდათ, ვინ ვარ და სად უნდა მიმიყვანოთ; თუ გახსოვთ, თუ თქვენი სიტყვის პატრონი ხართ, აბრძანდით და გავუდგეთ გზასა. ახლავე, ამ წუთში, მხოლოდ ის ხანი დავაყოვნოთ, გამომშვიდობებას რაც უნდა. რას იტყვით?

არაფერსა... იგივე, მშვიდი სახეი, მშვიდი, წყნარი, თითქოს არასოდეს აღშფოთებულაო, იგივე ღია

თვალეები, აღსავსე ფარული ნეტარებითა. ეს შეშინდა, ჰო არ გათავებულა, მიცვალებულს ჰო არ ველაპარაკებო. მაგრამ მიელულა თვალეები, მერე გაალო, თანაც სუნთქავს, აი, სუნთქავს მშვიდადა, ოდნავადა. არა, მიცვალებული არ უნდა იყოს, არც უნდა უსმენდეს, აბუჩად იგდებს?!

– აღმაშფოთებელია! – თქვა მოგზაურმა, თავისთვისა თქვა მოგუდული ხმითა, უფრო ხმამაღლაც გაიმეორა, არა, არ შერხეულა ლეკო თათაშელი, თვალისც არ დაუხამხამებია, მხოლოდ რაღაც ოდნავმა ფერმა გადაჰკრა სახეზე, უამურობის ფერმა, გადაჰკრა და გადაუარა, ჩრდილისც დაეფინა ერთი წამითა, მქრქალი ჩრდილი, ისიც გადაშორდა. – არ მოგნონთ ჩემი ნალაპარაკევი?! – იკითხა იმანვე, მოგზაურმა რაღა თქმა უნდა – არ მოგენონებათ, ვატყობ, ასე ადვილად ვერ შემელევიტ, რაღაც სასარგებლო იპოვნეთ ჩემში, სასარგებლო თქვენთვისა, თქვენი გართობისთვისა. ხმებს მივრცელებთ, ტრაბახობთ, თავს იდებთ და დროს ატარებთ. აქამდის ვერ მივმხვდარიყავი, ისარგებლეთ ჩემი ნდობითა. ეს არ არის... ეს არ არის, ასე ვთქვათ... ან არც ვიტყვი, რაც არის და რაც არ არის, არ ვიტყვი, რა საჭიროა, ცხადია, ოლონდ იმას მაინც მოგახსენებთ, რო აღარ გენდობით და ველარც გამომიყენებთ, რაღა აზრი აქვს თავის მომკვდარუნებასა? ადექით, ნავიდეთ, ან მე ნავალ! – თქვა და შეიცადა, მითხრას, ნადიო. არაფერი არ უთქვამს, მხოლოდ მილულა თვალეები. ნელა, ნელა დავინროვდა ჭრილი ქუთუთოთა და მიილულა.

– აღარც თქვენს თანხმობას დაველოდები, – განყრა თანამგზავრი ანუ ამიერიდან გზაგაყრილი, –

აქამდისაც ბატონ ელიზბარის ხათრი მაყოვნებდა, მშვიდობით ბრძანდებოდეთ!.. – გამოსთქვა უღრმესი ნყრომითა და გავიდა.

გავიდა, მაგრამ მე შენ გეტყვი, მაშინვე გზას გაუდგებოდა – აიენამდისინ მიჰყვა ის რიხი, იქვე გაეცალა, მიანება შიშსა, ძალლების შიშსა, თუმცა არსად იყო იმათი ჭაჭანებაი, არც ხმა ისმოდა არსაიდანა იმათი, მაინც არ შესცდებოდა, გამოეცადა, ასე არ იყო ნუხელისაცა – კიბეს გადაევილო და სად იყო, სად არა, ამოძვრა ერთი, ამოძვრა მეორეი, ამოძვრა მესამეი, ვინ იცის, რამდენი მოცვივდებოდა, არა, აღარ ისურვებდა მოგზაური იგივესა, მაგრამ მოთმენაც რო აღარ შეეძლო, რო გამოემშვიდობა?! იმან არც შეიმჩნია, ალბათ ფიქრობდა, ამოდ ამჩატებულა, გზა არა აქვს ჩემს იქითაო... უმნეობა მეტიც არაფერი ყოფილა, სწორედ ამდაგვარ ყოფაში განუცდიათ სიმწარეი უმნეობისა, თორემ სული თუ ჰხდებათ, მაშინ სხვა სიმწარეა, – განშორებისა, ამოებისა. ერთიც მწარეა და მეორეცა, ოლონდ ჯერ ის არ განეცადა, ამას განიცდიდა, ველარცა ბობოქრობდა, ველარც გულს ასკდებოდა, აღარც მკაცრი სიტყვები მოსდიოდა, ნებისყოფა გამოჰქრობოდა, არეოდა თვალი, თითქოს ქოფაკები ისხდნენ ზვარშია, განა ვაზები, ქოფაკები ამართულიყვნენ, ქოფაკები ხასხასებდნენ ლურჯადა.

უნებლიეთ ჩაცუცქდა, ჩაიყუნტა უეცრადა, ნუხანდელმა შიშმა თუ ნამოჰკრა, იმანვე ნამოაგდო, შიგნით შეიყვანა... ცოდო იყო, შესაბრალისი იყო, მაგრამ ვინა ჰხედავდა, ვის შეჰბრალებოდა, ვინ დაიხსნიდა?!

საუზმე მზად არისო, მოახლემ მოახსენა, ხსნაც ეს გახლდა, გამოსავალიცა, ხიდიც აქედან გაიდებო-

და, გაუდგებოდა გზასა. – რა გზასა თუ რომელ გზასა – გაირკვეოდა, აუხსნიდა ქალბატონი გურანდუხტი. მაგრამ სასაუზმოდ გურანდუხტი არ დახვედრია, არც მერე გამოჩენილა, არც სხვანი დახვედრიან, არც გამოჩენილან, არც მარტო დაუგდიათ, გულქანი შეეგება, გულქანი დიასახლისობდა, სთავაზობდა, არას მოაკლებდა. ეს ელოდა, ელოდა, არაფერს აკარებდა ხელსა; ან რად ელოდა: პატარა მაგიდს უსხდნენ პატარა აივანზედა, ვაზმოხვეულ აივანზედა, შეთვალებული მტევნები რო ჩამოჰხუნძლოდა. მაგიდა ორისათვის გაეშალათ, ორის საუზმე მოეტანათ, ორის ჩაის ჭურჭელი, ხოლო ნაყენი იდგა რამდენიმეგვარი; ეს ალუბლისააო, ეს ვარდისა, ესაო პიტნისა, ეს ტარხუნისა, რომელს ინებებთო, – გულქანი სთავაზობდა, – დილით კარგია, მით უმეტეს, ისეთი ვახშმის შემდეგაო, თუმცაო იმდენიც არ დაგიღვეიათო, მაინც კარგიაო, აი მიყურეთო. და მოსვა ტარხუნის ნაყენი საოცარი სინაზითა, გამორჩეული კდემამოსილებითა. ჭიქიანად გადაეყლაპა, უფრო დამშვენდებოდა, მაგიდაზეც რო შემხტარიყო, მიერ-მოერია, ზოგი გადაეყარა, ზოგი გაექანებინა პირისკენა თუ კუდუსუნისკენა, უფრო შეეფერებოდა, ისე არ ეხამუშებოდა ამ აზუზულ სტუმარსა, სხვებს რო ელოდა, ოღონდ გულქანის ანაბარა გახლდათ. გულქანის ანაბარა გახლდათ და ესეც დამორჩილდა ბედსა, ისიც დამორჩილებოდა: ღია კარიდან მოსჩანდა ვეება სურათი, იატაკიდან აყოლებული ვეება, უებრო, ვაჟკაცის სურათი, ზეთის ღია ფერებით შესრულებული სურათი ბარძიმ ზედახვეელისა, ღია ფერებითა, შუქის ფონზედა: ასე უბრძანა მხატვარსა, გულქანმა უბრძანა, ჩემს გულში ცოცხლობს და მა-

რადიული შუქი დაჰნათისო, დამორჩილებოდა, ამართულიყო გულქანის ოთახში და სახენათელი ეგებებოდა არჯვენელთა სტუმრებსა. არც იმას უნდოდა, ალბათ არ უნდოდა, მაგრამ სხვა გახლდათ ნებისყოფაი გულქანისა, არც ამას უნდოდა, მამა უცხოონდა თუ არ უნდოდა, სხვა გახლდათ ნებისყოფა გულქანისაო ანუ დაელვედა უმწეობასა, ხოლო უმწეო ყველას ტყვეაო.

მაინც უნდოდა გამოხსნილიყო ტყვეობიდანა, ცდა ბედის მონახევრეაო, ტარხუნის ნაყენი მოსვა და ერთბაშად განაცხადა:

– უნდა ნავიდე.

– ქალბატონი დედა ბრძანებს, – მოახსენა გულქანმა, – ალბათ ლეკო სულ ცოტა ორ დღედაღამეს მაინც გამოიძინებს ასე გადაბმულადა და იძულებული იქნებით თქვენც შეიცადოთო.

– ორ დღედაღამესაო?! – თვალები გაუფართოვდა სტუმარსა.

– ქალბატონი დედა ბრძანებს, ლეკოსაგან ეს მოსალოდნელია, რახან ამდენხანს არ გაუღვიძიაო.

– მაშ მე რა ვიღონო?!

– იძულებული იქნებით, შეიცადოთ.

– შეგანუხებთ... – სხვა ველარაფერი მოახერხა სტუმარმა.

– ქალბატონი დედა ბრძანებს, სტუმარი ღვთისააო. – დაამშვიდა გულქანმა, თან კარაქი გადაუნია, თაფლი მიუდგა, ჩაის როგორს ინებებთო, რძიანსაო, ურძეოსაო, უშაქროსაო თუ მაინც როგორსაო, ხოლო ჯერ კიდევ გასინჯეთ სხვა ნაყენიცა, თუ მოგწონთ, ისევ ტარხუნისაო... – აი ვარიაცაო, კეცებში შემწვარი, კეცებითვეო. შემოიტანა მოახლემა, ისისაა.

– გმადლობთ...

– ქალბატონი დედა ბრძანებს, სტუმარი თუ არაფერს მიირთმევს, მასპინძლის უმადურიო.

– ო, არა, რასა ბრძანებთ, ისეთი მადლობელი ვარ, თანაც ნუხანდლის შემდეგ... ისე უხერხულია...

– ქალბატონი დედა ბრძანებს, უხერხულობის გახსენება, ორმაგი უხერხულობააო. – ჭიქაც შეუვსო, მიირთვითო, ყველს ჰო არ ინებებთ, გუდის ყველიაო.

– გმადლობთ...

– მაგის შესახებ უკვე მოგახსენეთ.

– დიახ, დიახ! მაგრამ ჩემთვის ისე აუცილებელია წასვლა...

– მაგის შესახებაც მოგახსენეთ... მიირთვით!..

და თვითონ გულიანად მიირთმევდა, აჰყვებოდა სტუმარი, თვით უალრესად მორიდებული ადამიანებიც აჰყვებოდნენ, მადა გადაედებოდათ, გადაედებოდათ აუცილებლად, ცოტა თვალმოსარიდი რო არა ყოფილიყო პურობაი იმისი – ნესისამებრი გარეგნულადა, ზომიერი, თავაზიანი, ოლონდ ტუჩები რო ვერ ეკუმებოდა!.. დიდი, გამოჩრილი, თოხა კბილები ისედაც წინ წამოეყარა, ხოლო ჭამის დროს სცვივოდა ნამცეცები, ნამცეცები იმდენი არაფერი, გაღეჭილი ლუკმები სცვივოდა, თუ ლაპარაკობდა, მოსდიოდა საფანტივითა, ხელს მიაშველებდა, იყრიდა უკანა, სცვიოდა ისევა, ისევ მიიყრიდა, მოეფინებოდა ტუჩებზედაცა, მოჩქარებით მოინმენდდა, წაუვიდოდა ლოყებზედაცა. ნუხელის ამდენი არ შეუმჩნევია მოგზაურსა, გვერდით უჯდა, მისთავაზებდა კერძსა, მერე თავის თეფშს დაჰყურებდა ან ქალიშვილებს მიადევნებდა თვალსა. საუზმედ აღარ გამო-

ჩენილან ქალიშვილები, აღარც სადილადა, აღარც ვახშმადა, გულქანილა მიუჩინა მასპინძლადა და ამფსონადა გურანდუხტმა ლეკოსა – ლეკოსა, ლეკოსა, რალა თქმა უნდა, უნდა მიმხვდარიყო მოგზაური, მიხვდა კიდევაცა, ამდენი გამოცდილება უკვე შეეძინა – ჯერ რა იმოგზაურა და ამდენი შეიძინა!.. რა იქნებოდა კიდევ და კიდევა?!. აიდა რაიო, რაიო და რაიო. უკეთესიო თუ უარესიო. არცერთი არ ენება. არცერთი. არცერთი. არც რო არ ენება თანამესუფრედა ეს ქალბატონი, არც ისა რო ენირებოდა ლეკოს შეცდომებსა და ესეც რო ყოფილა თურმე – სხვის მაგივრად რო გაინირები!.. იძენ ადამიანი, რალაცას იძენ, შენდა უნებურადაც იძენ, თურმე რა ყოფილა, მართლაც რა ყოფილა მოგზაურობაი!.. გნებავთ სოფელსაც დაგათვალეირებინებთო, კიდევაც შესთავაზა, ჭადრაქს თუ ინებებთო, ქალალდიც გაუშალა. არა უჭირს რა გასართობადაო, როიალიც აუხადა. მუსიკა მიყვარსო, აუხადა, დააკვრევიანა, მოუნონა, არ მომწყინდება, ასეთ კარგ დაკვრას რო ვისმენდეო. ესეც უკრავდა, ერჩივნა დაეკრა, ვიდრე ამის პირდაპირა მჯდარიყო სუფრასთანა ან სოფელი დაეთვალეირებინა თუ ჭალაში გასულიყო ამასთან ერთადა, ესეც უკრავდა: ერჩივნა დაეკრა, ეგება სხვანიც გამოეფინონო, რა მომხდარა, ნუთუ ამის მეტს არავის უყვარს მუსიკა ამდენ ქალებში, ან ნუთუ ბევრად დახვენილი სმენისანი არიან, ნუთუ არ მოსწონთ?! ბევრს მოსწონს, სხვა თუ არაფერი, მოსწონს გიორგი ყანჩაველსა, ესენი რად არ გამოჩნდებიან; მაინც უკრავდა, ასე ერჩივნა, ასე დაილია დღე, ერთი დღე დაილია, მხოლოდ ერთი, როგორც იყო, ჩაილია, ჩაკვდა, რალა ჩაჰკლავდა მეორე დღესა, თუ მხოლოდ ორ-

დღელამეს იკმარებდა ლეკო თათაშელი, მაგრამ ვინ-
ძლო ერთი-ორი დღე კიდევ მოენებებინა, მერე! ქალ-
ბატონი დედა ბრძანებს, შევსწრებივარ, სამი დღე-
დაღამეც რო გადაუბამსო, დაამშვიდა გულქანმა.

ველარაფერი ანამა სტუმარმა, მხოლოდ შეევედ-
რა, ღამისა რა გითხრათ, ოღონდ დღისით მაინც ნუ
გამოუშვებთ ძალლებსაო. გულქანმაც აღუთქვა, ღა-
მისა მართლაც რა მოგახსენოთ, ხოლო დღისით,
იყავნ ნება შენიო...

XIV

აღუთქვა და აღუსრულა, რაც არა თქმულა, ისიც
აღუსრულა; არა თქმულა, რო არ ეამებოდა ამასთან
საუზმე თუ სადილ-სამხარი, აღარც მიუნწევია, შინ
მოართვეს, მარტოდ დასტოვეს და მაშინ სიმარტოვე
გამოდგა უამური თუ აუტანელი. ვილასთვის შეეჩვი-
ლა, ისევ ნეტარად განისვენებდა ლეკო თათაშელი,
ისევ გატვრენილიყო ზვარი, იქვე კაკლის ხეებს ჩა-
მოეყარათ ტოტები, შეეკრათ ცაი – კაკლები ჩანდა,
ზვარის კალთა და მეტი არაფერი. თუმცა არა, ერ-
თხელ ფარშავანგმაც ჩაიგოგმანა, ინატრა, ნეტავი
კიდევ ჩამოიგოგმანოსო, მაგრამ ინატრა ამაოდა,
აღარ ჩამოუგოგმანია; ოღონდ ლეკომ გამოიღვიძო-
სო, ესეც ინატრა, ამაოდ ინატრა, რალა თქმა უნდა,
ველარც შეიხედა იმასთანა, ვერც შეიხედავდა, ეგო-
ნა, ისევე შემომაშტერებს თვალლებსაო, რალა თვალ-
ლიად მძინარი და რალა მიცვალებული თვალლია-
დაო; სხვაც მოისურვა – იმ ასულთაგან რომელიმე,
თუნდაც ყველანი ერთადა, ოღონდ ვერ ისურვა გა-

ბედულადა, ხოლო თუ ასრულებულა, ასრულებულა მხოლოდ გაბედული სურვილი, გაბედული, თამამი, შეუპოვარი, გაუბედავი გაქარწყლებულა. ერთხელ თითქოს კოდალაც ახმიანდა კაკალზედა, ესეც ივარგებდა, გამოადგებოდა გასართობადა, მელოდიაც ამოვიდოდა ან გაუმხელდა ჩიტის ფიქრებსა, ჰო ახმიანდა და მიწყნარდა მაშინვე, ალბათ ფულურო არ უვარგა, ან შეამჩნია მოყურადეი, ალბათ შეამჩნია, მოყურადე არ უყვარს კოდალასა; ერთხელ კაკალიც ჩამოვარდა, ერთხელ არა, რამდენჯერმე ჩამოვარდა, ოღონდ ცვივოდა ჭიანი, ცვივოდა ნაჭიანადა, ხოლო ის ერთი რატომღაც სალი ეგონა, ასე უნდოდა და ასე ეგონა, ჩავიდა ეძება, ეძება, ჩასრისა ჭიანი, შემხმარნაჭიანი კაკალი, სალი ვერც ჩასრისა, ვერც მიატანა თვალი, მაინც დადიოდა, მაინც ძირს გახლდათ, მერე ზვარისკენაც ნაინია, ჩაჰყვა ზვარსა, ჭალაში გავიდა, ჭალიდან რიყეზე, რიყიდან... თუმცა ჯერ რიყისა თუ ჭალისა მოთავდეს, ითქვას, რო ეს უკვე გართობას მიემგვანებოდა და მოჰყვა სწორედ იმ კაკლის ჩამოვარდნასა, სალი რო ეგონა.

იმ კაკლის ჩამოვარდნას მოჰყვა... გოგონა მისდგომოდა მოლუნულ ტირიფსა. ტირიფს ტოტები რიყეზე ეყარა, ფესვები ჭალაში, რიყიდან მხურვალეობას იწოვდა, ჭალიდან გრილოსა, თუმცა ჯერ ჰო გოგონა გამოჩნდა? რა თქმა უნდა, გოგონა იხილა, სხვა არაფერი, ისე ჩაათავა ჭალაი, ხეც არ დაუნახავს, არცა ბუჩქი, არცა ყვავილი, მწერებისა რალა მოგახსენოთ, მიემშურებოდა, მიექანებოდა, უკან აღარ იცქირებოდა რახან გარეთ გამოადგა ფეხი; მიექანებოდა და შედრკა, გოგონა რო იხილა, გოგონა წამოხრილ ტირიფთანა. მხატვრისათვის ეგება თემადაც გამომ-

დგარიყო: „გოგონა დახრილ ტირიფთანა“. აქეთ რიყე, იქით ჭალა, შუაში კუზი ტირიფისა, კუზზე დანდობილი გოგონა, ჭალა თავისი ფერებითა, რიყე თავისი, გოგონა თავისი კაბის ფერითა, მაგრამ მომიტევეთ, გოგონა ფანქრითა ჰხატავდა, ტირიფის კუზზე სახატავი ალბომი ედო, ციხეს გასცქეროდა, არჯევენელთა ციხესა, რიყის იქითა, არცთუ შორსა, არცთუ მაღალ მთაზედა, გასცქეროდა და იხატავდა ვინ იცის, მერამდენედ იხატავდა, მერამდენედ იწუნებდა, მერამდენედ უწყებოდა თავსა. ამიტომაცა ჰქონდა თვალეზი წყრომისადა, ამიტომაც მოიხედა წყრომისადა, კენჭებმა რო ჩაიჩხრიალა.

– თქვენ?! – გაიკვირვა სტუმარმა.

– თქვენა?! – მიაგება დამხდურმა და გადაიყარა წყრომის იერი. ირინე გახლდათ, უმცროსი დაი იმ მდუმარე ასულებისა, ამან რო იხილა ვახშმადა, მხოლოდ იხილა, ხმა იმათი არა სმენია, ბოლოს ერთისა მაინც გაიგონა. სულ უმცროსისა, მთლად ქორფა ასულისა, ხმითაც ქორფისა, თვალტანადაცა, ისისაა შეთვალებულისა.

– ჰხატავთ?

– არა... ისე...

– შეიძლება?

– ინებეთ...

სტუმარიც დაენდო ტირიფის კუზსა, ალბომს დაჰხედა, ციხე დახვდა, ციხეს დაჰხედა და სთქვა კარგიაო. მერე ჩაფურცლა ალბომი – არაფერი იმავე ციხის გარდა, მხოლოდ ის იყო, მხოლოდ იმავე მხრიდანა, ოღონდ მაინც თითქოს სხვადასხვანაირიც გახლდათ, ზოგან არც მოთავებულიყო, ზოგან ღრუბლებიც ეხვია, ზოგან ეფრქვია, სხივები მზისა,

ეფრქვია უხვადა, ზოგან ბინდში ალანძულიყო, ზოგან ასულიყო, სულ მალლა, ზოგან ჩადაბლებულიყო.

– ისევ... ციხე, ისევ... – ილიმოდა და ფურცლავდა სტუმარი – ციხის ხატვა გისწავლიათ...

– ვერა... – სინანულით გამოსთქვა ირინემა.

– ვერა?!

– ვერა. აი, შეჰხედეთ, რა ზვიადია ციხე, მე ვერ მივაგენი, სიზვიადე ვერ გადმოვიღე. – და ალბომს მისწვდა მობოდიშებითა, მოჩქარებით ჩაფურცლა, – ვერა... არ არის, აბა სად არის?! აქ თითქოს, მაგრამ არა... არც იქა, არა... არა... არა... ვერ მივაგენი.

– ჰგავს... – არ დაეთანხმა სტუმარი.

– კედლები, კოშკების განლაგება, თანზომიერება, მაგრამ... მაგრამ სიზვიადე?

– ზვიადი ადამიანია.

– ყველაფერია, რასაც ზვიადი ადამიანის ხელი ატყვია, ქვაშიც გადადის ადამიანის სული, მე ასე მგონია, ხესაც ეტყობა, ვისი დარგულია.

– უნდა ნამეკითხოს რალაც მაგგვარები.

– მე არ ნამეკითხავს.

– არ შეიძლება...

– რატომ გგონიათ, რომ მე...

– თქვენ ისე პატარა ხართ.

– მომიტევეთ, დიდებს ამაზე არც ველაპარაკები, მომიტევეთ თუ... – ჩახურა ალბომი, შებრუნდა სანახევროდა.

– მითხოვთ?!

– მე გამოგიტყდით, თქვენ არ დამინდეთ...

– ბოდიშს მოვიხდი, – შენუხდა სტუმარი, – განზრახვით არ მომსვლია, უნებლიედ წამომცდა. ასეთნაირად განსწავლულნი ლაპარაკობენ.

– პირველყოფილი ადამიანები ლაპარაკობდნენ.

– აკი არ წამიკითხავსო?! – გაიხარა სტუმარმა, მოსწრებულად გამომივიდაო. გოგონამ იწყინა, ოღონდ არ შეეცყო კრიალა სახეზე, მხოლოდ უფრო დაღუნა თავი.

– წამიკითხავს, რო გულუბრყვილონი იყვნენ პირველყოფილი ადამიანები და თუ წამომცდება რა-იმე გულუბრყვილო, იმათ უფრო მიენერებათ, ვიდრე განსწავლულთა, დაბრძენებულთა, წიგნებით განათლებულთა. იმათი წიგნი ბუნება გახლდათ.

– მართალსა ბრძანებთ, მართალსა, ჭეშმარიტსა, – მსწრაფლ დაეთანხმა სტუმარი, თავიც აარაცრაცა მეტის დაბეჯითებისთვისა, – ბუნება იყო და ბუნება გახლავთ დიდი წიგნი, ყველაზე დიდი, მარად საკითხავი, ცხოვრებაც წიგნია, სხვა წიგნები მხოლოდ იმისთვისაა, რო ეს ორი ჭეშმარიტი წიგნი როგორმე წაიკითხოს ადამიანმა. არა?

– დიახ... – თავი ასწია გოგონამა.

– ვგონებ შევრიგდით?

– დიახ... – გაიღიმა გოგონამა და ალბომი გაუნოდა, რადგან ხელი გაუშვირა სტუმარმა, გაუნოდა თავისი ნაფიქრი; ისევ მიენდო. – ეს ციხეც წიგნია და რასაც ვკითხულობ, ვერ გადმომიცია.

– ახლა გაგიგეთ...

– გმადლობთ...

ალბომიდან ფურცელი დაცურდა, ჩაისრიალა, დავარდა იქვე. მოიბოდიშა და ისე დაეწოდა სტუმარი; დაეწოდა, აილო და ჩააცქერდა, რა თქმა უნდა, ჩააცქერდებოდა, აღნიშვნაც არ უნდა ასეთ რამესა, მაგრამ ზოგს ყურადღება არა ჰყოფნის ან სიტყვა გაიტაცებს, ასეთი ფურცელი ადვილად გამორ-

ჩება. იმას სათქმელი აღარა ჰქონდა და, რო დააცქერდა, იმიტომაც დააცქერდა, საბაბი მომეცემო, მართლაც მიეცა: ბატები იყო გამოხატული, რიყე და ბატები; მშრალი რიყეი, უმდინარო რიყეი, სადღაც ვინ იცის, პატარა გუბე თუ იდგა, ისე დაძაბულიყვენენ ბატები, მივაგნებთ თუ არაო, სიცხის ლულში დაძაბულიყვენენ, აენურათ კისერი, ისე აესავსავებინათ თავი, სიცხის ლულში არიანო, მოგეჩვენებოდათ, იგრძნობდით და აგენვოდათ მხრები. მხრებიც აენვა და რიყესაც გაჰხედა, გაჰხედა იმა უმდინარო რიყესა, ვრცელ რიყესა, არსად წყალი რო არ მოსჩანდა, დანყვეტილიყო, დანრეტილიყო, სადღაც ზევით, მთებშივე დანრეტილიყო, ქვევით-ქვევით ველარ ჩამოელწია, ცხელ გაზაფხულსვე ჩამოენოვა ჯიქანი, ჩამოედინა ღონივრადა, ერთბაშად, მთლად ჩამოეშრო მხურვალე ზაფხულსა. იცის ასეთი მდინარეები კავკასიონმა, პატარა მდინარეები დიდრონი რიყეებითა, გაზაფხულობით აღავსებს ხოლმე იმ რიყეებსა, ხოლო ზაფხულობით დაჰყრის ხოლმე უპატრონოდა და იხრუკებიან უმონყალოდა, შეუბრალებლადა, გამეტებულადა, იხრუკება ქვიშაცა, ქვაცა. ქვაც ინვოდა იმისი ცოდვითაო, ნათქვამი რო არის, ალბათ უწყლო რიყეზეა ნათქვამი. ქვა თუ ინვოდა, რა დაემართებოდათ ბატებსა?

– ასე მგონია, ცეცხლი წაეკიდებათ... – აღმოთქვა სტუმარმა გაკვირვებითა და მოწონებითა.

– აღმური იგრძნობა... – უბრალოდ დაატანა ირინემა.

– მხატვარი ყოფილხართ... არა, არა, ასე არ უნდა მეთქვა, – თითქოს დაიბნა თუ შეეშინდა, კიდევ

არაფერი მინყინოსო, – მე ჰო არ ვიცოდი, მხატვარი რო ბრძანდებოდი? სად დახელოვნილი?

– რა მოგახსენოთ, ჯერ წესიერი მასწავლებელი არცა მყოლია.

– ალბათ მოგდგამთ, თქვენი დებიც...

– არა, არა, დები არა... დიდება გურანდუხტი ქარგავს.

– გამიგონია...

– რა თქმა უნდა... უცხოეთის გამოფენებზეც გაუტანიათ დიდება გურანდუხტის ნაქარგები, თქვენ ალბათ...

– არა... თუმცა ვინ იცის... ერთი სიტყვით, ბატონი ლეკო ბრძანებდა, დროშაო... აბა, სად არის ის დროშა? – ნახატს დააჩერდა, ისე დააჩერდა, თითქოს მიაგნო სიზვიადის ნიშანსაო.

– შარაგზიდან მოსჩანს, აქედან არა...

– იქიდან რო გადაგეხატათ?

– არა, არა, სხვა რალაცაა, – თვალები დახუჭა ირინემა, – აი, თითქოს მეჩვენება, ასეც მეჩვენება, შევხედავ, მაშინაც მეჩვენება, მაგრამ რისგანაა ან როგორ გამოვხატო, ველარ მიმხვდარვარ.

– მიხვდებით...

– ალბათა...

– ის როგორ გირჩევს?

– ბექაი? ველარცა ვხედავ...

– არ ჩამოდის?

– არა...

– განა ნუხელის არა ყოფილა?!

– არა... არ ვიცი...

თვალი მოარიდა, ეგება კიდევაც გაბრუნებულიყო ცივცხელადა, არ უნდა შეჰკითხოდა, თითქოს გა-

მოსცადაო, თუმცა განზრახვით არ მოსვლია, მაინც გამოცდასა ჰგავდა, თავისთვის უნდა დაედანტურებინა, თუ ვინა სწვეოდა ნუხელისა; არც ეეჭვებოდა, ბექა იქნებოდაო, მაშინ არც უფიქრია თუ ვინ იყო, არც შეშინებია, გამოიხსნა ისეთი შიშიდანა, არ მოეკიდებოდა იმისი შიში, მაგრამ ასე უცებ მოუნდა გაეგო, ასე შეაპარა, მაინც ვერ გაიგო, აღარც ჩასციებია. ვინც უნდა ყოფილიყო, გამოიხსნა და ვინც უნდა ყოფილიყო, აღარც მოიკითხავდა, მოთავდა, მორჩა, არა ჰგავდა სხვებსა, რო არ უჯერიდნენ, ჩასციებოდნენ, ვილაცად მიაჩნდათ, ემორჩილებოდნენ ან ერიდებოდნენ. ან აჰკვიატებოდნენ ასე, ლეკო რო აჰკვიატებოდა, ჰო არა ჰგავდა, მაშინვე გაუგო, დაუჯერა, წავიდა, აღარც გამოუჩნდებოდა. იმისი შეხვედრა მაინც არ ეწყინებოდა, უკეთესად გააცნობდა თავსა, და ვინ იცის, ფიცვერცხლიც ეჭამათ.

– იქ ჰო არა ყოფილხართ? – მერე ეს იკითხა.

– ვყოფილვარ... ვყოფილვართ, ავდიოდით ხოლმე ყველანი...

– ახლა?

– არა... აღარა... თქვენ ჰო არ აპირებთ?

– არა, არა, არა! – მსწრაფლ დაატანა, – ისე... თქვენთვის ვამბობ, ეგებ ახლოდან მიაგნოთმეთქი... – შეშინდა, თითქოს რალაცაში გამოტყდაო, თითქოს გამოსცადა წრფელმა გოგონამა, გამოსცადა ასე მოხერხებულადა, თითქოს დასტყუა საიდუმლოო; შეშინდა და აღარც დაფიქრებულა, საჩქაროდ მოუყვა, თუ როგორ მიიჩნიეს ვილაც საგანგებო დავალების მქონე პირადა, თუ რა გადახდა, თუ რა განიცადა, რაოდენ მოულოდნელი იყო იმისთვისა, იმ ადამიანისთვისა, მუსიკის გარდა რო არა-

ფერი ახსოვდა ამ ქვეყნადა, სხვა არც არაფერი ელანდებოდა, არც ესმოდა სხვა არაფერი; თუ როგორ აუხსნა ელიზბარ ხეთერელმა, თუ როგორ არ ერნმუნა და როგორ აუხდა ყველაფერი – ჯერ კიდევ სად არის, ვინ იცის, კიდევ რას გადავეყარო ლეკო თათაშელის გადამკიდეო.

– ბატონი ლეკო უცნაურია... – გაიღიმა ირინემა.

– მაშ მაგას რად გადამკიდა ელიზბარ ხეთერელმა?!

– არავინ არას ერჩის ლეკო თათაშელსა...

– მე ვინ რას მერჩის?!

– გარჩევა აღარ არისო, დიდედა გურანდუხტი ბრძანებს.

– ბატონი ლეკო თუ გაურჩევიათ?!

– აღარც მაგას გაარჩევენო...

– დიდედა გურანდუხტი ბრძანებს?

– დიდედა გურანდუხტი ბრძანებს.

– და თქვენ ყველას გჯერათ...

– ყველასა გვჯერა. თქვენც გესაუბრათ, გჯერათ თუ არა?

– რა მოგახსენოთ... ყველასი მჯეროდა, ახლა დავიბენი, თითქოს რაღაც ქსელში ვიხლართები, თითქოს ველარ დავალწევ თავსა, თითქოს მარწუხი მოინვეს, მოინვეს და აი საცაა მწვდება ყელშია. მხოლოდ ერთი სურვილი დამუფლებია, როგორმე ჩავალწიო თბილისში, ჩემს მასწავლებელს დავაყრდნო თავი მხარზედა და ამოვიკვნესო ღრმადა, ამოვაყოლო ქვითინი, ქვითინი გულამომჯდარისა. ეს სისუსტეა, ვიცე, ამას არ უნდა გეუბნებოდეთ, რაიმე უნდა მოვიგონო, გმირული უნდა ვთქვა, უნდა მოგხიბლოთ ზღაპრული ამბებითა, მე უნდა ვიყვე გმირი იმა

ზღაპრებისა. თუმცა ახლაც ზღაპრებში გავიხლართე, მაგრამ რახან ვერ დამიგლეჯია ეს ხლართები, გმირიც არა ვარ. თქვენ გმირი მოგხიბლავთ, ყველასა ხიბლავს გმირი. ვაგლახ, რო გარდასულა დრო გმირობისა.

– დრო ყოველთვისაა, ოღონდ გმირები არ არიან ყოველთვისა. ნუ მეტყვი, რო სადღაც ნამიკითხავს.

– არა, არ გეტყვი, გამოგიტყდით, გაგენდეთ, აღარაფერს გეტყვით გამომწვევსა. თუმცა წელანაც არ მითქვამს გამომწვევადა, მე რო ქალიშვილებს ვიცნობ, იმათ უხარიანთ, როცა ეტყვიან, ბევრი ნაგიკითხავთო. ამიტომ იყო, რაც იყო, იყო, ნულარ გამინყრებით, ნურც მომაგონებთ...

გაილიმა ირინემა, გრძელი ნამწამები ააცამცამა, აღარ მოგაგონებთო. აღარც მოაგონებდა, თანაგრძნობაც მოეკიდა ამ ფერმკრთალი სტუმარისადმი, ასე რო განვალებულა, ასე წრფელი რო ყოფილა, თანაგრძნობა მოეკიდა, მაგრამ შენევნა არ შეეძლო, ისიც ჰო სტუმარი გახლდათ, ხშირი სტუმარი, ოღონდ მაინც სტუმარი დიდედა გურანდუხტისა, არავის რო არაფერს არ აკითხებდა, ბავშვებს არ გაურევდა არა საქმეში, ხოლო ბავშვად მიიჩნევდა განა მხოლოდ ირინესა, თვით სალომესაცა, რადგან ჯერ ქმარი არ ადგა თავზე. და ვინ უწყის, გულქანმაც ამიტომ ამოიჩემა, საქმრო დამელუპაო, რო ბოლოსდაბოლოს როგორმე დაელნია თავი ბავშვობისთვისა. სხვა ჟინიც ნამოჰკრავდა, ესეც იქნებოდა ან დაე, მიენეროს ესეცა. ირინე მაინც ვერ გაერეოდა საიდანღაც მოვლენილი ყმანვილის საქმეში, ვერას შეჰბედავდა დიდედა გურანდუხტსა, თან ეცოდებოდა ლეკო თათაშელის ანაბრადა.

- დეიდა გულქანს რო გაუმხილოთ?
- განა რას ილონებს?
- ვინმეს გაგაყოლებთ... თუმცა, ცოტახანს რო შეიცადოთ? განა აქაც ვინმემ განყენინათ?
- არა, არა... აქ კარგია, მაგრამ მე ჰო აქ ძალად სტუმარი ვარ, ძალად სტუმარი თათარზე უარესიაო.
- რო არ იყოთ თათარზე უარესი?
- თათარი ვიყვე?
- არა, ქრისტიანი...
- მაინც დარჩენა არავის უთხოვნია, ელოდებიან ბატონ ლეკოს გაღვიძებასა.
- ჰა, ჰა, ჰა... ვინ უწყის, როდის გაიღვიძებს ბატონი ლეკო?!
- დიდი-დიდი სამი დღე და ღამეო...
- ჰა, ჰა, ჰა... რომ გამოიღვიძებს, განა არ შეიძლება, კიდევ ისე გამოთვრეს ბატონი ლეკო?!
- არ დაანებებს დიდდა გურანდუხტი.
- დეიდა გულქანს რო გაენდოთ?
- განა რას ჩაიდენს დედის უნებურსა?!
- გასართობადა?! ასეთ რამეს ჩაიდენს, გართობა უყვარს დეიდა გულქანსა.
- არც ამდენი, ჩემო კუდრაჭა გოგონი, - მოისმა მკაფიოდა, მკაფიოდვე გამოერჩა გულქანი ბუჩქნარსა. ვინრო ბილიკი მოძვრებოდა იმ ბუჩქნარშია, გაჰკვირდებოდით, თუ როგორ გამოტეულიყო ვეება ქალი, თუმცა გავა ვინრო ჰქონდა, ვინროი, ფეხები ანონილი, მაგრამ ტანი ვეება შესდგომოდა ანონილ ფეხებსა, ტანი და თავი ერთმანეთზე გასნორებული, ხოლო ჩამოგრძელებული ნიკაპი ჰო გულზე ედო, ჩამჯდარიყო გულშია; გაჰკვირდებოდით თუ არა, ან ისინიც გაჰკვირდნენ თუ არა, რა ბედენაა, ე გამოეცია და

ნაადგა თავსა, – არც ამდენიმეთქი... – გაიმეორა ცოტა უფრო მკაცრად, – ახლა გაცუნცულდი.

– დეიდა!.. – თითქოს იუკადრისა ირინემა, იუკადრისებდა მაშ რაო, განა ამასაც ახსნა უნდა?!

– გაცუნცულდი, ჩემო გოგონი! – ტუჩების მოვინროება სცადა გულქანმა, კბილები უფრო გადმოუცვივდა, უფრო მწვავედაც გამოუვიდა, ვითომ აღერსივით წარმოსათქმელი.

თითქოს შეამცივნა ირინესა, თვალეზი მღიულა, ისე მოაფათურა ალბომი ტირიფის კუზზედა.

– ჩვენ... – ესლა გამოსთქვა, სხვა რა მოედევნებინა, აღარ იცოდა სტუმარმა, ეგება ასული მომეშველოსო, ერთი წამი მოაცილა თვალი და რო მიუბრუნდა, იქ აღარ გახლდათ, გამქრალიყო მწყრალი, გაბუტული, გაბუსხული.

– თქვენ შეიცდით, – მიატანა გულქანმა, – ორ სიტყვას გეტყვით: ჯერ ერთი, ახლა ზეინაბის ჯერია... თქვენ ეს იცით, გული გითქვამთ იმისთვისა, თქვენ წესიერი ახალგაზრდა ბრძანდებით, გონივრული განზრახვა გაქვთ და მხოლოდ გაბედულება გიძლით ხელსა, ამიტომაა, რო ბავშვს განდობილხართ, ბავშვს ელაპარაკებით. ჩვენ ბავშვს არ ვანდობთ ასეთ ამბებსა, იმან ჯერ ეს არ იცის და ნებასაც არავის მივცემთ, უდროუდროოდ აუმღვრიოს გული. ამაზე უფრო ჩვენ უნდა გველაპარაკოთ, ჩვენ გიორგი ყანჩაველს შევუთანხმებთ თქვენს განზრახვას და გადავწყვეტთ წესისამებრა.

– მე ქალბატონო. – შეიცხადა სტუმარმა, მაგრამ ველარც განაგრძო, ისე მოუჭრა გულქანმა:

– დიახ, თქვენა!.. ნუ შიშობთ. ამისათვის არავინ გაგინყრებათ, გასათხოვარი იმისაა, რო ითხოვს, ვი-

საც მოენონება, ხოლო გაჰყვება იმასა, ვისაც აირჩევს, ვისაც აურჩევს. ამ არჩევანში უარს მიიღებს ბევრი, ბევრჯერაც მიიღებს, ეს არაფერია, მამაკაცისთვის ჩვეულებრივია, თქვენ ამისი ნუ გეთაკილებათ.

– მე ქალბატონო...

– ჯერ მე არ დამიმთავრებია, – კვლავ ჩაუჭრა გულქანმა. – ეს ერთი და მეორეც ეს იქნება, ძალიან რო არ გაგვიჭიანურდეს საუბარი, ძაღლებს ისევ გამოუშვებენ.

– ახლავე?! – შესძახა სტუმარმა.

– შინ მისვლას მიასწრებთ... – დაამშვიდა გულქანმა და მერე მშვიდადვე გაჰყურებდა, თუ რა ფაცხაფუცხით მირბოდა სტუმარი, როგორ იხლართებოდა ბურქებშია, ბილიკი როგორ ეკარგებოდა, მერე სულაც დაიბნა ზვარშია, არჯევენელთა სასახლე აქეთ დარჩა, ის სადღაც იქით ისევ ჭალასა და რიყეზე აღმოჩნდა; ჰო, მშვიდადვე გაჰყურებდა, თუმცა მიეფარა თვალთაგანა, მაინც გაჰყურებდა, რადგანაც იცოდა, თუ როგორ დაიბნეოდა, როგორ აერეოდა გზაკვალი, სად იბორიალებდა უთავბოლოდა, იცოდა და იქითაც გაჰგზავნა მხმობელი, მიაყვანინა, მიაგნებინა თავისი ოთახი. ამან რა იცოდა, რა თქმა უნდა, ვისი წყალობით დაბრუნებულიყო, ვითომც შემთხვევით შეჰხვედროდნენ, ვითომც შემთხვევით გამოეყვანოთ, ჰო არ იცოდა, არც გაუმხელდა, არც არავის გაამხელინებდა გულქანი, ასე სჩადიოდა სიკეთესა, არა ზრუნავდა სახელის მოსახვეჭადა. მოგზაური არც იკითხავდა, თუმცა მაინც იკითხა, ოღონდ სხვა იკითხა, ძაღლები ჯერ ჰო არ გამოუშვიათო. ჯერ არაო. და დამშვიდდა.

XV

დამშვიდდაო, მაგრამ ვაი იმ დამშვიდებასა, ისევ მარტოდმარტო გამოემწყვრა პატარა ოთახში. იარა, იბორიალა ანუ იტრიალა თითქმის ერთ ადგილასა, თავბრუ დაეხვა, მიაწყდა სანოლსა, მიაწყდა და მიეგდო, მერე ფიქრს მისცა თავი, ვერც ვერაფერი მოიფიქრა, ვერც მოიგონა, აზრის მაგვარიც არაფერი წამოეშველა, განამდა, გუნება აენენა, ხოლო ცოტა რამ რო მოიაზრა, ისევ ლეკო თათაშელის იმედი მიეცა, ბოლოსდაბოლოს გაიღვიძებს, ბოლოსდაბოლოს ისევ ეს გადამარჩენს, თორემ სასიძოობა საიდანღა გამომიგონეს, ეს რალა უბედურებაა ჩემს თავსაო, ჰო, ისევ ეს თუ გადამარჩენსო, კარგია თუ ავიაო, ამის ანაბარიო, ანაბარი მგელმა იცისო, სხვა შესაფერისი ანდაზებიც მოიგონა და მიწყნარდა, ოლონდ გაიღვიძოსო, ოლონდ გაიღვიძოსო. მაგრამ ვაგლახ, თითქოს აღარ ენერა გაღვიძებაო, ის დღეც ჰო დაალამა, ის ღამეც ამოიღო თავქვეშა, სადაც სამართალია, იმ დილით ფეხზე უნდა მდგარიყო, არა გეტკინოთ რაო, ბაიბური არ ისმოდა იმისი ოთახიდანა, შეუძახა, მიუკაკუნა, კარიც შეაღო, არავინ შეპასუხებია... ასეთ დროს იფიქრებ, ვინ იცის ადგა, წავიდა, ეს აღარც გახსენებია, ან გაახსენდა, მაგრამ მობეზრდა და დააგდოო, ან განგებ დასტოვაო, ყველაფერს იფიქრებ, ამდაგვარს იფიქრებ, რო უფრო უმწეოდ დარჩეს სტუმარი ან გაებას სასიძოობის ორომტრიალში, ველარ დააღწიოს თავი, დიდხანს ვერც ვერაფერი გაარიგოს, ბოლოს როგორც იქნება გაჩაღდეს ქორწილი და სხვა, და სხვა, და სხვა, – იფიქრებ,

ოლონდ გიჯობს არ იფიქრო, ნურსაით ნუ გადაგ-
ძლევს ფიქრი, რადგან არ გაეპარებოდა ლეკო თათა-
შელი, ვერაგობას არ ჩაიდენდა არც განგება არცა
უნებლიედა, არ გაიპარებოდა, არც გაპარულა, გა-
შოტილიყო იმავე სანოლზედა და, ამან რო შეიჭვრი-
ტა, იმანაც მიაფეთა ღია თვალები ისევ ისე უაზროდ
ღია, ღია უსიცოცხლოდა, ამომშრალი, ამონმენდი-
ლი, ამოხვეტილი.

ეს შეშინდა, ვინ უწყის, აღარც არის, ამაოდ ვე-
ლოდები ამის გაღვიძებასო, უნდა ეთქვა, უნდოდა
შეეძრა ყველანი, მაგრამ აივანს რო გადაადგა, ეს რო
აქედან გადაადგა, იქედან ამოიყალყნენ ქოფაკები,
ამოიყალყნენ და ამოჰღრინეს, ვისთვის რა გაეგები-
ნებინა, არავინ მოსჩანდა, არაფერი მოსჩანდა, გარ-
და ზვარის ვინრო კალთისა და ტოტებგადაშლილი
კაკლებისა. ხანდახან დაირაკუნებდა ჭიანი კაკალი,
სადღაც ზევით დაირაკუნებდა, ნამოვიდოდა რაკა-
რუკითა, ძირს გაადენდა ზღართანსა. ერთიც ვნა-
ხოთ, კიდევ დაინყო რაკუნი ჭიანმა კაკალმა და ამა-
საც ეახლნენ, ქალბატონი გულქანი გიხმობთო, რალა
დააყოვნებდა, გაეშურა, შეეტყობინებინა თავისი ეჭ-
ვები. იმან არ ათქმევინა, ამას სალამიც რო დააეინ-
ყდა, იმან შეახსენა, მერე შეინვია ბარძიმის ოთახში,
დაბრძანდიო, სავარძელი შესთავაზა, თვითონაც
მახლობლად ჩამოჯდა. იქვე სხვაც ელოდებოდათ,
ისიც ახალგაზრდა გახლდა, ნიკოს კბილა იქნებოდა,
უფრო მაღალი, ბრგე, შავ ხალათს მოსწოლოდა კუნ-
თები, მხარ-ბეჭი ლამის გადაეფხრინა, ფეხებიც
აქეთ-იქეთ გადაეყარა, ვეება ფეხები, სკამის სიმაღ-
ლე არა ჰყოფნოდა. სახე თხელი ჰქონდა, მაღალი
ცხვირი, ხშირი, გადაბმული ნარბები, მწვავე გამო-

ხედვა, კანი გამომწვარი მხურვალე მზეზედა, აკრიალებული, ცოტაოდნავ ალაპლაპებული... ასე იმიტომ დააკვირდა, ვინ იცის, ამასაც ჩემსავით გამოაცვლევინეს სამოსიო (თუმცა თვითონ უკვე გამოწყობილიყო წესისამებრა, გამოესკვნა შავი ბაფთაცა), ვინ იცის, ესეც უდროუდროოდ მოვლენილა ჩემსავითა, ან მუსიკოსია, ან მხატვარი, ან პოეტი, ან რაიმე ამის მსგავსიო. თუმცა ვერ გაარკვევდა, მსგავსი სხვა რაღა უნდა ყოფილიყო, ოღონდ იმას მაინც მიხვდა, თბილისიდან არ უნდა იყოს...

აქაური უნდა იყოსო და აქაურიც გახლდათ, ოღონდ არა არჯევნელი, ეს არცა ჰგონობდა, უსათუოდ არჯევნელიაო; გლეხი უნდა იყოსო და გლეხიც გახლდა, სახელად შაქრო ან შაქრია, გვარად ცისკარიშვილი, ელიზბარ ხეთერელს გამოეგზავნა. ეს რო გაიგო, ლეკოც დაავინყდა, გულქანიცა, რაც გადაჰხდენოდა, ისიც გადაჰქრა აზრიდანა, წამოვარდა, ჩამოართვა ორივე ხელი, ჩამოართვა და ჩამოჰქნია, მერე აისუსა და მიაჩერდა, ვითარცა მხსნელსა. ის არა ჩქარობდა ეთქვა თავისი, დანაბარები გადაეცა, ელოდა, აქ რაღას იტყვიანო. არც გულქანი ჩქარობდა, ბარძიმის ოთახში მოენვია სტუმარი, ჯერ მიეხედ-მოეხედა, კარგად დაჰკვირვებოდა სურათსაცა, იმის იარაღსაცა, – თოფებსა, დამბაჩებსა, ხმლებსა, ხანჯლებსა, იმის სამოსსაცა, – ჩოხებსა, ქულაჯებსა, ნაბდებსა, ევროპულ კოსტუმებსა, იმის მწვერებსაცა, ფიტულებად იდგნენ ყოველ კუთხეში, იმის მოკლულ დათვებსაცა, – ძირს ეფინა ტყავები, ირმებსაცა, – კედლებზე ეკიდა რქები, ირმის რქებს ასხმოდა იარაღიცა, სამოსიცა, სანახავადა ჰღირდა, მიეხედ-მოეხედა, ეკითხა, მოეს-

მინა პასუხი ყურადღებითა, ნუთუ არას დააკვირდებოდა, ნუთუ არას იკითხავდა?! კეთილი, ნურას იკითხავდა, თვითონაც არ მოუყვებოდა, თუ რა უბრალოდ დაიღუპა ბარძიმ ზედახეველი, რა მომავალი ელოდა, როგორ შესტრფოდა ყველა, ვინც იხილავდა თუნდაც ერთხელა, ხოლო იმას როგორ უყვარდა, მხოლოდ გულქანი, როგორ გაენდო, როგორ დაინიშნა, როგორ უნდა გადაეხადათ ქორწილი და სწორედ ქორწინების წინა დღესა... ღმერთო ჩემო, რა არის ბედი!.. არ ეტყვის ცხადია, თუ არ უნდა, არ ეტყვის, ოღონდ გულში მაინც გაიმეორებს, დაელოდოს, ვიდრე გაიმეორებდეს გულში. უჯობდა ეკითხა, უჯობდა მოესმინა, მუნჯად სხდომა ბევრად აუტანელი გამოდგა, მაგრამ რა ექნა. ვერ მიმხვდარიყო, თუ რა სურდა გულქანსა, ვერც ის გაეგო, თუ იხმეს, რაღაღა მღუმარებდნენ.

გაუგებრად არ დარჩებოდა, ამას თუ არა, იმას მაინც გაიგებდა, თუ რისთვის მოსულიყო შაქრო ცისკარიშვილი, რად გამოეგზავნა ელიზბარ ხეთერელსა. ამასაც მეტი რა უნდოდა?

– მოახსენე! – ჩაიჩურჩულა გულქანმა ბოლოსდაბოლოსა.

– ასე დამაბარა ელიზბარმა, – დინჯად ნამოიწყო შაქრომა, მანამდის მოიხადა ნაბდის ქუდი, მოგრიხა, მონურა ხელშია, – ვერ გამიმართლა ლეკომაო, ცუდად გატარა, აქამდის ვერ მიაღწიე იტრიელებამდისაო. შენი ბარგი უკვე გადავუგზავნე, გელოდებიანო. მანდაც კარგად მეგულები, მაგრამ როგორც დავთქვითო, ისე უნდა აღსრულებულიყო. ახლაო, ვინ იცის, მანდაც გირჩევნიანო, მაინცაო, რაც უნდა გერჩივნოსო, შენი მანდ დარჩომის როგორი მდო-

მელნიც უნდა იყვნენ შენი მასპინძლებიო, მაინც უნდა აიყაროო, ამ კაცს გაჰყევო, ჩემზე მოგახსენებს, ეს გადაგიყვანს იტრიელებთანა, მერე იმათ იციანო. ნურც დააყოვნებო, ნურც იყოყმანებო, მოვიდეს თუ არა, ფეხდაფეხ გაჰყევით. ასე დამაბარა და მეც აქ გახლავარ. – დაამთავრა და წამოდგა, ბარემ წავიდეთო, ამასა ნიშნავდა.

გულქანმა ხელი დაუქნია, დაჯექით. დაჯდა ისიცა.

– ქალბატონი დედა ბრძანებს, – მიადევნა გულქანმა, – სასურველი სტუმარი ხართ, მაგრამ ვერას ჩავიდენტ ელიზბარის უნებურსაო, იმან უკეთ იცის, როგორა სჯობს თქვენთვისა, ვეთანხმებით და ვისურვებთ, კვლავაც შეგხვედროდეთ ერთმანეთსაო. განგებით იყო თუ შემთხვევითო, მოხარულნი ვართ, რო გაგიცანით, დავშთებით თქვენი პატივისმცემელნიო.

– გმადლობთ! – მონინებით წარმოსთქვა სტუმარმა, – აგრეთვე მეც უაღრესად მოხარული ვარ თქვენთან შეხვედრისა, თქვენი გაცნობისა, თქვენთან საუბრისა. ჩემს მეხსიერებას ღრმად დაეჭდო და არასოდეს ამოეშლება ის სასიამოვნო დღეები, აქ რო გავატარე. ვისურვებდი კვლავაც შეგხვედროდეთ. ჩემი მადლობა უსაზღვროა, უსაზღვროა ჩემი პატივისცემა თქვენდამი, ყველასადმი და განსაკუთრებით ქალბატონ გურანდუხტისადმი. – თავი დაჰხარა სტუმარმა, მონინებით დაჰხარა.

– ქალბატონი დედა ბრძანებს. – განაგრძო გულქანმა, – ამ დღეთა სახსოვრად ჩვენგან მიიღეთ ეს მცირე ნობათიო, – იქვე ბალიში ასწია, ხანჯალი გამოიღო გულქანმა, – მართალიაო, ეს ხანჯალი შემკული არ არის არცა ოქროთი, არც ვერცხლითა,

ძვლის ქარქაში აქვს, მაგრამ ძვალია მოქარგული იშვიათი ხელოვნებითა, ზედ ჩანგიცაა და რალაც ნიშნები. ვინ იცის, ძველი სანოტო ნიშნებიც არისო. – თქვა და გაუნოდა.

– ო, გმადლობთ! გმადლობთ! – წამოიჭრა სტუმარი, ჩამოართვა, ჩააჩერდა, ვერც ჩააჩერდა, აღელვებულიყო, – რა მოულოდნელია! რა... იცით რა? გმადლობთ, ო, დიდათ გმადლობთ! დიდად დამავალეთ, აღარ ვიცი, რითი გადაგიხადოთ.

– ქალბატონი დედა ბრძანებს, სახსოვარი წმინდაა და გადახდაზე ლაპარაკი შეჰბლალავსო.

– მომიტევეთ!..

– ქალბატონი დედა ბრძანებს, ბოდიში უადგილოა სახსოვარის მიღების დროსო.

და წამოდგა გულქანი, წამოიმართა, ხელი გაუნოდა გამოსამშვიდობებლად, ის ხელი, მაშინ რო ეამბორა და გული არ აერია, ახლა მით უფრო ისე მოხდენილად მოეჩვენა, დასწვდა, ეამბორა გულმოდგინედა. შაქროც წამოდგა, რა თქმა უნდა, გამომშვიდობება მოთავდა, უნდა გასდგომოდნენ გზასა... გზას უნდა გასდგომოდნენ და დაბლა, თალებიან დარბაზში გუგუნი გაისმა, ჰეჰეი, სადა ხართ, რა ხდება უჩემოდანო. უცნაურ ხმას გამოსცემდა თალებიანი დარბაზი, უცნაურად გუგუნებდა და ჯიქურ იჭრებოდა ბარძიმ ზედახეველის ოთახში თუ მუზეუმში. ვინც უნდა დაბნეულიყო, გულქანი მაინც მიხვდებოდა, რო ლეკო ბრძანდებოდა ამის ჩამდენი, მხოლოდ ლეკოი, სხვა არავინ. სხვა არც არავინა ყოფილა, აღარც დიდხანს ულოდინებია, სად იყო, სად არა, წაადგა თავსა.

– რა ხდება უჩემოდან?! – მკაცრად იკითხა ლეკომა.

– ისა, რაც უნდა მომხდარიყო უშენოდა. – მშვიდად მიუგო გულქანმა.

– მე თუ ლეკო თათაშელი მქვიან...

– ვიცითო, ქალბატონი დედა ბრძანებს.

– არ განყენთ, კიდევ რო შეგახსენოთ!..

– მაგრამ საუკუნო ძილი თუ განგეზრახათ, ვერ ჩამოგყვებოდით თანა.

– ახლა აქ გახლავართ.

– დაბრძანდით!

თქმაც არ უნდოდა, მანამდისაც ათვალეირებდა, თუ სად დამჯდარიყო, – მწევრების შუა მოჰყვა, იქ იდგა ხმელი სავარძელი, დაბალი, კაკლისა, ჩუქურთმიანი. იქ ჩაჯდა და ხელები დააწყო ფიტულებსაზედა.

– დავბრძანდი... – მუქარასავით მოადევნა, – ვითომდა რაო, მალე მომახსენეთ, რა განგიზრახავთ უჩემოდაო.

– ბრძანდებოდე, – იტკიცა გულქანმა, – ჩვენ უკვე გამოვემშვიდობეთ ერთმანეთსა.

– გვრეკავთ?! ვინა ჰკადრებს ლეკო თათაშელსა?!

– არავინა... ლეკო თათაშელი ლეკო თათაშელია, ისიც აუტანიათ არჯევნელებსა. სტუმარი ღვთისააო, ქალბატონი დედა ბრძანებს.

– აგაშენოთ ღმერთმა!.. ღვთისა ვარ და მომექეცით ღვთაებასავითა.

– ღვთაებას ერთხელ შევწირავთ ზვარასა და მოგვეშვება ხოლმე, შენ რამდენიმე დღეა თავს დაგტრიალებთ.

– მამადლით?!

– არა! შეიცადე... როგორც გენებოს, ხოლო ეს მიდის...

– მეც მივდივარ, მივდივარ ნანყენი და დღეიდან ჩემი ფეხი აღარ იქნება თქვენს ოჯახში.

– არ გამიკვირდება, უმადურებაც მოსდგამთ ადამიანებსა.

– ღვთის გულისათვის, ღვთის გულისათვის!.. – ჩაერია სტუმარი, თითქმის შეევედრა ლეკოსა, – მე ისე ნასიამოვნები ვარ, ნუ ჩამამნარებთ!

– გადაგიბირეს?! ჰა?! – სახე დაეფშხალა ლეკოსა, – ასეა, კმარა თვალი ნავატყუო. მაშინვე გადაიბირებენ ყველა ჩემს მეგობარსა. რას იზამთ, არა ტყუიხართ, ჩემი ბედია, ვინ აღუდგება ჩემს უკულმართ ბედსა. რას ვიზამთ?! მაგრამ ჩემო ახალგაზრდა, გადაბირებულო მეგობარო, მე მოვალეობა მანევს და...

– თავისუფალი ხარ მაგ მოვალეობიდანა.

– ეს ვილაა?! – შეიცხადა ლეკომა.

– მე გახლავართ, – აიზიდა და წინ წამოდგა შაქროი.

– არ გიცნობ...

– მე გიცნობ.

– ჰა, ჰა. ჰა... ნეტა ვინ არ იცნობს ლეკო თათაშელსა!..

– ჰოდა, მეც გიცნობ, შენც გამეცანი, შაქრო გახლავარ, ცისკარიშვილი, ელიზბარ ხეთერელმა გამომგზავნა, ი ჩემი სტუმარი მალე ჩააბარე იტრიელებსაო.

– ვისი სტუმარიო?! – წამოიჭრა ლეკოი, თითები მაინც არ აუცილებია ფიტულებისთვისა, წამოიხარა, წამოიზიდა, – სტუმარსაც მეცილებით?! როგორ მეცილებით?! ვინ მეცილება?! იმან ორი დღეც არ გააჩერა თავის სახლშია, მე ათი სახლი მოვატარე, ათასსაც მოვატარებ.

– გმადლობთ! – შიშით აღმოხდა სტუმარსა, ემანდ მართლა არ მომატაროს კიდევ ათასი ოჯახიო, – მადლობასა გნირავთ უალრესსა! – მოადვენა და ხელეზი ააკანკალა.

აქ სათნოდ გაიღიმა გულქანმა – რამდენადაც შეიძლება სათნოება დასტყობოდა იმის სახესა – მიუხალოვდა ლეკოსა, მხარზე გადასდო ხელი, დაუყვავა, მიეფერა, მიელიკლიკა. დაყვავება დიდი რამა ყოფილა, ენა ტკბილი დიდი რამა ყოფილა, გველსა ხვრელით ამოიყვანს ენა ტკბილად მოუბარიო, ნათქვამიც არის, ლეკოც ამოიყვანა სიბრაზის ხვრელიდანა, მოალბო, დააშოშმინა, შეახალისა, თუმცა შეხალისება სუფრისგან გახლდათ. სუფრა აივანზე დახვდათ, ხელი რო გადაჰხვია, აივნისაკენ ნაიყვანა გულქანმა, ისე არ იკმარებდა, დაყვავებას სუფრაც უნდოდა, ღვინო უნდოდა ან ლალისფერი, ან მთლად თეთრი, გამჭვირვალე, მუქნითელი თუ შავი არ ივარგებდა საზაფხულოდა. ამას გულქანი ფიქრობდა, აფიქრებდა მოვალეობა მასპინძელისა, თორემ არას დაგიდევდა ლეკოი, იგემებდა ერთნაირადა, მოილხენდა ერთნაირადა. ჯერ მაინც ტარხუნის ნაყენი შესთავაზა. მობრძანდითო, არ დაივიწყა დანარჩენებიცა, ძალიანაც არ ჩასციებია, არც იმათ გამოუდვიათ თავი, მიმხვდარიყვნენ ან რა დიდი მიხვედრა უნდოდა, ახლა მხოლოდ ლეკო იყო მისაფერებელი, ლეკო უნდა მოეცილებინათ თავიდანა, ნყნარადა, უხმაუროდა, უშფოთველადა. ჰოდა ერთი დაძახებისთანავე შემოუსხდნენ მაგიდასა ლეკოს დასაშოშმინებლადა, ლეკოს საამებლადა. მალეც დაშოშმინდა, სიცილი მორთო, საჩვენებელი თითი დაატრიალა, მოცილებით დაატრიალა, დაუმიზნა

გულქანის ილიასა და ისე დაატრიალა, მიფრთხილდიო, ისე ჩაიხითხითა. ჯანდაბას შენი თავიო, ისევე შესცინა გულქანმა. ახალგაზრდობა მოაგონა, დღეობები, ლხინები, ხეთერელების თეატრი, – ერთ ზამთარს იქ რო მოიყარეს თავი, გულქანი მოკარნახეობდა: მე მაშინ ისე პატარა გახლდით, გეგონათ კითხვაც არ მეცოდინებოდა, მაგრამ კარნახში ვერავინ მაჯობა, შენ მაინც ყველაზე მეტად მოგწონდიო. ლეკო ასრულებდა გმირების როლსა. ბევრი საუკეთესო მსახიობი აღმოაჩინა იმ ზამთარმანო, რამდენიმე იქვე ჩამოთვალა, ვინც გაჰყვა სცენასა, კიდევაც შერჩა, შენ იმათზე ნაკლები არ იყავიო. ბევრად უკეთესიო, თავი გამოიღო ლეკომა, ოლონდ სცენაზე უკვე ვთქვი ჩემი სათქმელი, ახლა ეკრანი უნდა ავილოო. გულქანმაც ეკრანი დაიხვია ხელზე, ეკრანი იყოსო, ოლონდ დაშოშმინდი და გზა დაულოცე ამ ყმანვილსაო. მართლაც, თითქოს აქეთ მიემართებოდა საუბარი თუ განწყობილება, არცთუ ახირება სჩვეოდა ლეკოსა, ადვილად დასთმობდა ხოლმე, სადაც არა სჯობს, გაცლა სჯობსო, იტყოდა ხოლმე, მაგრამ ეტყობა იქ უჯობდა, ეგონა ადვილად გავიტან ჩემსასაო, არც არა დასთმო, მეტიც მოინდომა. ეს მაშინა, შაქრო რო წამოდგა, ჩემდა წილად ღმერთი შეგენიოთო, ჩვენდა წილადო, გადაჰხედა სტუმარსა, ისიც წამოდგა. ჩვენს წასვლას გაუმარჯოს, თქვენს დარჩენასაო.

– დაჯექი! – ბრძანა ლეკომა.

– უნდა წავიდეთ... – ვითომც არაფერიო, ისე გამოსთქვა შაქრომა.

– ერთად წავალთ, – აუხსნა ლეკომა, – შენც ჩვენთან იქნები, ერთად ვივლით, ჩვენთვის ზედმეტი

არავინაა, პირიქით, უკეთესიცაა, რაც ვიმატებთ, უკეთესიც იქნება. განა არა? – შეხედა სტუმარსა.

– ბატონო ლეკო...

– რა თქმა უნდა!.. ვიცი, ამაზე კრინტი... – თითი მიიღო ტუჩებზედა, მაგრამ მე ჰო აშკარად არ ვამბობ, გადაკვრითაც თუ არაფერი ვთქვით, რა გამოვა, ან ვის რა უნდა გავაგებინოთ?! კეთილი, კეთილი, მარტო ბრძანება იყოს, იცოცხლე, ბრძანება ეხერხებოდეს ლეკო თათაშელსა, ჩვენთან დარჩები! – შესაბა და მუშტიც დაარტყა მაგიდასა, ბრძანებად ითქმოდა, გაუტეხელ ბრძანებადა.

– ნნ... ვერა! – აუმღვრევლად გაიქნია თავი შაქრომა, – თუნდა გიბრძანებია, თუნდა შემხვეწნიხარ, სულერთია, ვერ დავრჩები და რა ვქნა... ვერც ამას დავტოვებ, უნდა ჩავიყვანო, მე ისევ აქ დავბრუნდე, ეგრეა, ისეთი სუნი ტრიალებს. რო... ეგრეა!

– რა როგორ არის, არ ესწავლება ლეკო თათაშელსა, დასხედით!..

არ დამსხდარან, წაიარეს, მაგრამ ვერ წავიდნენ, ლეკო გადაუდგა, ფეხს ვერ წაადგამს ჩემს უნებურად, ჯერ ჩემი მბრძანებელი არ გაჩენილა, არც ჩემი ურჩი გაჩენილა ამ ქვეყნად; უფრო გაჯიქდა, გაჯიუტდა, თვალები გადმოკარკლა, საკინძეც ჩაიხსნა, მოიღერა მუშტები. გულქანმა ინანა, ან რად დავუყვავე, ან რად დავალევი, თუ ეს მაინც არ ამცდებოდაო: სად იყო, სად არა, თოკი გაჩნდა იმის ხელშია, იმის ხელში გაჩნდა და გადაუგდო შაქროსა, შეჰკარიო, ბრძანა. მხრები ახუხა შაქრომა, აბა, რა ჩემი ბრალიაო, ან გზა უნდა დამითმო, ან უნდა შეგკრაო. ჰა, ჰა, ჰა... იოლად გახუმრებიხართ ლეკოსაო, ორივეს მოჰხვია ხელი ერთბაშადა, ორივე მიჰყარა

მაგიდასთანა, დასხედითო, თორემაო. აბა, რა ვქნაო, ჩაიქირქილა შაქრომა, შენ შენსას არ იშლი, მე ჩემსას ვერ დავიშლიო, აბა, რა ვქნა, ბევრიც რო გენყინოსო; ჰოდა, ბევრიც რო გენყინოსო, ნელ-ნელა ნაატანა ხელი, ნელა, უნდილადა, აუკვირლადა, ღიმილითა, ფერაობითა, ნაატანა და მყისვე გადაუგრიხა მკლავები, მერე უცებ მოხდა ყველაფერი, უცბადა, უმალადა, როცა გამოერკვა ლეკოი, უკვე აივნის ბოძს იყო გაკრული. თუმცა ისხმარტალა, იღრინა, აღრაჭუნა კბილები, გაინ-გამოინია, მაგრამ ესეც წამისა გახლდათ, ვიდრე ააკრავდნენ ბოძსა, მერე მიხვდა თუ არა, რა დამართნოდა, გაინია ბოძის მოსაგლეჯადა, გაინია და ვერც გაინია, მხრები, ნეკნები ჩაუნურა თოკმა. ჩაუნურა და წამოადინა ცრემლი, სიცილიც წამოადინა, ცრემლნარევი სიცილი, თქვენ რა გითხარით, თქვენაო, ე როგორი ხუმრობააო...

– ჰე, ჰე, ჰე... ხუმრობა მაინც ხუმრობაა, – აბრუ არ გაიტეხა ლეკომა, – ხუმრობაში სანყენი არაფერია, ხუმრობას ვინც იწყენს, კაციც არ იქნება, ხუმრობა კაცურია, ვინცა ხუმრობს, კაციც ის არის. გაიგე... თავს ნუკი აქიცინებ, თუ გაიგე, მოდი და ამიხსენი. ხუმრობა როა, გაუთავებელი არც ხუმრობა ვარგა. მოდი, აბა! გულქან, რაო, ჩემო დაიკო, უთხარი!.. შენ ჰო იცი, როგორ მიყვარხარ, მე დაი არა მყოლია, ვნანობ, რო არა მყოლია, ოღონდ შენ რო გიყურებ, აღარცა ვნანობ, ეგრე მეყვარებოდა, შენ რო მიყვარხარ. შენი გულისათვის მოვდივარ აქა, თორემ ის ნიკაპანეული ელენე თუ ღაბაბჩამოშვებული ნაზიბროლა ძალიან არ ჩამქრიან გულშია. შენ რო სიკეთე შეგიძლიან, სხვა იმდენ სიავესაც ვერ ჩაიდენს, გული ანგელოზისა გაქვს, სიკეთის მეტი არც არაფე-

რი მიეკარება შენს გულსა. ასე მგონია, ღმერთმა დიდხანს გაცოცხლოს, მაგრამ როცა სულს განუტევენ, ასი წლის მერე, ათასი წლის მერე სულს განუტევენ, მინაზე არც დაგიშვებენ ანგელოზები, ისევე აგაფრენენ ცაშია. მე ასე მითქვამს, ლეკო თათაშელსა, და მე რაც მითქვამს, არც გამტყუნებულა. გულიკო, გულო, ჩემო დაიკო, უთხარი რა! უთხარი!.. ერთი ხელი, ერთი ხელი რა არის, ერთი ხელი მაინც ამიხსენი, აბა, ლაპარაკი ისე რა არის, ხელი თუ არ ააყოლე. გულო, გულიკო, ჩემო დაიკო! – იხვენებოდა მომეტებულადა, ხელი რო აეშვათ, ყელსაც გამოიწედა, დაჩოქება რო მოხერხებოდა, დაიჩოქებდა, არც ერთი შეეძლო, არც მეორეი, ისინიც გავიდნენ: გავიდა სტუმარი, შაქრო გაჰყვა, გააცილა გულქანმაცა, არ გასჭრა ხვენამა, აღარც მიჰხედა, მოგზაურმა მაინც მიჰხედა, – ერთხელ კიდევ რო ეამბორებოდა, გულქანის ხელსა, საბოლოოდ ეამბორებოდა, იმისკენ ეჭირა თვალი, თითქოს საბოდიშოდა, თითქოს უმწეოდა, აბა, რა ჩემი ბრალიაო. არც არას აბრალებდა ლეკოი, არცა ამასა, არცა შაქროსა, არცა გულქანსა, ოღონდ აეშვათ, ოღონდ ხუმრობად ჩამოერთმიათ, მაგრამ ყურიც არ შეიბერტყეს, გავიდნენ, მიდიოდნენ, ჩქამი შორდებოდა, აქედან მაინც მიაწვდენდა ხმასა. ხმას მაინც მიაწვდენდაო და კიდევაც აუწია ხმასა, აუწია და მოუმატა, სიტყვებიც სხვანაირი ამოიღო, რის გულიკოო, რის ჩემო დაიკოო:

– შე ადამიანის არამგზავსო, შენა, ვის უბედავ, ვინა გგონივარ?! განა ის ლეკო ვარ, შენ რო გგონია, სხვა ვარ, სხვა მოვალეობა დამკისრებია. რას ჩადიხარ, რას ელობები, ვინ დაგიბორკავს, შე ალაოს კუტო, შენა! ვინ არის ერთი, რო ლეკო თათაშელი იყოს

ერთი, ყველა ორია, მეტი თუ არა, ორი მაინც არის, ერთი საჩინო, ერთი უჩინარი, საჩინო რაა, მაცდურებაა, არაფერია, ის არის, რაც არის, ის უჩინარი, ის ერთი, თვალახვეულებს რო ვერ დაუნახიათ, ვერც დაინახავენ ბეცნი და ჩლუნგნი გონებითა, შენებრ ჩლუნგი და შენებრ უგნურნი. შემობრუნდი, სად ჯანდაბაში მიდიხარ, შე ჯოჯოხეთის მაშხალა, შენა, თვალი გაახილე, მე შენდა სახსნელად მოვლენილვარ, შენი ქონების გადასარჩენადა. მე რას დაეკარგავ, ფრჩხილის საღირალი არ დამეკარგება, მოვასნარი, მივყიდ-მოვყიდე, დრო ვატარე, დედა ვუტირე მტერსა და მოყვარესა. შენ დაჰკარგავ, შე ჯოჯო, შენა, შემობრუნდი და ამიშვი, ან ეგენი არ გაუშვა, ვერ ივარგებენ უჩემოდა. დაილუპებიან, ყველაფერს დალუპავენ, შემობრუნდიმეთქი, შე ალაოს კუტო, ნუ გგონია, ის გადაგარჩენს, ციხეზე რომ ნიფხვის ტოტები გამოუკიდნია ბექასა, გაგხინნიან, გაგვლეჯენ ყველაფერსა, ცეცხლს ნაგიკიდებენ და გამოგბუგავენ, იმას გიჩვენებენ, რაც არ გინახავს, შე ახახულო ბეხრეკო, შენა! მე ვარ მხსნელი, მოდი და ილოცე, სანთლები ამინთე, დაიჩოქე და შემევედრე, შე ფიტულო გადაშენებული ცხოველებისა, შე უგრძნობელო, უმეცარო, გაუგებარო, დაიჩოქე და შეიგნე, რამეთუ მე ვარ... მე ვარ... მე ვარ...

ხრინნები ამოუვიდა ლეკო თათაშელსა, არავინ მიჰხედა, ჩამიჩუმიც აღარ ისმოდა. მხოლოდ ბარძიმ ზედახვეელი გამოჰყურებდა შიგნიდანა, გამოჰყურებდა თითქოს დაცინვითა, თითქოს შურიტა. დაცინვა იმისი იყო, რა ამოდ იჭაჭები, რაღას გახდები, რახან გულქანმა დაგაბაო, შური იმისა – შენ მაინც აგიშვებს, მე რა მეშველებაო...

XVI

აუშვებდა რა თქმა უნდა... მანამდის სტუმარი დარჩა ანაბარად შაქრო ცისკარიშვილისა. ეს ერჩივნა, მარჯვე ახალგაზრდა გამოდგა, რაც დააყოვნა ლეკომა, თორემ მერე არვისა და აღარაფერს შეუფერხებია. თუმცა საარჯვენოს რო გამოდიოდნენ, ხერგილი დახვდათ, ოლონდ მაშინვე ასნიეს ის ხერგილი, არც უკითხავთ, ვინა ხართ თუ სად მიდიხართო. ბექას ციხე გამოჰყურებდა, ბექას ჩაედგმევინებინა ხერგილი. გურანდუხტის დროშაც იქიდან მოსჩანდა, თუმცა ნიფხვის ტოტები უნოდა ლეკომა, მაინც დროშა გახლდა, მაისის დროში, ფრიალებდა ლაღადა, თამამადა, თამამი ქარი თუ უქროდა. ჰო ერთი სიტყვით, ხერგილი დახვდათ და აუგდეს ხერგილი, გზადაც შემოეყარნენ ვილაც ვილაცანი. თოფიანებიც შემოეყარნენ, ვილაცა მიჰყავდათ, ვილაცანი მოჰყავდათ ან საითკენლაც მიექანებოდნენ, მიესალმნენ და გაექანენ, მეკალოებსაც ჩაუარეს, მებზევეებსაც, მხენელებსაცა, მრწყველებსაცა, მიესალმნენ და ჩაუქროლეს; ისინი თუ მიექანებოდნენ, მიჰქროდნენ ესენიცა, ამხედრებულებსაც, თუმცა ცოდი გამხელილი სჯობიანო, მაინცდამაინც ვერ მიჰქროდნენ, ცხენზე ჯდომა უჭირდა მოგზაურსა, რა ვუყოთ უჭირდა, – გაქანდებოდა შაქროი და შეიცდიდა, ბოდისობითა: რა ვქნაო, მეჩქარებაო, მალევე უნდა გამოვბრუნდე, ი გოგოებიც უნდა გავიყვანოო, თორემაო, ვინ თავმკვდარიო, ნებანება გატარებო. ისევ გაქანდებოდა, ისევ შეიცდიდა, უმალ შეიცდიდა, ვინმე თუ გამოჩნდებოდა გზადა,

გვერდიგვერდ გაჰყვებოდა სტუმარსა და ავად აბრიალებდა თვალებსა. ასე იარეს, ფონებიც გამხვიპეს, მშრალი რიყენიცა, ჭალებსაც შემოუარეს, ველობიც მოსჭრეს, ჩაკაფეს ორლობეებიცა და გავიდენ ნატბისსა, იტრიელთა კალოს მიატანეს. ფათერაკი არ შეჰხვედრიათ, უხერხული თუ საშინელი არაფერი გადაუტანიათ და მიხვდა მოგზაური ან ასე ირწმუნა, როგორიც რო შეგხვდება მეგზური, იმდაგვარიც გექნება მგზავრობაო; მეგზური ყოფილა ყველაფერი, გზასა თუ ადგილს ნურვინ დაემდურებაო. თუმცა აქაც დაადგა ცოტა გაჭირვებაი, ცხენიდან რო ჩამოვიდა, ლაჯები უხურდა, ველარც დამდგარიყო, ველარც დამჯდარიყო, მაგრამ სამდურავს როგორ ამოუშვებდა პირიდანა.

მეგზური არც ჩამომხტარა ცხენიდანა, რალაცა უთხრა შემხვდურ ყმანვილსა, დაისადავა ამისი ცხენი, მშვიდობით მენახეო, გადმოუგდო მხარილლივა და ბუქი ააყენა გზაზედა, ბუქი ააყენა და ბორიასი თან გაიყოლა. ეს დარჩა კალოს პირასა, დიდი კალოსი, ათი კევრი უვლიდა ორპირადა, უვლიდა ცოცხლადა, ფიცხლადა, ხმაურიანადა, მეკევრეები აქეზებდნენ ხარებსა, აქეზებდნენ შეძახილებითა. ეგება კიდევაც ნამოიმღერონო, შეჩერდა, დაცქვიტა ყურები, მაგრამ არავინ ამღერებულა არცა მეკალოეთაგანა, არცა მეურმეთაგანა. ბზეებთანა ტრიალებდა ურმები, მიჰქონდათ, საბძლებში ეზიდებოდნენ ბზესა, - რამდენი გაეზიდათ, რამდენი კიდევ იყო გასაზიდი, დიდი ბჯაც იდგა გასალენი, ბარაქიანი, კალოობა დასდგომოდათ; ამათ დასდგომოდათ ბარაქიანი, ბარაქიანი, სხვებთან შედარებითა, თორემ ესენიც ემდუროდნენ, ნელს ნაკლები გამოსავალი აქ-

ვსო. ემდუროდნენ სხვანიცა, ყველანი ემდუროდნენ, გაჭირვების ზამთარსა ვარაუდობდნენ, ზოგს უკვე გასჭირებოდა, უკვე ბუზლუნებდა ან იმუქრებოდა, ან მოკუნტულიყო მუშტისოდენადა. თითქმის მოთავებულები კალოობაი, მარიამობისთვის დამლევამდისაც ვერ მიელნია, ენკენისთვისაც გადასდევდა ხოლმე, ვინ იცის ღვინობისთვისაცა, თოვლქვეშაც მოჰყოლიათ კალოი, ნაადრევ თოვლქვეშა, გამთავნებულ ოჯახებსა, დიდმოსავლიან ოჯახებსა რალა თქმა უნდა. ჰო ვერ მიელნიათ მარიამობისთვის დამლევამდისა, ჯეჯილი ამოსულიყო ბევრ კალოზედა, ცოტასლა დარჩენოდა, ისინიცა ბუზლუნებდნენ, ამათაც დარჩენოდათ, თუმცა გულს აკლდათ, მაინც მადლობა შეეწიროთ ღმერთსაო, იტყოდა უფროსი და სამდურავი შეაცივდებოდა დანარჩენთა ტურებსა, – მხოლოდ მადლობა შეეწიროთ ღმერთსა და მიწასაო, ჩვენ ოფლი არ დავიშუროთ, ჩავღვაროთ ოფლი, ჩავლიოთ ჯანი, სხვა თვითონ იცის, ვენაცვალე მიწის მადლსაო.

მოეკლო მიწის მადლსა... ამან არ იცოდა არც მადლი მიწისა, არც სიმძიმე კალოობისა, სიმღერა იცოდა და რაც იცოდა, იმას ეძებდა. ყმანვილი არ აცდიდა, აქეთ მობრძანდითო, საჩრდილობლისკენაო, საჩრდილობლიდანაც გამოვიდა კაცი, ხელი ასწია მიგებებადაცა, იმის ნიშნადაცა – ჩემსკენაო. ამანაც მიაღწია და უმაღვე მოახსენა თავისი ვინაობაი, თითქოს შიშობდა, აქაც არ დამასწრონ, სხვა ვინმედ არ გამასალონო.

– ვიცი... – ღიმილით მიუგო დამხვდურმა, – გელოდით...

– ლეკომ...

– ჰა, ჰა, ჰა... ვერ დააღწიე თავი!.. მოდი, მოდი...

საჩრდილობელში შეინვია. სასტუმროც ის გახლდა, შესასვენებელიცა, სადილ-სამხარსაც იქ მიირთმევდნენ, სათათბიროც იქ იყო, ყველაფერს ითავსებდა, გარდაიქმნებოდა სახელდახელოდა, თუმცა არაფერი შეიცვლებოდა, იგივე გრძელი მაგიდა, იგივე ჩამოსასხდომები აქეთ-იქიდანა, ან რა მაგიდაა, ან რა ჩამოსასხდომები, იქვე გამართული, იქვე გალართხული და გადარანდული ზერელედა; სამი მხრით ისევ ფარლალა, ერთი მხრით მიწყობილი ბულულები, თითქოს თავისებური სავარძლებიაო, მიესვენებოდი და მოისვენებდი, თუმცა თათბირი ასედაც შეიძლებოდა, ნაკამათებაცა. ერთიორგან წიგნიც მიეგდოთ. ერთზე ბუვიე ამოიკითხა მოსულმა, გოგოები კითხულობენო, მიატანა დამხვდურმა, მეორეგან – შოპენჰაუერი, ბიჭები კითხულობენო, აუხსნა დამხვდურმა. ი ბიჭები და გოგოები კევრებზე ისხდნენ; თავპირი მიეშვირათ გახურებული მზისათვისა, ხოლო როცა შეენაცვლებოდნენ, შემოცვივოდნენ საჩრდილობელშია, დაეძაგრებოდნენ წყალსა, დაეშვებოდნენ ბულულებზედა, დაეშვებოდნენ მონყვეტი-თა, ცოტას მილულამდნენ თვალსა, ცოტას წიგნს გადაავლებდნენ და, ვინ იცის, გვერდსაც ვერ ჩაათავებდნენ, შემოესმოდათ, შეენაცვლეო. მაინც ეს გახლდათ სამკითხველოცა, მხოლოდ ერთია, სამზარეულობა აღარ დაეკისრებინათ, შინ ამზადებდნენ, შინიდან მოჰქონდათ ჯერი კალოსთვისაცა, გუთნისთვისაცა, სარწყავებში გასულთათვისაცა, რამდენიმე პირად გაიშლებოდა სუფრაი, ან რა სუფრაი, – მაგიდაზე ჯამები ეწყობოდა პირქვედა, გადმოაბრუნებდნენ და დაისხამდნენ კერძსა, თვითონვე მორეცხავდნენ,

დაამხობდნენ პირქვედა, კოვზს ქვეშიდან ამოუდებდნენ. დამხობილ ჯამებსაც დააჩერდა მოსული, მალე იქნება სამხარო, დაამშვიდა დამხოვდურმა.

– არაფერი მინდა... – თქვა სტუმარმა.

– ვიცი, – მიუგო დამხოვდურმა, – სტუმარმა სამი ტყუილი უნდა თქვასო, მეჩქარებაო, არა მშინაო, აქით არ მოვდიოდი, თორემ კარგი საჩუქარი მქონდა თქვენთვისაო.

– არა... რატომ?!

– ასეა ნათქვამი...

– ყველაზე ჰო არა?!

– ნუ ავუხირდებით, ნათქვამია და იყოს, ჩვენც გავიხსენოთ და გავიხალისოთ...

იოლადა თქვა, იოლად დაამშვიდა, ისევე იოლადა თუ უბრალოდა, ბუვიე და შოპენჰაუერი რო გამოსთქვა, ბევრი რამ წაეკითხა, ბევრი რამ გაეგო, ჩასწვდომოდა იდუმალებას ცხოვრებისა, აღარაფერი გააკვირვებდა, ადვილადაც დაამშვიდებდა გაკვირვებულთა თუ შეძრწუნებულთა, რადგან რო ერთი ყოფილა ყოველივე, სიცოცხლისა ყოფილა, ხოლო რაცა ყოფილა სიცოცხლისა, ხვედრი ყოფილა ადამიანთა. ჰო ბევრი რამ წაეკითხა, ბევრიც გადაეტანა, რუსეთის ციხეები, ხეტიალი უცხოეთშია, პარტიული ბრძოლები, ფილოსოფიური დისკუსიები, ბევრი გადაეტანა, ბევრსაც გადაიტანდა ერის გამოხსნისთვისა, ერის თავისუფლებისთვისა. ყველა პარტიას მიჰკედლებოდა, ყველას გასცლოდა, რადგან არ დათანხმებოდნენ, ისე გაეგოთ თუ წარემართათ ბედი ერისა, თვითონ რო ესმოდა. მაინც ცალკე ვერ დარჩენილიყო, იყო სხვებთან, ოლონდ იყო მარტო, განცალკევებული, თავისი აზრითა, თავისი რწმენითა,

იყო და დარჩა მაშინაცა, როცა დროებით ხელისუფლება იშოვნეს იმისიანებმა და იდეური თუ პოლიტიკურ-ფილოსოფიური გატაცებანი თანამდებობებისათვის ბრძოლებზე გადაახურდავეს; არც ეს გაპყვირებია, არც ისა, რომ მალე დაეცნენ, გუდანაბადი აიკრეს და გაპყვნენ იმავე გზასა, საიდანაც დაბრუნებულყვნენ, იმ განსხვავებითა, მაშინ თუ ცალცალკე ემიგრანტებად ითვლებოდნენ, მერე ემიგრანტული მთავრობა ერქვათ, სხვა დანარჩენი იგივე გახლდა, მაშინ თუ თავპირს აპოტნიდნენ, მერე ცოცხლებრივა სჭამდნენ ერთმანეთსა, მაშინ თუ იმაზე დავობდნენ, როგორ მოენყოთ სახელმწიფო თუ ექნებოდათ, მერე იმაზე გაცეცხლებულიყვნენ, თუ როგორ ვერ მოანყეს და ვის უფრო მეტი ბრალი მიუძღოდა. ამას მხოლოდ ყური მოეკრა, დაახლოებით აღარ იცოდა, თან არ გაპყოლია, ეყო, ეკმაროდა, აღარას მოელოდა, დაპყარა ფარხმალი, დაპყარა და ისევ ციხეში ამოპყო თავი... სტუმარმა რა იცოდა, არაფერი უთქვამს შაქროსა, მხოლოდ აჩქარებდა, ლეკო ეტყოდა, წინასწარ აუხსნიდა, შეამზადებდა, ყველას თავისებური მეგზურობა სცოდნია, ყველას თავისებური ნაკლი პქონია. უბეში თავისი მეგზურიც უდევს, თავისი რუკა, მაგრამ ისიც მხოლოდ ნატბისსა და იტრიელებს მოაგონებს, ცალ-ცალკე არავინ დაუსახელებია გიორგი ყანჩაველსა, ან ამას არ დახსომებია, თავს ძალას ატანდა, ვერაფერი მოეგონებინა; მიხვედრითაც ვერ მიხვდებოდა ამდენ რამესა. ისიც დიდია ამისგანა, კალოზე სამუშაოდ გადაცმული მამაკაცი, გლებად რო არ მიილო, რო ივარაუდა, ასე ორმოც წელს იქნება მიტანებულიო, მეტს ვერაფერს მიხვდებოდა, რაღა თქმა უნდა, ისიც

დიდია ამისგანა; ოლონდ ემანდ თქვენ, არ გაგის-
ნროთ ფიქრმა, იქ „ციხეში ამოჰყო თავიო...“ აქ „გა-
დაცმული მამაკაციო“, გამოპარული თუ გამოქცეუ-
ლი არ გეგონოთ, არ მოგერიოთ სათავგადასავლო
გატაცებანი, არა – გამოვიდა ციხიდანა, ხელი ჩაიქ-
ნია, დასთმო ყველაფერი, დაბრუნდა შინა, ბიძებთან
დაბრუნდა, ძმებთან დაბრუნდა. ისინიც ათრია ნუ-
თისოფელმა, ვინ საითა და ვინ საითა, შინ თითო მა-
ინცა რჩებოდა, ელოდა ვინმეს დაბრუნებასა, მერე
მობრუნდნენ სათითაოდა, დამარცხებულნი, იმედ-
გაცრუებულნი, ეხტიბარგატეხილნი, ეს მობრუნდა
ყველაზე გვიანა, გატყდა ყველაზე თავგამოდებუ-
ლიცა... ჰო მობრუნდნენ, მიწას მოუბრუნდნენ, ნატ-
ბისის მიწასა.

გახურებულებიყო ნატბისის მიწანი, კალო გახურე-
ბულებიყო, გახურებულებიყო კევრი, თავთავი გახურე-
ბულებიყო, იფშენიტიებოდა, იშლებოდა, ბზევდებოდა,
ხვავდებოდა. მოზვრები ენას ჩაჰყოფდნენ ხვავში,
სახრე გაიშხუილებდა, აჩქარდებოდა გახურებული
კევრი, აღმური ასდიოდა ჩაბზევებულ კალოსა. შე-
მონაპირება უნდოდა, ქცევა უნდოდა, არ ეცალა
დამხვდურსა, გაულიმა საბოდიშოდა მოგზაურსა და
გავიდა საჩრდილოდანა. ბზის მზიდავებმაც გამოუშ-
ვეს ურმები, საიდანლაც გამოჩნდნენ დაკარნახებუ-
ლი მრწყველებიცა, მიჰყარეს ბარები, ფინლები აუგ-
დეს კალოსა, აუგდეს და ამოაბრუნეს, ამოაბრუნეს
და გამოუჩინეს გული, ფიცხი დლე იდგა, მარჯვედ
ილენებოდა, მხოლოდ ნიავილა იყო სანატრელი,
დროზე თუ ნიავიც ამოიქროლებდა, ხართაშობამდის
მორჩებოდნენ ყველაფერსა, იმ ერთი დღის საქმეს
მორჩებოდნენ, წინ სხვა იდო კვლავაც საჩქაროი, სა-

შური, გადაუდებელი. უქცევდნენ და ლაპარაკობდნენ, შეჩერდებოდნენ, გასწორდებოდნენ ნელშია, ოფლს მოინძენდნენ და ლაპარაკობდნენ მოკვეთილად, საქმიანად, ბევრი რამ რო იგულისხმებოდა, ცოტათი რო გამოითქმოდა. ამას ამიტომაც არ გაეგებოდა, ესმოდა, მაგრამ არ გაეგებოდა, იჯდა ჩრდილოში, გადაინაცვლებდა, მტვერი თუ მიედინებოდა, იქაც მიუვიდოდა მტვერი, იქიდანაც გადაინაცვლებდა, მხოლოდ მტვერი არ ინაცვლებდა ეგრე ადვილად, მტვერი კალოსი, დაგუდული დღის მტვერი. ისინი იდგნენ მტვერსა და მზეში შეჩვეულნი, შეგუებულნი, ამტანნი, ერთმანეთს მიმგვანებულნი ამტანობითა, ისედაც – ტანადაც თითქმის ტოლებნი გახლდნენ, საშუალოზე მომაღლონი, შესამჩნევად მხარბეჭიანნი, ოდნავად მოხრილნი ბეჭებშია, ოდნავ კეხიანი ცხვირითა, წამოხურული წარბებითა, ხორბლისფერი სახის კანითა; ჰო, ერთმანეთსა ჰგავდნენ საჩრდილობლიდანა, შეუჩვეველი თვალისთვისა ჰგავდნენ ერთმანეთსა, შეჩვეულისათვის თავისებურნი იყვნენ რალა თქმა უნდა, მომეტებულად თავთავისებურნი. არ იქნებოდა ამასაც არ გამოერჩია, დაუახლოვდებოდა, გამოარჩევდა, თანაც თითქოს განგებისადო, სათითაოდ წარუდგნენ, სათითაოდაც გამოჩნდნენ, ოლონდ პირველყოვლისა კალოს მიაშურეს, შორიდან დაუკრეს თავი, ეგონა, ამით მომიშორესო, მაგრამ არა, ქცევა რო მოთავდა, სათითაოდ გამოეცალნენ კალოსა, სათითაოდ მიაშურეს ჩახრიალასა, სამოსი ჩაიბერტყეს, ჩაიწმინდეს, გადაიბანეს ხელპირი, გადაისწორეს ულვაში, მერელა გამოემართნენ ამისკენა ოდნავი ღიმილითა, სიამოვნების გამომეტყველებითა, ხელი ჩამოართვეს, მოი-

კითხეს, გელოდითო, დასძინეს, მოიკითხეს კარგი ნაცნობივითა, გელოდითო გამოსთქვეს თანაგრძნობითა, ეტყობოდათ, შეფიქრიანებულებიყვნენ და ულოცავდნენ მშვიდობით მოსვლასა; არ იქნებოდა, არ გამოერჩია თვითეული საერთო მსგავსებიდანა, გამოერჩია გარეგნობითა, ჰასაკითაცა, ხმის კილოთი, ქცევის კილოთი.

მაგრამ ცოტა დახანებაც უნდოდა, დრო უნდოდა, თვალი რო შეეჩვია, ვერ დაინახა, ერთბაშად მოგროვდნენ საჩრდილობელში, ჯერი მოიტანეს, კევრები გამოუშვეს, ახალგაზრდებიც შემოჩოქოლდნენ. ჯერ უფროსებისა არ იცოდა, რა გაეგო უმცროსებისა, ვით მიმხვდარიყო, ვინ ვისი შვილი იყო, ვინ ვისი ძმისწული თუ ძმისწულის შვილი, ვინ დისწული თუ მამიდაშვილი, პაპიდაშვილი თუ ნათლიიშვილი. ახ, ლეკო, ლეკო!.. რა კარგად აუხსნიდა, ჯერ წინასწარა, მერე ასეცა, გრძელ მაგიდას რო შემოუსხდნენ: თავში რო ზის, ოჯახის უფროსიაო (თუმცა ამას თვითონაც მიხვდა ან რა დიდი მიხვედრა უნდოდა, თავში დაჯდა, იმის დაჯდომას ელოდნენ, მერელა ჩამოსხდნენ დანარჩენნი), მარჯვნივ რო შემოუსხდნენ, ძმები არიანო, მარცხნივ ძმისწულებიო. მარცხნივ ძმისწულებმა ანუ პირველყოვლისა პირველდამხედურმა ჯერ ეს დასვა, ოჯახის უფროსს მიუსვა ახლოსა. სიფიცხით გამოირჩეოდა ოჯახის უფროსი, ზომიერი, ოლონდ შესამჩნევი სიფიცხითა, იმაზეც ეტყობოდა, ჯამში რო იფშხვნიდა პურსა, იმაზეცა, მეუღლეს რო ანიშნებდა, რა ნელა არიგებ კერძსაო, – ნელა არ არიგებდა, ამას ნელა ეჩვენებოდა, იმაზეცა, ჭიქას რო ასწევდა, მოკლედ იტყოდა სადღეგრძელოსა, ძალიან მოკლედ, არც არავის აცდიდა

თქმასა. ჭიქა პატარა ედგა, წელში გამოყვანილი, თითებს შემოავლებდა ვინრო წელზედა, სხვებსაც უნდა წაეტანებინათ ხელი თავიანთი ჭიქისთვისა, უხმოდა ხდებოდა, უბრძანებლოდა, თავისთავადა, ლუკმას რო დასჭირდებოდა ერთი ყლუპი გადასაცურებლად. ასე მოთავდებოდა სამხარი, ვაშხამიცა. სიმთვრალე რა სათქმელია, ოდნავადაც არ აილენებოდა არც ერთი, ზომას არ გადავიდოდა ოჯახის უფროსი, არც არავინ გადაუსწრებდა; ყველაფერში ზომიერებდა ოჯახის უფროსი, შრომაში ზომა აღარ იცოდა, შრომა ექცია ღმერთადა და სასწაულადა და ნათესავთაგან, ვისაც შრომა ეზარებოდა, ვერც მიბედავდა იქ მისვლასა, შრომის დროს ვერა, დღესასწაულებს თუ იხელთებდა, მაშინაც ვერ გადარჩებოდა უსაყვედუროდა.

სასაყვედუროსა თუ უამურობის დახსომება არა სჩვეოდა, მაგრამ გაახსენებდნენ ხოლმე, გაახსენებდნენ და ისიც ამოაფრქვევდა იმავე წუთსა, ერთს ამოაფრქვევდა უბოროტოდა, უგანზრახვოდა, გადაივინყებდა მაშინვე, მაინც შეახსენებდნენ საჭიროებისამებრა, ეს საჭიროება თუ რალაც სხვა რამა, ზნე თუ ხასიათი ძმასა სჩვეოდა, მომდევნო ძმასა, მარჯვენა მხრით პირველი რო უჯდა, გამოიცქირებოდა თავჩალუნული, ჩაფიქრებული, ჩაეჭვებული: ე ვინ მოსულა, რა ემღერება, ან მართლა ემღერება თუ არაო. იმასაც ევლო, ევლო უფრო საქმიან გზაზედა, ცდილობდა, ფეხი მოეკიდებინა ნავთის წარმოებაში, ვერ მოეკიდებინა, ცდილობდა, შავი ქვის მრეწველობაში მაინც ჩამდგარიყო, ვერ ჩამდგარიყო, ხე-ტყის მრეწველობაშიც გასცურებოდა ბედი, ვერაფერი ამოეგო, მხოლოდ ეზარალა, ვალით დაბრუნებული-

ყო შინა, ბალები გაეშენებინა, თავისი დრო ჰქონდა ბალის მოსავალსა, ვალი და ვახში არ აცდიდა, მზითვიანი ქალი შეერთო, ვალი და ვახში გაესტუმრებინა, დაჰგურგურებდა ისევ ბალებსა, ხილის იმედილა ჰქონდა მრენველობაში გახუნებულსა. ძმა ჰპირდებოდა, საკონსერვო ქარხანას მოგიწყობო, რამდენიმე წლის წინათ ჰპირდებოდა, ახლა პირში წყალი დაეგუბებინა: ხელს აგვალებინებენ ამ ბალებზედა და ნეტავი როდისაო, დღესა თუ ხვალაო.

გულში გაივლებდა ხოლმე; თვალეზზე მაინც შეეცყობოდა, თვალეზითვე გაეპასუხებოდა ხოლმე მომდევნო ძმაი: დღედღევანდელა გადაიხარა, ვნახოთ, ხვალა რას მოგვიტანსო. ბედს ისიც გაეგდო სახლიდანა, ცხრაას ცხრამდე იატაკქვეშ იყო, ცხრაასცხრაში ბორკილი დაადეს და კატორლაში იჯდა კარგახანსა, და რო გამოეხსნა, არც აქეთ მოუხედნია, არც იქითა, აღარც ძველი თანამებრძოლები მოუკითხავს, აღარც ახლებს აჰყოლია, პეტროგრაღისაკენ რო ეწეოდნენ, ხელი აიქნია და ნატბისს მიაშურა; მიაშურა ნატბისსა და გუთანს მოეკიდა, გუთანი ეჭირა ადრე გაზაფხულიდან გვიან შემოდგომამდისა, მაშინაც გუთანი გამოეშვა საშუადღეოდა, სასამხროდ მოსულიყო თავის მეხრეებიანადა. მეხრეები იმისი ანუ იმათი დისწულები გახლდნენ, საარდადეგოდ ჩამოსული ახალგაზრდები, ცოცხალი, ხალისიანი, თვალეზკრიალა ახალგაზრდები. ისინი ბოლოს ისხდნენ, მეკალოეთა ბოლოსა. სტუმარს თვალი იქამდისაც მიუწვდებოდა, მაგრამ ისინი ისევ ერეოდნენ თვალში, სჯობდა, ისევ მახლობლებს მიჰბრუნებოდა: გვერდით მჯდომს ჰო იცნობდა, – იცნობდა რომელია, ყველაზე მახლობლად დაეგულე-

ბინა, იმას მომდევნო ძმა ამოსჯდომოდა, მოხდენილი ვაჟკაცი, უებრო მოცეკვავე, უებრო და სნორუპოვარი, გამოსაჩენი და გამოჩენილი ყველა ნადიმზე, ყველა მეჯლისზე, გაქცეული თუ განდევნილი მთავრობა რო მართავდა განსაკუთრებული ზეიმებისა თუ უცხოელებთან პოლიტიკური ან სავაჭრო-ეკონომიკური გარიგებების აღსანიშნავადა; საქმიან დროს, მარჯვენა ხელი გვარდიელთა უფროსისა, თუმცა გარეგნულად არ ეჭირა მაღალი თანამდებობა, მაინც ყველა იცნობდა, ყველამ იცოდა მაშინაცა, მერეცა, რა ვუყოთ, თუ დაეგდო ფორმა გვარდიელი ოფიცრისა, ხნულში ჩამდგარიყო, ხნულსა რწყავდა, თესვა უნდა დანყებულიყო. იმას რო ძმა მოჰყვებოდა, ტყვედ ჩავარდნილიყო გერმანია-რუსეთის ომში, მერე ეგვიპტეში მოხვედრილიყო, მერე ალჟირში, საქმე აენყო, ნელში გამართულიყო, მაგრამ იქ მაინც ვერ დაფუძნებულყო, სამშობლოს სევდას დაერია ხელი, სხვები რო გარბოდნენ, ის მაშინ დაბრუნებულიყო, მერე აღარც აქ უნდოდა, აღარც იქით ენეოდა გული, შრომაც მობეზრებოდა, ეზარებოდა, ნელი სწყდებოდა, გული მოსდიოდა, უფროსი ბიძა რო არ ასვენებდა და ველარც გაეგო, რა წყალს მისცემოდა, თუ მუშაობასაც არ დააძალებდნენ.

მინას მიჰქონდა დარდი, მინა იტევდა ყველა ფიქრსა, ურვასა, ვაებასა. მინა აცხრობდა ყველა მღელვარებასა, შმაგ ვნებებსა, ვნებებსა აღმრევთა ცხოვრებისა, მინის აღრევა აღარ შეეძლოთ. სიმშვიდე ამოდიოდა მინიდანა, ნატბისის მინიდანა, ამიტომ თუ შემოკრებილიყვნენ, შემოკრებილიყვნენ და არ იცოდნენ, თუ რა ელოდათ. ეგება აქედანაც უნდა აყრილიყვნენ, როგორც აჰყარეს საერისთაოდანა, ერისთაობა

გამოსწირეს, დაარბიეს, დასთხარეს თვალნი, ასჩეხეს, ვისი აჩეხვაც შესძლეს, ვინც გამოასწრო, გადმოვლო ლიხი, იტრიას შეეკედლა სახლისკაცებსა, ვერც იქ იდგომილა, ვერ იდგომილა უმამულოდა, ნატბისს დაიუფლა მცირე მამული, იღვანა, ინარმოა, ითავშიცემა, ამოიგო მთელი ნატბისი, ამოიგო და დაჰკარგა, აგერ ეჰაა, სულ ცოტა ხანია, რაც დაჰკარგა, ჩამოართვეს, დასჭრეს, დაუნანილეს სოფელსა, ამათაც არგუნეს სულადობის მიხედვითა, ჩამოართვეს და მერე არგუნეს, თანაც ბევრადაც მოსჩანდა, რადგან ერთად იყვნენ ძმები, ძმისწულეები, კვლავ ერთ ოჯახად ეჭირათ თავი, ბევრივით მოსჩანდა ერთად მოყრილი ცოტ-ცოტაობითა. სოფელიც თუ ერთად იქნებოდა, ერთად თუ არა, ორად თუ იქნებოდა? უბრალოდ როდი ითქმის, ორი ყმალა მოჰყოლოდათ ნატბისში, იმ ორთაგან წარმომდგარიყო სოფელი, ორთაგან სოფელი წარმომდგარიყო, გამრავლებულიყო, ამათ ვერ ემრავლათ, მოსდევდათ ბედი, ბედი მყივარი, შინ არ აყენებდათ ბედი მყივარი და ვის საით აჰგებოდა ანდერძი, ვის საითა. ამათ მოელნიათ შინა, შინ მოეტანათ სული, სული მღელვარი, სული მომლოდინე, მინას ჩასცქეროდნენ, მშვიდ მინასა და მინის სიმშვიდით იცხრობდნენ სიმწვავესა მოლოდინისა.

ვინ აუხსნიდა, ეგება ლეკოსაც არ გაეგებოდა ამდენი.

ამან მხოლოდ ის მოახერხა, სახელები მაინც გაიგო, ისიც დიდი გაჭირვებითა, იმის მიხედვითა, ვის როგორ უხმობდნენ, მაგრამ ერთად ისხდნენ, ერთმანეთს შეჰყურებდნენ, იშვიათად თუ წამოსცდენოდათ სახელი, მაინც გამოადგა იშვიათად წამოსცდენილი, დაისწავლა, დაიზეპირა: უფროს ბიძას დავითი

რქმეოდა, მომდევნოებსა – კახაბერი, დიმიტრი, ძმისნულთაგან უფროსს, პირველშემხვედურსა, როსტომი, მომდევნოებს, – გიორგი, ბაქარი. სხვათა სახელებიც მოესმოდა, არ გასდევნებია, არ ამერიოსო, ის სხვანი არც იყვნენ მარაქაში გასარეენი, ისამხრეს თუ არა, აიშალნენ, იქით გავიდნენ, ჩახრიალასაკენა, შეეფარნენ ტირიფებსა, ტირიფებით გადაიჩრდილეს. აქ სუფრა აალაგეს, ესენი არ ამდგარან, ისევ დარჩნენ, ჩამდუმარდნენ, ფიქრმა წაილო...

XVII

ეს იყო მძიმე საფიქრალი, მძიმე საგონებელი... ხვნა-თესვის გარდა რო არაფერი ენალვლათ, მაინც დაუმძიმდებოდათ, ისეთი წელიწადი დამდგარიყო. უამი. უამი დამდგარიყო. უამი. უამი.

– ჰო, – თავი აილო დავითმა, – გაჭირვება გველის...

– თუ გახსენი ბელლები და სოფელს დაურიგე... – ნიშნი მოუგო კახაბერმა.

– ჰო, – დაუდასტურა დავითმა, დაუდასტურა თუ ეურჩა: – მაშ რას იზამ?..

– სოფელს ვერ გააძღობ... ვერა, ვერა... ვერ გასწვდები...

– ერთი ჯერიც დიდი რამაა.

– სოფელს ვერ შემოსამ.

– ერთი ფლასიც დიდი რამაა.

– სოფელს ვერ მოიმადლიერებ.

– ერთის მადლობაც დიდი რამაა.

– ჭიან კაკლადაც არა ღირს.

- ღირს.
- ღირდეს, რა ბედენაა?!
- ვერაფერი ბედენაა. - დაანია ბაქარმა.
- სოფელს თუ შიან, შენ მაინც ვერ გაახურებ
თონესა. - დავითმა თქვა.
- ვისი შრომისა იქნება, რო?! - ჩაიბუზღუნა კა-
ხაბერმა.
- არავინ იკითხავს, როცა შიან...
- ბარემ კალოდან დავარიგოთ, ბელლებში რაღას
ვეზიდებით?! - ბუზღუნითვე გამოსთქვა ბაქარმა.
- უნდა ვიცოდეთ, რამდენი გვექნება, რამდენ-
ხანს გავწვდებით სოფელსა.
- სოფელს ვერ გასწვდები.
- ერთი გოჯიც დიდი რამაა.
- ილაჯს თუ გაგინყვეტს ეგ ერთი გოჯი?!
- სოფელი აღარ გაგვწყვეტს...
- კარგი ნუგეშია მე და ჩემმა ღმერთმა... - ბა-
ქარმა ჩაიციხა.
- კარგი ნუგეშია, - გამოეხმაურა დავითი ოღნავ
ამოოხვრითა, - ამ აღრეულ ნუთისოფელში.
- რა დაალაგებს?! - ბაქარმა იკითხა.
- გაჭირვება, - კბილებში გამოსცრა კახაბერმა,
- სიმშილი, სიტყვულე, უსახლკარობა მაინც ვერა
და...
- ბუნაგებიდან გამოსულა ადამიანი...
- ველარ დააბრუნებ, - დავითმა თქვა, - ჩარხი
მხოლოდ წაღმა ბრუნავს.
- მიუგდე წყალი და უკუღმაც გადაბრუნდება.
- აბა მიუგდე?! - ჩაიციხა დავითმა.
- განგება მიუგდებს...
- და ვინ განაგებს?

– ვინც განაგებს... – პირდაპირ პასუხს მოერიდა ბაქარი.

სხვები არ ჩარეულან, რალაცას მისჩერებოდა დიმიტრი, წამნამსაც არ ახამხამებდა ან არც არაფერს მისჩერებოდა, ეგრე გამოჩერებულიყო და ვინ იცის, არც ესმოდა, არც გაეგებოდა ნალაპარაკევი; როსტომი დაჰყურებდა თავის ხელებსა, თითქოს ის-ისაა აღმოეჩინოს, თითქოს გაკვირვებულიყოს, ბიჭოს, ეს რა მქონიაო; გიორგი ღიღინებდა თავისთვისა, ხმადაბლადა ღიღინებდა, გადადიოდა და გადმოდიოდა, ერთმანეთში ურევდა შინაურულსა, უცხოურსა, ხალხურსა, კლასიკურსა, წამოსტვენაც უნდოდა, ოღონდ ერიდებოდა, კახაბერს მოსდიოდა გული, სტვენას რო გაიგონებდა, უხათრებდა, ადვილად დაიოკებდა ამ ნდომასა, გავიდოდა მინდვრადა, ხნულში ჩადგებოდა, უსტვენდა და უსტვენდა ტუჩების გადმობრუნებამდისა, ახლა ღიღინიც ეკმარებოდა. ღიღინსაც დაუშლიდა კახაბერი, ჯერ არა, მერე დიმიტრისაც შეუწყრებოდა, რას მიშტერებიხარო, როსტომს შეუბღვერდა, რაო, რა კარაბადინს ჩასჩერებიხარო, არაფერი გამოეპარებოდა იმის თვალსა, შეუნიშნავად არ დასტოვებდა, თუ თვითონ არა, დავითს მაინც ათქმევინებდა, შეუჩიჩხვირებდა, ასტეხდა, გააფიცხებდა; ჯერ არა, ჯერ არ გაბრაზებულიყო კახაბერი, ეღიღინა გიორგისა, ოღონდ არ წამოესტვინა, ეღიღინა ისე უთავბოლოდა.

– ვინც განაგებს, ასე განაგებს, – დააბეჯითა დავითმა, – ჯერ ფულის რეფორმამ დასნია ხალხი უკანა, ახლა მოუსავლიანობამა, ძალადობაც თავისას სჩადის, აღივსება სანყაული და...

– აღივსოს, – გამოამტვრია კახაბერმა, – რალად უნდა დაურიგო?!

– უნდა დაურიგო... რაც რო მოჰხდება, ჩვენ გადაგვხდება...

– ნატბევის მინებზედაც მიინევს სოფელი!.. – როსტომმა.

– მაგასაც დაურიგებ?!..

– ერთ ნუთსაც არ შევყოყმანდები...

– მაშ ბარემ ავიყაროთ... ან რაილა ვხნათ ან რაილა ვთესოთ ან რაილა ვჭამოთ... ან რაილა დაურიგოთ ვინმესა, რახან ეგაა და გადამდგარხართ განანილებაზედა!

– კოლმეურნეობაზედაო... მაგისი თქმა გინდა?..

– განა ეგ არ არის, სოფელს რო ელოდება!.. ამათ ხელშია!..

– ეგ არის და მაგითი გამოიჭრის ყელსა... სოფელი...

– ჯერ ჩვენ გამოგვჭრის... ჯერ ჩვენ მოგვისიეს და ბრმად მიაქანებენ უფსკრულისაკენ. სოფელსა...

– სოფელს ვერ დააბრმავებ!..

– სოფელი ღონიერია თუ კაცი გონიერიაო.

– აღარც კაცია გონიერი, აღარც სოფელი ღონიერი!..

– გონთ თუ მოვიკრებთ და სოფელს შევეწვევით...

– სოფელს ვერ გააძღობ, ვერა, ვერა, უმადურია სოფელი, აღუვსებელია სანყაული ნუთისოფლისა, აღუვსებელი!..

– მაინც სანყაულს უნდა უბეჯითო!..

დიმიტრის გადაჰხედა კახაბერმა, შენცა თქვი, ჰხედავ, თავისას არ იშლისო, გადაჰხედა, მაგრამ იმან რო აღარ შეაგება თვალი, მწვავედ ამოთქვა კახაბერმა:

– რას მიშტერებიხარ?!

- არაფერსა, - დიმიტრის თვალი არ მოუნყვეტია იმ არაფრისთვისა, - რვა წელიწადს მივჩერებოდი ასე, ჩვეულება რჯულზე უმეტესიაო.

- რითი ველარ გადაეჩვიე?! - განყრა დავითი, - რაც უმაქნისია, ჩვევადაც არ ვარგა.

- არ ვარგა, - დაემონმა დიმიტრი, - მაგრამ არის, ბევრი რამ არ ვარგა და არის.

- აღარ იქნება! - ტუჩები გამობერა კახაბერმა.

- ღმერთმა გისმინოს, - უნდილად დაატანა დიმიტრიმა, - დაე, ღმერთმა განსაჯოს და გადაწყვიტოს, ვინც უნდა გადასწყვიტოს, მე ჩემდათავად მოვათავე.

- მოათავე თუ მოთავედი? - ჩაიციხა დავითმა.

- თუნდ ეგრე იყოს... - უკვე სხვა წერტილი იპოვნა დიმიტრიმა, ან არც არა იპოვნა, თავი მიაბრუნა, ჩაიკარგა იმა მხარესა.

- განდგომა ადვილია, - თქვა დავითმა, - ლაჩართა წესად იმიტომაც არის.

- შენ კატორლა არ გინახია...

- ჰო არა გგონია, თავი დააღწიე?! რა შიგაო და რა გარეთაო... კატორლაში ვართ!..

- დამეხსენი... - მონყვეტითა თქვა დიმიტრიმა, ადგა, გაეცალა.

მოუხმობდა დავითი, დაუყვავებდა, მოუბოდიშებდა, დააშოშმინებდა, დაამშვიდებდა, მაგრამ აბუზლუნდებოდა კახაბერი, აქვე თუ არა, მერე აბუზლუნდებოდა უდროუდროსა, წამოაყვედრებდა, ნიშნს მოუგებდა უდროუდროსა ან მწარე დროსა; უჯობდა, მორეოდა ღმობიერ გულსა, არად ჩაეგდო განაწყენებაი თუ გაოგნებაი, არავინ დაენდო, არავინ გამოერჩია.

– თუ გგონია, ძალიან შემცდარხარ, – ასე მიადევნა დავითმა, – ნურც ნურავის ეგონება, – ეს სხვა მდუმართა გასაგონადა თქვა, – ნურც ნურავინ გამოიღებს თავსა, ეს მინახავსო თუ ის მინახავსო, ყველას რაღაცა უნახავს და ყველა ვერა ნახავდა ყველაფერსა. ყველაფერი არც არის სახარბიელო, ეს მაინც არ არის სახარბიელო ან გვეყოფა და უნდა ავიცილოთ.

– მაშინ დაზოგვა გვმართებს... – გამოედო ისევ კახაბერი.

– უნდა გავცეთ. – თავისას ადგა დავითი, ადვილადაც არ გადავიდოდა, მხარის დამჭერიც არ უჩანდა კახაბერსა, ტუჩებსა ბერავდა, ეშლებოდა განყოფილი უღვაშები:

– დამიჯდა ესეც მგალობელადა... – გამოისროლა გაბერილი ტუჩებიდანა.

– არ გეამებათ?! – უნაღლოდ გაიღიმა გიორგიმა, – არც გასაკვირია, ამ სიცხეში რა უნდა იყოს საამებელი?!

– არც არაფერი, – დაუდასტურა დავითმა, – სასიამოვნოდ არც არავინ გინვეს და თუ შენც გეხება, რასაც ვამბობთ...

– ბრძანეთ, მომინდვია თქვენი ბრძენი გონებისთვისა.

– ხუმრობ ვითომა?!

– არა, რათა?! მომინდვიამეთქი, როგორც გენებოთ, გნებავთ, გაეცით ნებითა, გნებავთ დაიცავით თოფ-იარაღითა, მე ჩემდათავად თუ აქ ვიქენი, გნებავთ, მე თვითონვე ჩამოვურიგებ, გნებავთ, ავისხავ თოფ-იარაღსა, ჩემთვის სულერთია, როგორც ინებებთმეთქი, თუმცა მირჩევნიან, იარაღი მესხას, თუ აქ ვიქენიმეთქი...

– არ დაგიშლია?!

– არა!.. რად დავიშალო, ტლაპოში ვიდგე და ველოდო, როდის მოვლენ ჩემს წასაყვანადა?!

– რად არ გაჰყევი?!

– მეც არ ვიცი... აქაც საჭირო უნდა ვყოფილიყავი...

– საჭირო იქნები...

– როდისღა?!

– განა რა დრო გასულა?!

– ბევრი, წელიწადში სამას სამოცდახუთი დღეა, სასწაულები ერთ დღეში ხდება.

– საუკუნობითა მზადდება...

– ჰა, ჰა, ჰა... გეგონება მათუსალა ვიყო, ცხრაას სამოცდაცხრა წელს ვიცოცხლო. ერთი მოკლე სიცოცხლისა ვარ, ერთი ჯანი მაქვს და თუ არ ჩავხარჯე, ჯავრი შემეჭამს.

– ჩახარჯე.

– როგორა?! ან რას მედავებით, ბიძაჩემებო, თქვენს ყაბულსა ვარ! თუ აქ ვიქნები, ჰო ყაბულსა ვარ, თუ წავალ, ჰო წავალ და ის იქნება.

– დარჩები, – მოსჭრა დავითმა, – ბრუნდებიან...

– და ცვივიან, გზა მოჭრილია... მოჭრილია... ხიდზე არ გახვალ, ბორანზე დაგიჭერენ, ყველგან მახეა დაგებული, ყველაფერი გაცემულია.

– პატიმრის წერილს ენდობი?!

– თვალი თვალსა ჰხედავს, რაღა პეიტარი უნდაო...

– ყველაფერს ვერ დაინახავ.

– რასაც დავინახავ... ყოველშემთხვევაში აგერა ვარ, თუ წავალ, წავალ, თუ არა და, აგერ ვიქნები, – მოსჭრა გიორგიმა, მოსჭრა და აჰყვა კვლავაც ღი-

ლინსა, დაბალ ლილინსა, „თავო ჩემოს“ ხმაზედა. ელილინა, სხვაც წამოეწყო, გაჯიქებულიყო თუნდაცა, წუთისა იქნებოდა გაჯიქებაი იგი, დასთმობდა მალევე, გადაეშვებოდა, საითაც გაუშვერდნენ ხელსა, ოლონდ დარჩენილიყო, ოლონდ არ გადავარდნილიყო უცხოეთში, არ ეთმობოდათ; რაც უნდა იყოს, დაგვიჯერებსო, იმედოვნებდნენ, მხოლოდ როსტომის დაჯერება იყო ძნელი და სწორედ იმისი დაჯერება უნდოდათ ყველაზე მეტადა. თუმცა რადაო, – როსტომი არ იმუქრებოდა წავალო, არც არავის აქეზებდა, არც არაფერში ერეოდა, ხმის ამოღებაც როდი უნდოდა თუ არ ჩააცივდებოდნენ. ის ერთი თქვა და მორჩა. დიდ მარცხსა სცოდნია ასე, გამოუსწორებელ მარცხსა, სიცხესაცა სცოდნია, გამთანგველ სიცხესა, სიმწარე მარცხისა და სიცხე გამთანგველი შენივთებია ერთმანეთსა, შეწვნია, შეხლართვია. იდგა ლული სიცხისა, არ ირხეოდა ფოთოლი, თითქოს ჰაერი გაქვავებულაო ან შუშადა ქცეულა, სქელ, გაუვალ შუშადა. საქონელი ქასქასებდა, მერე ქასქასის თავიც აღარა ჰქონდა, ენა დარჩათ გადმოგდებული, კბილები დაკრეჭილი, ყბები ჩამშრალი. კევრი არ შეიბმოდა, ან რალა კევრი უნდოდა, ეგრევე იხალეობდა ხორბალი, თავთავშივე იხალეობდა. საჩრდილობელშიც ჰო დახალულეები ისხდნენ, მზისა არ უკვირდათ არაფერი, სამდურავს არ ამბობდნენ მზისასა, არც წუთისოფლისა უკვირდათ არაფერი, სამდურავს არ ამბობდნენ წუთისოფლისასა, მხოლოდ სხვანაირი უნდოდათ წუთისოფელი და ეს სხვანაირი როსტომს უნდა სცოდნოდა, ოლონდ ამოქმედებულიყო, ოლონდ გამოელო ხელი. მაგრამ არ იძვროდა, თუ ამბობდა, ამ-

ბობდა სანინაალმდეგოსა, დავითისა და კახაბერის სანინაალმდეგოსა, უფრო კახაბერის სანინაალმდეგოსა, თორემ დავითს ხშირად თუ არა, ხანდახან მაინც ჭკუაში დაუჯდებოდა ხოლმე იმისი ნათქვამი – აი ახლაც რო: არც შეეყოყმანდებიო – თუ ათქმევინებდნენ ცხადია, თუ გამოიყვანდნენ სიცხის ლულიდანა, გონებას რო მოჰკიდებოდა, იმ ლულიდანა.

– უფროსი ძმა ხარ და უფროსობა უნდა გაუნოო, – ასე აბუზლუნდა კახაბერი, – უნდა ურჩიო... ოლონდ ასე არა!..

– მამის ფასი ბიძები თავს ადგეხართ... მე ჩემი წამომცდა... წამომცდა...

– ძმა მაინც ძმაა, ძმა იმითა სჯობს მეგობარსა, ძმაც არის და მეგობარიცაო... წამოცდენაც არარას არგია!..

– ვინ უწყის!.. მეგობარი მეგობარია, მამის ფასი ბიძა სხვა არის.

– რის თქმა გინდა?

– არაფრისა... თუ არ დაგიშლიათ და ამას მოგახსენებთ, ჩვენ ახლა ველარაფერს ვურჩევთ ერთმანეთსა, ოცდაათი წლისაზე ნაკლები ჩვენს შორის აღარავინ არის, ყველა დაგვცადა ცხოვრებამა ან გაგვტყორცნა აქეთ-იქითა, გაგვტყორცნა უხილავ ნაწილაკებადა, ჩაგვაბა რალაც აწყვეტილ სრბოლაში და სადა ვსრბივართ ან რის გარშემო, აღარ გაგვეგება.

– უფრო მკაფიოდ ვილაპარაკოთ, – სახე დაეფშხალა კახაბერსა, დაეფშხალა დაცინვისადა.

– უფრო მკაფიოდ არც გაგვეგება...

– რა არ გაგვეგება?! რო შემოვიდნენ, რო დაგვიპყრეს... არ გაგვეგება?!

– მაგას დიდი გაგება არ უნდა... როგორ ვიხსნათ?!

– სწორედ ესაა ყველაზე ნათელი. – დავითმა შესძახა დარწმუნებითა.

– ყველაზე ბნელი, გაუვალი, უკუნი, გონების თვალი ვერ გასწვდენია ამ უკუნეთსა.

– ბნელი გონება ვერც გასწვდება... – ჩაისისინა კახაბერმა.

– არ აგიხირდები...

– რატომო?! ახირდი!..

– არ ავხირდები... ეგება მართლაც ჩამიბნელდა აზრი.

– რა თავს იკატუნებ? – გაიბუსხა ბაქარი.

– არა... ასე მინდა, მინდა მჯეროდეს, რო ველარაფერსა ვხედავ და აღარც გონება მიჭრის.

– დიადი სურვილები გაგჩენია... – ჩაიცინა დავითმა.

– უმწეობის სურვილები... – დაანია კახაბერმა.

– უმწეობისა...

– ვაჟკაცს არ მართებს ტრაბახი უმწეობითა.

– არც ქადილი შეშვენის.

– განსჯა ბრძნული და მოქმედება ვაჟკაცური, აი რა შეშვენის.

– განსაჯეთ ბრძნულადა, ვაჟკაცობაც ეგება დამიბრუნდეს.

– ბრძნული ახლა ეს არის: შემჭიდროება გვმართებს, ოჯახი თუ დაირღვა, ველარც რას თავს ვარგებთ, ველარცა ერსა; შემჭიდროება გვმართებს, გაქცევაზე არავის უნდა ეჭიროს თვალი, ისედაც რანი ვართ, ვერ გავმრავლდით... ჩვენი წინაპარი ერთი მოვიდა, ორი ყმა მოიყოლა, ორისაგან სოფელია. გაჰხე-

დეთ, რამხელა სოფელია, ჩვენა? სოფელს დავასახლებთ, კიდევაც რო გავიყარნოთ?! ეს უცხოეთში გაქცევის ჟინი რალაა, რას უნდა მოეკიდოთ?! აგორებულნი ქვა ხავსს ვერ მოიღებსო; შემჭიდროება გემართებს და ერთსულოვნება, აი, მთავარი სიბრძნე, დანარჩენი აქედან გამოედინება. – მტკიცედ განაცხადა დავითმა, მორჩა, წინააღმდეგს ველარავინ იტყვისო.

– ეგ ძველი სიბრძნეა, დანარჩენი თქვი, – არ დააყოვნა როსტომმა.

– ძველია და კარგია.

– კარგია... დანარჩენიმეთქი, რა გამოედინება ჩვენი დროის შესაფერისადა?

– ისა, რომა შენი შესაძლებლობის პატრონი არ უნდა სცდებოდეს მეკალოედა, ერს უნდა აფხიზლებდეს, ამზადებდეს. უწინამძღოლოდ ხალხიც არ ვარგა, ხალხიც ფარაა უწინამძღოლოდა.

– და აი გაექცნენ... წინამძღოლები!!! ცხრამთას იქით გადაიკარგნენ...

– აგრე რად იტყვი?! ეს იყო დიდი პოლიტიკური დემარში.

– თუ არავის არაფრად ჩაუგდია?

– როგორ თუ არაფრადა, დიდი საერთაშორისო გამოძახილი ჰქონდა და თუ აქამდის არ უცვნიათ ესენი...

– რო იცნეს? ინგლისმა დაიწყო...

– დაიწყო... – ჩაიგესლა კახაბერმა.

– ეს ჯერ კიდევ დიპლომატიური სვლებია. – დავითმა თქვა მრავალმნიშვნელოვნადა. – ბეცად თუ გაჰხედავ, სხვა გამოდის, ღრმად თუ ჩაუკვირდები, სხვაი.

– იმედია ყველაზე ბეცი, მე უფრო ბეცი სხვა არაფერი გამიგონია, თუ რაიმეს დავუბნევივართ, მხოლოდ იმედსა. გაიხედეთ აბა უკანა, დავლუპულვართ

იმედითა, სხვის იმედითა, რილაცის იმედითა, მაინც არ ვეშვებით ამ უბადრუკ იმედსა, ამ ბეცსა და გაუტანელსა. რალა შორს ნავიდეთ, აგერ არ იყო კანის კონფერენციის იმედები, იმედები გენუისა, კათალიკოსმაც რო გადასდო თავი... მერე რაო... იმედები ჰააგისა, ლოზანისა, რა ქმნილა ის იმედები, რა ყოფილა ის იმედები?.. ამაოება ამაოებათა, მარტოდენ ამაოება, მეტი არაფერი, მისხალისოდენად არაფერი. ახლა აგერ ლონდონის კონფერენცია...

– ჯერ არ დამთავრებულა. – შეახსენა დავითმა.

– ჰა, ჰა, ჰა... მაინც იმედს ჩამოვეკიდოთ, ნიკაპით ჩამოვეკონნიალოთ იმედის ჩანგალზედა, გაუძლებ? გაუძლებთ? თქვენ იცით... მაგრამ ნუ გავინყდება, დამთავრდა კანის კონფერენცია, აღარც ახსოვთ, ჩვენ არც მაშინ გავხსენებოვართ. ევროპის ეკონომიკური მოწესრიგება იყო იმათი მიზანი, მეტი არაფერი, არაფერი მეტი.

– ეკონომიკაა ყველაფრის საფუძველი; საფუძველი საფუძველთა ყველაფრისამეთქი და, ცხადია, სახელმწიფოებრივი მოწესრიგებისაცა. ევროპის ეკონომიკაში ჩვენი წვლილი საეჭველი არ არის.

– მაშინაც ასე ირწმუნებოდით, გენუაში გამოაშკარავდებო. კათალიკოსმა წერილიც რო აახლა, ჰო არც გაიტანეს კონფერენციაზე. კონფერენციის წინ გენუის გაზეთებში გამოაქვეყნეს და ამით მოიცილეს თავიდანა ჩვენი წვლილიცა და ჩვენი ფართიფურთიცა, სხვა იყო სანალვლებელი, სხვა ჭია ღრღნიდათ და კიდევაც გამოსთქვა ლოიდ ჯორჯმა კონფერენციის დახურვის წინა, გახსოვთ: შინ რო დავბრუნდები, ორი მილიონი უმუშევარი შემეკითხება, თუ რა გავაკეთე მე იმათთვისაო, გახსოვთ თუ

არა? თუ არ გინდათ გაიხსენოთ, რადგან ჩაგინყდებათ ეგ უბადრუკი იმედის ჩანგალი, ჩამონყდეს, რად გინდათ, რად უნდა ეკონნიალოთ და იფართხალოთ, რადა? არ ვიცი!..

– შედარებები პოეტებს დაუთმე, – გაჰკილა დავითმა, – ისინი იმედს უკეთესად გამოსახავენ. და რახან გახსენება ინებე, ისიც გაიხსენე, ბარტუმ რო განაცხადა: პარიზს რო მივბრუნდები, რუსულ ფასეულობათა მილიონობით მფლობელი მომკითხავს, თუ რა გავაკეთე მე იმათთვისო. ამას ჩაუკვირდი! იმ მომკითხავთაგან ძალიან ბევრი ჩვენი არის დაინტერესებული.

– ვიცი... მომეხსენება, დიდი ერებისათვის მხოლოდ ფასეულობა ვართ, ვთქვათ, მალარო ვართ მარგანეცისა და ჩვენი ღირსება, ჩვენი კულტურა, სულიერი ავლადიდებაი ჩვენი, ჩვენი წარსული თუ მომავალი, მხოლოდ იმადა ფასობს, რაცა ღირს ჩვენი მარგანეცი საერთაშორისო ბაზრებზედა.

– კარგი გვარიანი ფასი აქვს, ყურადღებას იპყრობს და ჩვენც ყურადღება გვინდა, მეტი არაფერი, საერთაშორისო ყურადღება გვინდა, რითი მივიპყრობთ, რა ბედენაა, ოღონდ მივიპყროთ და გამოვიყენოთ.

– ვერ მივიპყარით... ლოზანის იმედმაც ჩაგვიარა, ჯანდაბას, დამითმია შედარებები პოეტებისათვისა, მაგრამ ჰო ჩაგვიარა იმა იმედმა? რა მლელვარება იყო, საქართველოს მიიწვევენო, აი, ნახეთ, მიიწვევენო... მერე და, რაო?! ჰმ! გაგახსენოთ? კომედიია!.. რის დემარშიო, რა დემარშიო, ვილას მიაჩნია მთავრობადა თუ სახელმწიფოს წარმომადგენლადა მოყუჩებულნი სადლაც ლევილშია?!. ჯერ ფარატინა

ქალაღდი რა არის და იქიდანაც თუ ამოგფხიკეს, ჭიან კაკლადაც აღარა ჰღირს იმეღი. ჰმ, იმეღი, ვისი იმეღი, იმეღი რისა?! ლონღონის კონფერენციისა, ჯერ რო არ დამთავრებულაო? ჰმ! მაკღონალღმა უკვე განაცხადა, ინგღისის მთავრობა სცნობს რუსეთის უფღებებს ამიერკავკასიის ქვეყნებზე, მათ შორის საქართველოზეო, განაცხადა თუ არა?

– იმას ვინა ჰკითხავს?!

– ახღა ვინა ჰკითხავს... აღბათა ჰკითხეს, არ მოეშვნენ... იმეღითა, ვაგღახ იმეღითა.

– მაკღონალღი რეგვენია. – უყოყმანოდ განაცხადა კახაბერმა.

– იყოს, თანაც გადაყოღია, იღარღოს იმისმა ერმა, თუ ბრძენია და იმათვე უხაროდეთ... ჩვენ ეს ლახვარი ჩაგვცა, ის არ იქნებოდა, სხვა ჩაგვცემღა, ლახვარი თუ არის, მომხმარებელიც გამოუჩნღებღა. კიღევ სხვა ამოინღვის იმა ლახვარსა, სხვა ნურაფრის იმეღი გექნებათ, არავისა სცხელღა ჩვენთვისღა, არავინ გაირჯება ჩვენს სასიკეთოღა. მიწა გამოგვცღღია ფეხქვეშღა, წონასწორობღა დაგვიკარგავს და დავქანქარებთ... დეღამინაზე აღარც გვიღგია ფეხი, რომელიღაც ასტეროიღზე მოვხვეღრიღვართ, საკმარისიღა, ერთი ღრმად რო ამოვისუნთქოთ, მოვწყღებოთ და ჩავიკარგებოთ უსასრუღობღაში... ჰო... რომელიმე ასტეროიღი გამახსენეთ, ყმანვიღებო!..

– ჰერმესი... – გამოსძახეს ყმანვიღებმა.

– ჰო... ჰერმესი... საქართველო ჰერმესად გვექცა... – ასე მოსჭრა და ხეღები აიფარღა სახეზე. ოფღი მოსღებოღა შუბღზე, თმის ძირებზე, თითებზე ჩამოეღინღა ოფღი. საკინძეც გაეხსნღა და მოუჩანღღა ოფღიანი გუღი. აღიოღღა აღმური, ჰაერი ენთო, ჰაერი ინ-

ვოდა, ლაპლაპებდა, გაგანია გაუდიოდა. რის საჩრდილობელიო, რა საჩრდილობელიო, როცა ვარვარებდა ყველაფერი. ყმანვილები ინუნებოდნენ ჩახხრიალასთანა, ინუნებოდნენ და სულს მოითქვამდნენ.

XVIII

ამათ უფრო და უფრო უგუბდებოდათ სული, სიტყვაცა ვარვარებდა, ხურდა, გაგანია გაუდიოდა.

– რეებსა ჩმახავ?! – შეჰყვირა კახაბერმა, შეჰყვირა სულშეგუბებულივითა რალა თქმა უნდა.

– მოიცა!.. – ხელი ასწია დავითმა, – ვთქვათ, მართალსაც ამბობ, რა მოხელეა მერე ეს სიმართლე, ვის გამოადგება?! თავკერდა და თავნება ადამიანი არა ხარ, მაგრამ ესეცა ვთქვათ, ვითომ თავკერდა ხარ, ვითომ შენ რას გარგია?! შენ არას გარგია, ჩვენ არ გვარგია, ქვეყანას არას არგია, რა მოხელეა ასეთი ფიქრები თუ განსჯანი?! არაფერი, არას მაქნისია და გამოვიბერტყოთ თავი, მე ვარ თუ შენა ხარ, თუ ვინმეა კიდევ შენი ამყოლი, უნდა გამოვიბერტყოთ, გავიმხნოთ თავი, სახსარი ვეძებოთ; რაც უნდა მისჭირდეს, ერთი მაინც უნდა გვახსოვდეს, ყველაფერს თავისი სახსარი აქვს, ოღონდ მიუდგე, გადაუხსნელი არაფერი დაგრჩება. ასე უნდა განსჯიდე, იმ სახსარს უნდა ეძიებდე თავგადაკლული, იმედი არ მოგწონს, მაგრამ არ უნდა ჰკარგავდე იმედსა, რო იპოვნი, მიაგნებ, შენსას გაიტან. ისე ცხოვრება ამაოებია. სიმშვიდე თუ გვიდგას, კიდევ ჰო... ხოლო ახლა განდგომია, ღალატია, მოღალატეს არავინ გაიკითხავს.

სუნთქვა აუჩქარდა კახაბერსა, ნათქვამი თუ მონონა, სიცხისას ნულარას ვიტყვი, სიცხეს თავისი გაჰქონდა ცხადია და ცხადზეც უცხადესია. ოფლი ჩაუშრა როსტომსა, თითქოს სუნთქვაც გაეკმეიდაო, ოღონდ ხელები მოიცილა სახიდანა და რახან ხელები მოიცილა, დაიძროდა ბაგეცა:

– ლალატი ბევრგვარია, – ბაგეც დაიძროდაო და დაიძრა, – ზოგჯერ თავგამოდებაც ლალატია, თუ ჰლუპავ, ყველაფერი ლალატია. სახსარის იგავი რას გიშველის, თუ ვერ მიგიგნია სახსარი, თუ ვერ მიგიგნია და ვერც მიაგნებ. სახსარის იმედი რას გიშველის, როცა ყველა გზა მოჭრილია, შინაურიც მოჭრილია, გარეულიცა, შინ ჩაგდგომიან და რამაც არ უნდა აგაღელვოს, დაგამშვიდებენ. პატარა ჯგუფები, ტყედ რო გასულან, ერთად ვერ მოიყრიან თავსა; თავი რო მოიყარონ, ლაშქარი უნდა გადმოსხდეს ან განლაგდეს საზღვართანა, ლაშქარი კბილებამდის შეიარაღებული, უზრუნველყოფილი, იარაღითა, ფულითა ძლიერთა დახმარებითა, სად არის მერე ეს ლაშქარი, ეს დახმარებაი, ვთქვათ, აქაც რო აგყვნენ, შეიარაღო, შემოსო, გააძლო, სად არისმეთქი?! ჩვენ მხოლოდ მთავრობა გაგვექცა ჯალაბობითა, ლაშქარი არ გამოვა იმა ჯალაბთაგანა. რუსეთმა არმიები გაიყვანა, ველარ შემობრუნებულა ის არმიები, ვერ შეიარაღებულა, ვერ შემოსილა, ვერ გამაძლარა და ვერ შემობრუნებულა. ევროპა თვითონვე ლაფავს სულსა, არავის შემოსვა და გაძლომა იმას არ შეუძლიან, ევროპა თვითონ ეძიებს გამოსავალსა და ისე დაბნეულა, რო დაკმაყოფილდება, მეფის ვალებისაგან თუნდაც ნაწილს თუ დაუბრუნებენ. რად გინდა იგავი სახსარისა, რად გინდა გაბუნდოვანება, აი, სახსა-

რი, ნათელი, აშკარა, კანთიელი, ვის რას არგია ასეთი სახსარი! ვის გამოადგება ასეთი თავგამოდება! არც არავისა. ლალატი ესაა, ბრმა თავგამოდებაა ლალატი და როგორცა ბრძანებ, როგორც გაგვიგონია, მოლალატეს არავინ გაიკითხავსო.

– ლალატი ეძიე შენში...

– მისხალისოდენადაც არა...

– მისხალზე მეტია და იზრდება თუ არ ამოქმედდება, ახლა განდგომაა ლალატი.

– ახლა თავგამოდებაა ლალატი, მოგახსენეთ...

– ეფრეიტორის სტრატეგია, ჰმ!..

– უმჯობესი თავგზააბნეულ გენერლისაზე...

– რაც უნდა იყოს, – გიორგიც ჩაერია, – ევროპა მაინც ევროპაა, აგრე რად გადაგინურია იმედი?!

– მე რომ გაქცეული კურდღელი მინახავს, ღმერთმა იმისი ხორცი ნუ მაჭამოსო. – გიორგის მიუბრუნდა როსტომი.

ისევ წაიღლინა გიორგიმა, თითქოს არც არაფერი ეთქვას, თითქოს იმას არ შეხებოდეს პასუხი, ღიღინისთვისაც აღარ ეყო სული, წამოიჭრა თუ რაღაცამ წამოაგდო, – შიშმა წამოაგდო, ემანდ მართლა ჰო არ ამომქარდა სულიო, მიაგდო ჩახრიალასთანა. გაქცევათ ჩაუთვალა დავითმა. კახაბერმა ქეშად გაჰხედა, მერე ბაქარს დაადგა, თვალი, აბა ჰა, შენ როდისლა წამოვარდებიო. კახაბერმა თვალი დაადგა, შეუტია დავითმა:

– თუ წამოიწყებ, უნდა გქონდეს სათქმელიცა, ნათქვამის უკან კიდევ რაიმე უნდა მოგდევდეს, ისე რა არის, ისე სიტყვა სიტყვაც არ არის, ზმუილია.

– მე თუ ვიტყვი, კიდევაც მოვადევნებ...

– აბა, შენ იცი! – წააქეზა დავითმა.

– თქვი! – უბრძანა კახაბერმა.

– მე აღარსად წამსვლელი აღარა ვარ, – მუშტები შეაქანა ბაქარმა, – მეყო წონიალი, აღარსად წამსვლელი აღარა ვარ, არც აქ დავანებებ არავის არაფერსა.

– რალა გაგაჩნია! – ჩაიდუდუნა როსტომმა. – მი-
აქვთ ნატბევის მინებიცა. იქ დავიწყებთ კომუნა-
საო... კომუნასაო...

– დააცადე, თქვას!

– ვთქვი და ეგ იყო...

– რალა გაგაჩნია მეთქი...

– რაც გამაჩნია.

– ჯანი... ყველა მოიდნობს შენსა ჯანსა, ქვეყნად არ იქნება ისეთი ხელისუფლება, უშრომელად ლუკმა მოგიგდოს, არცა ყოფილა, არც იქნება... ესენი მაინც ერთბაშად დაგადნობენ...

ბაქარმა დააყოვნა შეპასუხებაი, ან აღარც უნდოდა თქმაი რაიმესი.

– უთხარი! – ჩააცივდა კახაბერი.

– ეგაა, თუ ვიტყვი, კიდევაც მოვადევნებო?! – გაჰკენწლა დავითმა.

– ეგაა, არავის არაფერს დავუთმობ მეთქი და თუ წამართმევენ, მოსადევნებელიც მაშინ გამოჩნდება.

– კარგი სიტყვაა... – მონონება არჩია კახაბერმა.

– მუქარა უმნეობისა... – არ დაინდო როსტომმა.

– ისეთს დავიმუქრები, ჯერ რო არსად გაგონილი-
ყოს, დავიმუქრები და სასაცილოდ გავიხდი საქმესა.
ქადილი შეჰფერის შემძლებელსა...

– ძალაც შემწევს...

– იყურე, ძმაო! შენ იმ წლებში აქ არ იყავი... შენ არ განგივდია არცა სიტკბოი, არცა სიმწარეი იმა

მოკლე დროისა, სიტკბო დაკარგული დამოუკიდებლობის აღდგენისა და სიმწარე აღრეულობისა. ო, რა სიმწარე იყო! ამოვიგეთ დაკარგული სახელმწიფო და აგვიტყდა დავა, ასე არ ივარგებს, ისევ ერთად უნდა ვიყოთო, ისევ იმათთანაო, ისევ იმათთანა, ვინც მოგვიდნო და ვინც მოგვინელა. სხვანაირადაც არ იქნებოდა, ხელისუფლებას სათავეში ჟურნალისტები მოექცნენ, არა სტრატეგები, არა ეკონომისტები, არა უმტკიცესი ნებისყოფისანი, არა! ჟურნალისტები, რეპორტიორები, მთელი ცხოვრება კოსმოპოლიტიური აზრების ქადაგებას რო შეაღიეს, ისინი მოექცნენ. უცებ გამოუტყვერათ სახელმწიფო, ერი აღიმართა და შეეშინდათ აღმართული ერისა, გონება აერიათ, აეთქვიფათ ერისა და კოსმოპოლიტიებისა, აეთქვიფათ და აებურდათ. ასეც იქნებოდა, ჩოჩხათის სასაფლაოზე მოგროვებულნი ვერ ნაუძღვებოდნენ ერსა, დასი დაერქმიათ, რაც უნდა დაერქმიათ. მხოლოდ ილიას თაობა უთავებდა ამოგებულ სახელმწიფოსა, ილიას თაობას არ აეთქვიფებოდა კოსმოპოლიტიური და ეროვნული, ილიას თაობა გაიყვანდა ერსა, კვლავაც გაიყვანდა საერთაშორისო ცხოვრების დიდ არენაზედა... ილია მოჰკლეს და აირია ყველაფერი. იმიტომაც მოჰკლეს, რო არეულიყო. ბედი მოგვანყდა და ალლო ვერ ავართვით, ალლო ვერ ავართვით და საბედისწეროდ გადაგვექცა. ასეთი ბედი იშვიათად მოევლინება პატარა ერსა ან აღარც მოევლინება. სახელმწიფოს მართვის დიდი ტრადიციები თუ დაგიკარგავს, ვერ შეინარჩუნებ ბედსა, სასწაულს ვერ შეინარჩუნებ... ვილას მისტირით?.. დამკარგავებსა!.. ვილასი იმედი გაქვთ?.. გამწირველებისა! რისი სახსარიო, რომელი სახსარიო, რა სახ-

სარი დაგიტოვეს ისეთი, ბედის წყალობა რო დაიბრუნო! გამოეთხოვე... ფიქრს ნუ იმღვრევთ, ისედაც ცხელა ან ვინ უწყის, ამ სიცხის ბრალიცა...

– შენი აღრეული ლაპარაკი...

– შენი დალაგებული! თუ ისიც სიცხის ბრალია, დალაგებული არ ეთქმის.

– ვისზე როგორა მოქმედებს...

– ჩემზე ასე. – კიდევ მოინურა ოფლი როსტომმა.

– ბოდვასა ჰგავს. – მწვავედ მიატანა დავითმა.

– ბოდვაა! – მოსჭრა კახაბერმა.

– რენეგატებს აწერინებენ და იმას იმეორებ...

– არა ვკითხულობ იმათს ნაწერებსა...

– ლალატი გამოგდის მაინცა.

– ლალატობს მომხრეი. ვინც არ ემხრობა, არ ეთანხმება, მოწინააღმდეგე ჰქვიათ, ქართულად ასე უნდა გამოდიოდეს, სხვა ენებზედაც ასე გახლავთ. არც ვეთანხმებოდი, ვხედავდი, თუ როგორ აკვდებოდათ ხელში რა ტანჯვით, რა სისხლით მონაპოვარი, ვხედავდი და არ ვეთანხმებოდი. ვხედავ, თუ რა ამარა იმათი იმედი და არ ვეთანხმებით. აქ ლალატი არაფერ შუაშია, მოლალატიც არაფერ გამოდის. ხოლო ისინი, გვერდით რო უდგნენ მესაფლავეებადა, ახლა იმათ ბრალმდებლებად თუ მოგგვლინებიან, მხოლოდ ტყავის გადარჩენა უნდათ, მაგრამ გარჯილან ამოდა, ვერც ტყავს გადაირჩენენ და თავსაც შეირცხვენენ შთამომავალთა წინაშე. იმათთან მე საერთო არაფერი მაქვს და არცა ვკითხულობმეთქი იმათს ნაწერებსა.

– აღარცა წერ...

– აღარცა ვწერ...

– რო აღარცა ლაპარაკობდე...

– აღარცა ვლაპარაკობ... თქვენთან... თქვენ იცით... აღარცა ვლაპარაკობ.

– მაგას გედავები, – აქ კახაბერმა რო ჩაახველა, – მაგას გედავებით, მაშინ ასე გაიმეორა დავითმა, – უნდა ილაპარაკო, უნდა იმოქმედო, უნდა შემოკრიბო დაფანტული ძალები, გატყუებულნი, უნდა შემოკრიბო დროზედა, თორემ დაიშლებიან. სიმტკიცე აკლიათ, ნებისყოფა აღარა ჰყოფნით, მოთავენი აღარ უვარგათ. მოთავეობა შენ შეგიძლიან, ჩვენ შენი გვეჯერა. დრო ახლათ. ღმერთო, გვისმინე!

– გისმინოთ ღმერთმა!.. სხვა აღარც აღარაფერი დაგვრჩენია ვედრების გარდა. და ვედრების გარდა, სხვა რო აღარაფერი დაგვრჩენია, იმიტომაც ამაოა ეგ დიდებული განზრახვანი, ამაოა, ბიძაჩემო, ბიძაჩემებო, დაიჯერეთ, რო ამაოა, რო თუ ვინმეს არ ეყრდნობი, თუ ვინმე არ გეხმარება ნამდვილადა, ჭეშმარიტადა... ჩვენ ძალა აღარ შეგვწევს... ერი გამოფიტეს... გამოფიტეს ერი!!!.

– ამბობენ... არც ეგრეთა!..

– არა, ამბობენ აქ არ გამოდგება, უნდა გვიცნონ და გვეთათბირონ, როგორც ტოლსნორებსა, უნდა აღგვითქვან და აღგვისრულონ, მერეთა შეიძლება...

– ჯერ...

– ეგ წილადობილათა, ვერ გავითამაშებთ წილადობილათა, თორემ დაგვემსხვრევა ეროვნული იდეალები, გაგვეფანტება, ველარ შემოვკრებით.

– ისინიც ჰო უნდა ჰხედავდნენ რაიმე რეალურსა, საფუძვლიანსა, ჰო უნდა რწმუნდებოდნენ, რო არსებობს რალაცა... რალაცა ჰა?!

– სადაც იარაღს ჩაჰყრი, ფულს ჩაჰყრი და ჯარს მიაშველებ, დასაყრდენი ყველგან აღმოგაჩნდება, ეს

იცინან, ოღონდ ილაჯი აღარა აქვთ, ან არ ეგულებათ დიდი რამ სარფაი, ან უფრო ილაჯი აღარა აქვთ, ევროპა თვითონვე დაფავს სულსამეთქი.

– სანყალი, – ჩაიგესლა კახაბერმა, – ეგება ერთი-ორი ბელელი პური იმათაც მივაშველოთ, ჰა?!

როსტომი არ აჰყვა ამ გესლიან ნათქვამსა, დავითმა შეიკრა კოპები.

– იქ რაც საჭიროა, ისინი მოაგვარებენ... – თქვა დავითმა ცოტა შეყოვნების შემდეგ.

– ისინი?!

– ისინი...

– ისინი ვერაფერს მოაგვარებენ.

– თქვენც ასე ფიქრობთ? – სტუმარს მიუბრუნდა დავითი, – სდუმხართ... დუმილი თანხმობის ნიშანიაო, მაგრამ რომელს ეთანხმებით ჩვენთაგანა? მართალი გითხრათ, ვფიქრობ, ჩემს მხარეს დაიჭერთ, ჰა?

– რა მოგახსენოთ, – ხმა ამოიღო სტუმარმა, – იცით, თბილისშიც ასეა, ყველგან გაცხოველებული კამათია, მე გავურბივარ, პოლიტიკაში არ ვერევი.

– რატომ?!

– არ ვიცი, რატომ უნდა ჩავერიო პოლიტიკაში?!

– მომიხრია თითი, – დავითმა თვალი ჩაუკრა კახაბერსა, – ვერას მოგიგებთ, მაგრამ ეგება თქვენ მიპასუხოთ როგორმე, რატომ არ უნდა ჩაერიოთ პოლიტიკაში?!

– მოგეხსენებათ, მუსიკოსები... მუსიკოსი გახლავართ... კომპოზიტორი...

– ვისი მუსიკოსი ბრძანდები, ერისა, არა?!

– არა... იცით რა... მე ჯერ ისეთი არაფერი გამიკეთებია, ჯერ მხოლოდ...

– ჯერა თუ მერე ვისთვის გინდათ, თუ რაიმე ძალგიდთ, ერისთვისა, არა?

– თუ შევძელი...

– ვისთვისმეთქი, – თუ შესძელით, ერისთვის, არა?!

– ცხადია...

– პოლიტიკაც ეგაა, ყველაფერი პოლიტიკაა, ჩვენ რო ხორბალი გვაქვს და ამათ არა, ეგეც პოლიტიკაა, რო გვაქვს და გავცემთ...

– არ გავცემთ! – ჩაუჭრა კახაბერმა.

– მომითმინე!.. – ცოტა არ იყოს, შეუნყრა დავითი, – რას ვამბობდი... ახლა სხვა მოღვაწეობა არ არსებობს, ერი გამოსავალს ეძიებს და როგორც უნდა იღწოდეთ ერისთვისა, პოლიტიკური მოღვაწე ბრძანდებით.

– გთხოვთ, – შენუხდა სტუმარი, ჯერ დავითს მიმართა, მერე კახაბერსა, მერე როსტომსა, – გთხოვთ, ძალიანა გთხოვთ!..

– ბატონი ბრძანდებით!.. – ხელი აიქნია დავითმა. – არც ძალას დაგატან, არც ჩაგჩიჩინებ, სტუმარი ბრძანდები, მოსულხარ, ნახვალ, ოთხივკუთხივ გზა გქონია, თუ გკითხე, გკითხე ისე, თავაზიანობისადა, შენც ჰო რაიმე უნდა გეთქვაო, ეს იგულისხმებოდა ხელის იმ ერთ აქნევაში; თუმცა გაჟეჟილს გატეხილი სჯობიაო, ერჩივნა ამას მიმხრობოდა, შესდავებოდა როსტომსა, თავისებური შთაბეჭდილება მოჰყვებოდა სიტყვასა ქალაქიდან მოსული კაცისა, რაღაც ეცოდინებოდა, რაღაც ახალი, გამამხნევებელი, ამიტომაც გამოიწვია, თავაზიანობა თავაზიანობადა, ოღონდ ესეც ედო გუნებაშია, სიტყვა რო გადაუგდო; ისეთი გაფაცვიცვებით შეჰყურებდა მოსაუბრეებსა თუ მოკა-

მათეებსა, მოგზაური იგი ისევ დაბნეული თუ ცოცხა არ იყოს გონზე მოდისო – ისე გადაჰქონდა თვალები ერთიდან მეორეზედა, იფიქრებდით, შიგ ჩართულა მთელის არსებითაო, შიგ ჩართულა და ელის თავის ჯერსაო, იფიქრებდი და იფიქრა დავითმაცა, იფიქრა და წამოეშველა, აჰა იყოს შენი ჯერო. თურმე ტყუილა დააცეცებდა თვალებსა, ამაოდ წამოყელყელავებულიყო. გუნება წაუხდა დავითსა, ახლა იგრძნო სიმწარე სიცხისა, ხელი მოისვა შუბლზედა, მშრალი ხელი მოისვა მშრალ შუბლზედა, გავოფლილვარო, ეგონა, ოფლი არ მოჰყვა, არ დაიჯერა, კიდევ მოისვა, ხილაბანდი ამოიღო ჯიბიდანა, ისიც მიაშველა, მშრალი მოჰყვა ისიცა, მაინც ეგონა, წურწურით მომდის ოფლიო, არც კახაბერი გავოფლილიყო, არც ის ეგონა, წურწურით მომდის ოფლიო, თითქოს სიცხეც გადავინყებოდა, მხოლოდ ის ახსოვდა, როგორმე გადაერწმუნებინა დავითი, არ გაეცა ხორბალი, არ გაენანილებინა, არავისთვის არაფერი არ მიეცა, არც ერთი კაცისთვისა, რაც უნდა გაჭირვებული მოსდგომოდათ კარზედა. ძნელი იყო გადარწმუნებაი, დავითმაც იცოდა ამოჩემებაი აზრისა, როსტომისა არ იყოს, ამ როსტომისაცა, ოღონდ უფრო იმ როსტომისა, ნატბისს რო მოვიდა პირველადა, მარტოდ რო მოვიდა ორი ყმის ანაბარადა, პირველი ბარი რო დასცა ნატბისის მინასა, იმ ორი ყმისაგან სოფელი რო წარმოსდგა, ხოლო იმისმა გვარმა ვერ იხეირა, ვერადავერ გამრავლდა, ხან რას შეენირა, ხან რასა, ხან ვისა და ხან ვისა: ექვსი ვაჟკაცი ერთად არც მოგროვილა, მოგროვდა როგორც იქნა, მოგროვდა კვლავაც შესანიწავადა, ერთად შესანიწავადა, შთამომავლებიც დალინლალობდნენ ჩახრიალასთანა, იმათ მაინც ჯვარი სწერიათო. ასე გულისხმო-

და როსტომი, ის როსტომი არა, პირველად რო ბარი დასცა ნატბისის მიწასა, ეს როსტომი, მართლაც რო მოსდიოდა ოფლი ნურნურითა, ხოლო დავითი სხვასა ფიქრობდა: ინმენდდა გამშრალ კანსა და სხვასა ფიქრობდა, გადავრჩებითო, გამოვიხსნითო, გავმრავლდებითო. ურყევი იყო რწმენაი, შეუვალი, უმტკიცესი, ოლონდ მხოლოდ რწმენა იყო და მეტი არაფერი, ეს აგულისებდა დავითსა, მხოლოდ ამისი რწმენა გახლდა. სხვებისა არა, დაშლილიყვნენ სხვები, დანეწილიყვნენ, დაფუტკნულიყვნენ, ერთად იყვნენ და გადაკარგულიყვნენ აზრითა, გრძნობითა; კვლავაც ემორჩილებოდნენ ოჯახის უფროსსა, საქმეს ინაწილებდნენ იმისი თანხმობითა, იმისი ბრძანებითა, ოლონდ აზრს აღარ ინაწილებდნენ იმისასა, რალა შეჰკრავდა ოჯახსა, თუ არა აზრი? და გაგულისებულყო დავითი, ინმენდდა მშრალ შუბლსა, მშრალ ყელ-კისერსა, ეგონა, ოფლი ვერ შემიჩერებია, ოფლად დავიღვრებიო. ცხელოდა, ვარვარებდა ჰაერი და მიწა ინვოდა, ალი ავარდნილიყო, ალი მოჰკიდებოდა ჯანსა და ტვინსა, გაქარწყლებულიყო კავკასიონის მწვერვალები, თრიალეთიც გაქარწყლებულიყო, ხოლო მთა ლიხისა... რა ქმნილიყო მთაი ლიხისა, – ზღვა მოსდგომოდა, ზღვა მოედებოდა აქაობასაცა, მაგრამ აგვიანებდა, გაქცეულიყვნენ, შეჰგებებოდნენ? მაგრამ ვინ იცის, ზღვაც გადაეწვათ ალავარდნილებსა, ახანძრებულებსა ან ეგება იქ უკვე ცეცხლი მოსდებოდა, ცეცხლი სწვავდა ნყალსა. ინვოდა მიწაი, ინვოდა ჰაერი, ყველაფერი ინვოდა ერთობლივად... ხილაბანდი თვალებზე აიფარა დავითმა, მირაჟიო, ჩაიჩიფჩიფა, აიფარა და ველარც ჩამოიღო, იგივე მომელანდება, ზღვა მომელანდება, ცეცხლმოდებულიო. იქ მხოლოდ თრიალეთის მთა უნ-

და ყოფილიყო, უნდა ყოფილიყო და აღარ იყო, რა ქმნილიყო იმა გავარვარებულ მზეში?! ვინლა გაიგებდა, როცა ვარვარებდა ტვინიცა, ვარვარებდა სხეული და ოფლი ჩამშრალიყო...

ასეთ დროს ნებისყოფაც აღარაფერიაო და წელში გასწორდა კახაბერი:

- არ გაიცემა!
- ნულარ მივუბრუნდებით.
- არც გავცილებივართ, არ გაიცემა!
- ელოდებიან...
- ელოდონ...
- სოფელი მტერს გადაეკიდოს.
- მტრობის მეტი რა იცის სოფელმა?!
- მითუმეტეს...
- სულერთია, არ დაგიმადლებს სოფელი.
- ნუ დაგვიმადლებს...
- ხარბია, მშურია...
- მითუმეტესა...
- სულერთია, გესვრიან...
- დაე...
- გესროლონ დამშეულებმა...
- გამაძღრებმა მესროლონ...
- დამშეულებმა!..
- ნულარას იტყვი!..

აღარც ითქმოდა, გათანგულიყო ჰაერი, დღე გათანგულიყო, გათანგულიყო სულიცა. ჩახრიალასთან მიბინარებულიყვნენ, ფეხები ჩაეყარათ წყალში, ცეცხლი ეკიდათ თუ ცეცხლს უკიდებდნენ წყალსა, კვარით ენთო ფეხები წყალში. ტირიფი ეფინათ, გაქვავებული ტირიფი, არც ეფინათ, ჩრდილიც გამქრალიყო, გათანგულიყო ტირიფიცა, იმისი ჩრდილიცა.

XIX

უფრო გაითანგა სალამოი. მანამდე მოთავდა კამათი საჩრდილობლისა ან არ მოთავდა, მაგრამ მიხედვა უნდოდა სარწყავსაცა, სახნავსაცა, კალოსაცა, მიხედვა უნდოდა და მიჰხედეს, რა ვუყოთ, თუ არ იძვროდა ნიავი, არც ღრუბლის ქულა გამოჩენილიყო, რა ვუყოთ მერე, საქმე თავისას მოითხოვდა, საქმე აძალებდა, აძლებინებდა გაუსაძლისში; თუმცა დიდი ბარაქა არაფერსა ჰქონდა, სარწყავსა თუ სახნავს თუ არ გამოვეკიდებით, კალოც ვერ მოთავდა, გაილენა, ოლონდ ველარ განიავდა, – ნიავი არ იყო, რა გაანიავებდა, შეხვეტეს, აუგდეს ფინალი. არ იქნა, არ გაეცალა ხორბალი ბზესა, იქვე ცვივოდა, ერთადვე ცვივოდა ბზე და ხორბალი. გამოეცალნენ, დაელოდნენ, და მწუხრიც წამოვიდა. გავარვარებული, ალაპლაპებული, ხანძარმოდებული, თითქოს აღარც დალამდებო, ხანძარი შემუსრავს ღამესაცა და მარადიული უკუნიდან გამოსული სამყარო მარადიულ სინათლეს მიეცემო. რაც უნდა ყოფილიყო, უფრო გაითანგა სალამოი, კალოზე ველარ შეიცადეს, ვერ ივახშმეს კალოზე, კედლებს მიაშურეს, ეგება ვერ შეაღწია სქელ კედლებსა ამ გაგანია სიცხემო. შეელწია, რა დაუდგებოდა, რა გაუძლებდა, სასადილო ოთახში მაინც მოკალათებულიყო, მზიგულად იყო, დიდი ფანჯრები ჰქონდა, დარაბებიც არ დაეტანებინათ; მაშინ მარანს მიაშურეს, იქ მაინც შენახულიყო სიგრილეი, საწნახელიც გრილი იყო, დიდი საწნახელი, მიეყუდნენ საწნახელსა, ცოტა ამოისუნთქეს, კიდევ ცოტაი და მერე ღამის გული ამოაყოლეს, ეგეთი

შეება მიეცათ. სუფრაც იქ გაშალეს, იქვე გაგრძელდა ის საუბარიცა. თუ კამათიცა, ის დარწმუნებაი თუ ურწმუნობაი, ის გმობაი თუ იმედოვნებაი.

იგივე გახლდათ, სხვა სიტყვები გამოერეოდა, სხვადასხვა მაგალითები მიემატებოდა, სხვაგვარად წამოეგზნებოდნენ თუ ამლელვარდებოდნენ სულერთია, აზრი იგივე იყო, მხარეთა განლაგება თუ განწყობილება ისეთივე, კახაბერს ისევ უნდოდა გადაეთქმევინებინა დავითისათვისა და სტუმარიც ისევ შესცქეროდა ხან ერთსა, ხან მეორესა თუ მესამესა, ყველას სათითაოდა, ჰო ყველასა, რადგან სალამოს ყველა ალაპარაკდა და ყველა გაცილებით მეტსა ლაპარაკობდა, ვიდრე შუადღისასა; რაც იყო თუ როგორადაც იყო, იგივე გახლდათ და გამეორებად აღარა ღირს, თუმცა გამოერია ბევრი მახვილი სიტყვაი, ბევრი ანდაზაი თუ ზმაი, ბევრი შედარება თუ მოგონებაი, მაგრამ მაინც არა ჰღირს გამეორებადა, არა, არა ჰღირს; რა ვუყოთ, თუ დიდი რამაა გამოთქმის ხელოვნება, რაოდენი რამაც უნდა იყოს, უცხოზე მოახდენს უეცარ შთაბეჭდილებასა, ხოლო ისინი კარგად იცნობდნენ ერთმანეთსა, ძალიან კარგადა, რო ამბობდნენ, ისიც იცოდნენ, როგორი პასუხი მოედევნებოდა, მაინც ამბობდნენ, მაინცა დავობდნენ, იმ დღის საქმე მოთავებულიყო, მოთავებულიყო ავად თუ კარგადა, ძილი წინ იდო, სხვა რა ელონათ ძილის წინა?

ჰო, სხვა რა ელონათო... სხვაგვარად როგორ გაერთოთ სტუმარი?.. სხვაგვარად როგორაო და მართლაც ჩაითრია ამ ლაპარაკმა. უსმენდა. უსმენდა. ვერც ინატრებდი უკეთეს მსმენელსა, თუმცა ბევრჯერ სიტყვაც მოადგა ენაზე, მაგრამ დაასწრებ-

დნენ, რა თქმა უნდა, იგივესაც თუ წარმოსთქვამდნენ, წარმოსთქვამდნენ, უკეთესადა, მარჯვედა, განაფულადა და მოსწონდა ხან ერთი, ხან მეორეი, ხან მესამეი, ყველა მოსწონდა, ცმუკავდა, მხრებს ათამაშებდა, კიდევაც წაიზმუკუნებდა ხოლმე ასე თუ გასტანდა, რამდენიმე კამათს თუ შეესწრებოდა, ვინ იცის, ველარც ჩაეჩუმებიანათ, ვინ უწყის, ველარც გაეხსენებიანათ, აკი არ ერევი პოლიტიკაშიო. მაგრამ საქმე იქამდის აღარ მისულა, უცებ გამოერკვა, გამოერკვა ხელი რო აიქნია დავითმა, გახურებული კამათისას აიქნია ხელი, ძილის დროაო, ადრე უნდა ავდგეთო, დღეს რაც დაგვაკლდა ამ გაგანია სიცხისგანა, ხვალ უნდა გამოვასწოროთო; თქვა და აიშალნენ, ესეც წამოდგა და გამოერკვა, გარეთ რო გავიდნენ, როსტომს აედევნა, ცოტა მომითმინე, თუ შეიძლებაო.

გარეთ ანუ ეზოში ახალგაზრდები მხიარულობდნენ, იმათაც შეუძახა დავითმა. ცოტა გვაცალეო. ხვალ უფრო ადრე უნდა ავდგეთო. ადრე იყოსო. დაგეზარებათო. არ დაგვეზარებაო. აბა ვნახოთო. ვნახოთ და ვნახოთო. ჰო, ვნახოთო და ახალგაზრდებს შერჩნენ ესენიცა, მანამდის განს გადგნენ, ანუ სტუმარმა გაიხმო განზედა, შიში გაუმხილა:

– ისე ლაპარაკობენ, ალბათ ჰგონიათ, თითქოს ვინმეს მოვევლინებინე, თითქოს რაიმე დავალება მქონდეს, რაიმეს ვაწყობდე; ასე ეგონათ სხვათა და სხვათა, ბევრ გაუგებრობას გადავეყარე და აღარ მინდა აქაც განმეორდეს იგივე ან უარესი. თქვენ მანც გამიგებთ...

– გაგიგებთ...

– მე მხოლოდ...

– ვიცი!.. – სტუმრის განმარტებანი აღარ მოინდომა როსტომმა, – რო არც ვიცოდე, მაინც არაფერს ვიგულისხმებ, რახან ელიზბარი მატყობინებს, თბილისს გაამგზავრე ეს კაციო, ცხადია, თბილისს უნდა გაგამგზავრო, ცხადია, სხვა არაფერი არ იგულისხმება ამაში, რახან ელიზბარი ითვლევინებამეთქი, იმას ითვლევინება, რაც ახლა გახლავთ საჭირო და აუცილებელი, თქვენთვისა თუ ვისთვისა – ეს ჩემი გასარჩევი არ უნდა იყოს.

– გმადლობთ!..

– არაფერსა!..

– რო იცოდეთ, რა სიმძიმე ჩამომხსენით?..

– ვიცი...

– ყველაფერი იცით...

– იმდენი არაფერი. ამის მიხვედრა მაინც შემძლიან. ისინიც მიხვდნენ. თქვენს გასაგონად არაფერს ამბობენ. ჩვენთან ასეა, ამ ბოლო დროს ასეა ყოველთვისა. დაბნეულობას მოსდევს ბევრი კამათი, ასე ყოფილა, ასე იქნება. ყოველი გარდატეხა იწვევს მწვავე გრძნობებსა და მწვავე სიტყვებად მოედინება. ბედისწერა თუ აიტანს ადამიანსა, მორიდებაც დაკარგულია. ისე კაცმა რო თქვას, კარგად დააღწიეთ თავი, ჩემი საქმეა მხოლოდ მუსიკაო, მუსიკა იყოს, გვიმღერებენ ახალგაზრდები...

გვიმღერებენო და უმღერეს, უმღერეს „ო, თვალთა შენთა“, ახალი რომანსი, შეფერილი აღმოსავლური მოტივებითა, ოღონდ ცხადია განყოფილი დასავლური რომანსების კვალობაზედა. გული გადაეხსნა სტუმარსა, გაიხარა, გაიხარა, აფოფინდა, პირველად გაიხარა მთელს იმ მგზავრობაში და ისე მოულოდნელი იყო ეს სიხარული, ისე აღმტაცვი, ვგონებ, იფიქრა,

ღირდა ყველაფრის გადატანა ამ ერთი წუთისთვისაო. ნეტარი წუთი გამოდგა, ნეტარი, საამო, განუმეორებელი. ასეთი წუთებიცა სცოდნია მგზავრობასა, სცოდნია ბევრად მეტი სიხარულიცა, მოულოდნელი სიხარული, კიდევაც განმეორებულა, შენაცვლებია ფათერაკებსა, ეს მხოლოდ იმ ერთხელ გადაეყარა, იმითიც დამშვიდდა, ჩამოიბერტყა მტკვერი ქართლის გზებისა, დასიცხული გზებისა, დაქანცულობა ჩამოიბერტყა, თან მიაყოლა შიში, იმედგაცრუება, გადატანილი მღელვარებანი, ამდენი რამ მიაყოლა იმ მოულოდნელ სიხარულსა, ხოლო თუ გაუმეორდებოდა იგივე სიხარული, ალბათ აღარც გაიქცეოდა, აღარც არავის გაუგონებდა, შებრუნდებოდა ან თავიდან წამოიწყებდა იმავე გზასა, იმავე სურვილითა, წამოიკიდებდა ჩამწერსა და მარტოდმარტო გაუდგებოდა; ან ვინ რალათ უნდოდა, უბეში ედო ის უებრო რუკა, უიმისოდაც ბევრნი გაიცნო, მხოლოდ გამეორებულიყო ისეთივე წუთი, როცა თავი იპოვნა დაკარგულმა, როცა ზე ამოტივტივდა ღრმად ჩაყურყუმელებული, ამოტივტივდა ერთის გაკვრითა. ახლა არ იკითხავთ ისეთი რა მოხდაო, – ის მოხდა, რომა „ო, თვალთა შენთა“ ამისი რომანსი გახლდათ, ორიოდე მაინც დაენერა ისეთი თუ იმაზე ნაკლები ან უკეთესი, ნუ შევალთ ამის გარჩევაშია, ჰო რამდენიმე დაენერა, ის ერთი გახმაურებულიყო, ისე გახმაურებულიყო, წამოენია შეჭირვების ჟამსა, წამოენია და ამოიტაცა ღურღუმიდანა. ცოტა კრთომა მაინც დაჰყოლოდა, იციან თუ არა, ჩემი რო არისო; თუ იციან, ჰო კარგი, თუ არ იციან, მაინც კარგია, კარგზე კარგია, დიდებულიაო. თურმე სცოდნიათ და მოდი, ნულარ აღმანწერინებ იმა ნეტარებასა: ჩადნა კაცი, ჩაიღვენთა,

ჩაინურა მღელვარებადა, იქცა თრთოლვადა, ათრთოლებული ხელებით ეხებოდა გიტარის სიმებსა, ერთგან, მხოლოდ ერთგანა, ისე არ უნდა, აი, ასეო, ჰო აი, ასეო, ოღონდ თვითონაც აღარ გამოსდიოდა, ველარ მიეგნო, დამორჩილებოდა, იყოს, ისე უკეთესად გაისმაო.

და აქ მოთავდა წამი ნეტარებისა, ჭიშკართან ახმაურდნენ, – ესენი ყოფილიყვნენ, ახალმონესენი, სოფლებს ჩამოჰყოლოდნენ, დავიღალეთო, ცოტას შევისვენებთო. სხვაგან სადმეც შეისვენებდნენ, ოღონდ იქ მხოლოდ შესვენება იქნებოდა, აქ ვახშამიც მოჰყვებოდა შესვენებასა, ცხენებსაც ქერი გაუჩნდებოდათ, ჰოდა აქ ერჩივნათ რა თქმა უნდა, აქ შევისვენებთო, თუ შეიძლებაო. შეიძლებაო და დეკეული აჰკიდეს, თვალიც გადაავლეს, ვინ იცის, არ ეყოთო და ცხვარიც მიაყოლეს. ახალგაზრდები მაშინვე შეიღალნენ შიგნით-შიგნითა. იქ სუფრა გაიშალა, ეზოშივე გაიშალა, ჭილობები დაჰყარეს ბალახზედა, სუფრები მერე გადააფინეს. იმათაც ჭილობებზე მოიკეცეს, ეყოთ, ბევრი იყო. მოიკეცეს, ოღონდ იარალი უშლიდათ მოსვენებასა. აიყარეს იარალი, მოეშვათ სარტყლები, ამოისუნთქეს. ამდენს მიადევნა თვალი სტუმარმა, მერე რალა ექნა, არ იცოდა, ახალგაზრდები რო გაკრეფილიყვნენ, როსტომი ჭიშკრისაკენ გაემართა, ეს მარტო დარჩენილიყო, მოთვალთვალესავით დარჩენილიყო, არ ივარგებდა, ვაითუ შეემჩნიათ. ან ეგებ შეემჩნიათ, და არად ჩაეგდოთ, – სულერთია, ამას მაინც შიშმა დარია ხელი, რის ნეტარებაო, რა ნეტარებაო, რის იმედი, აცა, ეგება ჩემი სხვა რომანსებიც იმღერონო. არა ჰგავდნენ ესენი რომანსების მომღერლებსა, ისე

ჩასხდნენ, ისე, ამოისუნთქეს, მართლაც პირისქარად არ გაუხდებოდათ ის ერთი დეკეული და თითო ხელადა ღვინოი. კარგი რამას, ცხვარიც მიუმატეს, ქვევრშიცა ტორტმანებდა ღვინოი. მაგრამ ამას რაო, ამას შიშმა დარია ხელი და როსტომიც ნაუსამხრისულდა, ჩვენ წავიდეთ, ცოტა გავიქარვოთო. შიშმაც გადაიარა, გაჰქრა, ვითომცა ყოფილა, ვითომცა არაო, თუნდაც შეემჩნიათ, აღარ ენაღვლებოდა, როსტომი მისცემოდა პასუხსა.

ეგება შეამჩნიეს, ეგება არცა, სულერთია, არავინ გამოდევნებია, არავის არაფერი უკითხავს, ისე გავიდნენ ვინრო ორლობეშია, ციცინათელებით სავსე ორლობეშია, ციცინათელებითა, ჭრიჭინობელებითა, გავიდნენ, გაჰყვნენ გაბმულ ჭრიჭინსა, გაბმულსა, ყურის ნამლებსა, თითქოს გაუთავებელსაო, მაგრამ გააღწიეს, სასაფლაოზე გავიდნენ და დაშორდათ ჭრიჭინი ორლობისა. ორლობის ჭრიჭინი დაშორდათ, ოღონდ იქ, სასაფლაოს მდუმარებაში ჩაესმოდათ, როგორც შორეული ხმა გამოუცნობი მარადისობისა, შორეული ხმა წარმავალობისა, გარდაგებისა, ხმა სამარისა, გაუგებარი, დაუცხრომელი, ხმა გარდასულთა, აქ რო დარჩენიათ და ტრიალებს, ტრიალებს ჰაერში, ტრიალებს, ბრუნავს, მოუსვენრობს, ვით დაკარგული, დაეძებს, ჰპოვოს, სადით აღმოხდა, რო დაუბრუნდეს, რო აღივსოს ხორციელებითა, რამეთუ არ არს უხორცო, არ არს, რასაც არა აქვს ხორცი, არა აქვს სახე; მაგრამ გარდაგებულა ხორცი იგი, მისცემია ხრწნასა, გარდაგებულა სახე იგი, მისცემია ლპობასა და დაძრნის ხმაი დაკარგული, დაძრნის სული, სული უსახო, მიუსაფარი, დაძრნის. დაძრნიან მარად მძებნელნი, მარად ვერ მპოვნელი ვერარაისა

და იგრიხება ჰაერი, იკლაკნება, იზნიქება, იმსხვრევა, ილენება, რამეთუ იღვსება ხმებითა, დაკარგული ხმებითა, მაძებარი ხმებითა, რომელნი არ იგუებენ სახეთა სხვათა, არც ირწმუნებენ, რო გახრწნილა სახეზაი მათი. და ისმოდა ხმაი შორეული, ხმაი საოცარი, ხმაი დაჯაფული მარადიული მოუსვენრობითა. და გარინდულიყვენ, ისხდნენ ერთიმეორის პირისპირა, საფლავის ქვებზე ისხდნენ და ყურს მიუპყრობდნენ დაჯაფულ ხმათა.

– მოსვენება თუ გინდოდათ... – თქვა ბოლოს როსტომმა, თქვა ისე, თითქოს საფლავიდან ამოსდახესო.

სტუმარი შეკრთა, მიაყურადა. მერე იკითხა კრთომითა:

– რა ბრძანეთ?!

– ეგება მოსვენებას ინებებდითმეთქი. გამოგიყოლიეთ... ეგება სიო ამოსისინდეს, უფრო მოისვენებს ადამიანი.

– დიახ! დიახ... უფრო მოისვენებს. – დაატანა დამშვიდებითა, რადგან ხმა სამარისა როდი ყოფილიყო, არც დაკარგული და განანამები ხმა ყოფილიყო, იქვე იჯდა სახე იმა ხმისა, სახე ხორციელი, სახე მოფრქვეული მკრთალი ნათელითა, ძალიან მკრთალი, ვარსკვლავებით მოჭედილი ზეცის ნათელითა.

– სასაფლაომ დაწყნარებაც იცის... თითქოს განწმენდს ადამიანსა.

– იცის... იცის. – უფრო თამამად მიატანა სტუმარმა, – უფრო დაიჯერა, ხმა სამარისა რო არა ყოფილიყო.

– ასე მგონია, მიმბაძველნი კეისართა და იმპერატორთა, დროდადრო ღამღამობით სასაფლაოზე რო

გაიყვანო და მარტო დასტოვო, ბევრ რამეს გადაიფიქრებენ ან სხვაგვარად დაულაგდებათ ჭკუაი.

– ჰა?! ჰა, ჰა, ჰა... დიახ, დიახ!.. – გაბედულადაც გაიცინა სტუმარმა, ხმა სამარისა არა ყოფილიყო, გამქრალიყო ეჭვი თუ კრთომაი.

– თუმცა ბევრს ესეც არ უშველის, ზოგს უფრო მეტად ალავსებს სისხლის ნყურვილითა...

– რატომ?! – გაიკვირვა სტუმარმა.

– არის ხასიათი, არის ვნება, ამოვარდნილი კაც-მოყვარეობის სანყაოდანაო.

– ახ!.. არის... არის... – გაინაბა სტუმარი, ცოტახანს გაინაბა და უცებ შესძახა დიდი აღმომჩენივითა, – იცით, რა?! ვგონებ, ყველაზე უკეთესი იქნება, თუ ყველგან ქვეყნის მმართველებად დააყენებენ მუსიკოსებსა.

– ჰა, ჰა, ჰა...

– ისინი არიან კაცთმოყვარენი, მგრძნობიარენი, ათრთოლებულნი ადამიანის ბედითა. იმათ არ მოეკიდებათ ზნეი ტირანისა. მტარვალებად არ იქცევიან, არა, ღმერთს გეფიცებით!..

– ჰა, ჰა, ჰა... სალიერი!..

– ღმერთს გეფიცებით... – ნაკლები მგზნებარებით გამოსთქვა მოგზაურმა – მოეჩვენა რო როსტომის უკან, ცოტა დაცილებით საფლავის ქვამ წამოიწია, ან ვილაც წამოდგა საფლავის ქვიდანა, ქვაც თუ არ აიტანა, წამოჯდა ქვაზედა და წელზევით შიშველი, მიაჩერდა როსტომის ზურგსა ანუ ამას მიაჩერდა თვალეში. ასე მოეჩვენა ვარსკვლავებით მოჭედილი ზეცის ქვეშა, საფლავის ქვებითა და ქვის ჯვრებით მოდებულ სასაფლაოზე, მოეჩვენა და ჩაიჩიფჩიფა, – გეფიცებით... მუსიკაში ჰო

არც მოიხსენიება... – ეს მაინც დასძინა, ლამის ვერც რო გაიგონებოდა. მეტი ველარ მოადევნა, მოეჩვენა: წამოჯდა სხვაცა, ისიც შიშველი წელზევითა, ხელიც გაიშვირა თუ აიქნია ჩონჩხი, პირველად რო წამოჯდა, იმას მოუქნია... – აქ მგონი, – ჩურჩული გაჰბედა სტუმარმა, ჩურჩული გაჰბედა და ხმაც გაეპარა, კიდევ მოეჩვენა და იმიტომა, ისინი ჰო ისევე ისხდნენ, იქით მესამე ქვამაც წამოიწია, წამოიწია და მთლად აღიმართა ანუ ქვაზე აღიმართა, ალბათ მიცვალებული, სხვა ვინ იქნებოდა, აღიმართა ადამიანი, წელსზევით ადამიანი, შიშველი ადამიანი, წელქვევით მოსილი ან შესაძლოა, ბენვიანი, თხის ჩლიქებიანი, სატირის სურათი რო უნახავს, ისეთი.

– არა, არა, არ მიწყინოთ, – მოებოდიშა როსტომი, – ყველაფერი შესაძლებელია, იყოს მუსიკოსი, ღმერთმა ჰქნას, მუსიკოსიც გამოგვეცადოს სახელმწიფოს მეთაურადა, ოლონდ სახელმწიფო გვექონდეს, ვინც უნდა იყოს მეთაურადა, ოლონდ ბრძენი მრჩევლები ეხვივნენ გარსა, იყოს მუსიკოსი, მუსიკოსი იყოს, ოლონდ აქ მაინც ნულარ ამიხირდებით, მუსიკოსი იყოს, მხოლოდ შენი მასწავლებელი არა, არა, შენი მასწავლებელი და ჩემი მეგობარი გიორგი ყანჩაველი არ იყოს, სხვა ვინც გენებოთ, თუნდაც აი, თუნდაც თქვენა ბრძანდებოდეთ.

– რო იცოდეთ... – თქვა სტუმარმა და თითქოს ენა ჩაუვარდა: ჩაჯდა ის მესამედ წამომდგარიცა, სამაგიეროდ სხვა აღიმართა, ისევე წელზევით შიშველი, წელქვევით მოსილი თუ სატირივითა, სხვა აღიმართა თუ ამან ისკუპა, ველარ გაიგო, თვალეები აებნა, ენაც ამიტომ ჩაუვარდა თუ ჩაუშრა.

– გნებავთ, გამოესარჩლოთ გიორგისა, ბატონი ბრძანდებით, მაგრამ ამაოდ გაირჯებით, გარნმუნებთ, ამაოდ გაირჯებით, რადგან დასაბუთება ერთია, გულგატეხილობა მეორეი ანუ გულგატეხილობაა ყველაზე მძიმე და მოურეველი. მე გამიტყდა გული, როგორც გავიგე, მეთერთმეტე სიმფონია დასწერა გიორგი ყანჩაველმაო. მეთერთმეტე!.. არ მომისმენია კანტატაა თუ სიმფონია, არც მოვისმენ, როგორიც უნდა იყოს. მე იმისი აღარა მჯერა. ნუ, ნუ მინყენთ! „მაისის“ დამწერს ეს აღარ უნდა დაენერა ასე ადვილად, ნუ მინყენთმეთქი, მე ჩემი მწამს და მართალიცა ვარ, ადამიანი აზრია, რწმენა არის ადამიანი, რწმენა ყოფილა და რწმენად დარჩენილა, ხოლო თუ შეცვლილა უეცრად, ასე თვალდათვალა, გაყალბებულა, მუსიკოსი ყოფილა თუ ფერმწერი, პოეტი ყოფილა თუ მოქანდაკეი, სულერთია გაყალბებულა; მსახიობისას არაფერს ვამბობ, მსახიობს კიდევაც შეეფერება, ითამაშოს ყოველი როლი, კომპოზიტორი მსახიობი არ უნდა იყოს, პოეტი არ უნდა იყოს მსახიობი. მე ასე მგონია და ასევე ვეტყვი გიორგი ყანჩაველსა, ვწუხვარ და ვეტყვი, თქვენ ნუ გაშფოთებთ, რო ეწყინება, უნდა ეწყინოს თუ არ გვენყინა, ცდუნებებსაც თავს ვერ დავალწევთ.

– ჰა?! – ბოლოს ეს აღმოხდა სტუმარსა, ენა თუ ჩაუვარდა, ეს მაინც აღმოხდა, რადგან დაიჯერა, რო აღარ ეჩვენებოდა, მართლაც წამოდგა მთელი სასაფლაო ან ის ნახევარი, როსტომის ზურგით რო მოსჩანდა, წამოიშალნენ მიცვალებულნი, წამოიშალნენ სახებანი, ხორცი ხორციელნი და მოხროვდნენ მიმოკარგულნი ხმანი, აბზუვლდნენ, აირივნენ,

გახელდნენ, ჰპოვეს სახებანი და შიშობდნენ არ არე-
ოდათ, დაბრუნებოდნენ თავთავიანთსასა.

– ბუნებრივია თქვენი აღშფოთება, – იოლად
დასძინა როსტომმა, – ასეცა სჩვევიათ ერთგულ მო-
ნაფეებსა, მაგრამ გჯეროდეთ ჩემი წყრომაც ბუნებ-
რივია...

აღარც ხმა ეყო სტუმარსა, ორივე ხელი გაიშვირა
თუ გასტყორცნა და ჩაჰკიდა თავი, ჩაჰკიდა და აა-
რაცრაცა. მაშ რა იქნებოდა, ისიც გიკვირდეთ, მეტი
რო არაფერი დაემართა: იქ ჰო, გადმობრუნდა თით-
ქმის ყველა საფლავის ქვაი, წამოდგა ყველა მიცვა-
ლებული, აიშალა სასაფლაოი, სასწაული მოხდა თუ
განმეორდა ზღაპრად ნათქვამი, განმეორდა, აცხად-
და, ასე თვალდათვალა, ეს აცხადდა და ისიც ცხადი
იქნებოდა, გამთენიისას საფლავებში რო ჩაბრუნდე-
ბოდნენ, ამათაც ბარემ თან ჩაიყოლებდნენ, უჩვენ-
ებდნენ თავიანთ ცხოვრებასა, თავიანთს გასაჭირ-
სა თუ დალხინებასა, მერე ისევ გამოაბრუნებდნენ,
ან აღარც გამოაბრუნებდნენ, დაიტოვებდნენ ბარემ
იქვე, მაინც აქა ხართ მოსასვლელნიო. გზა-გზა ხე-
ტიალით რაღას განვალდეთო, მერე რა გზაა, დანტიემ
ჰო აღწერა რა გზაცა ყოფილა, ვილა გაუძლებს იმა
გზასა, – ვერა, ვერავინა, ვინც წასულა, აღარც გა-
მობრუნებულა. არ უნდა, ჯერ არ უნდა, არც მერე
უნდა თუ აკითხებენ ან ახლა თუ აკითხებენ? და აი
შებრუნდა როსტომი აუმღვრევლადა, აუკვირლადა,
მიესალმა. ელაპარაკება, ვითომც არაფერიო, კიდე-
ვაც იცინის, ვინ უწყის, ერთხელ უკვე ჩაჰყოლია, ერ-
თხელ უკვე გამობრუნებულა, თამაშად უჩანს, კიდე-
ვაც თუ წაიყვანენ. როგორც ენებოს, ოლონდ ეს და-
იხსნას, დასტოვონ, არც ისეთი მოგზაურობა მოუნე-

ბებია, ვირგილიუსი რო ყოფილა, არც ისეთი – ოდისევსი როო, ენეასიც არა, არა – აქ უჯობს, აქ ურჩევნიან, ისიც ეყოფა, ამბავს რო გაიგებს, რაც გაუგია, ისიც ეკმარვის, მაგრამ მაინც მოუსმენს როსტომსა, რო მოუბრუნდება, თუ კიდევ მობრუნდება. დგება როსტომი, დგება და ამასაც ეუბნება, ნავიდეთო, ხელსაც ნაატანს. გააურჟოლებს, კიდევ კარგი, როსტომი ნაატანს ხელსა, ისინი არა, თორემ გაჰქრებოდა, თუ ვერ აიტანდა, გაჰქრებოდა, მაშ რა იქნებოდა. რაც აიტანა, ისიც ძნელი გასაძლისი გახლდა. თუმცა რა აიტანა? – ხელი მოჰკიდა, გამოიყოლა როსტომმა, ორლობისაკენ გამოიყოლა, ციციანათელებისა, ჭრიჭინობლების ორლობისკენა, იმავე ორლობისკენა, ოღონდ ვაგლახ, რო იგივე აღარ გახლდათ, ორლობე იყო ჯოჯოხეთისა, აღსავსე ჯოჯოხეთური ხმებითა, ჯოჯოხეთური ციალითა, ისევ დაკარგული ხმების განგაშითა, უდასაბამო, უსასრულო ძიებითა.

ამისი გონება როგორადაც უნდა გახურებულიყო, როსტომი უხსნიდა დანყნარებითა: ისინი არიანო, კასრადისანიო... ქაქუცასაგან ამბავი მოსვლიათო – კოჯორს ჩამოდითო: დასცხომიათ ბიჭებსა, გაუხდიათ, შეუსვენიათ სასაფლაოზე, კარგა შეღამებას დალოდებიან, პური მოშინიათ და ჩვენთან მოსვლა განუზრახავთო; კარგი რამას, ჩვენვე ვეახლეთ, თორემ დავიდგებოდა განკითხვის ჟამიო, მაშ რაო, ესენი ჰო უკვე იქ არიან, ისინიც თავს წაადგებოდნენ და გამოიღებოდა კარი ჯოჯოხეთისაი ნატბისშიო. ახლა თითქოს გვეშველაო, დავარწმუნე, აქა ბრძანდებოდეთ, აქ მოგივათ ყველაფერიმეთქი, მე ასე დავარწმუნე და დანარჩენი დავითის სიმარჯვეზე ჰკიდიაო. იმედი გვექონდეს დავითის სიმარჯვისა, ჩვენ მოვისვენოთო...

XX

ამისი მოსვენებისა რა მოგახსენოთ, ადგილი მიუჩინეს, ქვეშაგები მიუჩინეს, გაეხადა, მიწოლილიყო, მიწოლილიყო და მიელულა თვალები; ჰო, ამისი რალა მოგახსენოთმეთქი, დავითის საქმე იყო საჭოჭმანები: ესენი ეზოში უსხდნენ, ისინი სასაფლაოზე, ამათაც მოშივნოდათ, იმათაცა, ამათაც მოსწყურებოდათ, იმათაცა, შიმშილი იმდენი არაფერი, ამათ ჰო დაუკლა დეკეული და ცხვარი, იმათაც დაუკლა სხვა დეკეული, სხვა ცხვარი გამოურჩია, გაძლებოდნენ და გზას გაუდგებოდნენ უჩუმარის პირითა, წყურვილი იყო, რაც იყო, წყურვილი გამშრალი დღისაი, აღმურავარდნილი დღისაი, წყურვილი იყო, რაც იყო და კიდევაც დაენაფენ მწყურვალნი, დაენაფენ ნატბეურსა, ცოტა მომწვანო ღვინოსა, ყელს რო კანრავდა და მიედინებოდა თავის ნაკანრშია. ვინ იცის, რა ამოჰყოლოდა მერე იმ ნაკანრებსა, ვინ იცის, ჰა, – სიმღერაც შეიძლებოდა, ლანძღვა-გინებაცა, ისე უთავბოლო ყვირილიცა, უთავბოლო წონიალიცა, ყველაფერი შეიძლებოდა ამდაგვარი ან მსგავსი ამისა, ამდაგვარი და ისეთი, ერთმანეთის გეში რო აელოთ, ხოლო მერე, ჰმ, მერე იქნებოდა, რაც იქნებოდა, ან არც აღარაფერი იქნებოდა, ტყვია დაცხრილავდა, ცეცხლი გადაბუგავდა იქაურობასა; ჰოდა, დავითის საქმე იყო საჭოჭმანებიმეთქი, რა იღონა, რა გადიტანა, ძნელი სათქმელია, ერთი ცალკე ამბავია, ცალკე ამბავი ერთი ღამისა, განსაცდელის ღამისა, თუმცა მშვიდობით მოთავებული ღამისა, მაგრამ იქამდის მიტანება ჭირდა, ძალიანა ჭირდა; იქამ-

დე, იქამდისა, გათენებამდისა, როცა ესენი აქეთ გა-
ისტუმრა, ისინი იქითა, ერთნი აღმა, მეორენი დაღმა
ერთმანეთის გზას გაუყენა ერთმანეთის ზურგშექ-
ცევითა. მერე მაინც გადაეყრებოდნენ, ერთმანეთსა,
ერთმანეთს ეძებდნენ და კიდევაც გადაეყრებოდნენ,
ანუ ერთნი ეძებდნენ, გაუბოდნენ მეორენი, მაინც
გადაეყრებოდნენ, სადაც იქნებოდა, მაგრამ რაც იქ-
ნებოდა, იქნებოდა, იმ ღამეს არა იყო რაი, მართლაც
რო იყო და არა იყო რაო, მშვიდად გამოიძინა ნატ-
ბისმა...

ამისი მაინც რა მოგახსენომეთქი: დიდხანს
იბორგა, იწრიალა, ელანდებოდნენ წამომდგარნი სა-
საფლაოდანა, თუმცა აღარც აღარაფერსა ჰხედავ-
და, არც არა ესმოდა რაი, მაინც ელანდებოდა, უფრო
ელანდებოდა იმ სიცხიან მდუმარებაში, მაგრამ ბო-
ლოს მაინც წაერთვა შფოთი თუ მოლანდებანი; წა-
ერთვა და რო დაუბრუნდა, უკვე დილა გახლდა,
ცხრათვალა მზეც იდგა, ხეებიც ირწეოდა, შრიალებ-
და ფოთოლი, შრიალებდა გახალისებული, გამო-
ცოცხლებული, პირველი ყუნწსუსტი ფოთოლიც ჩა-
მოდოდა, პირველი ან ერთადერთი, ოდნავ შეყვით-
ლებული თუ არც შეყვითლებული, პირველი თუ ჩა-
მოდოდა, ჩამოჰყვებოდა მეორეცა, ქარი ამოვარ-
დნილიყო, ნოტიო ქარი, დასცხრომოდა გათანგულ
ფოთლებსა. ჰო ქარი ამოვარდნილიყო, ოღონდ ქა-
რი ბევრგვარად ითქმის, ოცდაათამდის ჩამოსთვლის
სულხან-საბაი, ოთხი თუ ხუთიც მრავალწერტილით
აღუნიშნავს, იმის დროს აღბათ დავინყებოდათ ის
ოთხი-ხუთი, მას მერე დანარჩენი დავინყებულა, ზე-
ნაქარიო, იტყვიან, ქვენაქარიო, ნიავიაო, სიოო, დი-
დი ქარიო, მორჩა და გათავდა, მეტ გარჩევაში აღარ

შედიან, ქარიშხალი თუ წამოსცდება ვინმესა, მაინც დიდი ქარიო, მაშინვე დასძენს, ვითომც ესეც გაუგებარი გამხდარა განუმარტებლად; აქ როგორ გითხრათ: ქარიშხლად არ ითქმოდა, მეტი იყო ნიავედაცა, მოდიოდა ზენაქრისადა, საბა ადვილად შემოგვძახებს, რაცა რქმეოდა, მაგრამ რა ბედენაა, თუ არავინ ყურად არ იღებს, რა ბედენაა! ერთი სიტყვით შრიალებდა ფოთოლი, ქარი უვლიდა გალალეებული, სანატრელი, სალოცველი, სალოლიაოი.

ამისი მაინც რა მოგახსენომეთქი: ქარი რო ამოვარდნილიყო, ეს უკვე მოგახსენე, ამოესუნთქა სულიერსაცა, უსულოსაცა, ეს არ მითქვამს; არც საჭიროა, მიხვდებოდი უჩემოდაცა, ოღონდ მაინც ითქვას, ვინ უწყის, ვერც მიხვდე ან სხვაგნით საითმე გაგექცეს ფიქრი, ნუ გაგექცევა, ჯერ ბოლომდის არ მისულა ამისი ამბავი, არ მოთავებულა ეს მოგზაურობაი, მოთავდება, შინ რო დაბრუნდება, თუ დაბრუნდება... თუმცა ქარი ამოვარდნილიყომეთქი. ქარს აპყვა, ჩასდია ეზოში, ადამიანის ჭაჭანება არ იყო არსადა, რუს აედევნა, რუსა და ქარსა, რუ მირბოდა, მისდევდა ქარი, ისიც მიდიოდა ამ ორთა შუა, ამ ორთა შუა და კომპუნარის შუა. იქ კომპუნარს ჩასდევდა რუი. კომპების ჩრდილებში კაბდოები შენიშნა, აეყუდებინათ ძველი ფარცხებიცა, ფარცხის წელიც ეწყობლომდა, კაციც მოსჩანდა, კუნძზე იჯდა, ჩაჰკირკიტებდა თუ აწყობდა წნელებსა. იმას მიასწორა, ჰკითხავდა, კალოსკენ გაიკვლევდა გზასა, იცოდა, კალოზე იქნებოდნენ, როსტომი მაინც დახვდებოდა კალოზე; ჰო იმას მიასწორა, თავს წაადგა და ჩაახველა ძალის მოსაკრებადა. ამან ჩაახველა და იმან ამოჰხედა. ამოსცინა იმისმა წვერ-ულვაშმა,

ლეკოს წვერ-ულვაშმა, არ გაგიკვირდეს ლეკოსამა, ამოსცინა და წამოიწია, ხელი შეინმინდა წინსაფარზედა, მხურვალედ ჩამოართვა ხელი, მოიკითხა მხურვალედაცა რა თქმა უნდა, ვითარცა ძველისძველი მეგობარი, დიდი, დიდი, დიდიხნის უნახავი.

– საიდან?! – გაჰკვირდა სტუმარი.

– ეს არის მოვედი... – კოპები შეიკრა ლეკომა, – აჰა და შემომხედე, ეს არის მოვედი და გამაძრო ყველაფერი, სამუშაო სამოსი მომიყარა, აქაოდა უფროსი ვარო, მეც მეუფროსება????!.. ფარცხები დასწანო. არც სულისმოთქმამო, არც მოკითხვამო, არც დღეგრძელობამო, ფარცხები დასწანო, სადაური სტუმარმასპინძლობაა, ჰა, შენ გეცოდინება, სადაურიია?!

– რა მოგახსენოთ...

– არ იცი? არც მე ვიცი, – ხელები გაშალა ლეკომა, – რაღა არ მინახავს, რაღა არ გამიგონია, მაგრამ ეს არც მინახავს და არც გამიგონია, აქ მოსვლა ამიტომაც არ მინდა. – აქ ტურზე იკბინა ლეკომა, არ შეგეშინდეს, ძალიან არა, ოდნავ იკბინა, არც ოდნავა, მხოლოდ კბილი დაიდგა ტურზედა, რაღაც წამოსცდა, არ უნდოდა წამოსცდენოდა, – შენ როგორღა გადარჩი, არაფერი დაუკისრებია?..

– არაფერი...

– რა თვალზე შემოგხედა? მიკვირს... ალბათ რაღაც გასაოცარს გიმზადებს, უსაქმოდ არავის დასტოვებს, არ გეგონოს, გადარჩე უსაქმოდა, თუ დაგაცადა, მძიმე რამ გელის. – თვალი ჩაუკრა, გასამხნევებლადა თუ ნიშნისმოგებითა ძნელი სათქმელია, – ჩემი საქმე არც ისე ძნელია... მაგრამ მაინც სადაური რა არის, არც დამსვა, საგულდაგულო მოკითხვაც

არ მათქმევინა, ეგრევე, ზეზეულვე შემაჭამა, ერთადერთი ჯამი ღვინო დამალევინა და აგერ, აჰა, ჩამსვა ამ წნელის კონებშია.

– ეგება მეც მოგეშველოთ...

– არა, დაჯექი, – კუნძი წამოუნია, – შენ რას მომეშველები, ამას ცოდნა უნდა, კარგი ფარცხი ნახევარი მოსავალიაო, ნახევარიც ამინდია და გუთნისდედა რალასა ტრაბახობს, არ ვიცი!.. ჩემისთანად მეორე ვერავინ გამართავს ფარცხსა. ჩემი ფარცხი, ჰმ!.. გაუშვი და თვითონ იცის, არც ხარი უნდა, არც მეხრეი, არცა მთესველი. რად გელიმება?! მეც მელიმება, ცოტა ტრაბახი გამომივიდა, მაგრამ რას ვიზამთ, გულს ვიოხებ, ოღონდ ის რო გითხარი, ჩემისთანად მეორე ვერავინ გამართავს ფარცხსამეთქი, ის მაინც მართალია. მართალია თუ ტყუილია, რა მეფარცხება?! ფერიცვალობაა დღესა, რა მეფარცხება! ნამდვილი მუშა კაცი არც უნდა მუშაობდეს დღესა, უნდა დალოცოს ფერიცვალობა დღეი. ასე ყოფილა დანყიდაბადებიდანა, ამისთვის არც არაფერი ყოფილა, – აქ ხმა შეიცვალა, გამოაჯავრა: სადა ხარ აქამდისა, რა დროს წანწალია ამ ცეცხლიკიდებისას... – დავითის ხმას მიაგვანა და მიხვდა სტუმარი, დავითს აჯავრისო. – სადაური მიგებებაა?! ბევრი მინახავს, უფრო მეტი გამიგონია, მაგრამ ასეთი არც გამიგონია, არც მინახავს. შენა?

– არა...

– პასუხი არც უნდა, ვის ენახვება, ვის გაეგონება?! არავისა! აქ არავისა, ამ ჩვენს კურთხეულ ქვეყანაში, ხოლო სხვაგან სადმე თუ არის, იყოს, ჭირიც მომჭამოს, არც მეკითხება, არც არაფერი მესაქმება იმასთანა. ეს საიდან იმსგავსეს, მხოლოდ ეს მიკ-

ვირს, არაფერი სხვა არც გამკვირვებია, არც გამიკვირდება, მე ლეკო თათაშელს მიძახიან და იმიტომაც მიძახიან ლეკო თათაშელსა, გაკვირვება რო არ ვიცი, ეს მაინც გამკვირვებია და ისე გამკვირვებია, ლამის არის, ლეკო თათაშელობაზედაც ავილო ხელი. მერე ვინა, მე, ლეკო თათაშელმა?! ნნ, არ იქნება! მაშინ აქ უნდა ამოვიკვეთო ფეხი, მაგრამ აქაც თუ ფეხი ამოვიკვეთე, ლეკო თათაშელობაზედაც უნდა ავილო ხელი, უნდა ავილო, მაშ რაო, როგორ იქნება ლეკო თათაშელი უნათესაოდა, ნნ, არ იქნება!.. ხოლო ნათესაობა სხვა რალა არის, თუ არ გესტუმრე, თუ არ მისტუმრე, თუ არ მომიჯექი გვერდითა, თუ არ მოილხინე, თუ არ მომალხინე, სხვა რა არისმეთქი, ერთი მიბრძანე!.. ნურას იტყვი, სხვა არც არაფერია, ვერც ვერაფერს იტყვი სხვასა, ხოლო რასაც მე ვამბობ, შენი დასტური არცა სჭირდება. ნურც მინყენ, უგუნებოდა ვარ. უგუნებობას მიეტიელება. ან რას გებოდიშები, ერთი მიბრძანე, რას გებოდიშები, ისეთი რა გითხარი რო?!

– არაფერი!

– აბა, რალას გებოდიშები?!

– არ ვიცი...

– არც უნდა იცოდე... ვინც ბევრი იშრომა, ისიც მოკვდა, ეს ჰო იცი?

– ვიცი...

– ვინც ქონება მოიხვეჭა, ისიცა?

– ვიცი...

– ვინც დიდება მოიხვეჭა, ისიცა?

– ვიცი...

– ბევრი არაფერი საცოდნელია, ვინც ილხინა, ისიც მოკვდა, ესეც გეცოდინება და რახან ყველა

მომკვდარა, ვისაც როგორც მოენებება, ისედაც უნდა გაატაროს წუთისოფელი, მაგრამ ვერავის რო ვერ გაუტარებია ისე, რად ვერ გაუტარებია? თუ ესეც გეცოდინება, მაშ ყველაფერი გცოდნია და მე რო გავჩუმდე, უკეთესი იქნება. თუმცა ვიდრე გავჩუმდებოდე, უკეთ რო გაგაცნო ჩემი თავი, ისიც უნდა მოგახსენო, როსტომი და იმისი ძმები, ჩემი დისწულები რო არიან, რახან ეგენი ჩემი დისწულები არიან, მაგათი მამა ჩემი სიძე გახლდათ და კაციც ის იყო. მერე რა კაცი, ჰეეე!.. ასი კაციტაცა სწევოდი, წარბს არ შეიხრიდა, მოილხენდა, მოგალხენდა. უფროსი იყო. აი, ასეთი უფროსი მწამს! ესა?! ჰმ... ამასაც ეწვიე ასი კაციტა, წარბს არ შეიხრის, მაგრამ მერე რაო, ასივეს გაუჩენს საქმესა, ასივეს წაჰკისრავს იმავე წუთში. სადაური რა არის, ვერ გამიგია და რახან მე ვერ გამიგია, მე, ლეკო თათაშელსა, ვერც ვერავინ გაიგებს და სჯობს მეც დავდუმდე, სხვამაც ამოდ არ იჭყლიტოს ტვინი.

მართლაც დადუმდა, ნაიკისრა, საგულდაგულოდ ჩახლართა წნელი, ეტყობოდა, ხელის სიმარჯვეცა ჰქონდა ან ეს საქმე მართლაც გაეგებოდა; ჰო, დადუმდამეთქი, ხოლო რახან მიდუმდა, მიყუჩდა, მიილურსა, არ მიილურსებოდა ეგრე უბრალოდა, რაღაცა თუ ამოეჭრა გულში, ამისი აყოლიებაც თუ უნდოდა, თუ ფიქრობდა, კიდევ როგორ ავიყოლიოო; ჰო ამას თუ ფიქრობდა, თორემ გამოტეხვით აღარაფერს გამოუტყდებოდა, ისიც ბევრი გამოდიოდა, ამ ოჯახში სტუმარივით არა მღებულობენო, ასე ახლო ნათესავი ვარ, ასე საპატიო თუ სადიდებელი, მაინც წამკისრავენ მოვალ თუ არაო, ისიც ბევრი გახლდათმეთქი, თუმცა ყველაფერიც არ იყო, არა, არ

იყო ყველაფერი, ყველაფერი რო ყოფილიყო, ესეც უნდა მოეხსენებინა: ვალსა და ვახშსა, უყაირათობასა და ბედოვლაობას რო გადავაგე ჩემი ავლადიდებო, მერე ამათ შევეკედლე, ამათ შევრჩი, აქამდის აქა ვარ შეკედლებული, სხვა გზა თუ თავშესაფარი არცა მაქვსო, ამათ უნდა გამიტანონ, მტერსა და ავსა, შავი დლე რო დამიდგება, ამათ უნდა დამიტრონ და მიწა მომაყარონო, ოღონდაო, მანამდისაო, გაზაფხულდება თუ არაო, მინდორსა თუ ბაღ-ვენახებში გასვლის ჟამი დადგება თუ არაო, მეც ავითათებ, მოვედები ნათესავებსა, დლეობებსა ნათესავ-ნათელმირონებსაო; ღვთისმადლითაო, ბევრიც მენათესავება, ბევრი მენათელმირონება, დლეობაც ბევრი იცის ამ ჩვენ კურთხეულ მიწანყალზეო, სტუმარმასპინძლობაც დიდ ზნეობად მოგვეყოლია და ჩემს ბედს ძალლი არ დაჰყეფს გვიან შემოდგომამდისაო. მერეო, აქაც საქმე მოჟმიერებულია, მეცა ვბრუნდები შინაო, რამდენიც უნდა იბუზლუნოს ამ ვაჟბატონმა, არად ჩავაგდებ, კუჭს არ მოვიმშვევ, გვერდებს არ გავიცვივებ გაზაფხულამდისაო, გაზაფხულზე მზე გამათობობს, გამიყვანს გვიან შემოდგომამდისაო. ისევე მზეს ვენაცვალე და ჩვენს დიდებულ ადათსა, სტუმარმასპინძლობა რო დარქმევია, და ისე გამჯდარა ჩვენში, ლამის დედის გინებას უფრო ავიტანთ, ვიდრე ამ წესის მოშლასაო; ამან რამდენიც უნდა იბუზლუნოსო, როგორც უნდა დამსაქმოსო, ზამთრის საქმე მაინც ისეთი საძნელო არ არის, თანაცაო, საქმე თუა, თვითონ უფრო მეტს აკეთებს და კაცი რო შენზე მეტს აკეთებს, შენც აადევნებ ხელსა, როგორც უნდა გწყდებოდეს წელიო. – აი რა უნდა მოეხსენებინა თუ გამოტეხვა იყო, განდობა თუ იყო,

თუ გულწრფელობა და ნამდვილი მეგობრობა დამყარებულიყო ამათ შორისა; ეს უნდა მოეხერხებინა და ისიც გაემხილა: შენც გატარებდი გვიან შემოდგომამდისა, მერელა მოგიყვანდი აქაო, მაგრამაო როგორღაც ფეხი გადამიბრუნდა და ორთავემ აქ ამოვყავით თავიო; შენი თავი წამართვეს, მეც გამოგედევნე, შენც გამოგიხსნი, ვიხსნი ჩემს თავსაცა, მაშ აქ რა დამაყენებსო, ჯერ კალოობაც არ მოთავებულა, თესვა კარს მომდგარა, ნნ, მე აქ გამჩერებული არა ვარო, მერე რა დროსაო, ფერიცვალობა დღესაო!

– რა დროს წანწალიაო?!?! ჰეჰეჰიჰიჰე... – ამოიქაქანა ლეკომა ცხადია. – მე დავწანწალებ, მანწანწალები ჩვენა ვართ, ჩვენა?!.. შენც სუ!.. მეც სუ!.. სუ, სუმეთქი!.. სუ!.. მაგან რა იცის!.. მაგის თავში კალობაა. შენც სუ!.. მე ჰო ქვა ვარ და ვარ!.

აქ ცას აჰხედა, ღრუბლები მისცურავდა ცაზედა, ლურჯსა, კრიალა ცაზედა, ღრუბელიც თეთრი იყო, თეთრი, გადაპენტილი. მერე ღრუბელიც აიმღვრეოდა, ლურჯი ზეცაცა, ქარი იმიტომა ჰქროდა, იმიტომა შრიალებდა ხეები. ჰო, მერე აიმღვრეოდაო, აიმღვრეოდა თუ აიგრაგნებოდა, თავშიმც ქვა ეხალა მერე, ქარბუქიც იქნებოდა, ყინვა ყიამათიცა, თავშიმც ქვა ეხალა, მობრუნდებოდა, თბილი ბუხრები იცოდნენ იტრიელებმა, მობრუნდებოდა, მიეფიცებოდა იმა ბუხრებსა, მოიშუშებდა გვერდებსა, მოიშუშებდა ნაცემ-ნაბეგვსაცა, – უამისოდაც ვერ გადარჩებოდა, ვერა, ვერ გადარჩებოდა, სადმე ქალი თუ გამოჩნდებოდა სუფრაზე, თუ არ იცოდნენ ზნეი ამისი, თუ წინასწარვე არ გაფრთხილდებოდნენ, – დაიწყნარებდა ბევრი სმისა და ღრეობისაგან აბურდულ გონებასაცა,

გამოკაჟდებოდა, გამოინაფებოდა საგაზაფხულოდა; მერე, ზეცა რომ აიმღვრეოდა და აიგრაგნებოდა; ხოლო მანამდე ის პატარა ქარი და პატარა ღრუბელი, ის შრიალი ფოთოლთა კიდევაც საამო გახლდა, საამოცა და აუცილებელიცა, ფერიცვალობა დაწყებულყო, აბა, დაწყებულყო, და იმიტომაც დაწყებულყო, სიცხე რო არ უხდებოდა ლხინსა და ქეიფსა. ასე ამტკიცებდა ლეკო თათაშელი, ამტკიცებდა და მართალიც გამოდიოდა. ქეიფები ნაებმებოდა, ნაებმებოდა ლხინები, დღეობები გადაებმებოდა ერთიმეორესა, ფერიცვალობას მარიამობა მოედევნებოდა, მარიამობას გერთობანი, ივლიდა ასე შობაახალწლამდისა. ამღვრეულიყო ზეცაი, თავშიმც ქვა ეხალა, დალუვდებოდა ბუხრებში კუნძები, ბუხართან სუფრა გადაშუქდებოდა დალუვებული კუნძებითა, დალუვდებოდა ბუხარში კუნძები, დალუვდებოდნენ ესენი სუფრასთანა, დალუვდებოდნენ ბუხრის კუნძებივითა, ამღვრეულიყო ზეცაი, თავშიმც ქვა ეხალა. მაგრამ ეს მერე, ჯერ ფერიცვლობააო, ამოესუნთქა დედამინასა, შვება ეგრძნო წინადლით გათანგულსა.

ბრუნავდა ასე ნუთისოფელი ლეკო თათაშელისა, ბრუნავდა, ბრუნავდა, ახლა ასე რო ნაკისრულიყო, ფარცხსა მართავდა და ფიქრობდა ხმამალლა, რადგან არაფერი სჩვეოდა საჩუმაოდა, არც არაფერი, არცა ფიქრი. ფიქრს მორჩა თუ არა, სტუმარმაც იცოდა იმისი განზრახვა, თუმცა გამოეპარა ბევრი სიტყვაი, ისე მკაფიოდ არა თქმულა, კარგად გაეგო, მაინც ჩასწვდა აზრსა, განზრახვას ჩასწვდა; ჩასწვდა და, ცოტა არ იყოს, აფოფინდა, ისიც ჰო ამავე განზრახვით შეუდგა ქართლის გზებსა, ასევე ურჩევდა გიორგი ყანჩაველი, მართალია, მერე ცოტა აერია

გზაკვალი, მაგრამ აი, გამოსწორდა ყველაფერი, აი დამდგარა ფერიცვალობაი, დიდი დღეობა, დიდი თავყრილობა უამრავი ხალხისა, დიდი ლხინობისა, გალალეებული სიმღერებისა. მართალია, სიკეთეს არას გადაჰყრია ლეკოს თანამგზავრობითა, მაგრამ არ არს უბედურება, ვილაცამ რო არ მოითბოს ხელიო, თუ არ არს უბედურობა, სიკეთის ნიშანიც რო არ გამოერიოსო, ასე ყოფილა თუ ისე, ფერიცვალობამდის მოიყვანა ამ დაბანდებულმა დღეებმა. ხოლო იმლამესვე თუ ესტუმრებოდნენ იტრიელებსა, ახლა უკვე თბილისში იქნებოდა, იქნებოდა ჩანყნარებული, ჩამშვიდებული, მაგრამა რა ბედენა ყოფილა სიმშვიდე, მცირედი სურვილიც თუ ვერ აგისრულებია! – ასე და ამგვარად მიადევნებდა სტუმარიცა, ოლონდ ხმამალლა როდი, გულში მიადევნებდა, მერეცა სდუმდა, ფიქრს რო დაეხსნა ლეკო თათაშელი, ახსნა რო დაუნყო:

ახლა შენ მაინც აღარავის ახსოვხარო, არა, არ დაგივინყებენ, მაგრამაო ნუხელის რო ხვაი დარჩათ გაუნიავებელი, ჯერ ის უნდა შეიბინავონო, მერე სხვა საქმე გამოუტყვერებათო, ან რა გამოტყვერომა უნდა, ათას საქმეში შებმულან, ჯერ შენ არც გაგისხენებენო. ეგება კალოც არ შეაბან ფერიცვალობა დღესა, სხვა საქმეზე მაინც ხელს არ აიღებენ შუადღემდისა, შენც მერე მოგაკითხავენ, მერელა იზრუნებენ შენზედაო. ეგება დღესვე არც გაგისტუმრონ, ეგება განუზრახავთ, ფერიცვლობას განვიონო. რას გაიგებ ამათსასაო, ერთბაშად გეტყვიან ერთბაშადვე თუ არ დათანხმდი, აღარც გაგიმეორებენო. ჩვენ რას ვიძიოთ, თუ რა განუზრახავთო, აგერა ბალს რო გავცდებით სერი მოსჩანს, იმ სერს რო ავირბენთ, ვითომც ხელის

გულზე გქონია ფერიცვლობის ტაძარი თავისი დიდი გალავნითაო. გალავანშიც ჰო ვერ დაეტევიაან ამ დღეობა დღესა, მთლად მოფენილნი იქნებიან სერის ნვერამდისა, ჩვენც ავირბენტ, ისინიც იქვე შეგვეგებებიანო. თუ გინდა, ცხენებს გამოვარჩევო, აქ არც არავისა ვკითხავ, თვალში რო ჩავუვარდე, თითსაც არ ამოისვამენ ჩემი დისნულებიო, საუკეთესო ცხენებს გამოვარჩევ, ავიქროლოთ სანაქებო ცხენებითაო, მაგრამაო ცხენი ტვირთია, ყურადღება უნდა, არ მოგვაცლის სალხენადა თუ სიმღერების მოსასმენადაო, არც დიდი მანძილია. მე არ მეზარება ფეხით სიარული, შენც არა გიჭირსრაო, ავირბინოთ ეს სერი, გადავდგებით თუ არა, იქავე შეგვეგებებიანო. თბილისს გამგზავრებას თუ ინებებ, დღეობის მერეო რალა თქმა უნდაო, სადგურიც იქვეაო, მტკვარ გაღმაო, იქვეა, სულ იქვეო, რო გადააფურთხო, ზარს მოხვდება ქარელის სადგურისასა, ასტეხს ნაუ-ნაუსა და მატარებელიც გამოვაო; ანთუ ქარელი სულაც არ გვინდა, ურბნისის ბაქანს თუ არ ითაკილებ, მატარებელიც გამოვა და ჩვენც რო დავქანდეთ სერ-სერა, ბორანიც შეგვაგებონ მაშინვე, მივასწრებთო. ესაო, თუ წასვლას ინებებო, ესენი კიდევაც მაღლობას მომახსენებენ, დროს რო არ დაჰკარგავენ შენს გასამგზავრებლადაო; ჰო ესაო, თუ წასვლას ინებებო, თუ არაო და, რა გეჩქარებაო, მარიამობას ხახე ამირეჯიბს ვენვიოთო, მანამდისაც ვენვიოთო, მარიამობა იქვე გავითენოთო, თბილისის ნალები ხახეს ეწვევა მარიამობასაო, დიდი მუშაირაც იქ გაიმართება, დახანჯლავენ პოეტები ერთიმეორესა. სოსოს მაინც ვერავინ აჯობებს, ვერა!.. ისევ აქ ვარ, ისევ შენთან ხახე. ვერც ვინ გაგვყრის ჩემო მზეო ჩვენა, რომ გვესმოდეს შაშ-

ვის სიჭახჭახე, რომ გვესმოდეს იადონის სტვენა. სიჭახჭახეო – გესმის, გესმის!.. ჯერ ვის უპოვნია რითმაი ასეთი!!!. გაუძლებს განა „ირისები“ გალაკტიონისა?!. ლექსს რო სხვანაირად ამბობო, – შეჰბედავს მოგზაური. მე ვგრე გამოვთქვამ და ვინ თუ როგორ გადააკეთებს, ნება იმისიაო. ი შენი გიორგიც იქვე იქნება, იქვე გირჩევს და იმისი უკულმა რჩევა აჯობებს ელიზბარ ხეთერელის ნაღმა რჩევასო. მე ასე მითქვამს, ჩემი თქმაც არ გინდა, შენ უკეთ იცი გიორგი ყანჩაველისაო, ხოლო ამასა გკითხავ დაჟინებითაო, თბილისის ნაღები ხახესთან იქნება მარიამობა დღესა და შენ რაღას მიტლაკუნებ ამ თბილისში, ერთი გამაგებინე თუ ღმერთი გნამსო.

ვერც გააგებინებდა, პასუხიც არ უცდია, პასუხიც არ უნდოდა ლეკოსა, მართლა შეკითხვა ჰო არ იყო, დარწმუნება იყო შეკითხვის სახითა და კიდევაც დაარწმუნა, აიყოლია, ისევ აიყოლია, ერთხელ გამოსტაცეს ხელიდანა, ძლივს გამოსტაცეს და ისევ ჩაიგდო ხელშია, თვალი აღარ მიადევნეს მცირე ხნითა და კვლავ ამისი საალაფო გახდა.

XXI

ჰო, ისევ ამისი საალაფო გახდაო... გაჰყვა, გაედევნა, გასდია ტუსტუსითა, წინა ლამემაც თუ წააქეზა, „თვალთა შენთაო“ რო უმღერეს, დაიმედდა, იქაც მიმღერებენო, ჩემს სხვა რომანსებსაც იმღერებენო, ალბათ დაიმედდა, ისე გახალისდა, ისე აცმუკდა. ლეკო ჰო ყოველთვის აცმუკებულყო და ცოტა იარეს

თუ ბევრი იარეს, აიარეს სერი ფერიცვლობისა, აიარეს ცმუკვა-ცმუკვითა, აიარეს, თავს მოექცნენ, გადაჰხედეს ცმუკვა-ცმუკვითა, მაგრამ ფაფუ, არცა ლხინიო, არცა სიმღერაო, არსად ჩარდახიანი ურმებიო, არსად ნამწვი ღამისთევისაო, არსად მუშაითნი, არსად ბერიკები, არსად ჯირითიო, არსად ჭიდაობა, არსად ჭვრეტა საპატარძლოთა, არსად მენვრილმალენი, არსად დუდუკი, არსად ფანდური, არსად გუნდნი მოღრეობეთა, არცა გადაპატიჟებანი რალა თქმა უნდა. აქეთ მიიწვევდნენ, იქით მიიწვევდნენ, იქიდან სამღურავს შემოუთვლიდნენ, ჩვენთან რატომ აგვიანებთო, რად არ მოგვილოცავთ ფერიცვლობასაო, აბა ჩვენსკენო, აბა ჩვენსკენო და კაი ბიჭობა ეთქმოდა, საღამომდის თუ მაინც მიაღწევდა ხოლმე ფერიცვლობის გაღავენამდისა. უთუოდ მიაღწევდა, ჭკუაც რო აღარ შერჩენოდა, მაინც მიაღწევდა, შემოუვლიდა, შემოიბანცალებდა, ვალმოხდილი იყო, ისევ ღრეობას მიეცემოდა ვალმოხდილი, პირნათელი, ალალი, ფერიცვლობის ტაძართანა. შემოევლებოდა ფერიცვლობის მუხებსაცა; ოდესღაც იქ მუხნარი ყოფილიყო, ღვთაება ყოფილიყო მუხნარისა, ფერიცვლობისა, ოდესღაცა, გარდასულ ჟამსა, ოდეს ქრისტესი არა იცოდნენ რაი, მერე მუხნარი აკაფულიყო, მერე ღვთისშობლის ტაძარი აეგოთ, მერე მუხნარს ისევ ამოეყარნა, მერე ღვთისშობლის ტაძარი დაენგრიათ, მერე ღვთისშობლის ტაძარი განეახლებინათ და აეკაფათ მუხნარი, მერე ისევ მუხნარს გადაეწლო ღვთისშობლის ტაძარზედა, მერე ისევ ტაძარი შემდგარიყო მუხნარზედა, ვინ უწყის, რამდენჯერ განმეორებულიყო ასე და ამდაგვარადა, ხოლო მაშინ რამდენიმე მუხალა ხარობდა ტაძრის

გალავანში და მიმოხანცალებდა ლეეოცა, სხვანიცა და ლეეოცა, ჯერ ტაძრის გარშემო, მერე მუხების ირგვლივა ან პირიქითა, ჯერ მუხების ირგვლივა, მერე გარშემო ვეება ტაძრისა. შიგნით ენთო კელაპტრები, ადიოდა ალი სანთლისა, ადიოდა ლაღადისი მორნმუნეთა. მუხებსაც შემორტყმოდა სანთლები, მუხებსაც შემოვლებოდა ალი სანთლისა და დაბანცალებდნენ მთვრალნი ღვინითა თუ მთვრალნი რნმენითა, ვედრებითა, სასოებითა, უამრავჯერ გაცრუებული იმედებითა, კვლავაც გასაცრუებელი იმედებითა; ოლონდ ეს მანამდისა, მაშინ არა, არა, ცმუკვა-ცმუკვით რო აიარეს სერი ფერიცვლობისა და გადაჰხედეს ტაძარსა ფერიცვლობისასა, ნნ, მაშინ არა...

მაშინ ასე გახლდათ: აიარეს ცმუკვა-ცმუკვითა, ჩაიარეს ფეხის თრევითა, ის სერი, ფერიცვლობის სერი ჩაიარეს ფეხისთრევითა. შუკებსაც ჩაჰყვნენ ფეხისთრევითა, პირისპირ არავინ შემოჰგებებიათ, რამდენიმე ზურგს მოჰკრეს თვალი, რამდენჯერმე ფეხსაცა, გამოსადგმელსა თუ შებრუნებულსა, თუმცა სულერთია, მიეფარათ ზურგიცა, ფეხიცა, გამოსადგმელი თუ შებრუნებული, სულერთია, ყველა მიეფარათ. მაინც იარეს, დიდი გახლდათ საფერიცვლოი, სერი თუ მოშიშვლებულიყო, ქვემო კალთებზე იქნებოდა ჯარ-ჯარამათი, უთუოდ იქნებოდა, ყოველთვის იყო, მაშინაც იქნებოდა; თუ მიმდუმარებულიყო იქაობაი, ეგეც არაფერი, ნუთის მდუმარება დლეობამაც იცისო, ან ერთი პირი მდუმარება დლეობამაც იცისო, წყალისა არ იყოს; ჰოდა, მაინც იარეს, იარეს და მიატანეს ტაძარსა საფერიცვლოსა. იქ უცბად შეიცვალა ყველაფერი, აქ ხმა მოსკდა, ხორხოცი, მოს-

კდა, ხმა გაისმა ადამიანთა, ხმა გაისმა საკრავთა. გამოვიდოდა ის ხმები გალავნიდანა, გამოვარდებოდა, მოედებოდა, საფერიცვლო სერსა, საფერიცვლო კალთებსა, ისევე მოედებოდა, რო ახსოვდა ისევე. მაგრამ ხმები გახლდათ სხვანაირი, სხვაგვარი, რო ახსოვდა, ისეთი არა, ხალხიც სხვანაირი იყო, სხვაგვარი, რო მისჩვეოდა, ისეთი არა, დლეობაც სხვაგვარი დამდგარიყო, რო იცოდა, ისეთი არა. ისეთი არა. ისეთი არა. გალავანთან სასულე ორკესტრი უკრავდა, სამხედრო ორკესტრი, სასულე ორკესტრი გალავანთანა, უკრავდა, უკრავდა, გახლებულიყო და გახლებულიცა ცეკვავდა რამდენიმე ჯარისკაციცა, ანთუ ათეული, ანთუ ოცეული, ბევრი ცეკვავდა, თავქუდმოგლეჯილი, საკინძეჩახსნილი, ქამარშეხსნილი, ცეკვავდა, ბუქნიდა, ჰკიოდა, ჭყიოდა, ისე ჭყიოდა, ისე იმგვარი ბედნიერებითა, მთლად ქვეყნიერებას რო მალე ამოიღებდა ქვეშა, ხოლო საქართველო ჰო უკვე ამოედო, კავკასია ჰო უკვე ამოედო, ამოედო და ბუქნიდა, ბუქნიდა მტვერში, მტვრიანი ბუქნიდა, მტვერში მტვრიანი, ბორიაყში ბუქნიდა, ბორიაყი რო მიჰქონდა, სადაც რო დაადგამდა ფეხსა, ბორიაყი მიჰქონდა, მტვერი მიჰქონდა და აქცევდა მტვრად, ბორიაყი მიჰქონდა, კუდიანი ქარი, ეშმაკის ქარი. ეს ასეო, გალავანთანა, ხოლო ეს მერე, უკვე კარიბჭესთანა: ხალხი მიჯგროვილი კარიბჭესთანა, აქაური ხალხი, მიჯგროვილი თუ მირეკილი, გარეშემო რო ჯარისკაცები შემორკალოდნენ, უფრო მირეკილნი, რო ეხილათ თავიანთი თვალითა თუ ვითომ თუ რა იყო ამათი სალოცავი, თუ ვითომ თუ რანი იყვნენ მლოცველნი ამისთვისა, ნმინდა მრუველი თუ ვითომ თუ რა იყო, მღვდელნი თუ რანი, დიაკვანნი თუ ვი-

თომ რანი, ეხილათ თვალითა თავაანთ თვალითა; ეხილათო და შეჰყურებდნენ: გაყოფილიყო ჯარი იგი კარიბჭიდან ტაძრის კარამდისა, ჯარი ნამდვილი, არათუ რო იტყვიან: ხალხი მოჯარდაო, – ხალხი ჰო გარედან მიჯგროვილიყო კარიბჭესთანა, – არა, ის არა, ნამდვილი ჯარი, ჯარი შემოსული, შემოსეული და შემოსული, ვითომ რო ჯარი გამანთავისუფლებელი, ვითომ რო მხსნელი, ვითომ რო მეგზური, წინამძღოლი სწორუპოვარი ბედნიერების დიად გზაზედა, ვითომ რო თვითონ რო მიდიოდა, ვითომ სხვებსაც რო უნათებდა, გაყოფილიყო ანუ ჩამდგარიყო რო ორმნკრივადა, ჯარი იგი კარიბჭიდან ტაძრის კარამდისა, გაყოფილიყო, გაპოზილიყო: იქიდან მრუველი გამოდიოდა... ტაძრიდანა რალა თქმა უნდა... გამოდიოდა... თუ ხელსა ჰკრავდნენ!.. თუ კონდახი მოეყოლებინათ!.. ცხადია და რალა თქმა უნდა: ხელსაცა ჰკრავდნენ, კონდახიც ზედ მოეყოლებინათ: მოერეკებოდნენ მღვდელთაცა, დიაკვანთაცა, მოერეკებოდნენ და კონდახებს მოაყოლებდნენ იმათაცა რალა თქმა უნდა, მოაყოლებდნენ და აფურთხებდა ჯარი, ის შუაგაყოფილი, ის შუაგაყოფილი ჯარი, სწორედ ამიტომ რო გაყოფილიყო, გზა რო დაეთმო და რო აფურთხებდა, დასჭყიოდა და აფურთხებდა, ხარხარებდა და აფურთხებდა; ეს რო წინანიო, ლობისანიო, ალაიასანი, დასჭყიოდნენ თუ დასჭყვიროდნენ უკანანიცა, უკანანიცა, უფრო მეტი გატაცებითა, დასჭყვიროდნენ და დაჰხარხარებდნენ, თავში რო იცემდა მუშტებსა მრუველი მთავარეპისკოპოსი, მღვდელ-დიაკვანნიც რო იცემდნენ თავშია, ბერნიცა, მონოზონნიცა, მგალობელნიცა, რო მოერეკებოდნენ იმათაცა ცხადია, მორწმუნენიცა, რო მოსუ-

ლიყვნენ წირვაზედა ფერიცვლობისა, მხოლოდ რო მცირენი, მხოლოდ რო გაბედულნი, ანთუ მართლაც რო ღრმადმორწმუნენიო, გარეთ რო ცხვირიც ვერ გამოეყოთ სხვა დანარჩენთა, რო მოერეკათ ახლა ძალითა, მოერეკათ, რო ეყურებიანთ, რწმენა თუ როგორა რა ყოფილა თავაანთი, ეყურებიანთ და ეფურთხებიანთ იმათაცა: შეაფურთხეთო, უბრძანებდნენ, იჭყვირეთ და შეაფურთხეთო. უბრძანებდნენ. უბრძანებდნენ. ერთმორწმუნენი. ერთმორწმუნენი. კახთბატონებს თუ როგორც რო სჯეროდათ, როგორც აჯერებდნენ მთლად საქართველოსა. ერთმორწმუნენიო. და გრიალებდა დაფდაფებიცა. იქ ისინი უვლიდნენ გალავანსა, ბუქნით უვლიდნენ, ბორიაყით უვლიდნენ, ჩიკაჩიკათი, აქ ესენი იცემდნენ თავში, იცემდნენ, იცემდნენ, და დაფდაფებდა დაფდაფები და ჭყვიროდა ჯარი დუჟმორეული, შეშლილი ჯარი, ჭყვიროდა, ჭყვიროდა. ასე ჩაატარეს. ასე გაიყვანეს. გაინაპირეს. ნაიყვანეს. ნაიყვანეს... მრუველი... პირნი სასულიერონი... მრეველიცა მცირედი...

ნაიყვანეს ეკლესიიდანა, სადღესასწაულო წირვიდან ნაიყვანეს.

ჯერ ვერაფერს მიჰხვდნენ, გალავნის გარეთანი.

ჯერ აედევნენ, ესენიც აედევნენ, სდიეს, სდიეს და მერე შეჩერდნენ, მაშინვე შეჩერდნენ, მიხვდნენ თუ არა, ნეტავი რას მივდევთ, რა გვესაქმება ამათთანაო ანუ: ჯერ ლეკო მიხვდა, ჯერ ლეკო შეჩერდა, მინახვედრი გაუმხილა ნიკოსა, ესეც მიაჩერდა მხრებანურული, რა მოგახსენო, აბა, რა უნდა გვესაქმებოდესო. ეს ადვილი გადასაწყვეტი იყო, გადასწყვეტეს ადვილადაცა, ოღონდ რა ელონათ შემდგომ ამისა, ეგ ველარ გაიგეს, ვერაფერი ივარაუდეს ანუ ლე-

კომ ველარ ივარაუდა, ესეც მისჩერებოდა მხრებანურული თუ ახუხული, ნარმოიდგინე, როგორც გენებოს, ოლონდ გახსოვდეს, აქეთ ტაძარი მოსჩანდა, იქით-იქით შუკები, ცარიელი შუკები, ერთ-ერთში რო მრუველი ჩაიკარგა თავის ამალიანადა, ამალიანადა და ბადრაგიანადა, ჩაიკარგა, ჩაიკარგა და ის ერთიც გაინაბა, განაბულიყო დანარჩენიცა, ამათ არავინ ენეოდა არცა გულითადადა, არცა ცალყბადა; არ ენეოდა და ნუ ენეოდა, დღეობა იმისი დღეობაა, პატიჟი არ იცისო, სამდურავი იცის, თუ არ ენვიეო: ღმერთო ჩემო, ნეტავი ვის დავიმდურებო, ლეკო იმის ლეკო არ გახლავთ, სამდურავი დაიტოვოს დღეობისაო. ასე თქვა და შეატყაცუნა თითებიცა, საგანგებოდაც ჩაახველა, არ შეეჭვდე, ადვილად არ დაიბნევა ლეკო თათაშელიო. არც დაბნეულა, ტაძარი უკან მოიტოვა, მოიტოვა იქვე გახლართული შუკებიცა, მცირე რამ ველი გადაირბინა, მიასწორა განცალკევებულ უბანსა, აქედან კაკლებში, ხოლო იქით-იქით ვენახებში ჩამჯდარ უბანსა. იქ ეგულეობდნენ ფანიელები ძველთაძველი მლოცველები ფერიცვლობისა, არცა დიდად გამოჩენილნი თუ განდიდებულნი, არცა დიდად გამდიდრებულნი არასოდესა, ოლონდ გამრავლებულნი, დასახლებულნი ცალკე უბნადა, დასახლებულნი ცალ-ცალკე ოჯახებადა, ერთნაირი დაბალი ალიზის სახლებითა, თანზომიერი კარმიდამოთი, ამწვანებული კარმიდამოთი, თანაზომიერი სახნავ-სათესითა, წლიდან წლამდის რო გაიყვანდათ, მტრის დასაცინნი არ გახდებოდნენ, არცა ხელშემყურენი მოყვარეთა...

მაგრამ ამდენი არც ეკითხებოდა ლეკო თათაშელსა, რაც ეკითხებოდა, კიდევაც კარგად მოეხსე-

ნებოდა: რაც უნდა მომხდარიყო, ფერიცვლობა დღეს არ გასტეხდნენ ფანიელები, არც გამოეფინებოდნენ, არ გამოშორდებოდნენ თავიანთ კარმიდამოსა, ისხდნენ და ელოდნენ სტუმრებსა, ისხდნენ განწმენდილნი, გაფაქიზებულნი, მამაპაპური, ყუათიანი ნამზადითა; თუ ეწვეოდნენ, მიეგებებოდნენ ჩუმი, ჩამტკბარი სიხარულითა, თუ არ ეწვეოდნენ, გადაინვევდნენ ერთიმეორესა, ერთიმეორეში მოილხენდნენ ჩუმი, ჩამტკბარი ლხენითა. აყალმაყალი იცოდა საფერიცვლომა, აურზაურიანი დღეობა გახლდათ ფერიცვლობაი, უფათერაკობა არ იქნებოდა, უსისხლობაც არ იქნებოდა, ბრმად გადმოჰყოლოდა მსხვერპლმეწირვის უძველესი ადათი, ვინმე უთუოდ გაიწირებოდა ბრმადა, რამდენიმე თუ არა, ერთი ვინმე მაინც გაიწირებოდა ბრმადა. ვილაც გაეშვებოდა, რამდენიმე თუ არა, ერთი ვინმე მაინც გაეშვებოდა, არ დასცხრებოდა უსისხლოდა. ბრმად ეარა ბრმა წესსა, ბრმად ეარა და ვიდოდა ბრმადა, თითქოს აღის ენებს ამოჰყრიდა კოცონი, უძველეს მუხნარში რო დაანთებდნენ ხოლმე ფერიცვლობის ღვთაებისთვისა, ამოჰყრიდა და კვლავაც მოითხოვდა თეთრით მოსილ ასულსა, უმშვენიერესსა, გამორჩეულსა, ის მოითხოვდა, აქ ჭაბუკი თუ ვაჟკაცნი წაიკიდებოდნენ და ვინცა სძლევადა, ის იქნებოდა მთავარი ქურუმი, ვინც იძლეოდა, ის იქნებოდა მსხვერპლი გამორჩეული იმა უმშვენიერესი თეთრით მოსილი ასულის ნაცვლადა. თუმცა ისიც საფიქრალია უფრო ხშირად გამორჩეული ასულისათვის წაიკიდებოდნენ ხოლმე. და ვიდოდა ბრმადა უსაშინლესი წესი, უძველესი წესი, გადაგდებული, დაგმობილი, ჩაქოლილი, ჩაწიხლული, ვიდოდა ბრმადა,

ბრუნავდა ბრმადა, გიზგიზებდა უხილავი კოცონი ფერიცვლობის ღვთაებისა, ხან ისე გიზგიზებდა, მოედებოდა ვეება ტაძარსა, ღვთიშობლის ტაძარსა, მოედებოდა და აალაპლაპებდა სისხლის ფერადა, მოედებოდა და გავარვარდებოდა, ცეცხლი ვერ ჩააქრობდა იმ სივარვარესა, სისხლს უნდა ჩაექრო. როგორ მომხდარიყო, როგორ შეთვისებულყვენ ღვთაებაი ფერიცვლობისა და ღვთიშობელი?! ძნელი სათქმელია, ძნელ ცხოვრებასა, სიდუხჭირესა, ვაეზასა, რბევასა, გვემასა, გაუტანლობასა ვინ უწყის, რა უცნაურობა არ მოუწევია, ეს ეგება ნაკლებ საკვირველებადაცა თქმულიყო.

როგორც უნდა თქმულიყო, ლეკომ იცოდა, სიმშვიდე იქნებოდა ფანიელთა უბანში, როგორც უნდა დამთვრალიყო, ის მაინც ახსოვდა, იქ შეეფარებინა თავი, იქ დაიფარავდნენ, იქ გაიტანდნენ და კიდევაც გაუტანიათ, თორემ აქამდის, ვინ იცის ამასაც თუ რამდენჯერ შესწირავდნენ ღვთაებასა ფერიცვლობისა. ბევრჯერ მოსჩვენებია, გიზგიზებდა ტაძარი, თუმცა ვილაცა უკვე შემოჰკვდომოდათ, მაინცა გიზგიზებდა, არა ჰყოფნოდა სისხლი ერთისა, შიში გაუჯდებოდა, ძრწოლა აიტანდა, მაგრამ არ გადაუნყდებოდა იმედი, რადგან უწყინარ ხალხში იყო, ფანიელებში იყო. წყალს დაისხამდა, ბევრ წყალს გადაისხამდა თავზე და იცინოდა შიშიანი, იმედიანი; ბევრ წყალს გადაისხამდა, დაუღებოდა გაფიცებული თვალები და ჩაქრებოდა ტაძარიცა, აღარცა ფერი სისხლისაო, აღარცა წყურვილი მსხვერპლისაო. იმ ღამეს ველარ მოასწრო, წყალი გადაესხა თავზედა, ისე მოულოდნელად მოხდა, ისე დაებნა თავგზაი, ველარ მოასწრო, ველარც გაიხსენა, თო-

რემ ვინ იცის... თუმცა უწყინარ უბანში იყვნენ, უწყინარ ხალხში იყვნენ, ალბათ ჭიანჭველისათვის ფეხი არ დაედგათ, ალბათ არც არასოდეს არავისთვის ეთქვათ, თვალი შავი გაქვსო. სახე ჰქონდათ სასოებითი, მსგავსი ერთმანეთისა, თვალი აღსავსე თანაგრძნობითა, გული მფეთქავი სიკეთითა, – ვის შესწოდნენ, ვისთვის წაეშველებინათ ხელი. ის დღე სხვა გახლდათ, ის დღე სტუმრისა იყო, სასტუმროდაც გადაჰხსნოდათ გული, წყნარადა, მშვიდადა, მდუმარი სიხარულითა. სტუმარი სტუმარი იყო, გარჩევას არ მისდევდნენ, სტუმარი სტუმარი იყო და ლეკოც სტუმარი გახლდათ, ნიკოცა რაღა თქმა უნდა, სტუმარი იყო და ათი კაციც რო ყოფილიყო ოჯახში, მხოლოდ ერთი მიუჯდებოდა სუფრასა, სხვანი თავს ადგნენ, სთავაზობდნენ, შეჰქონდათ, გაჰქონდათ, ემსახურებოდნენ. ტყუილია, რაც უნდა პატივი ეცათ, ესოდენ ღირსეულობას ვერსად განაცდევინებდნენ ლეკოსა. მეუფე იყო, მეუფე უნახავი, გაუგონარი, მეუფე ისეთი, ბრძანება რო არ უნდოდა, თქმა არ უნდოდა, არცა ნიშნება, ისე სრულდებოდა ყოველი ნებაი ამისი, სურვილი ამისი. იქ აღარ ინებებდა? – გადაინაცვლებდა სხვა ოჯახში, იქაც ისევე ფიანდაზად გაეგებოდნენ, მერე სხვაგნით გასწევდა გული, იქაც მომზადებულნი დახვდებოდნენ, თითქოს მეფე მოგზაურობდა თავის სამეფოში, ბედნიერ სამეფოში და ტკბებოდა თავისი ბრძნული განმგებლობის ნაყოფითა.

ტკბებოდა ასე შელამებამდისა... ღრუბლებით შელამდა, ჟინუვლაც წამოიწყო, კიდევაც იელვა, ჰო, ჯერ ეგონათ იელვაო, ერთბაშად გაშუქდა ღამეი ბნელი, ღამე ღრუბლიანი, ოღონდ როდილა ჩაიქუფ-

რა ერთბაშადა, იმატა შუქმა, იმატა და იმატა, მოშორებით თუ დაიწყო, მოანია სულ ახლოსა, უსწრაფესად მოაღწია, ამათაც შემოენთო, ხანძარი შემოენთო, ძლივს გამოასწრეს, გამოიხედეს და რა დაინახეს, – იწვოდა ფანიელთა უბანი, ავარდნილიყო დიდრონი ჭიაკოკონები, ალსა და ნაპერწკალს აეხია ჩაქუფრული ლამე. ხმებიც გაისმოდა შემზარავი, მოულოდნელი, უცნაური. არა, ეს არ იყო ხმაი ხანძრისაგან თავზარდაცემულთა, იყო ესეცა, მაგრამ სხვაც იყო, უფრო თავზარდამცემი, უფრო საშინელი, გაუგონარი. და მაშინ იმ გამგმირავ ხმებსა და საბედისწერო ხანძრის ალზე ფერიცვლობის ტაძარიც ამოგიზგიზდა სისხლისფრადა, ანუ დაიკლაკნა სისხლის ღვედივითა, დაიკლაკნა, დაიზნიქა, დაიგრიხა, როგორც რამ ჟინი მარადიული წყურვილისა, სისხლის წყურვილისა. თვალები დახუჭა ლეკო თათაშელმა, შეაჟრიალა და დახუჭა თვალები, გამოვარდა თუ არა ხანძარმოდებული სახლიდანა, პატარა, ალიზის სახლიდანა. თვალები დახუჭა, ოღონდა წყალი როდიღა მოფიქრებოდა, მირბოდა ეგრე თვალდახუჭული, მერე რაიმეს თუ წამოედებოდა, უნდა გაეხილა თვალისა და მაშინვე გაეზმორებოდა ტაძარი, სისხლისღვარ ჩამოდენილი. ალბათ ოდესღაც იქ რო მუხნარი იყო ფერიცვლობის ღვთაებისა, ისევე იზმორებოდა, იზნიქებოდა, ირხეოდა, ალს მოიდებდა დაუმცხრალსა, მარად მოგიზგიზესა, მუქარიანსა, ნაგლეკავთო, გადაგბუგავთო, მსხვერპლიო, თორემ გადაგბუგავთო. იმა მუქარას დააცხრობდა ერთი ასულიცა, გამორჩეული, ულამაზესი, უფაქიზესი, ამა ზმორებას რალა დააცხრობდა?.. იყო ნდომა გამძაფრებული თუ საშინელი წყურვილი გახლდა გაუგონარი, სისხლის

წყურვილი. განა რამდენი დალია ლეკომა, განა თუ როგორ გაფიცებოდა თვალები ან წყალი როგორ ვერ მოაგონდა, გადაესხა თავზედა, განუნულიყო, გალუმპულიყო, აღარც გამშრალიყო, თუ უშველიდა, თვალები თუ დაუღებოდა, ანთუ ხსნა სწორედ ეს თუ იყო, – დაღობაი თვალთა?..

თუმცა ეს რაღა საკითხავია, –

მირბოდაო, იმას ვამბობდი, მირბოდაო და შეუძახეს; ან არ მოესმა, ან არ გაუგონა, უმატა სირბილსა, გაეშვა, გაფრინდა ოთხამოლებითა; მაშინ წინ უყელეს, ხელი გაავლეს, კიდევაც ნაუთაქეს, კონდახიც უთავაზეს და პანლურიც როდილა დაუკლიათ; მოიცათო, მაინც იძახდა, მაინც ფეხს ითრევდა, ნიკო რა იქნაო, არ წამოგყვებით უიმისოდაო; არავინ მოუგებდა არც რო არაფერსა, არც იკითხავდნენ, ნიკო თუ ვინაა, ეგ ვილას ტიკიტომარა არისო, ისე მიათრევდნენ ამასა ცხადია, მიათრევდნენ და მიაფხონიანლებდნენ. არა ნებდებოდა ეგრე ადვილადაცა, არც იკითხავდა, ვინა ბრძანდებით, ანთუ რა გნებავთ მაინც ჩემგანაო, კაცი დავკარგეო, ამასლა ნალვლობდა, მხოლოდ ამასა, მაპოვნინეთ და თქვენს ხელთა ვიქნებო. ჩვენს ხელთაცა ხარ, ჩვენი საქმისაც ჩვენ უკეთ ვიცითო, უფროც უთაქეს და უფროც დაითრიეს, დაითრიეს და ატარეს ეგრე, ანთუ ათრიეს ხანძრის შუქზედა, ათრიეს და სადღაც შეაგდეს, და, რო გაისმა ამისი ბრავანი, მიკნავებული ხმაც აჰყვა მაშინვე, –

– ბატონო ლეკო...

ბიჭოს, აქა ხარო, შესძახა ლეკომაცა, შესძახა ისე აღტაცებითა, აი და აჰაა წამოფრინდებო, ოლონდ ძლივას წამოინია, წამოინია და მოხვდა კიდევა, გა-

უდგაფუნა თავში რალაცამა, წინკლები გასცვივდა
თვალებიდანა;

– ბატონო ლეკო...

მაინც მოესმა, ოლონდ მოესმა, ისე, იმგვარადა
თავმა იმასაც თუ გაუდგაფუნა, წინკლები თუ ცეც-
ხლი წასცვივდა თვალთაგანო;

მაგას რალას ერჩით უღმერთოებო, სტუმარიო,
ეს მაინც ამოთქვა ლეკო თათაშელმა და საცა ამოთ-
ქვა, ჩასთქვა იქავეო, იმდენი მოჰხვდა და ისე მოჰ-
ხვდაო; აღწერა არც ვარგა სიტლანქისა თუ უხეშო-
ბისა, არც ხატვა ვარგა ნაბეგვი კაცისა, არც სიტყვა
ვარგა დარეტიანებული ადამიანისა, არცა ვარგა და
არც რო ვარგებულაო, მაგრამ ყველაფერი არ გამო-
იტოვება მაინცა, თავისი სადინარი რო მისცემია ყო-
ველ თქმულებასა, არც ამოვარდნა ვარგებულა სა-
დინარიდანა, დანრეტაც არა, არ ვარგებულა, დან-
რეტა უფრო არა ვარგებულა, ჰოდა რაც იყო, იყო და
რას იზამ, თათაშელიც მოეგო გონსა. ნიკო თუ ნიკუ-
შაც იქავე ეგდო, სტუმარი იგი რალა თქმა უნდა, მოგ-
ზაური იგი იქავე ეგდო, ერთად ეყარნენ და დასძა-
ხოდნენ ერთადვეცა ცოფმორეულნი:

– თქვენ გააჩაღეთ ცეცხლი!..

– თქვენ გაძარცვეთ ტაძარი!..

– თქვენ ასტეხეთ შფოთი!..

– თქვენ დაჰღვარეთ სისხლი!..

– თქვენა... თქვენა... თქვენა!..

– ვინ დაგავალათ?..

– მოთავე ვინაა?..

– კიდევ ვინ გახლდათ?..

– რა იქმნენ სხვანი?..

– სად იკრიბებიან?..

- სად გელოდებიან?..
- რა უყათ იარალი?..
- იარალი!..
- ... აააააააა...

შემზარავი კენესაც გაისმა და იყვირა ლეკომაცა, მაინც იყვირა: ვინა გგონივართო, ვინც უნდა გეგონოთ, მაგას მაინც ჩამოეხსენით, ჩემი სტუმარია, თავს დავდებ ჩემი სტუმრისთვისაო; კეთილი და პატიოსანიო, დასდებ და დასდეო, და მისდგნენ იმასა, თავის წილადაცა, სტუმრის წილადაცა, მისდგნენ ულმოვლადა, შეუნყნარებლადა, რო არც იფრთხილებდნენ, ემანდ ხელში არ შემოგვაკვდესო, აღარც უფრთხოდა სიკვდილს არავინა, აღარც უკვირდა აღარავისა, გაადვილებულიყო, გახშირებულიყო, გაუბრალოებულიყო ყველაფერი. - ოდეს ვარდი გაიფდეს, არლა ღირდეს არც ჩირადო, ერთხელ რო თქმულიყო, ვარდზე რო თქმულიყო, სიკვდილზედაც გამოდგებოდა, ყველაფერზე გამოდგებოდა, ასე იყო და ასე ყოფილიყო, - გაკიდულიყო ბენვის ხიდზე ახლა ლეკოი. სიკვდილის გზაზე გაკიდულიყო, ოლონდ არ იქნა, არ გადადიოდა, ბოლო ნაბიჯი ველარ წაედგა, რალაც აკავებდა, რალაც უცნაური, ძლიერი რალაცა, ძლიერი თუ შმაგი რალაცა, - თითქოს რო სული, სული აკავებდა ნამებულისა, სული უცნაური, გაუტეხელი, ატეხილი და გაუტეხელი; უცებ აენტო სული იგი ნამებულისა, უცებ აენტო და უცებ დაიჯერა იმა საზღვარზე სიკვდილ-სიცოცხლისა, უცებ აენტო და უცებვე შედგა, გაქვავდა იქავე, გასალკლდევდა იქავე, თითქოს და მართლაც დამთრგუნველი სიკვდილისაო; ეს თითქოსაო, თორემ ახსოვდა, ანთუ დროდადრო გაახსენდებოდა იმა თრევასა თუ

იმა გვემაშია, გაახსენდებოდა, რო აღმოხდებოდა სული უთუოდა, ადრე თუ გვიან აღმოხდებოდა სული იგი ნათელი სული და მიერთვოდა მარადიულ სასუფეველსა, – ასეთი ყოფილიყო ბედი ნამებულისა, გმირის ბედი ასეთი ყოფილიყო, ბედი დიადი, ბედი ნათელი; ოღონდ მანამდე უნდა სცოდნოდათ, ჰო უნდა სცოდნოდათ თუ ვინ ენამა თუ რად ენამა, – უნდა სცოდნოდათ, უნდა გაერკვიათ უსათუოდა რაღა თქმა უნდა, თორემ რასაც თუ ახლა სნამებდნენ, ის ვერ შემოსავდა სიდიადითა, სიცრუე გახლდა, ვერ შემოსავდა სიდიადითა, არ იყაბულებდა წმინდა კანონი სიდიადისა, არ იყაბულებდა; მართალნი ყოფილან მონამენი, უცრუონი, მართალნი მხოლოდღა, ნათელნი ყოფილან, ყოველთვის ნათელნი, არა ფარულნი, – არცერთი წუთითა, მარად ნათელნი, არა ფარულნი, – არცერთი წუთითა, მარად ნათელნი, ამკარანი და პირდაპირნი; პირდაპირობაც უადვილებდათ სატანჯველსა, თუმცა არაო, არც ეძიებდა გაადვილებასა, ეს, ისე უცებ ნამოუჩქეფდა, ნამოუტივტივდა, სხვა მონამეთა სიადვილე ნამოუტივტივდა, ამას რო ვერავინ შეედრებოდა, იმიტომაც ნამოუტივტივდა; რწმენისათვის თუ ნამებულიყვნენ, ეგ მერე რაო, დიდი ამბავი!.. ამისი საქმე სულ სხვაგვარად მოქცეულიყო, ცილისნამებას უნდა შესწირვოდა, უნდა შესწირვოდა რაღაც საძრახისსა; ვერ გაიგდებდა სახელსა ამითა, საძრახისითა, ასე გმირობა არ ირწმუნებოდა, მონამეობა არ ირწმუნებოდა, – არ დაეცემოდა წმიდა ნათელი, შუქი ნათელი ზენაარსისა; არ დაეცემოდა და არც დასტოვებდა წუთისოფელსა, არა, ისე არ დასტოვებდა, გაუძლებდა გაუსაძლისსა, აიტანდა აუტანელსა, არ გარდვიდოდა

იმა საზღვარსა, სიკვდილ-სიცოცხლის გაადვილებულ საზღვარსა, გაუბრალოებულ საზღვარსა, გაიოლებულ ზღვარსა, არც გარდვიდოდა ჰო ისედაცა, – ცილისნამებით სულ არა ცხადია, იდგებოდა იმ საზღვარზე, ვითომც სამანი ყოფილიყოს, იდგებოდა და იდგებოდა; და უარობდა რალა თქმა უნდა, ძალას მოიკრებდა საამისოდა, უკანასკნელსა, უსასოოსა, მაგრამ რაც იყო, ძალად ითქმოდა, ისევ ძალადა და შედავებადა:

- თქვენ გაძარცვეთ ტაძარი!..
- ააააააააარრაააააა...
- თქვენ დაღვარეთ სისხლი!..
- ააააააააარრაააააა...
- თქვენ ნაუკიდეთ ცეცხლი!..
- ... ააააააააარრაააააა...

აქამდე ითქმოდა შედავებადა, მერე შეიცვალა, უცებ შეიცვალა და რო მიაყარეს იმდენი კითხვანი, იგივე კითხვანი, ისევდაისევა:

- ვინ ნაგაქეზათ?..
- რა განგიზრახავთ?..
- ვინ არის მოთავე... სად არის მოთავე?..
- რა იქნენ სხვები?..
- სად გელოდებიან?..

ყველაფერს გეტყვითო, დათანხმდა ისიცა, უცებ დათანხმდა, ოლონდ სული მომათქმევეინეო. აჰაა და მოითქვი სულიო, წყალი დაასხეს, დაათქრიალეს. ასხამდნენ მანამდეცა წყალსა, ცივცივსა, ცივწყაროს წყალსა, და ორთქლი ასდიოდა გავარვარებულ სხეულსა, ეგდო ჭონჭყოში და ორთქლი ასდიოდა, შიშხინებდა და ასდიოდა ორთქლი, თითქოს იწრთობაო, რკინა იწრთობაო თუ ფოლადიო, ეს სულერთია რა-

ლა თქმა უნდა; ვარვარებდნენ რო ისინიცა, გადაისხამდნენ წყალსა ისინიცა, ცივწყაროს წყალს გადაისხამდნენ თუ ჩაისხამდნენ პირში და ორთქლი პირიდან ამოსდიოდათ, ცეცხლი პირიდან ამოსდიოდათ, შხიოდნენ უფრო, ქმინავდნენ უფრო, უფრო მეტადაც დაქანცულიყვნენ. ლეკოს დაქანცვაც აღარ შეეძლო, აქეთ აღარ იყო, აღარც რა შეეძლო სააქაოი; აქეთ არ იყო და არც იქით იყო, ზეაღეტანა მონამებრივ მხურვალეებასა ან აი აჰაა, უნდა აღეტანა, ჟამი დამდგარიყო განშორებისა, აი აჰაა, ჩამოიბერტყავდა მტვერსა ამა ქვეყნისათა, აღაჰყრობდა თვალთა, აღაჰყრობდა და ამაღლდებოდა, ავიდოდა ღრუბელთა ზედა და მიერქმოდა მარადიულ სასუფეველსა, მარადიულსა და თავისასა, რამეთუ არცა ყოფილიყო მინიერი აქამდისაცა, მოვლენილიყო ადამიანთა ცოდვის გამოსასყიდადა, მეორედ მოსვლაც ესა ყოფილიყო, ესეც ამაო, ესეც უშედეგო, უნაყოფოი ესაცა ისევე, პირველი მოსვლა ვითარცა ყოფილიყო, ცოდვა ცოდვად დარჩენილიყო, ცოდვა ცოდვას მოიმატებდა, კიდევაც ბლომად მოიმატებდა, გაილაღებდა, გათამამდებოდა, რამეთუ აღარა თქმულიყო არაფერი მესამედ მოსვლისა, ანთუ ვინ უწყის ვერც იბოგინებდა ადამიანი უცოდველადა, ვინ უწყის, ვინ იცის, რალა არ უთქვამთ ფილოსოფოსთა. და ციალებდა შუქი ნმიდაი, ამოდოდა შუქი იგი წამებულისა, თავს დასდგომოდა შარავანდიცა, მაცხოვრის თავზე რო ეხილა ეკლესიებში, თავს დასდგომოდა თუ აი აჰაა, დაადგებაო, – მიეტანება და ასხლტება მაშინვე, აქ სად მოვხვდიო; ვილაც არ აუშვებს და კვლავ მიემთხვევა, მიემთხვევა და ასხლტება კვლავაცა, შემოევლება და აფრინდება:

- ვინ იყო მოთავე?..
- ის თქვენს ხელთაა...
- შენა?..
- დიახაც!..
- ჰა, ჰა, ჰა...
- დიახ!.. დიახაც!..
- რა იქნენ სხვები?..
- მე ვარ სხვებიცა, მე ვარ... მე ვარ სხვებიცა...
- ჰა, ჰა, ჰა...
- მე ვარ ერთი და მე ვარ სხვებიცა...
- ჰა, ჰა, ჰა...

- გეტყვით, აგიხსნით, დამაცადეთ, ყველაფერს გეტყვით, - და ნამოინია თუ გამოხობდა, გამოშორდა იმა ჭონჭყოსა, ვერც გამოშორდა, მშრალზე იდაყვები გამოიტანა, ნელი ველარა, ვერ მიადევნა, ასთრეოდა ნელი, - გეტყვით და გამიგებთ, თქვენ გამიგებთ, გეტყვით ჭეშმარიტსა... ჭეშმარიტს გეტყვით... მკვლელობისას არა, ძარცვისას არა, ხანძრისას არა, მე ეგ არ ვიცი, მე სხვა ვიცი და სხვას მოგახსენებთ; მე ლეკო გახლავართ, ლეკო თათაშელი!.. მე დამაკისრა განგებამა მოვალეობა უუუუუუუუდიდესი, განგებამ დამაკისრა და ბედმა მიმუხთლა, როგორც რო ყოფილა ნუთისოფელი, როგორც რო შებმულან ბედი და განგებაი, თვითონ შებმულან და კაცის თავზე დაუტეხიათ სიძულვილი ერთმანეთისა, რისხვაი ზეცისა და რისხვაი ქვესკნელისა... სანყალი კაცი... ბედი მუხთალი... განგება მუხთალი... კაცი სანყალი... ოლონდ და მაინც მე მაინც მე ვარ, მე ლეკო ვარ, ლეკო თათაშელი, საქმენნი ჩემნი რო გამომაჩენენ, ცილისნამება რო ვერ მომერევა, ცუდად რო მაინც არ ჩაივლის ეს განწირული სულისკვეთება, - ლეკო ვარ-

მეთქი; აჰა, გითხარით ჰო ყველაფერი, ლეკო ვარ-მეთქი, მე ვარ მოთავე გამოსვლებისა, აჯანყების მოთავე მე ვარ, ოლონდ ესაა, ვერ მოვასწარი, ვერ დაგასწარით, თქვენმა იმარჯვა, მე თქვენს ხელთა ვარ. ეგეც თქვენს ხელთაა, ჩემი იმედი და მარჯვენა ხელი, ოლონდ ნუ ანამებთ, ეგ ვერ გაუძლებს, მაგის წილიც მე მომთარჯევით; ან მე რაღაო, აგერა ვფქვავ და არც არას დავფარავ, ჩამოვფქვავ ბოლომდისა, მხოლოდ მითხარით, კიდევ რა გნებავთ!.. მე ვარ და ეგაა, გვიმუხთლა ბედმა, საქმეც ჩავარდა რაღა თქმა უნდა, მოგვიზღუდო ჩვენი, არც გვეშინიან ჩვენი ხვედრისა, არ დაგვრჩენია აღარაფერი ამა ქვეყნადა, ვისთუ დარჩენია, შეუნდოს უფალმა: ესა ვარ აჰაა, ლეკო თათაშელი, არა მძარცველი ეკლესიისა, – მძარცველი არა, არა მაცდური ადამიანთა, – მაცდური არა!.. ეს მე ვარ, ლეკოი, ეს მე მოვსულვარ ფერიცვალობასა, ეს მე ველოდი მარიობასა, ეს მე ველოდი გერიტობებსა, თავგერიტობასა, შუაგერიტობასა, ბოლოგერიტობასა, ეს მე ველოდი, ეს მე ვივლიდი, მე წავაქეზებდი, გესმით? გესმით?.. მე წავაქეზებდი, ჰა, ჰა, ჰა... მე წავაქეზებდი და თქვენს ხელთა ვარ, მე დავცემულვარ, არა, ვით სატანა, არა ვით ბელზებელი, – არა სატანა, არა ბელზებელი!.. მე დავცემულვარ, ლეკო თათაშელი, მე თქვენს ხელთა ვარ, რუკაცა ჩემი ჰო თქვენს ხელთაა, – თქვენს ხელთაა რაღა თქმა უნდა, ჩემი რუკა დამიდასტურებს, მონმეი ჩემი, მონმე მონამისა; მე შევადგინე, მარტოდმარტომა, მე გამოვთვალე, მე დავაზუსტე, არავინ გარიოთ ჩემს მეტი აქა; რა ვუყოთ თუ მაგას უპოვნეთ, ჩემი შეგირდია, ჩემი მეაბჯრეა, მე მივაბარე, მე ვარ ყველაფერი... მე ვარ ყველაფერი... ყველაფერი მე ვარ!.. და თქვენს

ხელთა ვარ მე ყველაფერი; ახლა თქვენ იცით, გადამინყვიტეთ, რაც რო მეკუთვნის, მომიზღვრეთ ხვედრი, როგორც გენებოთ, ოღონდ კოცონი არ გადამინყვიტოთ, არც სახრჩობელა არ გადამინყვიტოთ, არც დახვრეტა არ გადამინყვიტოთ: მომკვეთეთ თავი, მეტი რა გინდათ?!. მომკვეთეთ თავი და შემოატარეთ მთლად საქართველო, სხვა არაფერი, სხვას არას გთხოვთ, და აღმისრულებთ კიდევაცა რალა თქმა უნდა, ესაა ჩემი ბოლო სურვილი, სიკვდილმისჯილის ბოლო სურვილი და აღმისრულებთ რალა თქმა უნდა, ჰა, ჰა, ჰა... – აქ ცოტა კიდევ ნამოინია, ცოტა, სულ ცოტა აიჭიმა, – ჰა, ჰა, ჰა... იგულეთ სული, ტანჯული, სული, სული ჩემი, ხალხნო და ჯამაათნო, მარად თქვენთანა!.. – შესძახა კიდევა თუ რამ შეეძლო, ოხვრაც მოადევნა და ესეც მოადევნა ოხვრასა, – ეს თავის მოკვეთის წინ უნდა მეთქვა, ვითომ არ მითქვამს, მერე ვიტყვი... მერე... – და მოწყდა, ისე დავარდა, ლამის მართლა რო დამგვანებოდა ნამებულსა, ანთუ ალბათ მიემგვანებოდა, ნატამალი რო ყოფილიყო სიმართლისა იმა ნათქვამში, ანთუ იქ ვინმე ყოფილიყო, ვინმე ისეთი, დაეჯერებინა, – არც სიმართლე ახლდა, არც მორწმუნეი, განწირულიყო აღსარებაი თუ ღალადისი იგი, ღალადისი ლეკოსი, სხვისი რო ეგებ არც განწირულიყო, ოდესმე მაინც მოედგა შარავანდედი. ბედისწერაა ყველაფერი, ლეკოს ბედი აჭხირებოდა;

ჰოდა დავარდაო... ესენი აღარ მისევიან იმავე წუთსა, ცოტას ჩაფიქრდნენ, ცოტა მოიაზრეს, მოიკითხეს თუ რაც ამოერთმიათ ჯიბე-უბიდანა, მოიკითხეს, გადახილეს და მართლა არ წააწყდნენ ი სასაცილო რუკასა!.. წააწყდნენ და ისე გაიხარეს, ვერაფერს რო ვერ შეადარებ, გაიხარეს და ჩაიჭირქი-

ლეს, ანთუ ეგების იმათაც არა, – წყეულმა ბედმა თუ ჩაიქირქილა, წვრილადა, წვრილადა, ისე წვრილადა, თითქოს მისწყდაო, ოლონდ არ მისწყდა, გაიბა, გაიბა, ვინ უწყის თუ უდასასრულოდაო? ხელი წაავლეს მერე ორთავესა, სადღაც შეჰყარეს, სადღაც ბნელშია, სუნით თუ იგრძნობდნენ, ბოსელში მოვხვდითო; ლეკო იგრძნობდა და გაიკიდებოდა ორ ნაპირს შორისა, ფიქრისა და უფიქრელობის შორისა, აზრისა და უაზრობის შორისა, გრძნობისა და უგრძნობელობის შორისა, გაიკიდებოდა და გაიჭიმებოდა, განყდეს თუ არა, გაიგლიჯოს თუ არაო, – ეს ლეკოიო; მოგზაური არაო, ის მხოლოდ ახლალა მიხვდებოდა, აქამდისაც რო უნდა მიმხვდარიყო, ახლალა მიაკვლევდა აზრსა, აქამდისაც რო უნდა მიეკვლია, აზრსა ნათელსა, ანთუ ახლალა განათებულსა და საშინელსა, მიაგნებდა და ჰკიცხავდა ლეკოსა, რისხავდა, შეაჩვენებდა, – ეს რა ჰქენი, რა ჩაიღინეო, რამ მოგიარა, რა ზნემ წამოგკრა, თუ იხუმრე და რა ხუმრობაა, თუ უმტრე ვისმე, ასე ვის უმტრე, ასე მრისხანედა, ანთუ მე მაინც რას მერჩოდო, რა შუაში ვარ, ეს რა მოჩმახე, რაში გამრიე, რალა მიხსნისო; უარჰყავ, რაც თქვი, გონს მოეგე და უარჰყავი, უარჰყავი შე უბედუროო, ჩასძახოდა და თითქოს ანჯღრევდა, ოლონდ ძალა არა ჰყოფნიდა, ხმაც აღარაო, აღარა ჰყოფნიდა, – მკვახედ ნათქვამი მკვახედ არ ითქმოდა, ჩიფჩიფად ისმოდა, წუნუნად ისმოდა, კვნესად ისმოდა და არ ჩაესმოდა ლეკოსა ცხადია, მრისხანე ხმებიც რო არად ჩაუგდია, რას გაიგებდა აბა კვნესისასა, რო ავიდა, ამალღდა, გაიშალა და განეფინა, – რალას გაიგებდა?!. დაე ამას ეტირა ხმადაბლა, თავისთვისა, თავისი თავი გამოეტირა, არც რო არავინ

თანაუგრძნობდა, არც ღირსი რო იყო, რო ვერ აუბა მხარი მოძღვარსა, რო ვერ ასცილდა მტვერსა ცხოვრებისა, რო ვერ დათრგუნა ჟინი სიცოცხლისა, უკვდავებას ვერ ეზიარა; ეგება, მაინც გამოერკვეს მერე, იმას რო წარმოსთქვამს, იმ ბოლო სიტყვებსა, ხალხს ქვითინი რო აღმოსკდება, თმას რო დაიბრდღვნის ხალხი, თავში წაიშენს, ლოყებს დაიფხოტნის, – გამოერკვეს ეგება მაშინა, ჟამსა იმა ამაღლებისასა, ეგებ გამოერკვეს, ლეკოს ამისთვის აღარა სცალიან, მორჩა სიავესა ამა სოფლისა, ის ენევა და ემზადება იმისათვისა. ამაღლებისადა...

XXII

ასე გაოგნდა, ჩაიკარგა ლეკო თათაშელი... ჩაკარგულიყო, აღარც უნდოდათ დაკითხვაი იმისი, მგზავრობის რუკამ ყველაფერი გაუადვილათ, გაიძლოლეს და მიჰყვნენ რუკასა, უმეგზუროდა და უკომპასოდა, მიჰყვნენ და აჰკრიფეს, ვინცთუ შემორჩენილიყო ცნობილ გვართაგანა...

ცნობილ გვართაგანა და კიდევ და კიდევ სხვათა და სხვათაგანა, აჰკრიფეს ეგრე მამიდაშვილ-პაპიდაშვილებიანადა, ნათლიიშვილ-ძიძიშვილებიანადა, მიაყოლეს მასწავლებლებიცა, – დაბალგვართაგანა, – განსწავლული მეურნენიცა, მღვდლებიცა და ზოგან აგრეთვე დიაკვნებიცა, თვით ისეთნიცა, გაკრეჭვაც რო მოესწროთ, აჰკრიფეს და შეჰყარეს, ვინ საითა და ვინ საითაო, სადაც წაასწრეს, სადაც უფრო ემარჯვებოდათ, – ვინ საფერიცვლოსა, ვინ საღვთიშობლოსა, ვინ საკორინთლოსა, ვინ სახევთისო-

სა, ვინ კიდევ სადა, სადაც დიდი გომური გახლდა, ანთუ თავლა დაედგათ დიდი, პატარებსაც არა სწუნობდნენ, ოღონდ კარი გამოეკეტათ, ყვარყვარესი არ იყოს; ვინც გაუურჩდათ, ნულარას იტყვიოთ, – გზა-გზა აუგეს ყველასა ანდერძი – ვინც დამორჩილდათ ისინი შეჰყარეს, შეჰყარეს და გამოუკეტეს კარი, ოღონდ ისე რო მალიმალ გაელოთ, შეემატებინათ მალიმალა სხვანიცა: ვთქვათ ხეთერელნიო, თუმცა ვილა ხეთერელნიო?.. ერთილა ელიზბარი გადარჩენილიყო, ისიც აიყვანეს დაჭრილის გვერდიდანა, ის დაჭრილიც თან მიაყოლეს, სადაც იქნები, იქ მოუარეო;

არც გაჰკვირვებია, ელიზბარსა რალა თქმა უნდა, არც არა უკითხავს, უჩვეულო რო არ უბრძანებიათ, – აბა იარეო და ადგა ისიცა, ადგა და ბრძანა, შინ უნდა შევიაროო, ბრძანა ისე, იმნაირადა, თითქოს ისევ ავადმყოფთან მიჰყავდათო, ბრძანა და აკი არ დამორჩილდნენ?! ჩვეულება რჯულზე უმტკიცესიაო, ნათქვამიც არის, თუმცა მოშლილიყო ჩვეულებანი, არეულობაც იმისი გახლდა, ჩვეულებანი რო მოშლილიყო, მაგრამ და რაო, ეს მაინც გაუგონეს, შინაც გაატარეს, კიდევაც დააცადეს, არტაშნები თუ ბამბა, მალამო თუ წამლები რო ჩაემატებინა აბგაშია. და უმატებდა ისიც მშვიდადა, აუკვირვლადა, აუჩქარებლადა, ვითომდა აქ არაფერიო, არცთუ რა იყო უჩვეულო თუ უცნაური: გამოსცხადებოდნენ თოფიანები, გაუძღვებოდნენ თოფიანები, – სროლა იქნებოდა, ვინმეს მოჰკლავდნენ, ვინმეს დასჭრიდნენ, კითხვა არ უნდოდა, არც პასუხი. ისევე იყო თუ სხვა რამ მომხდარიყო, გარჩევაში არ შედიოდა; გაუძღვებოდნენ თუ ატარებდნენ სად-

ღაც კლდე-ღრეშია, ფლატეებზედა, უდაბურ ტყე-
 შია, სახელდახელო ქოხში სადმე თუ შეიყვანდნენ,
 ანდა საბძელში, ანთუ ბოსელში, არას დაგიდევდა,
 არც გაიკვირვებდა, რალა თქმა უნდა. ისევე იყო თუ
 სხვა რამ მომხდარიყო, გარჩევაში არ შედიოდა,
 ისევე ბოსელზე რო მიუთითეს, გაკვირვებაც არ მო-
 რევია, ხელი რო ნაჰკრეს და ნუხილიც მიაყოლეს,
 არც იმითი შეცბუნებულა, თუმცა ეს უკვე უჩვეუ-
 ლო რამ გახლდა, არსად შეჰხვედრია საექიმო მოღ-
 ვანეობაში. იქ ცოტა ბნელოდა, ცოტა სიბეცის ბრა-
 ლიც იქნებოდა, ცოტაც იმისა, ხალხი ბლომად რო
 შეეყარათ, ფეხი ამიტომაც ვერ წარსდგა წინა. ფეხი
 ვერ წარსდგა, გზაც არ დაუთმეს და ბრძანა მაშინა,
 გამატარეთო. საით ინებებთო. სად თუ დაჭრილია,
 სად თუ ავადმყოფიო. ჩვენ რო ავადობა შეგვეყრია,
 შენი წამალი ველარას გვარგებსო. რა ექიმი დასნე-
 ულდესო, შენ ვილას იხმობ, ანთუ მკურნალი სადღა
 არისო. ხმები ეცნაურა, ცოტა სიბნელესაც შეეჩვია
 თვალი, ცოტა იმედიც გადაელია, გაუქრა იგი ნატა-
 მალი თუ შერჩენოდა, თავისთვის არა, მხოლოდ
 ამათთვისა, ამათი გადარჩენისა თუ სადმე ებადა,
 გაუქრა და იქავე აყუდა, კარსვე აყუდა, ვიდრე
 კიდევ მოანვებოდნენ, ვიდრე ვინმეს შემოსჭედავ-
 დნენ კიდევა და კიდევაცა, მიეყუდა და ცხვირსახო-
 ცი ამოიღო, პენსნე ჩამოიხსნა, გასწმინდა საგულ-
 დაგულოდა, გააპრიალა, მოირგო ცხვირზედა, მო-
 ირგო და მოიძრო მყისვე, დაბინდულიყო უარესადა,
 მომეტებულადაც გააპრიალა, ისევე მოირგო და ისევე
 მოიძრო, მყისვე მოიძრო, კიდევ უფრო დაბინდუ-
 ლიყო, ეგება თვალი დაბინდულიყო? რა ვუყოთ მე-
 რე, შუშასლა წმენდდა თავგამოდებითა, სწმენდდა

და სწმენდდა, ვინ თუ რას ამბობდა, არცთუ უსმენდა, გამოთიშულიყო ყველასა და ყველაფრისგანა. და მერე, როცა გაიყვანეს ყველანი... თუმცა ჯერ არა, რახან მერეა, მერელა ითქვას, ითქვას რიგისადა, თანმიმდევრულადა, მაგრამ ვინ იცის, ველარ დავუბრუნდე ანთუ ადგილი ველარ გამოვძებნო საამისოდა, – რახან სიტყვამ აქ მოიტანა, ალბათ აქ არის ამისი ადგილი: ჰოდა ყველანი რო გაიყვანეს, შიშველი მინდორი გადაატარეს, ბექობს მიაყენეს და ჩაუჩურჩულეს, ჰაი და ჰა, დრო დაგდგომიათ, თავს უშველეთო, ამას ვითომც არ გაუგონია, ფეხიც არ გაუძრავს, სადაც ის უთხრეს, იქავ გაჩერდა, პენსნე ჩამოიხსნა, შეწყვეტილი საქმე განაგრძო. სხვები გაიქცნენ, მაშინვე მოსწყდნენ ადგილიდანა, ანთუ გაფრინდნენ, კამარა შეჰკრეს და ეგრევე დაცვივდნენ ფეხდასხეპილნი, გაისმა თუ არა დგაფუნი თოფებისა. ეს ერთი დარჩა იმა მსროლელთა თუ განწირულთა შორისა, უკეთუ მოჰყვა მსროლელთა შორისა, ვილაცამ თოფიც თუ დააყრდნო მხარზე, ეგრე თუ ისროლა; ამას ვითომც არ გაუგია, ანთუ ეგებ არც გაუგია, ისე მოჩქარებითა სწმენდდა პენსნესა, დაბინდულ პენსნესა, სწმენდდა და ვერა, ველარა სწმენდდა და იდგა, ფეხს არა სდგამდა. გაიქეიო. კიდევ ჩასჩურჩულეს, ერთადაც ჩასჩურჩულეს, ცალცალკედაცა, მეტი და მეტი იმედი ჩაუსახეს გულშია, მაინც ვერ დასძრეს ადგილიდანა, მაშინ თვითონვე დაიხიეს უკან-უკანა, ყიჟინა დასცეს აღტკინებისა, ყიჟინაც დასცეს და ტყვიაც დაუშინეს, ყიჟინამ დაჰფარა ქუხილი თოფებისა. ის ნელა ჩაიკეცა, ნელა, ნელა, ისევ ისე სათვალის წმენდაშია.

სხვაგვარად შეხვდა ხვედრსა ქალბატონი ეფემია: გორგოლაჭებიანი სავარძელი გააგორებინა აივანზედა. ჯერ გააპოხინა გორგოლაჭები, რბილადა სრიალებს, ასე სჯობიანო, ჰო გააგორებინა და დარჩა იქავე, აქ მირჩვენიანო, კავკასიონი კარგად მოსჩანს აქედანაო, დიდრუც კარგია. ლამაზად მოსჩქეფსო. დიდრუს დასცქეროდა ის აივანი, ძველი აივანი, ცოტა მორყეული, მოაჯირმორყეული, ბოძებმორყეული. ღამით კავკასიონიც აღარ მოსჩანდა, დიდრუ თუ მოსჩქეფდა, შიგნიდანაც გაიგონებდა, აივანი მაინც არ დასტოვა, იქა სჭამდა თუ იქავე სვამდა, იქავე იძინებდა, იქავე ამთავრებდა ბოლო ნაწილს კათარელთა ისტორიისა. გვერდით მოგრძო კეტი დაედო, მალმალეც დაჰხედავდა, თითქოს და რაო, შთაგონებააო, შთაგონებააო თუ რაღაც ამგვარიო, დაჰხედავდა და ამთავრებდა ისტორიისა. სახე უღიმოდა, ფიქრს თუ შეჰკლიმოდა ან მოგონებებსა, ძიძას შეჰკლიმოდა უფრო და უფრო მომეტებულადა, შეჰკლიმოდა და მაშინაც შეჰკლიმა, უჩვეულო შეშფოთება რო ამოიკითხა იმის სახეზედა, მანამდის თითქოს გაქვავებულ სახეზედა, - „უკვე?..“ შეჰკითხა, შეჰკლიმა, შესცინა, თითქოს სიხარული რამ უნდა აუნყოსო. ოდნავ დაჰხარა თავი ძიძამა. „მოდიან?..“ მერე ამგვარად შეჰკითხა, კიდევ ღიმილითა, რაღა თქმა უნდა. ისევ დაჰხარა თავი ძიძამა, ისევ ოდნავა. სხვა რამ პასუხი აღარ უნდოდა, აღარც შეკითხვა იყო საჭიროო, ახლოვდებოდა, ახლოვდებოდა, ახლოვდებოდა ბრაახუნი ჩექმებისა, ნალებიანი ჩექმებისა, ახლოვდებოდა და მოახლოვდა. ძიძა აეფარა, შავი თავშალი ჩამოიფხატა, დალუნა თავი. რა განეზრახა, ძნელი სათქმელია. ეფემია გადასწვდა კეტსა,

გადასწვდა სახემოცქრიალებული, გადასწვდა და ისე მოიმარჯვა, მენავეები რო მოიმარჯვებენ ნიჩბებსა, ნავი რო უნდა დასძრან ნაპირიდანა, ლამს რო უნდა გადააცილონ, ისე მოიმარჯვა, კედელს მიაბჯინა და დაანვა ორივ ხელითა, ორივ ხელითა და მთელის ძალითა, დაანვა და დასძრა გაპოხილი გორგოლაჭები, დასძრა, მოსწყვიტა ადგილიდანა, მოსწყვიტა, მიანყვიტა მორყეულ მოაჯირსა, გაჰგლიჯა მოაჯირი, თან გადაიტანა... და ის იყო შემოიჭრნენ აივანზედაცა, ბრახუნითა და რახუნით შემოიჭრნენ. ძიძაც, გაფოფრილი, გადასავარდნს იყო, ოლონდ ეტყობოდა ვერც გაებედა, წყალი დგაფუნობდა, დაელო პირი. იმათ მიუსწრეს თითქოს რო დროზედაო, მიუსწრეს და გააბედინეს, გააბედინეს და მიეხმარნენ და წიხლები ამოსცხეს და თან მიაყოლეს თავის ქალბატონსა... თან მიაყოლეს... აივანზე დარჩა უკანასკნელი თავი კათარელთა ისტორიისა, უკანასკნელი თავი და ერთადერთი ფურცელი, იმასაც ქარი დასტანებოდა, დაათრევდა ჯერ აივანზე, მერე ვინ უწყის თუ საით წაიღებდა.

ასე ელოდა, ასე შეხვდა ქალბატონი ეფემიაო.

გიორგი ოცხელი სხვაგვარად შეხვდა, ის არც ელოდა, არც დაიჯერა, როცა უბრძანეს, უნდა წამოგვეყვო. სადაო. აუხსნეს. მაინც ვერ გაიგო. კიდევ ჩაეკითხა. კიდევაც აუხსნეს. კიდევ ვერ გაიგო ანუ არ დაიჯერა, თორემ, ვითომ რა დიდი გაგება ამას უნდოდა?! არ დაიჯერა და კვლავაც ჩაეკითხა, მაშინ გაგულისდნენ ესენი. ოცხელიც გაგულისდა, მეო, ასეო, ისეო, ყველაფერი სოფელს შევნირეო. ამათ ხელი წაავლეს. იმან ასტეხა ერთი ვაი-უშველებელი, გამოიხედე სოფელოო, დაინახე თუ რა დღეშია შენი

ერთგული შვილიო. სოფელმა არ გამოიხედა. მაშინ ისევ ამან, გიორგიმ აუხსნა, თუ რა სიკეთე მიუძღვოდა სოფლის წინაშე. ისევ იმათ არ აცალეს: იქ წამოდი, იქ მოუყევო. კეთილი და პატიოსანიო, წამოვალ და იქ გავარკვევო. ეს უკვე მუქარასა ჰგავდა. დამორჩილებას არა, ცხადია. დღესვე დავბრუნდებო, მიუბრუნდა თავის ვაჟიშვილსა, მიუბრუნდა და ასე დასძინა, დასძინა ესეც მუქართა, იმედიტაცა, რალა თქმა უნდა. აქ ოღონდ: მიუბრუნდა თავის ვაჟიშვილსაო, ითქვა უკვე და მიხვდებოდი, ვაჟიშვილი რო დაჰბრუნებოდა, დაჰბრუნებოდა დიდებული ვაჟკაცი, თვალმიმტაცი, ვისაც ეხილა, კიდევაც ენატრა, თვალი მომცა და მაცქერინაო. ამასთან ზრდილი, ზომიერი, განათლებული, დიდად საიმედო, ქვეყანა რო იამაყებდა, ერი რო იამაყებდა ისე საიმედო, დაბრძენებული. მეტი რალა ითქმის, - ისაა და დაბრუნებულიყო, შეხვედრის სურვილიც არ მოეკლა ჯერ მამაშვილსა, ჯერ პირველ შეკითხვებსაც არ განშორებოდნენ, ის აქაურსა, ეს იქაურსა, - ჰოდა, მოვალ და ისევ განვაგრძობთო, ეს იმედიც თუ გამოსჭვიოდა ომახიან დაპირებაში. ეგეც უნდა წამოვიდესო. რასა ბრძანებთო. რაც გაიგონეო. და ახლა ამისი ველარ გაიგო ამა სწავლულმა, განათლებულმა ადამიანმა, კაცობრიობის ისტორია რო იცოდა, ფილოსოფიისათვის რო გადამდგარიყო. რალაცა გეშლებათო. უკაცრავად ბრძანდებოდეთო, ჩვენ არაფერი გვეშლებათო. ჩემი შვილი გახლავთო, თითქმის ბავშვი გავისტუმრეთო, ეს არის დაბრუნდაო. ნუ შენუხდები ახსნა-განმარტებისათვისაო. აუხსნელად რა იქნებაო. ჩვენ ჩვენი ვიცითო, შენი შენთვის შეინახეთო. ეს როგორაო. როგორაო და იარეთო. ვივლითო, - დაი-

მუქრა ისევ ისე ომახიანადა, მაგრამ და რაო, განა თუ დიდხანს გაჰყოლია ომახი იგი, იმედი იგი, – აღარ გაჰყოლია, აღარ შერჩენია, თავი უბუცეს თუ არა თავლაშია, თვალი მოავლო თუ არა იქა მყოფთა, იქ შეგროვილთა, მხოლოდ ერთიღა ამოიგმინა, ვაიმე შვილოო, ამოიგმინა და მარჯვენა იმისი მიიხუტა გულზედა, მიიხუტა და როდიღა მოუცილებია, სხვა არც არაფერი წამოსცდენია ქვითინის გარდა.

ვაჟი ამშვიდებდა:

– შეხედულებებისათვის არავინ ისჯება განათლებულ ქვეყანაში. – ამბობდა და ამშვიდებდა ამასაცა, იმათაცა, ეჭვიანად რო აქიცინებდნენ თავსა; თვითონ ეჭვი არ ეკარებოდა, ღრმადა სჯეროდა თავისი ნათქვამი, უკვირდა ამათ რად არა სჯერათო.

ესეც ოცხელები.

კიდევ ვინ დაგვრჩა?

გიგა მბკურელი გამოეშვათ საპატიმროდანა, გამოესტუმრებინათ თბილისიდანა, გამოეშვათ და მიეტანებინა თავის სახლამდისა, მიეტანებინა, ჰადა-ჰა ერთი საქცევიღა დარჩენილიყო, რცხალი, რცხალის ეკალი გაღალანებულიყო. იქ, შინ თუ იყვნენ, გამოეხედათ, დაინახავდნენ, გამოეჩანებოდნენ და გაეჩანებოდა ესეცა, შინ თუ არ იყვნენ, მივიდოდა, დაელოდებოდა საჩეხშია, მაშინ აქედან დაინახავდნენ, აქედანვე გაეჩანებოდნენ, მამა მოსულაო, ვინ მიასწრებსო. მეუღლეს მუხლი მოეჭრებოდა, ჩაიჩოქებდა და თუ არ ჩაიჩოქებდა, ისევ გადაადგამდა ფეხსა, ისევ მოეჭრებოდა მუხლი, ისევ გასწევდა, ივლიდა, ივლიდა, შორ გზად ექცეოდა ერთი საქცევი. ეს წარმოისახა და წამოენივნენ, გამობრუნდიო. ერთი მამინც შემეხედა შინაო. რა ბედენააო. მართლაც რა ბე-

დენაო, მაგრამ რა ვიცი, მაინც კაცნი ვართ, ერთი მაინც შემეხედაო. გამობრუნდიო. კეთილი რჩევაა მე და ჩემმა ღმერთმა, ტყუილად უნდა ავანიოკო ცოლ-შვილიო. ბევრს ნუ ლაპარაკობო. ეგეც მართალიაო. გამობრუნდიო. აჰაა და გამოვბრუნვებულვარო. და გაბრუნდა კისერმოღრეჯილი, ეგება ვინმემ გამოიხედოს, ეგება რომელიმეს მოვკრა თვალიო.

პეტრე ვარაზნელი არ დანებებია, თავს იცავდა გააფთრებული, უტევდნენ და იგერიებდა, იგერიებდა, ვიდრე ეყოფოდა ტყვია-წამალი, ხოლო მერეო, ერთი ტყვია როლა შემორჩა, საფარიდან გამოვარდაო, გადაიღელა გული და დასჭექა, მესროლეთო. აღარ ესროლეს, ნელ ნელა დაიძრნენ, ნელ ნელა მოერკალნენ. მიხვდა პეტრეი, ცოცხლად შეპყრობას მიპირებენო, მიხვდა და აღარც დაუყოვნებია, სასაში მიიცა მაუზერის ლულაო, ტვინმა აასხა სარქველიდანა, სისხლმა და ტვინმა.

დაგვრჩნენ კიდევ: არჯევნელები, იტრიელები.

ისე თუ მივყვებით, იმათ რო იარეს, არჯევნელების ამბავი უნდა ითქვას უნინა, ოლონდ ცოტა ხანს დავეხსნათ იმათა, ჯერ იტრიელების ამბავი გაიგე. იმათთანაც მივიდნენ, რალა თქმა უნდა, იგივენი მივიდნენ, წინა ლამეს რო ეწვივნენ, ივახშმეს და შეისვენეს იმათს ეზოშია, – ეზოში, ეზოში, სასაფლაოსანი ჰო სხვანი გახლდნენ. მაშინ სამოყვროსავით მივიდნენ, პირდაპირ მიადგნენ კარიბჭესა, დალუნეს თავი და შეიარეს. მერე სამტროდ მივიდნენ, ხოლო რახან სამტროდ მივიდნენ, შორს დადგნენ, ალყა დაარტყეს და შეუთვალეს, დაგვნებდითო. დავითმა ღრმა სარდაფში ჩაიყვანა ბავშვები და ქალები, ვაჟკაცებს უბრძანა, მომყევითო. მომყევითო და მიჰყვნენ, მიჰ-

ყვინ და შევიდნენ კოშკშია. იქ, ძველი მოსახლენი რო არ იყვნენ იტრიელები, არც ციხე ჰქონდათ, სასახლე რო აიგეს, ცალი მხარილა ამოუყვანეს კოშკივითა, საგვარეულო ციხის მოგონებაც გამოდიოდა, თავისებური ელფერიც დასდებოდა ახალ შენობასა. ოღონდაო, კოშკივით რო იყო, კოშკიც იყო და – სქელკედლებიანი, სათოფურებიანი. იარალიც იქავე ენყო, სტუმართათვის სახილველადა, მომხვდურთათვის დასახვედრადა. ჰოდა კოშკიც ის გახლდათ, იარალიც იქ ენყო და იქავე შელაგდნენ ესენიცა. იარალი აისხითო, ბრძანა დავითმა, ბრძანა და აისხეს, ადგილიც მიუჩინა ყველასა, ლულებიც გაჰყვეს სათოფურებშია. როსტომმა არაო, ზურგი მიჰყუდა თავის სათოფურსა, თოფიც დაუშვა თავდაყირადა.

– მე ვნებდები, – ასე თქვა როსტომმა, – თუ ვინმეს გაპარვა გადაუწყვეტია, გაიპაროს, თუნდ ყველანი გადით, დაგიფარავთ.

– მე ვბრძანებ!.. – დაცხრა დავითი.

– მე არ ვბრძანებ, – დაატანა როსტომმა, – დაგიფარავთმეთქი, გადით, გააღწიეთ.

– რალაისთვისა?! – გაჰკვირდა დავითი, – ცხოვრების ხელახლა წამონყება რალა დროსია ჩემთვისა?! –

– ანლა ჩემთვისა?! – გაიკვირვა კახაბერმაცა.

– ანლა ჩემთვისა?! – დიმიტრიმაც დასძინა.

– ნავიდნენ გიორგი და ბაქარი! – ახლა როსტომმა ბრძანა, ბრძანა და სათოფურში გაჰყო ლულაი.

– სადაც თქვენა... – გიორგიმ დაინყო.

– ... მეც იქა! – დაასწრო ბაქარმა.

– ნადით!.. – იყვირა დავითმა.

– ჩქარა, გაასწარით!.. – კბილებში გამოსცრა კახაბერმა.

– ნადით, ბიჭებო, ნადით, – შეევედრა დიმიტრი, – ერთ დღეს ჰო არ ამოვწყდებით ყველანი, ნადით, ბიჭებო, ნადით!..

ალარც რა უთქვამთ, მიუბრუნდნენ სათოფურებსა, ეს ორნი დარჩნენ პირისპირა – გიორგი და ბაქარი, ეს ორნილა შეაცქერდნენ ერთიმეორესა, მერე მიეყუდნენ, ნიკაპი გადაჰკიდეს ერთმანეთის მხარზედა. უცნაურად უძგერდათ გული უცნაურადა და მძაფრადა, ოღონდ არც ერთი თავისას არა გრძნობდა, ეგონა, ძმის გული მიბაგუნებსო, ერთსაც ასე ეგონა, მეორესაცა, ეგონა ძმის გული მამხნევებსო, ერთსაც ასე ეგონა, მეორესაცა, ერთად ასნიეს თავი, ერთადაც მოავლეს თვალი ფარულ კარსა და ვიდრე დაილუნებოდნენ, ვიდრე გაეტეოდნენ, სათოფურებთან აკრულ ბეჭებზედაც მოატარეს თვალი, დაენურათ თვალი, ცხარე კურცხალი დასდინდათ თვალზედა. ხსნა აღარ იყო, გავიდნენ, შთაინთქნენ.

– არავინ შემოგაკვდეთ! – ბრძანა როსტომმა.

როსტომმა ბრძანა და როსტომმავე ისროლა პირველადა, აჰყვნენ სხეებიცა ხან მოხშირებითა, ხან ხამუშ-ხამუშა. ისმოდა საპასუხოცა, ისევე ხშირი, ისევე ისე ხამუშ-ხამუში. კარგა ხანს გასტანა, გამლწევი გააღწევდა, დანებდებოდა დამნებებელი, – დანებდნენ კიდევაცა, კარი გააღეს, გავიდნენ, დაჰყარეს იარაღი. მდევარი გაჰკიდეს გაქცეულებსა, ველარ გაუგეს ასავალ-დასავალი. ისინი შეჰყარეს გამურებში საფერიცვლოსი.

ეს იტრიელებიო.

და აი მივადექით არჯევნელებსა.

თუმცა მივუბრუნდები ფანიელებსა მაინცა, მაინცა და იმიტომა, ხანძარი რო მისცეს და ის რო არ

იკმარეს, არ იკმარეს. ხანძარმა გადაბუგა კარმიდამო თუ სარჩოსაბადებელი, საქონელი მაინც გამოასწრეს, თვითონაც გამოასწრეს ფანიელებმა, ცოცხლად გამოასწრეს, სულიერი არავინ დაღუპულა. და იმდენად არცა ნალვლობდნენ, რახან გადავრჩით, აღარა გვიშავსო, თავსაც გავიტანთ, ცხოვრებას კიდევ მოვეწევიტო, არა ნალვლობდნენ, თავს ინუგეშებდნენ, იმედოვნებდნენ. ბედი თუ მსახვრალი სხვაგვარადა ფიქრობდა, ეგებ იცინოდა რო კიდევაცა, ეგებ რო თავიც არ დაენებებინა, ეგებ ელოდა, ცოტა მიწყნარდნენ, მიბინარდნენო. და მიბინარდნენ დაქანცულნი, ჯერ რო ერთად მოიყარეს თავი, ერთი კუთხე რო გადაურჩათ, ერთი ეზო რო გადაურჩათ, რო ალოკა ცეცხლმა და რო ველარ მოედო, ჩააქრეს როგორც იყო, აბორკეს როგორც იყო. იქ მოიყარეს თავი, იქ მიზიდეს ვისაცთუ თუ რა გადარჩა, ვინც თუ რა გადაარჩინა, იქ ჩადგეს აკვნები, იქ გაიშალეს, ლოგინი თუ ველარა, ანთუ ყველამ თუ ველარა, თივა მაინცა, გაიშალეს, მიწვნენ, მიეყარნენ, მიეცნენ ძილსა მკვდრულსა დაქანცულნი, განამებულნი, იმედითა ხვალინდელი დღისა, დღეც რო ახლოს იყო, რო უკვე ბრიალებდა ცისკრის ვარსკვლავი. ცისკრის ვარსკვლავიო, წინამორბედი განთიადისა. ესაა რო იმათ ველარ გაუთენდათ, ველარც კაცებსა, ველარც ქალებსა, ველარც მოხუცებსა, ველარც ბავშვებსა, აკვნის ბავშვებსაც რო ველარაო. კვნესაც ვერ მოასწრო ველარავინა, ვერა, ველარავინა: მკვდრულ ძილს მიეცნენო, და სიკვდილსაც ეგრევე შეეყარნენ: ეგრე მკვდრულ ძილში დაესხნენ თავსა ხანჯლებითა, ხმლებითა, სამთითებითა, ნაჯახებითა, კეჭებითა თუ რითი აღარაო, ვისაც რა მოჰხვდა, დაესხნენ და

ასჩეხეს, აკუნეს, წამოაგეს სამთითებზედა ორსული ქალებიცა, აკვნიანი ბავშვებიცა; სარებზე ჩამოაგეს ორსული ქალები და მზე რო ამოვიდა ეგრე შეაგებეს, ეგრე შეაგებეს, გამოლვიძებაც რო ვერ მოასწრო ვერაინა. ანთუ მოასწრო, ვერც ვერა გაიგო, ისე მიეცა საუკუნო ძილსა. არავინ გადარჩენილა, არავინა, ფანიელთა აღარავინა. მერე მიკვირდა თუ იმათაგან ვინმეს თუ სადმე გადავეყრებოდი. წასულები ვიყავითო. იქით აღარც მიგვიხედიაო. რალა თქმა უნდა ვერ გადარჩებოდნენ, იქ რო ყოფილიყვნენ რალა თქმა უნდა. გაზეთებში წერდნენ, რო აღშფოთებული გლეხობა დაესხა თავსაო, ვითომ რო სინანულსაც გამოსთქვამდნენ ის ახალი მონესენი, ვითომ და უფრო ნიშნსაც მოუგებდნენ: მაშ რა ეგონათ რო აღაშფოთებდნენ გლეხობასაო. და აღარ იკითხავდა აღარავინა: თუ რითი უნდა აღეშფოთებინათ გლეხები ფანიელთა, თვითონაც რო აღარაფრით აღარ განირჩევოდნენ იმათგანა, – არცა ქონებითა, არცა წესითა ცხოვრებისა, რო მხოლოდლა ახსოვდათ, და ისიც კარგად აღარ ახსოვდათ, თავადიშვილები იყვნენ თუ აზნაურიშვილები ოდესღაცა, ოდესღაცა ჯერკიდევ ერეკლეს დრომდისა, ოდესღაცა, ახსოვდათ და ისიც რო კარგად აღარ ახსოვდათ. აღარავინა კითხულობდა, აღარავინ გაარჩევდა და ადვილად იბანდნენ ხელსა ახალი მონესენი, ულეტდნენ და ადვილად იბანდნენ ხელსა: აღშფოთებული გლეხობაო. თუმცა ისიცაა: პოულობდნენ ასეთებსაცა, პოულობდნენ და აიყოლიებდნენ ღვთის პირიდან გადაცდენილებსა, პოულობდნენ და აიყოლიებდნენ.

იქაც არ ერია ამათგანი, ფანიელთაგანი, იტრიელების იმ ღამის სტუმრებში, სასაფლაოზე რო გადაე-

ყარა როსტომი, მოგზაურიცა რალა თქმა უნდა, იქაც არ ერია და არც ერია არც ახალ მონესეში არავინა, იმათგანი რალა თქმა უნდა, არც არავინ გაჰყოლია მაისის მთავრობასა, გაქცეულ მთავრობასა, არც აქ აჰყოლიან იმათა, არც რო არასოდეს აღარ გარეულან აღარაფერში, გაირიყნენ დიდხანია და მინასლა ჩაჰყურებდნენ, მინასლა ალევდნენ ჯანსა და ღონესა, დიდიდიდი მასწავლებლები თუ გამოერეოდნენ, ბენითლები თუ გამოერეოდნენ, ფოსტისა თუ რკინიგზის მოხელენი თუ გამოერეოდნენ ფანიელთა შორისა, მაგრამ ეტყობა, რო ესეც თვალშისაცემი გამხდარიყო იმხანებშია. თვალშისაცემი გამხდარიყო ოდნავი ლაზათიცა, ზრდილობა, წესრიგი, პატიოსნება, თვალშისაცემი გამხდარიყო, თვალშისაცემი. და პატიოსნებით მართლაც რო გამოირჩეოდნენ ფანიელეები. და კმაროდა ყველაფრად, კმაროდა რო დაემსახურებინათ სასჯელის უმაღლესი ზომი, კმაროდა, კმაროდა, მხოლოდ გაზეთებში არა წერდნენ ამასა: აღშფოთებული გლებობაო, ამასა წერდნენ.

ოლონდ ის მაინცა: იმათშიც არ ერია ფანიელთაგანი, იმათში, რო წამოდგნენ სასაფლაოდანაო, – სხვებისანი ჰო ერივნენ, სხვები ჰო იყვნენ, და აღარც ისინი გადარჩენილან. უბრძოლველად არ დაუთმიათ, ოლონდ ეს ბრძოლა განწირულიყო, განწირულიყო ყველაფერი, ბოროტი პარპაშებდა, პარპაშებდა, პარპაშებდა, იყო ზეიმი ბოროტებისა. თუმცა თავს დაესხნენ საპატიმროებსა, ყველას ვერა რალა თქმა უნდა, მთლად საპატიმროდ რო ქცეულიყო ქართლი, მთლად საქართველო რო ქცეულიყო საპატიმროდა, რამდენიმეს მაინც დაესხნენ, გაანთავისუფლეს, ოლონდ ესაა, რო ველარსად შეაფარეს, ველარ უპატ-

რონეს, თვითონაც რო გასაქცევს იყვნენ, სხვა გზა რო აღარ დარჩენოდათ; გასაქცევს იყვნენო და გაიქცნენ, გადაცვივოდნენ ახალციხესა, იქიდან თურქეთს მისცემდნენ თავსა, იქიდან უკვე აღარ იცოდნენ, ბედი ვის საით თუ გასტყორცნიდა. ასე მიდიოდნენ, ასე გადადიოდნენ, ასე ინთქმეოდნენ. ამათ მაინც არ გაუმართლდათ. უყელეს და შიგნითვე შემორეკეს. უკან დაიხიეს, ბრძოლით დაიხიეს, ბორჯომამდის დაიხიეს ბრძოლითა. მერე თითქოს გაჰქრნენო. ოლონდ მცირე ხანსაო. სხვაგან რო ეძებდნენ, ისინი თურმე იქვე ჩარჩენილიყვნენ, იქვე, ბორჯომის ხეობაშიო. და იქვეც გასცეს. სოფელს არ ვიტყვი, ეგება რო სოფელი არც არაფერ შუაშია, ანთუ ვიტყვი, ისევე შერქმეულსა, როგორც რო აქამდისა, ანთუ აღარც ვიტყვი, რალა მოხელეა, გასცეს და ეს არის: შეეხოცნენ თვითონაცა ეს ახალმონესენი, ისინიც დაჰხოცეს, თვითონ ბევრნი იყვნენ, ისინი მცირენი, სძლიეს, დაჰხოცეს, დაჰყარეს გზის პირასა, არც დამარხოთო, ბრძანეს...

საპატიმროდან გამოქცეულნი:

ზოგი სად ჩაჰკლეს და ზოგი სადა, ის გამოქცეულნი, იმათ რო გაანთავისუფლეს, ჩაჰკლეს, ვისაც თუ სად წამოენივნენ, ანთუ ვინ იცის თუ სხვებსაც არ წამოენივნენ, – რომელი იკითხავდნენ თუ ვინა ხარო, რომელი რამეს გამოიძიებდნენ, არ მოუვიდოდათ თვალშია და კმაროდა, სდრუზავდნენ თოფსა და გააჭენებდნენ, დააგდებდნენ და გააჭენებდნენ, ახლა სხვას რო წამოსწეოდნენ, სხვასა თუ სხვებსა, რაც უფრო ბევრი, მითუკეთესიო, დააგდებდნენ, დაჰყრიდნენ და გააჭენებდნენ, გააჭენებდნენ, დაჭენაობდნენ, გამკითხველი რო აღარ იყო, სიბრალული რო აღარ იყო, კაცი რო ბურ-

ტყლადაც აღარა ჰღირდა. თითქოს რო აღარც აღარავინა კვდებოდა თავისი დღითა, აღარ აცდიდნენ, ღმერთსაც აღარ აცდიდნენ, სიკვდილი რო განეგო, ველარც რო სიცოცხლესა მფარველობდა ღმერთი. ერთ თორთელს მაინც მოესწრო თავისით სიკვდილი. რუკაზე ის სულ ბოლოს მონიშნულიყო, მოგზაურის რუკაზედა რალა თქმა უნდა, ამ ჩვენი ბედკრული მოგზაურისა. ამათთვის ეს სულერთი გახლდა: ბოლო თუ თავი, სულერთი გახლდა. ის მაინც თავისი დღით გარდაცვლილიყო, ღრმა სიბერით გარდაცვლილიყო, დიდხანია რო ველარ დამდგარიყო ფეხზედა, მეხსიერებაც რო წართმეოდა დიდხანია, მაინც რო აღარ იყო ამქვეყნადა და ამიტომაც რო ვერ მოყოლილიყო ვერსადა და ვერაფერშია, ჯერ აქამდის ვერ მოყოლილიყო. და აი მოჰყვა, თავისი დღით რო გარდაცვლილიყო, თავისი წესითაც ასაფლავებდნენ, შინ რო ქელებხის სუფრა იშლებოდა მიაცილებდნენ უკანასკნელ განსასვენებლამდისა. მიასვენებდნენ. მიასვენებდნენ. მღვდელიც მიჰყვებოდა, დიაკვანიცა. მიასვენებდნენ და მიჰყვნენ ესენიცა, მიჰყვნენ გათხრილ საფლავამდისა. იქ ის ერთი რო ჩაასვენეს, კუბო რო ჩაუშვეს, სხვანიც მიახოცეს და მიაყოლეს ზედა, სხვანიცა, ყველანი ერთისიტყვითა, ყველა ვერ ჩაეტეოდა იმ ერთ სამარეშია რალა თქმა უნდა. ესენი ამას არ ინალვლებდნენ რალა თქმა უნდა... ყრანტალებდა ყვავე-ყორანი, დამძიმებულიყო ყვავე-ყორანი, აფრენა რო აღარ შეეძლო... არ ინალვლებდნენ რალა თქმა უნდა...

და აი მივადექით არჯევნელებსა.

ისინიც არ გამორჩენიათ, რალა თქმა უნდა. კარგა ხანია, გარს რო უვლიდნენ საარჯვენოსა, ამდენი გარსმოვლა აღარ იქნებოდა, უნდა აელოთ, დროშა

გურანდუხტისა უნდა ჩამოეგდოთ საარჯევნოს ციხიდანა, უნდა აელოთო და აიღეს ჯერ ხერგილი, აი ის ხერგილი შაქრო ცისკარიშვილმა რო გაიარა იმა ბედით სტუმრიანადა. მერეც გაიარა და გამოიარა იგივე ხერგილი ცისკარიშვილმა, აკი ამბობდა, ქალებიც უნდა გავიყვანო, ამბობდა. კიდევაც გაიყვანა ნაზიბროლაცა, ელენეცა თავისი ქალიშვილებიანადა. გურანდუხტი არც აპირებდა საითმე წასვლასა, გულქანმაც ქვა ააგდო და თავი შეუშვირა, ფეხს არ მოვიცვლი, სული აქ უნდა ამოვირთვა, ჩემი ბარძიმის ოთახშიო. აღარც შაქროს გამოუდვია თავი, აღარც სხვა ვინმე გამოჩენილა, და ჩარჩნენ ის ორნი, დედა და შვილი, ჩარჩნენ, ჩაიკარგნენ დიდი სასახლის დარბაზებშია. მონყენილობისა თუ ეშინოდათ, სიმარტოვისა თუ ეშინოდათ, არც თუ დასცალდათ შიში ამდენი, ხერგილი აიღეს იმავე დღესა და საარჯევანო ციხეს გაუხსნეს ცეცხლი. ცეცხლი გაუხსნეს, ოლონდ ბევრიც ვერა დააკლეს, მხოლოდ დროშა აქციეს ძონძებადა. მოსჩანდა დროშა დაძონძილი, გურანდუხტის ოთახიდანა, ლოყებს იხოკდა გურანდუხტი. გულქანის ოთახიდან ის არ მოსჩანდა, არც ლოყებს იხოკდა, არც ყურებს იცობდა, თოფის ხმა არ გავიგონო, მხოლოდ დროდადრო სპირტს დასუნამდა, თოფის წამლის სუნი რო გაერიდებინა. იქ სროლა ხშირდებოდა, ასპიტდებოდა, შეუვალობა თუ შეჭყროდა უძველეს ციხესა, უძველესსა და მოძველებულსა. თოფისთვის მაინც მიუვალყო, თოფის ტყვია ვერას დააკლებდა. იერიშიც მარცხიანი გამოდგა, მოშიშვლებულიყო რიყე არჯევნულასი, ვერ გადაელახათ, ტყვიამფრქვევი ცელავდა ციხიდანა. მეორე მხრიდან ველობი გაშლილიყო, შიშველი ვე-

ლობი, რალა თქმა უნდა, ტყვიამფრქვევი იქაცა ცელავდა. დაეხოცათ კიდეცა, დაეჭრათ კიდეცა, მძიმედაცა, მსუბუქადაცა, გაცხარდნენ კიდეცა, გამწარდნენ, გაეშვნენ, დაბორილდნენ, ციხეს დაეხსნენ უცაბედადა, ციხეს დაეხსნენ და სასახლეს ეცნენ, დაიტაცეს დასატაცები, დალენეს დასალენი, მხოლოდ გურანდუხტს ვერ შეუვიდნენ, ვერ შეუვიდნენ ვერცა გულქანსა, აღარც თავი გამოუდვიათ, ვერ შეუვიდნენ და ცეცხლი შეუკეთეს ძველ სასახლესა. ავარდა ხანძარი, ალი ავარდა, მალლა წასულიყო ზეცა აგვისტოსი, სულ მალლა, მალლა, იქამდის აღწევდა ალი. მაინც არსაით გამოჩენილა გურანდუხტი, არც მშველელი გამოუხმია, აღარც აღარავის აღარაფერი გაუგია იმისი... გულქანისა რა მოგახსენო!.. რაც არის, არის, უნდა მოგახსენო, ბევრისა ითქვა, ითქმის სხვებისაცა, გულქანი რალა გამოსარჩენია, – ჰოდა ბოლომდისაც არ ჩარჩენილა ხანძარშია, ველარ გაუძლო თუ მოინდომა გადარჩენა ბარძიმის სურათისა, ეს სულერთია, გარეთ გამოვარდა სურათიანადა, გამოვარდა და გამოჰგლიჯეს სურათი იგი, გამოჰგლიჯეს და ზედ გადააფხრინეს, მერე წამოუკეცეს ქვედატანი და – ღმერთმა ისევე აგიხდინოს ნატვრა ყოველგვარი სიკეთისა, თუ ვით იმას აუხდა წინასწარმეტყველებათი ლეკოსი, – წამოუხვეტეს ქვედატანი და ანახვეს, რაც არ ენახა.

დაფხრენილი დროშა ფრიალებდა ციხეზე, სხვა არაფერი მოსჩანდა, არა ისმოდა რაი ციხიდანა.

ციხე მაინც ასალეები იყო, ასალეები იყო უკანასკნელი საყრდენი, ან რალა საყრდენი, საყრდენი ვინ მისცა განწირულობასაო.

რაც უნდა ითქვას, ციხე მაინც ასალეები გახლდა.

XXIII

მაინც გაეცალნენ ციხესა...

ციხეში არავის უზეიმიია გამარჯვებაი, არც ტყება-ვაება გაუმართავს არავისა, არც ხანძრისათვის მოურიდებია თვალი, თუმცა არც გადამდგარა საცქერლადა, იქ არც არავინ გახლდა, თვინიერ ერთისა, თვინიერ ბექასი. ერთი გახლდა ხერგილთანაცა, ძმაკაცი ბექასი, ხერგილი აიღეს, დაიკარგა იმისი კვალიცა, ბექამ ვერ გაიგო, შეიპყრეს თუ შეაკვდათ, ვერც გაიგო და არც ძალას იტანდა, თვითონაც დიდი დღე აღარ ეწერა, ფიქრიც ამაო იყო, ნიავს მოჰქონდა სუნი ნამწვრისა, სუნი ნამწვრისა მოსდებოდა ციხესა, თითქოს თვითონ ციხე იწვისო, თუნდა მართლაც იწვებოდესო, რალა დღესაო, რალა ხვალეო, ამასაც ჰო ნაუკიდებენ ცეცხლსაო, – დღეს თუ არაო, ხვალ იქნებაო, მინებებოდა გარე დინებასა. ძილი უნდოდა, მიიძინებდა, არ ენალვლებოდა, ემანდ ძილის დროს არ დამესხნენ თავსაო, სოფელში ჩასვლას თუ მოინდომებდა, ჩავიდოდა მაშინვე, არ იეჭვებდა, ემანდ მახე არ დამიგონო; ესროდნენ, ისროდა, აქეთაც დაედგა ტყვიამფრქვევი, იქითაცა, ბლომად ეყარა ხელყუმბარებიცა, თოფებიცა, ხმალხანჯლისა რა მოგახსენოთ, ისინიც ეყარა, ყველაფერს ვერ გამოიყენებდა ერთი კაცი, მაინც ეყარა, მაინც ეხროვა. არც ედარდებოდა, იქ თუ შერჩენილიყო, არც იმას ინალვლებდა, თუ არ შერჩებოდა იქა, არც უხაროდა, თავდამსხმელებს რო შემოიფანტავდა, არც არად ჩააგდებდა თუ გაჰკოჭავდნენ, არც სიკვდილი შეა-

ნუხებდა, არც ის აფრთხოვდა, ცოცხალი თუ გადარჩებოდა, მიჰყოლოდა ეგრე დინებასა, არცთუ დაეკრიფა გულხელი, გულხელდაკრეფილსაცა ჰგავდა.

ჰოდა გამარჯვება არავის უზეიმიც ციხეში. მნუხრის ფერი მოსდებოდა ციხესა, მნუხრი ჩამონოლილიყო, ჩამოდაბლებულიყო, ნამწვის სუნი მოსდებოდა ციხესა, გაგუდულიყო, გაყუმულიყო სუნი ნამწვისა, ხანძარი რო ჩანავლებულიყო; ააღდებოდა ნახანძრალი დროდადრო, აქა-იქა ააღდებოდა, გაჰყრიდა ნაპერწკალსა, გამოანათებდა, გამოპნკრიალდებოდა ფერებში მნუხრისა. ესეც არაფერი, ვითომც არაფერიო, მნუხრის ფერებმა ვილაც რო მიჰგვარა, პნკიალში ვილაც რო ამოიხაზა, ვითომც ისიც არაფერიო; არც მხნეობა შეჰმატებია, არცა სწყენია, სიმყუდროვე რად დამირღვიაო; ხოლო ის იდგა ლაბადმოსხმული, ჩამოფხატული ყაბალახითა, სახე არ უჩანდა რალა თქმა უნდა, არც რა უჩანდა, იმმუშნებოდა, გადაინევდა ლაბადის კალთებსა, გადაინევდა და მოიტმასნიდა, თითქოს სიცხეს რო ინიავებსო, ანთუ აი და მეტყვის ვინა ხარო, ლაბადას მოვტყორცნიო, ყაბალახსაცაო. ეს მაინც არას ეკითხებოდა, არც გაკვირვებული მისჩერებოდა: დაუკაკუნეს და გაულო კარი, უფიქრელადა, უგანზრახვოდა, გაულო და არცთუ ადვილადა, რო ამოექოლა, ლოდები მიეყარა ზედა, –გადმოაგორა ლოდები იგი, როგორც რო იყო, გადმოაგორა, გაუგანა გამოსაძრომი, ის შემოვიდა და, სხვა რო არ მოჰყვა, ისევ მიაგორა, ლოდები ცხადია, ამოჰქოლა კარი ისევა. მერე ნავიდა ზევზევით ნავიდა, არც უთქვამს, მომყეო, არც მოუხედა, – ის ადიოდა, ეს მიჰ-

ყვებოდა; გავიდნენ ბანზედა, ჯერ ისევ რო მწუხრი-
სა გახლდა, ეტყობოდა, რომ ღამეც ბნელი არ იქნე-
ბოდა, ძალიან ბნელი, ოღონდ რაც იყო თუ რაც იქ-
ნებოდა, თითქოს მაინც რო აფუებულიყო მიყრილი
ნაბდები, მიყრილი იარაღი, გადაყუდებული ტყვიამ-
ფრქვევიცა; ქვექვევითაც ეყარა იარაღი, რო ამო-
დიოდნენ, მაგრამ იქ ბნელოდა, ამან ჭრაქი არ გაი-
ყოლია, ის მიჰყვებოდა ხმასა ფეხისასა, ანთუ ჩქამ-
სა, ხელის ფათურით გასდევდა კედლებსა, – ჰოდა
ასე გავიდნენ ბანზედა ეს ადვილადა რალა თქმა უნ-
და, ის ძნელადა და დასცხა, ჩახურდა, მაინც ყაბა-
ლახი არ გადაუგდია, ლაბადაც არ გადაუგდია. ეს
იქვე მიეგდო, დახროვილ ნაბადებზედა, ის იდგა, იდ-
გა, იდგა და ელოდა, იგივეს ელოდა, იკითხოს, ვინა
ხარო, ანთუ რა გნებავს, რით გემსახუროო. არაო,
არ იკითხა, თმენაც დაილია, დაცურდა ლაბადა, ყა-
ბალახი გადაფრიალდა...

– თეკლა!..

ამოსცდა თითქოს თავისთავადა, არც გაკვირვე-
ბა ამოსტანებია, არცა სიხარული, – ძახითი ნიშანი
მაინც დავუსვი, მევე დავუსვი, რადგან ვიცი რო არ
მომეშვებიან, ვილაცა უთუოდ ჩასჩრის და მერე ელ-
დასავით დამეძგერება, სჯობს აქედანვე რო შევეჩ-
ვიო, – ამოსცდა ისე, უგერგილოდა.

– ჰო!..

შესძახა მოსულმა, შესძახა ამან გატაცებითა,
დიახაც თეკლა ვარ, შენთან მოვედიო.

– თეკლა...

გაიმეორა დამხვდურმა ისევე, ანთუ უფრო მო-
დუნებითა.

– ჰო... ჰო... ჰო...

ეს დაეშურა, მიაყარა თითქოს ფართქალითა, ან-
თუ ფართქალითა, რაღა თითქოსაო.

– ჰოოო...

იმან გააგრძელა, ცოტა გააგრძელა, ცოტაც
კვნესა ამოადევნა, თითქოსაო, ეს მართლაც თითქო-
საო.

– მეტი არაფერი?!

– მეტი რაო?!

– მოვედი!.. მოვედი!..

– ჰო...

– მერე?!.

– ეეეხ!.. – ასწურა მხრები უაზროდა დამხვდურმა.

– ჰო არ დაიჭერი?..

– არა... ჰო... არა... ჰო, არა... არა, არა!..

– რა გემართება?..

– რა ვი... მოგესმოდა.

– მომესმოდა...

– ჰოდა...

არ მიუგია ამისი პასუხი, ქალსა ცხადია, იდგა
ისევე, ასვეტილიყო მწუხრის ფერებში, თანდათანო-
ბით რო მუქდებოდა, და არცთუ მკვეთრად რო მუქ-
დებოდა, იდგა და ჩაიდუდუნა ნალვლიანადა:

– სხვაგვარად ვფიქრობდი...

– როგორ სხვაგვარადა?.. – წამოიძახა თითქოს
დამხვდურმა.

– სხვანაირადა... – მერე ასე გაიმეორა, ნალვლი-
ანადა ისევ ისე, კიდევ უფრო რო მოემატებოდა, ქა-
რიც მოსუსხავდა, ქარი მწუხრისა ციხის ბანზედა,
ანთუ ქარიც არა ყოფილიყო, ის მოდუნება ჩაანე-
ლებდა, მოდუნებაი იქ დამხვდურისა რაღა თქმა უნ-
და. და მოიკრიბა ძალაი ისევე, არ აჰყვა ქარსა იმა

მწუხრისა, არ დაჰყვა არც იმ მოდუნებასა, – არ მომელოდი?!.. – ჩაეკითხა ისეთი ხმითა, ყველა ეტყოდა მოგელოდიო.

– რა ვი... – იმან ასე მიუგო.

– არც გაგეხარდა?! – ჩაეკითხა ისეთი ხმითა, ყველა მიუგებდა, გამეხარდაო.

– რა ვი... – მაინც ასე მიუგო.

– როგორ ვაგებდე?! – ჩაეკითხა ისევე იმასა, თვითონაც რო ვერ მიუგებდა, იმანაც რო ვერა მიუგო:

– აბა... – მაინც პასუხი იყო.

– თუ მხედავ მაინცა?.. – ახლა ქალმა სიცილი მორთო.

– გხედავ... – დამხვდურმა ცოტა გაიღიმა, ცოტა ჩაიციინა თუ ჩაახველა.

– ნუთუ ის აღარა ვარ?!

– ისა ხარ...

– ნუთუ არ მოგნონდი?!

– მომნონდი...

– თანამგრძობელი ნუთუ არ გინდა?!

– რა გიპასუხო?..

– გავბრუნდე?.. – და დაიხარა ქალი, ლაბადას დაეტანა, თავის ლაბადას, ყაბალახი თვალით მოძებნა იმა ფერებში, მწუხრის ფერებში რალა თქმა უნდა, მოძებნა და, რო ვერ მოძებნა, ლაბადასაც უშვა ხელი ცივცხელადა. – გავბრუნდე?.. – მაინც გაიმეორა.

– არა... ჰო... ჰო... არა, ჰო...

– დავრჩე?! რა გინდა, დავრჩე თუ ნავიდე?..

– აქ... აქ ისე ძნელია!..

– ვერ მივხვდებოდი?!

– ბევრი ვერც გაიგებს.

– მეც ვერ გავიგებ?..

- რა ვი...
- თუ გავიგებ?!
- რა ვი...
- თუ გამეგება?..
- აქ ისე ძნელია!..
- ვიციმეთქი... ვიცი, ვიცი ვიცი!..
- ჰა!..

- ღმერთო დიდებულო, - აღმოხდა ქალსა და თვალეზი აღაპყრო, ეგრე დაიმუხლა ლაბადაზედა, - ნუთისოფელი რად დაგვიმძიმე, ღმერთო დიდებულო, რად გამოგვნირე ძალა ვაჟკაცური. რად დაგვიშრიტე ღონე შემართებისა?! დაგვიდგა ჟამი აღსასრულისა?! მაშ მეც დამშრიტე!.. წამართვი ღონე მძულვარებისა, რისხვა წამართვი შურისგებისა, წარმიღე გონება, ჭკუა წარმიღე, გამომწელე და გამომფიტე, ვით აგერ ესა, ვაჟკაცი როა და აღარც არის, ვით აგერ ესა!.. წარმიღე გული, ამომგლიჯე, აფთარს მიუგდე, რო აღარ ვიგრძნო, აღარ ვიხილო დალაჩრება თუ დაქელილობა, დამცირება, თუ უღრტვინველობა, შეგუება თუ განყალება; დამშრიტე მეცა თუ აღარაა აღშფოთება და მძვინვარება, სიძულვილი თუ აღარაა, კაცი კაცური თუ ვერ ვიხილე, აქაც თუ ვერა, დამშრიტე ღმერთო, სად მოგყავდი, დამშრიტე ღმერთო!. ძალნო ღვთიურნო, გევედრებით, გამანადგუროთ, ამკუნ-დამკუნოთ, მომალავოთ ნაკუნებადა, ან მტვრად მაქციოთ, მტვრადა, მტვრადა. მტვერი სჯობიან, წამიღებს ქარი, მომალავებს ნაწილაკებადა, უხილავადა, შეუხებლადა, არაფრობადა; ძალნო ციურნო, აქ მოვსულვარ ჩემის ფეხითა, აქედან თქვენი მორჩილი ვარ, ისედაც თქვენი, გადამამზღვლიეთ აქედანვე, გადამაფრქვი-

ეთ, დამაზღერთეთ და დაცამლენეთ, ძალნო ციურნო, ღვთიურნო ძალნო!.. – და გაირინდა, თითქოს ხმას ისმენს ზეციურსაო, თითქოს მოესმა კიდევაცაო, თითქოს სწვდა ხელიცა ზეციურიო, სწვდა და აიტაცა თითქოსა, ისე გაიჭრა, ისე გავარდა, მიანყდა ისე ციხის ქონგურებსა.

დამხვედურსაც ციური ხელი თუ მისწვდა, ისიც რო ისევე აიჭრა უცბადა, გზა უყელა, გადაელობა, ჯერ ის აეკრა ქონგურებსა, მერე ეს მიანყდა, ზედ მიანყდა, დაუბრაგუნა მუშტები გულზედა, მუშტები დაუბრაგუნა, რაც ღონე ჰქონდა, ეგებ რაიმე შეეასმინო:

– ნება ღვთისაა!.. – შესძახა ისე, ვითომ და რაო, რა უფლებით მელობებიო.

– ეეე... რას ამბობ!.. – ასე ეურჩა, ღვთის დამონმება არად ჩაუგდო.

– ჩამომეცალე!..

– კარგი, ერთი და!..

ეს კაცმა გაუქარვა თითქოსაო, ქალმა არაფერი აღარ წარმოსთქვა, ანთუ უეცრად შემოაბრუნა, იგივე ხელმა თუ შემოაბრუნა, გამოიტაცა იგივე ხელმა, გამოატანა სხვა მხარისკენა, გამოადევნა კაციცა მაშინვე, მყისვე, მეორე ხელმა იმავე ძალისა, თითქოსაო რალა თქმა უნდა, გამოადევნა, უყელა და ნინ აულობა:

– გამიშვი... – ქალმა სცადა, მხარი აექცია.

– გეყოფა – თითქოს და განყრომა მოინდომა კაცმაო.

– ეს შენ ერთი აფეთქება გგონია?!

– რაც უნდა მეგონოს...

– მაინც?!

- რაც უნდა...
- გამიშვი!
- ვერც ჰო გაექცევი, შენვე რას მიიწევ?!
- მეჩქარება...
- რა გეჩქარება?!
- როცა არა ჰღირს!..
- ჰღირდა ოდესმე?!

ეს კაცმა თქვა და ქალმა იკივლა, იკივლა გაბმითა, პასუხიც მოვიდა სადღაც შორიდანა, თითქოს მთებიდანა, უთუოდ მთებიდანა, ვინ უწყის თუ არაჯვენულას სათავიდანაცა, პასუხიც მოვიდა და არც პასუხსა ჰგავდა, თუმცა მიაყურადებდა გაფაციცებითა, ხელსაც ააფარებდა კაცსა ტუჩებზედა, არც ისუნთქოო, მაინც ვერაფერი გამოიტანა, ვერა რაი ვერ გამოარკვია, - და იკივლა კიდევ, ჟინიანდა უფრო, უფრო გაცხარებითა თუ გაახელა გაურკვეველობამა, იკივლა და შეასკდა კივილი იგი კიდევ შეასკდა, შეასკდა მეტადა, მეტისმეტადაცა, აისხლიტა მთებმა კივილი, აისხლიტა და ზეასტყორცნა, ზეცას დაანება პასუხი თითქოსაო და მართლაც თუ მოისმა პასუხი იქიდანა, თითქოს ზეცა დაბზრიალდაო, გაბმული ზრიალით დაემხო ციხესა:

- გესმის, მიხმობენ!.. - ქალმა გაიხარა.
 - გიხმობენ არა და!..
 - მიხმობენმეთქი...
 - შენთვისა სცალიანთ!.. - გაუტრიზავა კაცმა.
 - შენ არცა გჯერა?!
 - არა ცხადია...
 - ჩამომეცალე... - შეუტია ქალმა, ხელიც შეახო,
- ძალა თუ გერჩის გადაელობე სიავესა. ვნანობ, რო მოვედი, ასე არ მეგონა, იმიტომ მოვედი; ყველა რო

დანებდა, შენლა რო იდექი შეუდრეკლადა, ამიტომ მოვედი, ასე მეგონა და ამიტომ მოვედი; მოვედი და გიხილე რაი: მოტეხილი, მოდუნებული, ბედს მინდობილი, დამორჩილებული, ცხერის ფარასავით რო დაილაღეს და შერეკეს ფარეხებში, იგივე გიხილე; შენ თურმე მხოლოდ ჩამორჩენილხარ, კოჭლი ცხვარივით ჩამორჩენილხარ, საცა, მოგივლიან, გითავაზებენ შენცა ჩომბახსა, შეგაგდებენ იმავე ფარეხში; ვერა, ფარა ვერ მობრუნდება, კოჭლი ცხვარი რო წინ მოექცეს, ვერა, ველარა, ის ანდაზაა, ეს ნამდვილია, ვერ მობრუნდება და კოჭლი ცხვარიც ვერ გაუძღვება, ვერა, ველარა; ჩამომეცალე, ჩამომეცალე, ჩამომეცალეეეეეეეეეეეეეეეე...

ზეცამაც თითქოს ასე დარეკაო: ჩამომეცალე, ჩამომეცალეო, არ გაუგონა მაინცა ბექამა, არც ჩამომეცალა, ხელებიც შეუკრა ხელებითვე ცხადია, შეუკრა და მიიკრა გულზედა, მოამარწუნხა თითები ზედა, ტყვიანამლისგან შებოლილი თითები, – ქალი დაიკლაკნა, გაინია, გაინია, ვერ გაინია, დაიკლაკნა და დაიხლაკნა:

- ჩემზე სცდი ღონესა?.. – დასცინა ქალმა.
- ეს რა ღონეა!..
- ღონეა...
- იყოს...
- ღონე თუ გერჩის?
- აქა ვარ, სხვა რაო?
- ასე რადა ხარ?!

- დავიქანცე... დღეს აქ ჯოჯოხეთი დატრიალდა, ნავიდნენ. დავრჩი. მოვეშვი ასე. – ბევრი მოუვიდა ნათქვამი თითქოსაო, სუნთქვა აღარ ეყო, მიდუმდა, ოღონდ ხელი არ შეუშვა, იქ თუ მოყრილიყო ძალლო-

ნეი უკანასკნელი, ანთუ ნატამალი, ნატამალი ძალ-
ლონისაი.

– რა მეშველება?!. ჰა, ჰა, ჰა...

გაიცინა ქალმა, გაიცინა უცნაურადა, მძვინვარედაო თუ განწირულადა, გაიცინა და ქვითინი ამოჰყვა, გული ამოესკენა, ამოუჯდა გული, მიეყუდა ვაჟკაცსა, მიეყუდა და აფრქვია ცრემლი; იდგა ისიცა, იდგა ცოცხალი რალა თქმა უნდა, იდგა და ისმენდა თუ როგორ დასტიროდნენ, ვითარცა მკვდარსა; და იყო მწარე დატირებაი იგი, მწარეი უფრო, უფრო შემზარავი, ვიდრე დატირება მართლაც და მკვდრისა. გაშრა ვაჟკაცი, თითქოს ძარღვებში სისხლი დაუნყდა, თითქოს იქავე, თუნდაც ქონგურებზევე უნდა გადასვენებულყო და გამოეტირათ, როგორც რო მართლაც მიცვალებული, და არა ისე, გათანგული ბრძოლისაგანა, მიტოებული, მარტოეული, გათანგული სიმარტოვითაცა, – გაშრა, მკლავები ჩამოუცვივდა. მოსწყდა ქალიცა, ლამის ჩოქელა მიექცა ნაბადსა, მიექცა, დავარდა, ამოაყოლა მოთქმანი ქვითინსა: რახან რო ქალად გაჩენილიყო, რო უნდა დაჰყრდნობოდა უთუოდ ვილაცასა, ხოლო საყრდენი რო გამწყვარიყო, ან თუ ამას თუ ველარ მიეგნო, დაბორილებდა უთავ-ჟამოდა, ასე ძლიერი და ასე უსასოი, რამეთუ ვერ მიეგნო თავის ჯუფთისთვისა, ტყუპისცალისთვის ვერ მიეკვლია, თავისი ტყუპისა თუ შესატყუპისა, ვერ მირქმეოდა, ვერ შენივთებოდა, ვერ განეცადა აღვსებაი იგი, უიმისოდ რო არად ვარგოდა, არ იყო სრული რალა თქმა უნდა; დანყვევლილიყო ნახევრობითა, ანთუ უნახევროდ დანყვევლილიყო, ამას მოსთქვამდა და იმას უხმობდა, იმედოვნებას ვინც

მოუტანდა, იმედოვნებას აღზევებისა, იმას უბ-
 მობდა და მოსთქვამდა ამასაცა, ლამის ციხიდან
 რო გადაიჩება, სულმოკლეობა სხვისიც რო სძულ-
 და, აქ ასე უგუნურად რო დამორჩილდა... აქ ამი-
 სათვის არა მოვსულვარო, – შენმა შემართებამ შე-
 მასხა ფრთებიო, ეს ჰო გითხარი, თუ არ გითხარი,
 აჰა მითქვამსო, იქ ეგრე მოსჩანდი ან მე მეგონა,
 ანთუ რაც იყო, ისიცა მჯეროდა, გაასწორებდნენ
 ციხეს მიწასთანა, შენც მიწასთან გაგასწორებ-
 დნენ, გარდაეგებოდი უძეოდა, უთვისტომოდა, წა-
 იშლებოდი, გაჰქრებოდი სამუდამოდა; ო, შენ არა
 ხარ ღირსი ამისა!.. იქა ვფიქრობდი, იქ მეგონა...
 შენ უნდა იცოცხლო, შენ უნდა მისცე დასაბამი
 შენს სიცოცხლესა, ახალ სიცოცხლესა, სწორედაც
 შენა, ასე ძლიერმა, შეუპოვარმა, შეუდრეკელმა, –
 იქა ვფიქრობდი, იქ მეგონა, და გამოვეშურე,
 ფრთები შევისხიო; მოსთქვამდა ქალი, სხვა შეხ-
 ვედრას მოველოდიო, ქალის ამდაგვარ თავგან-
 ნირვას რო შეჰფერისო; მოსთქვამდა ქალი, იქა
 ვფიქრობდი და აქ რალა ვიფიქრო, მაინც რო შენა
 ხარ თუ კიდევ ვინმეა, მარტო შენლა ხარ, რაცა ხარ
 თუ როგორიც დამხვდი, მაინც შენა ხარ და შენც
 აღარ იქნები... იქა ვფიქრობდი, მივიბარებდი შენს
 სიცოცხლესა, ქორფა სიცოცხლესა, ნორჩ სიცოც-
 ხლესა მივიბარებდიო; მოსთქვამდა ქალი, მოს-
 თქვამდა ასე უჯუფთობასა და იბნეოდა მოთქმაი
 იგი, ითქმებოდა უკვე სიბნელეში, გარდასულიყო
 მწუხრის ფერები, ვარსკვლავნი კრთოდნენ გაუბე-
 დავად.

და იყო მდუმარება, და გაიგონებოდა მოთქმაი
 ციხისა, მოთქმაი ძალუმი და უსასოცა იმავე დროსა,

გაიგონებოდა კვნესაი ჩუმი მოუშუშებელი ჭრილობებისა. და კვნესა იგი ქალის ხმასა ჰგავს, ვაჟკაცს კვნესა არ შეჰფერისო; და მოსთქვამდა ციხე ქალის ხმაზედა, კვნესოდა ციხე ქალის ხმაზედა.

XXIV

მოსთქვამდა და იყურა. გამოეხსნენ ფიქრსა თუ ნუხილსა, გამოეხსნენ და მიეცნენ ერთმანეთსა. ღამე იყო ბნელი. არჯვენულა ჰო დამშრალიყო, არა დუდუნებდა, არც რა დუდუნებდა, არც რა შრიალებდა, გატვრენილიყო ყველაფერი ციხესთან ერთადა, გატვრენილიყო, განაბულიყო. ასე არ გასტანდა რაღა თქმა უნდა, აფუსფუსდებოდნენ ციხის გარშემო; აფუსფუსდებოდნენ და აფუსფუსდნენ: ქვემეხები მიუყენეს ორივე მხრიდანა, რიყის მხრიდანაცა, მიუყენეს და ანიშნეს, დაგვნებდიო. ციხე მდუმარებდა ისევა, მდუმარებდა, ოლონდ იმა ნეტარებით აღარა, — ქალი გასულიყო, დაისს მოვიდა, აისს გასულიყო, გასულიყო დაჯერებული, დაეჯერებინა ვაჟკაციცა, სიკვდილი აღარ გინერიაო. და მარტოდ შთენილიყო ვაჟკაცი, გარინდებულიყო, თითქოს აღარც აღარაფერი ელოდა. ციხე სდუმდა, გარემო არა, გარემოს აპყვებოდა ციხეცა, ვერ განუდგებოდა, ვერ დააღწევდა თავსა. და იქუხა ციხის თავზედა, დაუშინეს ორივე მხრიდანა, დაუშინეს და ბული ადინეს, ჩაფშხვნეს ქონგურები, შელენეს სათოფურები, ჩამოაქციეს კედლები, და აღიმართა ბორცვი ქვა-ლორღისა, ციხე აღარ იყო. მტვერიდა ადიოდა, ბორიაცი ადიოდა, მზე შებურვილიყო ბორიაციითა.

ვიდრე ქვემეხები ჰქუხდა, ჟრიამული ავარდა საფერიცვლოს თვალებიდანაცა, შეძოძგინდა თვალები, თითქოს უნდა გაიფატროსო. იქ ბრძოლა ეგონათ და ჟრიამული ამისგან იყო, შორით-შორს ისმოდა ქუხილი საარჯვენოდანა, შორით-შორს ეგონათ, ბრძოლა არისო. როსტომმა იცოდა, ნგრევა რო იყო, არ ასდევდა იმა ჟრიამულსა, არცთუ დაუშლიდა, დაე ეჟრიამულათ, დაე ეხუნტრუცათ, დაე რილაცის იმედი ჰქონოდათ, გახარებულყვენენ, რად წაერთმია სიხარული უკანასკნელი, თუმცა ამაო, მაინც სიხარული, მაინც შვება ნუთიერი, - ვიდრე ქვემეხები ჰქუხდამეთქი, მერე დადუმდა საფერიცვლოცა, ისევ გაითანგა, უფროც გაითანგა, ვითომც და არცა ყოფილა შვებაი იგი ნუთიერიო.

მაშინ გამოიხმეს როსტომი. გასული ენახათ და მიბრუნებული აღარა, გამოემშვიდობნენ, გამოაცილეს მშრალი ცრემლებითა.

ბოლით გატენილ ოთახში შეიყვანეს როსტომი, ბევრნი თუ იყვნენ მანამდის იქა, ერთილა ელოდა: დაბრძანდიო, - იმ ერთმა უთხრა, არც მრისხანედა, არცთუ დიდი თავაზიანობითა, უბრალოდა, შინაურულადა. სამხედრო ფორმაში გამოწყობილიყო, ჩინის ნიშნები არ ეკეთა, ალბათ საგანგებოდ მოვლინებულაო, ივარაუდა როსტომმა, ივარაუდა და კიდევაც იცნო, გიმნაზიაში სწავლობდნენ ერთადა. დიდი მეგობრობა იქაც არ ეთქმოდათ, მერე დაშორდნენ ერთმანეთსა, იშვიათად თუ შეხვდებოდნენ, არც გაუკვირდებოდათ, არც გაიხარებდნენ, არც გული დასწყდებოდათ განშორებისასა.

- აქ სად მოჰყოლიხარ?! - ესეც უბრალოდ იკითხა.

– სულერთი არაა, თუ სად იქნებოდა?! – ისევე მიუგო როსტომმაცა.

– მეგონა, იმათ გაჰყვებოდი!..

– იმათ მთავრობაში არ შევსულვარ.

– არც ჩვენ მოგვეკარებიხარ.

– არც თქვენა...

– საკვირველია.

– ვითომ რადაო?

– ეგ ეგრეა, ვინც იმათთან არ არის, ჩვენთან არის.

– „დაკარგულ სამოთხეშია“ ეგრე, „კაენიდანაც“ მაგონდება, ოლონდ ყოველთვის არ აირჩევა, ორი უკიდურესობიდან ერთ-ერთი.

– როცა ორილაა?.. და ორივე რო უკიდურესობაა?!

– შუალედი?.. შუალედი აღარ არის უკიდურესობათა შორისა?!

– შუალედი ინდივიდია, ინდივიდუალიზმის დრო აღარ არის.

– ინდივიდი პიროვნებაა, პიროვნება ყოველთვის იქნება.

– მოიცა თუ კაცი ხარ!.. ჩვენ ახლა ვცხოვრობთ.

– მე ვხურავ ჩემს წიგნსა.

– და შეიძლება არც დახურო, თუ გადადგები გამარჯვებულის მხარესა, შეგიძლიან განაგრძო შენივე წიგნი. სიმართლე გამარჯვებულის მხარესაა და უნდა გადადგე გამარჯვებულის მხარესა, თუ გინდა რო სიმართლეს მისდიო.

– სიმართლემ არ იცის მხარეები, სიმართლე ერთია, ერთადერთია, განსაკუთრებულია, ოლონდ შეიძლება გამარჯვებულიც იყვეს მართალი, დამარ-

ცხებულიცა, შეიძლება ორივე ტყუოდეს, ერთიმეორეზე მეტადა ტყუოდეს, ერთიმეორესა სძლევდეს სიმართლის სახელითა და სიცრუეს აღმერთებდეს, სიმართლეს არქმევდეს სიცრუესა და სიმართლეს აპამპულვებდეს. რა სიმართლეა, ერთმა დაჰკარგა თუ მეორემ დააკარგვინა?... ორივე ერთია, სიავეა, რაოდენ აშკარაც უნდა იყოს, ამას სიმართლე არ დაერქმევა, სიაშკარავე უსათუოდ სიმართლე არ არის, ან სიავეა, ან სიმართლეა. არც სიდიდე აქვს სიმართლესა თუ სიავესა, ის ისაა, რაც არის, პატარაც დიდია, აბა, მაშ რაო, პატარა სიავე სად გაგონილა, პატარა ბოროტება, რა გამართლებაა, როცა რა მოჰყოლია...

– დისკუსიები გიყვარდა ხოლმე. რალა დროს ეგ არის?!. ნავიდა!.. მორჩა!..

– აღარ გამოვა, სადაც ძალაა, აღარ არის კამათის ადგილი.

– ძალას არც უნდა დაუპირისპირდე.

– მორჩილების თეორიაა.

– და შენი კოშკი წინააღმდეგობა გეგონა.

– არა... ვისროდით ისე, თვალის ასახვევადა, უნდა გაელწიათ ჩემს ძმებსა, ვისროდით, ვიდრე გააღწევდნენ, მხოლოდ ესაა.

– დაგვიძვრნენ ხელიდანა?!.

– ალბათა...

– სად ნაგვივლენ?..

– ვინ უწყის, ქვეყანა დიდიაო.

– ჰო. ემატება დანაშაულსა.

– რომელ დანაშაულსა?

– გაიგებდი.

– „რუკა“? ჰა, ჰა, ჰა... ის საბაბია. ეგეთი გულუბრყვილო გეგმები ვის ექნებოდა?! ყმანვილური მონა-

ხაზია, შემთხვევითი მონახაზია, გაზვიადებულია ავადმყოფური გონებისგანა. ცხადია. ადვილად აგისხნით, ადვილად დაგარნმუნებთ, ბოდიშს მოგვიხდით გაუგებრობისათვისა და შიგ გაგვიშვებთ.

– ჰა, ჰა, ჰა... – გაიცინა მოვლინებულმაცა, – დაგვარნმუნებთ?

– ვერა, რა თქმა უნდა, მე მხოლოდ ჩემს ოცნებას გამოვთქვამ, ასე უნდა იყოს წესიერად რო იყოს, ასე არ არის და ფუჭი ოცნებაა. გაიცინეთ უფრო გულიანადა, მეოცნებენი სასაცილონი არიან.

– ჰა, ჰა, ჰა... მაინც ოდნავ გაიცინა მოვლინებულმა, – ასეთ მხილებას ვინ გაუშვებს ხელიდანა?! გამოიგონებდნენ, რო არა გამოჩენილიყო. თუმცა არა, ვინ გამოიგონებდა?! ვერა, ამას ვერავინ გამოიგონებდა, ვერავინა, ყოველშემთხვევაში, მე მაინც ვერ გამოვიგონებდი. ბედის წყალობაა, – სათუთად გადაშალა ჩანახაზები ახალგაზრდა კომპოზიტორისა, – ჰა, ჰა, ჰა... ბედის წყალობაა!..

– ვის ბედი სწყალობს, ვის დასცინის ბედი...

– ბედის მჭედელი ადამიანია. – მტკიცედ განაცხადა მოვლინებულმა.

– ლეკო თათაშელმაც გამოიჭედა ბედი, იმისა სახელით შევა ისტორიაში ჩვენი ამბავი, იმ ყმანვილმაცა...

– ისტორიის იმედიცა გაქვს?!

– არა, ისე ვამბობ, თორემ და რაო, რის ისტორია, რა ისტორიაო, გამოაცხადებთ, ბანდა გავანადგურეთო და მოთავდება ამითი ყველაფერი. მაგრამ მაინც... მაინცა აქვს ისტორიას რაღაც უხილავი, რაღაც თავისი, საკუთარი, ვერავინ რო ვერ შეშლის.

– ისტორიას გამარჯვებული სწერსო... გითხარი?..

– ჰოდა ისტორია მალი-მალ იცვლება, გამარჯვებული მრავალია, ისტორია მაინც ერთია, იცვლება და მარად უცვლელია, ჰკლავდა და ჰკლავდნენ... ჰკლავდნენ და ჰკლავთ, მაგრამ მაინც ყველას ვერ მოჰკლავთ. ყველა რო მოჰკლავთ, ვილაზე უნდა იბატონოთ?!. ახლა... ჯერ შენა ჰკლავ, მერე შენ მოგკლავენ, იგივე მოელის შენს მკვლელსაცა, იმასაც იგივე, იგივე და იგივე დაიგრიხება ისტორიაცა ამის კვალდაკვალა, ამოტივტივდება ლეკო თათაშელიცა, არ გაიკვირვო, ვინ უწყის ბრუნვა ნუთისოფლისა.

– მაინც დისკუსია გამოგვდის.

– უკანასკნელი მონყალეაა.

– არა! – მოუჭრა მოვლენილმა მრავალმნიშვნელოვნადა, – დისკუსიები სიზარმაცეა ცხოვრებისა. სამაგისოდ არ მომიხმობხარ. ჩვენ ვცხოვრობთ. ჩვენი მიზანი ცხოვრებაა!.. ახლა მომიხმინე, გორს უნდა წაგიყვანონ...

– გზაში გვეტყვიან, გაიქეციოთ...

– დამაცადე!.. თუმცა ეგრე იყოს, ოღონდ გზას არ გაუდგე, აქვე მოეფარე თავლებსა, გამოგიყვანენ თუ არა, ჩაიკარგე სადმე სოფელშივე, გზას არ გაუდგე, აღარ მოხერხდება მერე...

– აღარ მოხერხდება...

– ჰოდა გირჩევ, სხვა არაღარი აღარ შემიძლიან.

– რადა ნუხდები?!

– რაც უნდა იყოს, ერთ მერხზე ვმსხდარვართ... მე შენი მშურდა. შენ ისე ადვილად გაგეგებოდა ყველაფერი, ისე ცოცხლად ითვისებდი ყველაფერსა!..

– და ახლა გიკვირს, ცხოვრებაში რო ვერ ვივარგე, მსოფლიო რო ეტრფის კაშკაसा მზესა ინტერნაციონალისა, ხოლო მე მივტირი ისევ სამშობლოსა, განწირულსა და უბედურსა. და რას მიბრძანებ: ინტერნაციონალი ჰო არ წამოვიწყო, როცა რო გვეტყვიან, გაიქეციტო, ვითომდა რაო, თავს უშველეთო!..

– ახლა აკაკიც ჩვენთან იქნებოდა!..

– სანყალი აკაკი!.. ინტერნაციონალი რო გითარგმნათ?!. სანყალი!.. რატომ გაისარჯა, თქვენ ჰო მიგაქანებთ ენაი ერთი, რწმენაი ერთი ანუ ურწმუნოებაი ყველასი და ყველაფრისაო.

– დრო აღარ ითმენს!..

– დრო!.. ჰმ!.. ესეც რო დროა!..

– კმარა!..

– სათვალავში რო დაგაკლდება?! – ტუჩებში ჩაიღიმა როსტომმა.

– შენ შენსას ენიე... – ცოტა არ იყოს, განყრა მოვლინებული.

– გმადლობთ!.. – წამოდგა როსტომი, – მართლაც საოცარი შემთხვევაა, საოცარი წყალობაა, ოღონდ, რო იცოდე, გაქცევა აქამდისაც მომიხერხდებოდა, უკეთესადაც მომიხერხდებოდა, დროცა მქონდა, საშუალებაცა, მხოლოდ გასაქცევი არა მქონდა არსაითა, არა მქონდა და არც მექნება, ცხადზე ცხადია. თავის დამალვა ადვილია, არაფერია, ადვილია, მაგრამ და რაო, რა ბედენაა გადამალვა ცოცხალი კაცისა, ცოცხლობრივ სიკვდილია და მეტი არაფერი, ნათქვამიცაა, რა მკვდარი და შინ მოუსვლელიო, კარგადაც არის ნათქვამი. ჩემი ადგილი შინ არის, ჩემი ადგილი ბრძოლაშია, ჩემი ად-

გილ-მამულისთვისა, ჩემი ერისთვის ბრძოლაშია ჩემი ადგილი, მხოლოდ ჩემი ერისთვისა, სხვამან თვითონ იცის თავისი ადგილი. და აი, მიმქრალა ღელვანი თუ ბრძოლანი, ქარი ჩამდგარა, ხალხი მოდრეკილა თუ დაზაფრულა ანთუ გონება აღრე-ვია დიდებული დაპირებებითა. ჩემი ადგილი აღარ არის იმათ შორისა, ველარას ვუშველი, ველარა-ფერს გამოვაბრუნებ, არ მომეცემა არაფრის საშუ-ალეა, ახლა დაჯერებაც ადვილი აღარ არის. მკვდარია ერი, თავისთავადობისათვის თუ არა ზრუნავსო, მკვდარიო, ნათქვამი არის, ძველი ნათ-ქვამია, მე არ გამომიგონია და არც ჩაესვენება ჩემ-თან ერთადა. ჰოდა, რა გითხრა, – რალა მოხელე ვარ ამ ვეება სასაფლაოზე? მესაფლავენი უჩემოდაც ბევრნი არიან, ჩემი ადგილი აქ აღარ არის და მაშ არც არსადაა, აღარცა ვცოცხლობ, არც არას ვამ-ბობ აი, ამჟამადა, ამის გამგონე არავინ არის, მაშ არას ვამბობ, რალა თქმა უნდა, ადრე ესმოდათ და მეც ვამბობდი, აღარცთუ ესმით და აღარც ვამბობ, გამოძახილილა მომესმის ნათქვამისა სასაფლაოზე. თუმცა რაო, სასწაულები ჩვენ არ გვნამდა, ჩვენვე დავამსხვრიეთ ყოველი რწმენა, არც დავიტოვეთ აღარაფერი, სული რო მოვითქვათ განწირულობის უამს მაინცა.

- ამაო სიტყვებია!..
- მევე აგიხსენი.
- მაინც ის აჯობებს, შენს თავს მიჰხედო.
- აგიხსენიმეთქი.
- მაშინაც კერპი ბიჭი იყავი.
- გაუსწორებულია კაცი.
- მე მაინც გირჩევ.

– მადლობა უკვე მოგახსენე.

თავდაჭერილი სიამაყითა თქვა როსტომმა, ისევე გავიდა, ოლონდ მერე დაერღვა ის სიამაყე თუ სიმტკიცე, დაერღვა, შეერყა, აერდაერია, აეფუტკნა, შეძრწუნდა, შეძრწუნდა... შვილი იყო მღელვარე დროისა, ძიებებისა, გარდატეხისა, აზრი ვარვარებდა, გონება იწვოდა, ფიქრი სწვავდა გონებასა, ფიქრი მრავალგვარი, მრავალსახისა, ზოგჯერ საპირისპირო, ძნელად გადასაწყვეტი, ძნელად თავდასაღწევი, მაინც ასე არ გასჭირვებია, – ნებისყოფა თუ მოჰკლებოდა, რა იყო, ვერ გაეგო. მიმდგარიყო თუ მიეყენებინათ დიდი ცდუნების წინაშე, – ფიქრი აღარ იყო, ცდუნება გახლდა ულმობელი და უმრისხანესი: სულმა რო წამძლიოს!.. სულმა რო წამძლიოს!.. სულმა რო წამძლიოს!.. – აუტყდა და წამებად ექცა; ასეთი შიში თავისთავად არც გაუჩნდებოდა, ჩაანვეთეს და ალბათ განგებო, უარესად რო გამწარებოდა ბოლო წუთები წუთისოფლისა, – ალბათაო და წამდვილადაო, თან თითქოს ისეც გამოდიოდა, – სიკეთე არის გაუგონარი, ანთუ ზღაპრად გაგონილიო; გამოდიოდა და განა ასე არა ყოფილა, განა სხვა რა სახე მიუღია ცდუნებასა, სიკეთის გარდა?! სხვა არაფერი, ყოველთვის სიკეთედ გამოცხადებულა, ყოველთვის დამდნარა სიყვარულადა, სათნოებად გადმოფენილა და შემცდარა შეუმცდარი, ცოდვილა უცოდველი, წარწყმედილა წარუწყმედელი. თუ რა ყოფილა, აქ მაინც ვერ გასჭრის ძალი მაცდურისა, ვერ გასჭრის ხერხი ცდუნებისაო. ბოლო წუთამდის ასე იქნება, სხვა რამ ყოფილა ბოლო წუთიო, შემზარავი ყოფილა, სული შეუძრავს და გაჰყრია შეძრული სული

სიამაყესა თუ ნებისყოფასა, გაჰყრია და დამდაბ-
 ლებულა. არარაობადაც აქ წარმოქმნილა, სიცოც-
 ხლის ამალლებაც ამას დარქმევია, აქ შებილწულა
 სასახელოდ განვლილი ცხოვრებაცა. განვედ, მაც-
 დურო!.. განვედ, ო, განვედ!.. ბევრსაც უთქვამს,
 ასევე და უფრო მძაფრადაცა, ბოლო წუთი ვიდრე
 დარეკდა, უთქვამს ყელშიაც წასტანებია მაცდუნე-
 ბელსა, თითქოს მოუხრჩვია, გაუთანგია, ოლონდ
 თვითონვე შეშინებულა, ვინ იცის, მართლა სიკე-
 თეს ვახრჩობო, სიკეთედ მოსულა, ეგება მართლაც
 სიკეთე არისო, შეშინებულა და აუშვია ლამის მომ-
 ხრჩვალის უკეთურობაი; განვედ... განვედი!.. ამა
 შიშსა თუ გაურკვეველობას მოუდუნებია ადამიანი,
 ჩანელებულა მრისხანებაცა, ნებისყოფაც ჩანელე-
 ბულა, არღარა დარჩენილა მორჩილების გარდა,
 ხოლო ცდუნება მორჩილება ყოფილა, სხვა არაფე-
 რი, მორჩილება ყოფილა. განვედ, მაცდურო, ჰოი,
 განვედ!.. ძლიერი თუ გამოდგა შეძახილი იგი, ნის-
 ლმა დაჰფარა სახება მოვლენილი სიკეთისა, დაჰ-
 ფარა წამითა, მალევე ისევე ამოიზიდა ნისლგადაყ-
 რილი, მოკრიალებული, მიმზიდველი უფრო მეტა-
 და, აღარც რა უთქვამს, სიტყვა არც უნდოდა, ესო-
 დენ მომხიბლავ სახებასა, მხოლოდ უბელა გადაიხ-
 სნა, ჩაისვა უბეში მორჩილი სული, მიეფერა, მიუ-
 ნანავა. იტვრინა ამანაცა, გაინაბა, მილულა თვა-
 ლები; თვალეები მილულა და მაინც იხილა, თუ რო-
 გორ დაქანდა უფსკრულისკენა, დაქანდა საოცარი,
 ჯერ გაუგონარი, სისწრაფითა, დაქანდა ეგრე შუ-
 ბისწვერებივით წამომახულ კლდის ქიმთა შორისა,
 არც გაიკანრა, ისე დაქანდა; ისიც იხილა, ზევიდან
 რო გადმოსცქეროდნენ გაკვირვებულნი, გაოგნე-

ბულნი ასეთი სწრაფიდაქანებითა, გადმოსცქეროდნენ ისე, სახე რო არავის უჩანდა, – თვალები იყო, მხოლოდ თვალები გადიდებული, გაფართოებული დაჭყეტილსაც იტყვიან, დაჭყეტილი განცვიფრებითა. ჰოი, განვედი, განვედ, მაცდურო!.. და აქ რალაცამ გაუნივლა თავში, თითქოს სარქველი აეხვრიტაო, ლიბრი აიტანა შადრევანივითა, თვალის ლიბრიცა, გონებისაცა, გადაენმინდა თვალისაცა, გონებაცა: არც სად მოჩვენება სიკეთისა, არც სად უბეო მომხიბლავი, არც სად უფსკრული წამომახული ქიმებითა, არც სად განცვიფრებული თუ დაჭყეტილი თვალები, არა – დახრილი, სევდიანი თვალები, მაშ რაო: ისევ იქ იყო, საფერიცვლოს თავლაში, იქვე იყვნენ დანარჩენნიცა, ამის ბიძებიცა, დანარჩენნიცა დადუმებულნი, დაძმარებულნი. მოლანდებამ გადაიარა, თავის ქალა ისევე წიოდა, ნუმც მიყურებოდა!.. თუ მიყურებოდა, განმეორებოდა მოლანდებაცა. ჰოი, განვედი!.. არა!.. ნუ მოიშორებ, ეჭვს ნუ მინებდები, ბედის სიმუხთლესწორედ ეგაა, სიკეთე თუ ვერ გამოგირჩევია სიავისგანა, სიკეთეში ბოროტება თუ მოგლანდებია, სათნოობაში გულღრძობა, გადარჩენაში დაღუპვას თუ ჰგონებ, ნუ მინებდები სიმუხთლეს ბედისა, განსჭვრიტე ჭეშმარიტი, ინამე გადარჩენა, გადარჩენა ინამე, გადარჩენა ინამე, გაჰფანტე აღრევანი გონებისანი, სულმოკლეობა მორჩილებისა, აღამალლე სული უძველესი ხალხისა, სული უკვდავებისა, სული უკვდავებისა, აღამალლე ენაი შენი, ენაი დიადი, ენაი ღმერთებისა, აღამალლე, მაშ ვინ წარუძღვეს ერსა? მეე? შენა!.. მეე?! შენა... ჰა, ჰა, ჰა!.. ვინთუ წარუძღვეს ამა უბადრუკ თაობასა, გო-

ნიერება რო აღარა ჰყოფნის, აღარცა სიამაყე, აღარცა ძალა. სხვა თაობისათვის ველარც ვივარგებ, სიბერე მიწვეს ან ვერც მოვესწრები, მე დავამთავრე ჩემი სიცოცხლე, მიცვალებულები აღარ იბრძვიან. განვედი, კმარა!.. დამიჯერე! არა, განვედი! დამიჯერე, სიცოცხლე აღარ განმეორდება, შენი სიცოცხლე აღარ იქნება, მარადიული შენთვის რა არის, - არაფერია მარადიული, არარაობაა მარადიული, ისა არის მხოლოდ რაცთუ შენია, შენი სიცოცხლე აღარ იქნება, აღარ იქნები, აღარ იქნები, ვიცი უშენოდაცა. ნუ მოისწრაფებ, გაუფრთხილდი, ეს ერთხელაა, აღარ იქნება, აღარ მოგეცემა მეორედა, მორჩა, გათავდა, გაუფრთხილდი, მიილე იგი ბედის წყალობა, მიილე იგი ბედის წყალობა!.. განვედ, მაცდურო, ჰოი, განვედი!..

და ბიძები შემოეხვივნენ, რა დაგემართაო, სხვებიც შემოეხვივნენ, ვერაფერს მიუგებდა, უხურდა თავი, უწიოდა თავი, ჭირისოფლი გადასდიოდა გულზედა, ბეჭებზედაც მიწანწკარებდა ჭირის ოფლი. ოფლი შეუშრეს, გულს მოეშვა, მწარედ გაიღიმა, ეს ოხერიო, ხელი ჩაიქნია. სხვებმაც ჩაიქნიეს ხელი, ამოიოხრეს ერთადაცა, სათითაოდაცა, მრავალი რამ ამოაყოლეს იმა ოხვრასა, მძიმე ვარამი ამოაყოლეს.

ის მაინც ისევე:

შენი ნებაა, მე ჩემი მითქვამს, დანარჩენი შენი ნებაა. ისევ აქა ხარ? დანარჩენი შენი ნებაამეთქი. დრო კიდევა გაქვს ბოლო ნუთამდისა, ბოლო ნუთი თავისას გაიტანს, მაშინ აზრი ველარ გაგიჭრის, ნებისყოფა აღარ გექნება, ვაჟკაცობა დაგეკარგება, დაჰკარგავ თავსა, ბრმა ინსტინქტსლა დამორჩილდები, მერე იმან იცის, თუ საით გადაგჩეხავს ან საით გაგიყ-

ვანს. ნუ მიხვალ იმა სიბრმავემდისა, მე დამიჯერე, ვიდრე აზრი გაქვს, მე დამიჯერე, ნუ მიხვალ იმა სიბრმავემდისა, მე დამიჯერე, ამოირჩიე უკეთესი, ამოირჩიე სიცოცხლისა, გადარჩენისა ამოირჩიე, გონიერება მხოლოდ ესაა, ამოირჩიე, ამოირჩიე! ამათ რაღას ერჩი, არჩევანი მიეცი ამათაცა. მე მეტი არ ძალმიძს... ბოლო ნუთამდისა, ბოლო ნუთამდისა...

მძიმე იყო ბოლო ნუთამდისა, ბოლო ნუთი არც თუ ისე საშინელი გამოდგა. სხვები უფრო შეფიქრიანდნენ: სად მიგყევართო, რა დროსიაო, დაღამებამდის გორს ვერ ჩავალწევთ, ხოლო ღამე ბნელია და უნდობელიო. ის მზე ჩადიოდა, მწუხრამდის გააღწევდნენ, შუკებსა თუ ორლობეებსა, მერე შარაზე არ გავიდოდნენ, არსაით დაუხვდნენ, ატარებდნენ ეგრე პირდაპირა, აღმოსავლითა, ატარებდნენ ეგრე და ეგრე ვიდრე მოილუნებოდა საფერიცვლოს მთაი. თუმცა ჰო, ე რანაირად გამოვიდა – თითქოს მაშინ მოილუნებოდაო!.. არა, რა თქმა უნდა, მოლუნულიყო უხსოვარ დროიდანა, ჩამოჰფენოდა შიშველი კალთები სამი მხრიდანა, საყელო გადახსნილიყო ერთი მხრითა, იმ საყელურით შევიდოდნენ, იქვე ჩადგებოდა ბადრაგი, თავს უშველეთო, იქიდანვე შეუძახებდნენ და... ვინ გააღწევდა შიშველ კალთებსა, ნულარ ვიკითხავთ. ის იქნებოდა ბოლოღა ნუთი, თავს უშველეთო, რო დაიძახებდნენ, ის იქნებოდა, ისღა იქნებოდა. მანამდის დრო ჰქონდა. გამოჰყავდათ აჩქარებითა, ფიცხლად აგროვებდნენ, აგროვებდნენ ავი შეძახილებითა. ბადრაგი ბევრი გახლდა, პატიმარი მომეტეებული, შუკები ვინრო იყო, ვინრო იყო ორლობეებიცა, ვინროც იყო და მალიმალაც გადაიხსნებოდა, ან სხვა შუკაც დაალებდა

პირსა, ან ორღობეი, ანთუ საბძელი, ანთუ ქოხი, რა-
 ლაც ისეთი, საუცბათეოდ მისაფარებელი; მაღიმა-
 ლეც გადაიხსნებოდა, პირსაც დაალებდა და შესძა-
 ხებდა, – ჭიტა!.. აქა ვარო. ეს იყო მწარე და თანაც
 ბოლოდა ფანდი მაცდურისაი. ჭიტა!.. ჭიტა!.. ყურიც
 დაიყრუა და თვალიც დაიბრმავა როსტომმა, ვითომ-
 ცა ყოფილა, ვითომც არაო, მიდიოდა უბრადა, მდუ-
 მარედა, დაყოვნებითა, თუმცა აჩქარებდნენ, ყველა
 აყოვნებდა, ესეცა ყოვნდებოდა მხოლოდ ამიტომა,
 არ ეჩქარებოდა არავისა, გული არ მიუწევდა არავი-
 სა, იმათ ეყვირათ, რამდენიც უნდოდათ, ეყვირათ,
 ეღრიალათ, აღარსაით ეჩქარებოდა არავისა; ჰო, ეყ-
 ვირათ იმათა, იმასაც გამოეჭყიტა საიდანაც მოინე-
 ბებდა, გამოეჭყიტა, თვალი ჩაეკრა, ხელი დაექნია,
 ეს გაიცინებდა, ვითომდა რაო, ბერიკობანაა მარია-
 მობის ერშიო... ვითომდა რაო... ვითომდა რაიო...
 ჭიტა!.. ჭიტააა!.. ჭიტააააა!.. გამოანათებდა, ბრია-
 ლებდა, მზე არის თუ მზესუმზირაო, ხან თვალს
 მოსჭრიდა, მოუღიბრავდა ხანაცა თვალსა, თვალთა
 რალა თქმა უნდა. არც რო დაჰნათოდა, სხვებს რო
 არა, ამასაც არა, არც რო მზეიო, მზესუმზირაც არა
 ცხადია; თვალს რო მოსწვავდა, აერეოდა ფეხიცა
 მაშინვე, ვილაც უკნიდან მიანყდებოდა, გადაექელა
 წინაი ლამისა, აირეოდნენ, აჩოჩქოლდებოდნენ, აი-
 მართებოდა კონდახებიცა, შეუძახებდნენ, შეუყვი-
 რებდნენ, წიხლიც მოჰხვდებოდა უკანაებსა. და ისევ
 ჭიტაო – ლამის ფეხებშიც აეხლართებოდა, მკლავ-
 საც დასწევდა ის აბეზარი, ლამის უნდა აეთრევინო-
 სო ანთუ აი და აითრიოსო თვითონვე იმანაო, ვერ
 რო გაიხმო, მობეზრდა და ბარემ თვითონვე აითრი-
 ოსო; ღამდებოდა რო თამამდებოდა მომეტებულა-

და. და გაბოცდა თვალი, ორივე თვალი, ერთბაშად-
ცა, ცალცალკედაცა: აქეთ?.. აქეთა?.. აქეთ თუ საი-
თა?!. დროა თუ ადრეა?!. ეგება დაგვიანდა?!. გა-
ბოცდა თვალი და გონებაც გაბოცდა, თვალი მარ-
თავს თუ ჭკუა მართავსო, ველარ გაიგებდი – არცრა
მართავდა, ხორცი ჰყიოდა, ხორცი ჭყვიროდა, არც
რო სულს არ ენება გაყრაი ხორცთანა, არა, არ ენე-
ბა, ვერ დაიჭირავსო – ნათქვამია – მაგრამ არაო,
არც ეჩქარებოდა –

– ბატონო... ბატონო... ბატონო როსტომ!.. –
მუხლთ მოეკვეთა, აეფხოწიალა, მკლავს მაინც
მჭიდროდ შემოტმასნა თითები, მკლავსა როსტომი-
სა რალა თქმა უნდა. მორჩა ამისია, სულისკვეთება
გათავდა, მორჩა. ჭიტააააააა... აბზკიალდა ძეძ-
ვნარი ცოტაოდნავ დაშორებითა, წინ რო ჯვრები ჩა-
რიგებულყო, საფლავის ჯვრები, სასაფლაოს,
მომწვანო ქვისა, ფერი დღისა ახსოვდა ცხადია. ახ-
ლა ჰო ღამდებოდა და სულაც უნდა დაღამებულყო,
სულა, სრულიადა – მე ვარ... მე ვარ... ველარ მი-
ცანი?!

– შენა?!

– ჭიტაააააა!..

რომელი რომელია, ერთია თუ სხვადასხვა გახ-
ლავს, სასაფლაოს იქით ძეძვიანიდაა თუ აგერ მკლავ-
ვიდანაც გაუვარდება?!

– მე ვარ...

– მუეეეეეეეეეე...

– აქ საიდან გაჩნდი?!

– დაგვიჭირეს... ეკლესია დაწვითო. დაგვაბრა-
ლეს...

– ლეკოს ვერ ასცდი!..

- ვერა. ვერც ვუშველე. იქამდის ურტყა თავი ლოდსა, ვიდრე ზედ არ შეასხა ტვინი... მანამდის თავის ჩამოხრჩობა სცადა...

- თოკიც რო უშოვნია!..

- ნიფხვის ტოტებითა ცდილობდა...

- საცოდავი!!!.

- ვერ გადავაფიქრებინე!..

- ვის რაი ძალუძს ბედისწერასთანა?!. ყველა უმნეოა, უმნეო!..

ჭიტაო - დასჭეჯა იქვე ფეხქვეშა, დასჭეჯა, იქუხა, ირგვინაო, ესეც რო ითქვას, არც მომეტებული არ იქნება, არც შეუსაბამოი, ისე იმგვარად შეჩოჩოლდნენ ის განწირული ადამიანები, ბადრაგიც ისე - თითქოს ისაა და ორივე მხარემ რო ეს გაიფიქრა: რასა ვჩადივართო, ესა, ესა, რასაც რო არასოდეს არა ფიქრობენ ერთნაირადა, ერთნაირადა და პირისპირა, მკვლელები და განწირულები, არც პირისპირა და არც ზურგთუკანა. ეს მაინც დასწვდა, რაც ფეხქვეშ მოედო - როსტომი - აიტაცა და შორს გადასტყორცნა, ხელებიც მოიფშვნიტა, კალთაც ჩაიბერტყა, კონდახიც მოჰხვდა - ჩქარაო, ჩქარაო, გაადგი ფეხიო. ისინი ჩქარობდნენ, ესენი არა...

შეაჩერეს გზაჯვარედინზე. შეაგროვეს, გარს მოეხვივნენ. იმედი აბნკრიალდა, დაჰხედეთ ერთი - კიდევ შერჩენოდა ნატამალი იმედისა განაცრებულ ხალხსა, ეჰა, მარჯვნივ თუ მოგვახვევინესო: მარჯვნივ ჰო გზა იდო გორისა - გაუყენებდნენ მართლაც გორის გზასა, მართლაო ვამბობ, თორემ გადატანით სხვა რამესა ნიშნავდა - სიკვდილსა ნიშნავდა, გზა-გზა დახვრეტასა ნიშნავდა, გორისაკენა და გორამდისა, იმ გზაზე იდგნენ, კიდევ ერთი ორლობე იდო, მერე ნანვერლები, მოლუნულიც უკვე

მოსჩანდა... თუმცა ჰო, ითქვა, შეაჩერესო, შემოაგროვესო და გადაითვალეს, – ერთი გვაკლიაო, განაცხადეს, კიდევაც გადათვალეს, ნამდვილად ერთი გვაკლიაო, დაიდასტურეს. არა, – როსტომი იქვე იყო, მხოლოდ თვალი მიმოატარა, სხვებმაც შემოატარეს თვალი, ვერავინ ინიშნეს, ვერავინ იგულისხმეს, თითქოს იქვე იყვნენ ყველანი, თვალი მოატარეს მეთოფურებმაცა, არსაით გავარდნილან, არსაით უძებნიათ, ესენიც მაშინვე არ აუჩქარებიათ, დაელოდნენ: მოისმოდა ურმის ჭრიალი, მალეც გამოჩნდა, კოფოზე მეურმე შემომჯდარიყო, წერასატანილი, ურმულსა მღეროდა დაბალ ხმაზედა, ეგრეც მიატანა, დაბალ ხმაზედა... მიატანა და შესძახეს მაშინვე მეთოფურებმა, თუ უკაცრაოდ არ ვიყოთ ემაგ ურემს ჩამობრძანდიო; ჩამობრძანდიო და ჩამობრძანდა; ჩაუდექი ამათა შუაშიო, ჩაუდექიო და ჩაუდგა; ახლა გავნიოთო, ბრძანეს და გასნიეს, ისევ პირდაპირა, ფრიალო კალთების საყელურისკენა; ურემიც გამოჰყვა თუ გამოიყოლეს, ეს სულერთია რალა თქმა უნდა, მოსდევდა ურემიცა უმეხრეოდა, ტაატიტ მოსდევდა, კამეჩები ება და მოსდევდა კამეჩის ნაბიჯითა, ოლონდ მალიმალ ააჩქარებდნენ, უთავაზებდნენ თოფის კონდახსა; გამოჰხედავდა მეურმეი და შეუტევდნენ თუ უთავაზებდნენ იმასაცა.

– სად მიხვალთ ხალხო?! – იკითხავდა მეურმეი, ანთუ იკითხა.

არავის მიუგია.

– სადა, ჰა?!. – ისევ იკითხა მეურმემა.

მაინც არავის დაუძრავს კრინტი და მდუმარებდა გარემოცა, მხოლოდ ნაბიჯების ხმა გაისმოდა, გაისმოდა მოთქმასავითა.

– მე რალათა ჰა?!. – ვერ მოიხვენა ისევ მეურმე-
მა, ისევ მიიხედა, ისევ მოიხედა, ისევ შეუტიეს და ჩა-
მოჰკიდა თავი, მიჰყვა იმ ნაბიჯებსა, აენყო, მიჰყვა.

ანთუ ჩვენ რალადო, ვილაცამ მიუგო თუ არც
თუ მიუგო, გზა თავდებოდა, იმათი გზაი: აგერ საყე-
ლური, აგერა ტაფობი და აგერ მთები შემორკალუ-
ლი. ვაიმე დედაო... და გათავდა ნუთისოფელი. ურე-
მი?.. კამეჩები გაჰყიდეს გორის ბაზარზე ურმიანადა
რალა თქმა უნდა. ფული?.. დაამლერეს ნითელ დუ-
ქანში ახალ ბალთანა.

გათენიის ხანს დარეკა ზარმა გიორგი ყანჩავე-
ლის კართანა, დარეკა გაბმითა უჩინიანადა, ისე თით-
ქოს იმუქრებოდნენ, გააღეთ, თორემ შემოვამ-
ტვრევთო; გააღეს ცხადია, გააღეს კანკალითა, ში-
შის კანკალითა, აჩქარებითაცა, შიშიანი აჩქარებითა;
გამოჩნდა ქალი, ძილგატეხილი, ძალგატეხილი, უსა-
სოოი, ლამის არის რო ნაიქცესო, გარეთაც ეგრეთვე
უსასოოი მოჩვენება რამ მიმდგარიყო:

– მე... მე... – დაიკნავლა გარედან მიმდგარმა.

– შენა?!. – თითქოს მიუხვდა და თითქოს ვერ-
ცაო, ეს კარის გამღები.

– ნი... ნი... ნი... კუშა. – მიუგო როგორც იქნა.

– ღმერთო ჩემო!.. – თვალეზი დაჰხუჭა ქალმა,
შეძოძგინდა.

– ბატონი გიორგი?.. – სული მოითქა იმა მოსულ-
მა, რო არ მიუგავდა აღარაფერი იმა ნიკუშასა, აქე-
დან რო გავიდა სამოგ ზაუროდა.

– ნაიყვანეს. – მიუგო ქალმა.

– ჰა?!!!.

– ნაიყვანეს. – იგივე მიუგო.

და შექანდა მოსული, დაეცა, დაეზღერთა დირესა, დაეცა მოგზაური არათუ პოლუსებისა, არათუ უდაბნოებისა, არათუ ოკეანეებისა, არათუ ჯუნგლებისა თუ ველური ქვეყნებისა, არა, – მოგზაური პატარა კუთხისა, უძველესი ცივილიზაციით რო იქადა და ყოველთვისა და არც გამორჩებოდა არაფერი ახალი, ავი იქნებოდა თუ კარგი იქნებოდა, არ გამორჩებოდი, მოგზაური იმა კუთხისა, მოიარა, მოვიდა და დაეცა დირესა თავისი მოძღვრისა, დაეცა უფრო განამებული, ვიდრე მკვლევარები პოლუსებისა თუ უდაბნოებისა, ოკეანეებისა თუ ჯუნგლებისაო.

XXV

და მაინც დიდ მოგზაურთა შორის არც ნიკუშა მოუხსენიებით, არცა ნიკოი, ლეკომ რო შეარქვა, არცა ესტატე ჩაჩანელი, როგორც რო ეწერა მონუმობაში დაბადებისა, არ მოუხსენიებით არცერთნაირადა, სდუმს ენციკლოპედიები, სდუმს ცნობარები გეოგრაფოსთა, არც მონოგრაფიებშია სადმე ნახსენები, გაკვრითაც არა, არ არის ნახსენები; ვერ დავემდურებით ვერც ვერავისა, რო ხდება ასე, მიფუჩიქდება მნიშვნელოვანი, გაზვიადდება უმნიშვნელო, წვრიმალნი, უხეიროც გაზვიადდება, გაიბერება, გაიფუყება, ავა, ავა, ვინ უწყის სადამდისა; დრომ იცის ასეთი თამაში თუ ეშმაკობანი, დრომ იცის და დროსვე გადაჰყვება და მერე ვინ უწყის სულაც წაეყრება ფერფლი დავინწყებისა, ვითომცა ყოფილა, ვითომც არაო; ზოგნი მშვიდდებიან, რა ბედენაა თუ ვის როდის დაივინყებენო, ოდესმე დედამინაც აღარ იქნება და ან სახელგანთქმულ მოგ-

ზაურებსაც ველარავინ მოიგონებსო; იქნება თუ, თუ არ იქნება, მანამდე კიდევ დიდი დრო რჩება, ძალზე დიდი, ათეული თუ ასეული მილიარდი წლებიო, როგორც გვარნმუნებენ, და ეს მართლაც დიდი დრო გამოდის, მართლაც რო დიდი, ძალზე დიდი, განუზომლად დიდი, თუ გავიხსენებთ, რო ქრისტეს აქეთ ჯერ მილიონი დღეც არ გასულა, და გასაოცარი ისტორიანი ჩვენი თუ სხვათა, გმირულნი თუ საამაყონი, სახელოვანნი თუ სამარცხვინონი, ერთი მილიონი დღის ამბავნიც რო არა ყოფილან, – დიდი დრო რჩება რალა თქმა უნდა და ნიკუშას სახელი რო განადიდონ ამიერიდანაცა, მოიხსენიონ სახელოვან მოგზაურადა, აღამაღლონ და სხვებს გაუტოლონ, – მაინც არ დააკლდება ბევრი არაფერი; თუ რამ დააკლდება, არც უნდა ინალვლოს სულმა მისმა, რადგან სულაც დაივინყებდნენ, უსათუოდ დაივინყებდნენ, რო არ გადარჩენილიყო ჩამწერი აპარატი, – რა სიხარულით მიჰქონდა, რა იმედი ჰქონდა, ო, რა იმედი!.. არ დასცალდა და ვერ გამოიყენა და მაინც იმან გაუნია სამსახური, – ის გამოადგა, ის დარჩა ნიშნად მოგონებისა, სახსოვრად დარჩა; თუმცა ვაი ამ სამახსოვროსა!.. ისე არ შეჰხედავდნენ დიდედა-ძალუები, აღშფოთება რო არ მორეოდაო, ამან დაგვატეხა უბედურებაო... ჩვენ მაშინ პატარები გახლდით და ბევრი არაფერი გაგვეგებოდა, ოლონდ მივხვდებოდით იმდენს მაინცა, არაფერს რო არ გვეტყოდნენ თუ გამოვათრევდით თუ გავიხდიდით ჩვენს სათამაშოდა; გამოვათრიეთ და დავათრევდით, გორგოლაჭები შევუყენეთ, ხრიკას გამოვუბით, ვურტყით ლურსმნები, მივაბ-მოვაბით, რალაც მივაკერეთ, რალაცა მოვგლიჯეთ, აქეთ ჩავჭეჭყეთ, იქით ჩავამტვრიეთ, – შემოგვემსხვრა და შემოგვე-

ფატრა დაუნანებლადა; მაინც დაგვახსოვდა ის შავი ყუთი, ისევ ისე, ისევ კუთხეში, შავმუშამბაგადაფარებული, ისევ ისე, ვიდრე ავიგდებდით ისევ ისე, ჩაბნელებული იდუმალი სიავითა,

იდუმალებითა სიავისა,

შიშითა შემზარავითა,

რისხვითა გაუგონარითა,

აუხსნელითა,

ხოლო თუ მაშინ თუ როგორ აეხსნათ, მერელა გავიგე, რო ნამოვიზარდე, რო გავეცანი ამიერკავკასიის ცაკის სესიის მასალებსა: საქართველოს კომისართა საბჭოს თავმჯდომარის მოადგილე – ამხ. ლ. ლოლობერიძე – ნამდგარიყო საინფორმაციო მოხსენებითა, ნამდგარიყო და მოახსენებდა: თვით პოლონეთშიო, შლიახტებით განთქმულ პოლონეთშიო, ეს უპასუხისმგებლო ფენა, შლიახტების ფენა თუ ნოდება, მხოლოდ ოთხ პროცენტს თუ შეადგენდა მოსახლეობისაო, მხოლოდ ოთხსაო, და ესეც უკვირდა ქვეყნიერებასა, რადგან სხვაგან რო ნაკლებნი გახლდნენ, საგრძნობლად ნაკლებნიო; იმათი უკვირდათ და ჩვენი უფრო საკვირველი რამ არის, რო იცოდეთო, რო იცოდეთო: ჩვენთან, საქართველოში, ექვსი პროცენტი იყო თავადაზნაურობაო, ექვსი პროცენტიო, – სად ოთხი სად ექვსიო!.. და უნდა გაუნყოთო, საზეიმოდ უნდა გაუნყოთ: უკვე ერთ პროცენტზე დავიყვანეთ, ერთზე, ერთადერთზე, და შემდეგ სხდომაზე ბედნიერება მექნება მოგახსენოთ: ნოლი იქნებაო: 0-იო. ოოოოოოო, რა ყოჩაღები ხართო, – შეუძახიათ სომეხ ამხანაგებსა, ჩვენ ვერაო, ჩვენ ვერასოდეს ვერ შევძლებთ თქვენდენსაო. ოოოოოოოოოო, ვერც ჩვენაო, – თავი გაუქნევიათ აზერბეი-

ჯანელ ამხანაგებსა, ჩვენც ვერ შეეძლებოთ, თქვენ სხვანი ხართო, სხვანი ხართო. და სხვანი ვართო, ცერებზე ინევდნენ ქართველი ამხანაგები, ჩვენთვის შეუძლებელი არაფერია, ჩვენ გადავლახავთ ყოველგვარ ზღუდესა, კაცობრიობას მივანიჭებთ ბედნიერებასაო. ცერებზე ინევდნენ, ცერებზე ინევდნენო, სხვა რაღა ითქვას... ალბათ ისა, რო თავადაზნაურობა აღარც რო აღარ იყო იმხანადა საქართველოში, მხოლოდ გვარები რო შემორჩენოდათ, ძველი გვარები, დანრეტილი ისიცა, დანრეტილი და გათანგული ნიადაგ ბრძოლაში მამულისათვისა.

ყელქცეული, 1967

ამ ნიგნისათვისა

ნათქვამია:

ნიგნსაც თავისი ბიოგრაფია აქვსო.

ამ ნიგნსაც თავისი ბიოგრაფია აქვს. ჯერ იყო და დიდხანს ვერ გადამენწყვიტა თუ როგორ დამენერა: დამენერა ისე, რო არ მეფიქრა ამის გამოქვეყნებაზე თუ ისე დამენერა, რო როგორმე გამომექვეყნებინა. „არ მეფიქრაო“, აქ მაინც უფრო იმასა ნიშნავს, ოდესმე მაინც რო უნდა გამოქვეყნებულიყო, ოდესმე, ოლონდ ვინ უწყის თუ როდისა. ასე შორს გადადებაც არ მინდოდა, არც რო მჯეროდა თუ დავნერდი ისეთ ნაწარმოებსა, განუსაზღვრელად რო გაეძლო, არა მჯეროდა რალა თქმა უნდა. ამიტომ უფრო ის გზა ავირჩიე: დამენერა ისე იმგვარადა, როგორმე რო გამოქვეყნებულიყო, თუნდაც რო დაეჩეხათ, მთავარი მაინც, ძირითადი მაინც გადარჩენილიყო; მთავარი მაინცა: ტკივილებს რო გაახსენებს ჩვენს ხალხსა, ჩვენს საკუთარ ტკივილებსა, არა თუ საერთოსა თუ ზოგადსა, „ინტერნაციონალურსა“, საითაც რო მიგვაქანებდა ძალადობაი მაშინდელი, არა ცხადია, მხოლოდ საკუთარ ტკივილებსა, ბედისწერასა საკუთარსა, ქართულ ტკივილებსა, თორემ დავინყებას ეძლეოდა ყველაფერი, იღუპებოდა ყველაფერი, იღუპებოდა მცირე ხნით მოპოებული თავისუფლებისა და დამოუკიდებლობის განცდა, დამოუკი-

დებლობის ნყურვილი იღუპებოდა, იღუპებოდა, მხოლოდ იმასლა რო ამტკიცებდნენ: თუ როგორ მოგვიტანეს არნახული ბედნიერება თუ როგორი სიხარულით მივეგებენით ამა მომტანთა ამ არნახული ბედნიერებისა. ამას შებრძოლება უნდოდა. ამას აშკარად ვერ მოახერხებდი. მხატვრული სიტყვა სწორედ აქ იყო გამოსადეგი. მაგრამ ამასაც ჰო ლაგამი ჰქონდა ამოდებული, ისეთივე ლაგამი, როგორიც რო ყველასა და ყველაფერსა, ხელოვნებასა ამ შემთხვევაში, ხელოვანთა ამ შემთხვევაში, მუსიკაშიც რო ბევრი ვერაფერი მოხერხებულყო, ლიტერატურა ჰო მითუმეტეს რო ვერაფრით რო ვერ დააღწევდა თავსა. ვერ დააღწევდა. უნდა დაეღწია. უნდა დაეღწია. უნდა როგორმე ისე დამენერა, გამოქვეყნებულიყო.

თანაც: უკვე უნდა დამენერა.

„ბორიაციით“ იწყებოდა ჩემი რომანების სერია, 20-იანი წლებით იწყებოდა, და მოჰყვებოდა თანდათანობითა, რამდენსაც შეეძლებდი, როდემდისაც ძალა მეყოფოდა. ეს ასე გახლდა წინასწარი განსაზღვრითა, წინასწარი მოფიქრებითა, ხოლო დანყებით მაინც „ტინის ხილით“ დაეინყე, რადგან რო ჯერხნობით მოვერიდე ადრეულ წლებსა, იმიტომაც რო ხსენებაც რო არ შეიძლებოდა იმა წლებისა, თქმა რო არ შეიძლებოდა ისე, როგორც რო იყო, ხოლო სხვაგვარად თქმასა, ისე თქმასა, როგორც რო ბრძანებდნენ, უთქმელობა სჯობდა; იმიტომაც რო გაჩნდა ბზარები ამათს სანაქებო საკოლმეურნეო ცხოვრებაშია, ანთუ უფრო მკაფიოდ: გამოტყდნენ, გამოსთქვეს ზოგიერთი წინააღმდეგობანი, ვითომც რო გადმონაშთიო, ვითომც რო შეუთავსებელი ჩვე-

ნი საზოგადოებრივი ცხოვრებისათვისაო, ვითომ რასაც რო სოციალური საფუძველი არ გააჩნია სოციალისტურ საზოგადოებაშიო, მაგრამ მაინც, როგორც არ უნდა ეთქვათ, როგორც არ უნდა აეხსნათ, მაინც ხელსაყრელი გამოდგა, მაინც საშუალებად იქცა ზოგი რამ სიმართლის გამოხატვისა ლიტერატურაში. ამ საშუალებასაც გამოყენება უნდოდა, მოხერხებული გამოყენება უნდოდა, რადგან რო ფხიზლადა დარაჯობდნენ ნაფიცნი კრიტიკოსნი, ცერბერებზე უფრო ფხიზლადა, და ადვილად აგნებდნენ თვით იმასაცა, რაც რო გადაურჩებოდა რედაქტორებსა, ცენზურასაც რაც რო გადაურჩებოდა. ამათი შიში აღარცა მქონდა, ოღონდ რო წიგნი გამომეცა როგორმე, მაგრამ ვაი რო ველარ ვასწრებდი, უურნალში ბეჭვდის დროსავე ჩამიჭერდნენ ხოლმე, ნანყვეტ-ნანყვეტებშივე ჩამიჭერდნენ ხოლმე და წიგნის გამოცემას ველარ ვახერხებდი. ასე დაემართა „ბურუსსა“, „მეჩეჩსა“, „ცთომილებსა“, ოღონდ ეს მაინც სხვა თავგადასავალია, სხვა ბიოგრაფიებია, შესაძლოა რო პარალელური ბიოგრაფიებიცა, და სხვა დროსაც მოვჰყვები, ახლა რო მხოლოდ „ბორიაცი“ გავიდეს წინა. და ვამბობ: ბორიაცი რო უკვე უნდა დამენერამეთქი და იმიტომაც უნდა დამენერა, რამდენიმე რომანი რო უკვე გამოვაქვეყნე, როგორც რო იყო, წინააღმდეგობები მხვდებოდა თუ რაც იყო, ეს მაინც გარეგანი მოვლენები გახლდა, ხოლო შინაგანად სხვა რალაც მბრკოლებდა, სხვა რალაც მბოჭავდა: სათაო რომანი სერიისა რო არ დანერილიყო, რაც რო ჰხდებოდა ჩემს შემდგომ რომანებში, სანყისი იმისა ჯერ რო არ გამოხატულიყო, ჯერ რო არ განცხადებულყო,

როგორც რო მხატვრული მოვლენაი რალა თქმა უნდა, - ისა მბოჭავდა, ის მაბრკოლებდა, თითქოს მიშლიდა ხელსა, ანთუ მართლაც მიშლიდა ხელსა. თუმცა თითქმის ზეპირად ვიცოდი და ჩემთვის უკვე განცხადებულადაც ითქმოდა, მაგრამ ითქმოდა მაინც ითქმოდა გახლავთ, განხორციელებას არ უდრიდა ცხადია. და ისიც, რო თითქმის ზეპირად ვიცოდი, ისიც მაჩქარებდა. უნდა დამენერა, უკვე უნდა დამენერა, თუნდაც რო ვერ გამოქვეყნებულყო, თუმცა რო მაინც უნდა მეცადა, გამოქვეყნება უნდა მეცადა, და უნდა დამენერა ისე, ისე, ისე იმგვარადა.

ახლა შეიძლება ითქვას...

ახლა ეს სიძნელე მოეხსნა მწერლობასა, რო არც უნდა ჰქონოდა, მოეხსნა, როგორც იქნა.

რაც უნდა იყოს, მე ამაში უკვე დახელოვნებულადა ვთვლიდი თავსა: თუმცა აგნებდნენ დაგეშილი კრიტიკოსები, მანამდე აგნებდნენ რედაქტორები, ცენზორებიცა რალა თქმა უნდა, მაინც ვახერხებდი ზოგი რამ მეთქვა, მაშინ უთქმელი, ანთუ გამოუთქმელი, მეთქვა, გამომეხვია მხატვრულ სახეებში, სტილისტურ ხვეულებში, ხალხურ თქმებში, იგავურ გადაკვრებში, ქვეტექსტებში, ქვეტექსტების ქვეტექსტებშიცა, ვახერხებდი როგორც რო იყო, და „ბორიაცი“ ასევე უნდა დანერილიყო რალა თქმა უნდა. რედაქტორებიო, აქ რო ვახსენე, რედაქტორებიც იყვნენ და რედაქტორებიცა, - ზოგი რედაქტორის გაბედულებაცა მმატებდა სითამამესა, ვთქვათ, სიმონ ჩიქოვანისა: „ბურუსს“ ვერც გამოვაქვეყნებდი თავის დროზედა უიშისოდა, „მეჩიჩსაც“ ვერა, - „მნათობში“ გამოქვეყნებასა ვგულისხმობ, - ვერც

გამოვაქვეყნებდი რო გამოქვეყნდა ეს ორი ნაწარმოები, არც იმას შეჰხვდა ჩემზე ნაკლები უსიამოვნებანი. ასეთ რედაქტორები ბევრნი არ იყვნენ რალა თქმა უნდა. სამაგიეროდ ბევრი ჰყოფდა ცხვირსა, სწორედ რედაქტორის მოვალეობაში ჰყოფდა ცხვირსა, და ერთხელ საქმე იქამდისაც მივიდა, კორექტორებმაც რო გამცეს. ეს უკვე მეტისმეტი იყო, მაგრამ იყო, ვაგლახ, რო იყო, და წარმოიდგინე თუ რანი იქნებოდნენ სხვანი, უფრო ჩინოსანი თანამშრომელნი რედაქციებისა თუ გამომცემლობებისა, წარმოიდგინე, მე რო სიტყვა არ გამიგრძელდეს. და მაინც უნდა დამენერა „ბორიაცი“ და მაინც ისე უნდა დამენერა, რო გამოქვეყნებულიყო თვით იმ პირობებში, მწერლობისათვის, ლიტერატურისათვის ყოვლად აუტანელსა და გაუმართლებელ პირობებშია; უნდა დამენერა და დავნერე, ვილონე ყველაფერი, ერთი შეხედვით რო ვერც მიმხვდარიყვნენ თუ რომელ ეპოქას შეეხებოდა ნაწარმოები, რომელ წლებსა თუ უშუალოდ რომელი წლის რომელ მოვლენას გულისხმობდა, ვერ მიმხვდარიყვნენ და ჰგონებოდათ: განზოგადებული ხასიათისაა, ეპოქა არც არის დაზუსტებულიო. უნდა ჰგონებოდათ ჩემი ვარაუდითა, ერთი შეხედვითა და ღრმად ჩაკვირვების გარეშე, ზოგჯერ რო ერთი შეხედვაც შთამბეჭდავია და სიღრმეებში რო აღარ იძირებიან ხოლმე, თორემ ისე თუ ჩაღრმავდებოდნენ, ბევრი რამ იყო თვალშისაცემი, ვთქვათ: მეთერთმეტე კანტანტა თუ მეთერთმეტე სიმფონია, მაისის მთავრობა, დამოუკიდებლობის სიხარული, გაქცეული თუ გაძევებული მთავრობა, გენუას კონფერენცია, პატრიარქის წერილი, კანის, ჰააგის, ლოზანოს, ლონდონის კონფე-

რენციები, ლოიდ ჯორჯი, ბარტუ, მაკდონალდი, სხვანი და სხვანი, გადახვევანი და გადაკერანი, — თუ ჩაუკვირდებოდნენ რალა თქმა უნდა. მაგრამ მაშინ ეს ამბები აღარა ტრიალებდა, აღარა ბრუნავდა, აღარ იხმოდა, აღარც აღარავის ახსოვდა თუ ადრე იცოდა, ხოლო თუ არც იცოდა, აღარავის ამას აღარც ასწავლიდნენ, ვერც უნდა მიმხვდარიყვნენ ისე ადვილად თუ არ ჩაულრმავდებოდნენ რალა თქმა უნდა. ასე, რო არ აკლდა მინიშნებანიცა, ხოლო რომანი, როგორც რომანი, იკითხებოდა თითქოს რო დროისა და ეპოქის გარეშე, რო შეიძლებოდა რო ყოველთვის მომხდარიყო, ჩვენი საუკუნის დასაწყისშიცა, XIX საუკუნეშიცა, ყოველშემთხვევაში საბჭოთა წყობილებაში რო მაინც არაო, თითქოს რო არაო რალა თქმა უნდა, ამ უალრესად ჰუმანურსა და პროგრესულ წყობილებაში არაო ცხადია, როგორც რო უმტკიცებდნენ და როგორც რო სჯეროდათ, სჯეროდათ, სჯეროდათ, ჭკუას დაჰკარგავდი, ისე სჯეროდა ბევრსა, იმედი გადაგინყდებოდა, ისე სჯეროდა. ესენი, წიგნის გამოცემა თუ ეხებოდათ, უფრო თამამნიც უნდა ყოფილიყვნენ რალა თქმა უნდა, რახან რო სჯეროდათ, რახან რო სწამდათ, მაგრამ სავალალოდ, უფრო ეჭვიანნი, უფრო მხდალნი, უფრო მუხთალნი ბრძანდებოდნენ, უფრო მუხთალნი, ვერაგნი და დაუნდობელნი. რას იზამთ, ასე იყო, ხოლო თუ მხოლოდ იყო, ეგ კიდევ არაფერი, სამწუხაროდ რო... თუმცა „ბორიაციის“ ბიოგრაფიასა ვყვები და ეს მაინც უფრო წარსულისა გახლავთ, გადაიტანა, რაც რო უნდა გადაეტანა, დაინერა 1967 წელსა და 1984 წელს გამოიცა, ცალკე წიგნადაც არა, მეორე რომანთან ერთადა.

1967 და 1984

საკმაო მანძილია.

თუმცა და რაო, -

ეს ჩემთვის, ჩემი ნიგნებისათვის, არცთუ იშვიათი რამ გახლდა, ოღონდ იმ განსხვავებითა, სხვა შემთხვევაში რო ანთუ ხელს ჩავიქნევდი, ანთუ დრო აღარა მქონდა, ანთუ დროს ვუცდიდი, ანთუ იმედი გადამინყდებოდა, ამ შემთხვევაში აღარც აღარაფერს დავლოდებივარ, არც იმედი გადამინყვეტია, არც ცდა არ დამიკლია, რო როგორმე გამომექვეყნებინა, უსათუოდ გამომექვეყნებინა „ბორიაცი“, რადგან რო ვშიშობდი და აშკარაც იყო, რო ჩლუნგდებოდა ჩვენი ხალხი, ჩლუნგდებოდა და აირეოდა, აირეოდა და გაითქვიფებოდა, შეერწყმოდა თუ შეეზილებოდა, რასა თუ ვისა, - რალა სათქმელია, შეეზილებოდა და აღარ ეხსომებოდა თუ ვინ იყო, რა იყო, რა გადაეტანა და რა უნდა ელონა, რო არ გაქარწყლებულიყო იმ ტოტალურ, იმ პერმანენტულ ექსპანსიაში, 20-იან წლებში რო დაიწყო და აღარა თავდებოდა, აღარა თავდებოდა და არც გათავდებოდა, ვიდრე ჩვენ არ გაგვათავებდა. მკვდარია ერი თუ არ იბრძვის თავისუფლებისათვისამეთქი, - დავწერე და უნდა გამომექვეყნებინა. სხვა დანარჩენი რაც უნდა ჰგონებოდათ, თუნდაც რო ისტორიული ჰგონებოდათ რომანი, ეს მაინც ისტორია აღარ გახლდა, ამას მაინც მიმიხვდებოდნენ. თუმცა „ბორიაცი“ პირველმა კრიტიკოსებმა ვერც ეს გაიგეს, ესეც უხვსიტყვაობასა, ენობრივ ნატურალიზმსა თუ ბუნდოვანებაში ჩამომართვეს და შესაძლოა, რო ბუნდოვანიც გახლდა იმათთვისა, როცა ერი რო განთავისუფლებული ეგონათ, გამობხნილი ეგონათ, ანთუ ცნებაც

რო დაჰკარგოდათ ერისა და „თვისობრივად ახალი კონგლომერატის“ თეორია მართლაც თეორიად მი-
აჩნდათ, სარწმუნოებად გადაჰქცეოდათ მართლაცა,
სარწმუნოებადა და გარდაუვალობადა „სოციალის-
ტური საზოგადოების მშენებლობაში“, შესაძლოა,
შესაძლოა!.. ახლა მე იმათ არ ვედავები, თავის დრო-
ზედაც რო არ გამოვდავებივარ, თუმცა სიტყვა მის-
წრებს, ჯერ ჰო: ვცდილობდი, როგორმე რო გამო-
მეჩვენებინამეთქი.

ვცდილობდი და ვცაადე, „მნათობის“ რედაქციი-
დან დავინყე...

1968 წელს ჩემი „ლანდები“ იბეჭდებოდა „მნა-
თობში“, მოთავდა თუ არა, გადავეცი ახალი რომანი.
შეიძლება ეს შეთამამებადაცა თქმულიყო: ერთი მო-
თავდა და მეორე გადავეცი, მაგრამ ვიცოდი, რო-
გორც იტყვიან, პორთფელში რო სხვა რომანი არა
ჰქონდა რედაქციასა, ამიტომ გადავეცი, თორემ
ისიც ვიცოდი ჩემი რომანები რო არაფრად არ ეპიტ-
ნავენებოდა ახალ რედაქტორსა, „ლანდების“ დაბეჭ-
დვაც რო არ უნდოდა, მაგრამ რა ექნა, სხვა რომანი
რო არ დაჰხვდა და ვერც რო ვერავის დაანერინა ისე
სახელდახელოდა. და ისევ ამისი იმედი მქონდა, ამ
გამოფხეკილი სარედაქციო პორთფელისა. სიმონ ჩი-
ქოვანი აღარ იყო ამქვეყნადა, „მნათობიც“ ჩამოარ-
თვეს მანამდისა, ჩამოაცილეს სალიტერატურო
ცხოვრებასა, ჩამოაცილეს, გული რო მოსდიოდათ,
რო სადაც სიმონ ჩიქოვანი გაჩნდებოდა, მწერლო-
ბაც რო იქ იყრიდა თავსა, გული მოსდიოდათ და ჩა-
მოაცილეს სამსახურებრივ სალიტერატურო საქმიან-
ობასა, ვნახოთ ერთი ახლა თუ სადღა წამოგყვება
მწერლობაო. შეუჩნდნენ ცეკას მაშინდელ პირველ

მდივანსა დაახლოებულნი პირნი თუ პირი, - ყოველ-
შემთხვევაში ჯერ პირი და მერე პირნიცა, - შეუჩ-
ნდნენ და მოახსენეინეს, ვითომ „მნათობში“ დაშვე-
ბული შეცდომებისათვისა. ამასაც ავლნიშნავ და აქ
იმიტომაც ავლნიშნავ, რო სირთულენი ჩვენს ლიტე-
რატურაში პარტიული ხელმძღვანელობის ბრალი
რო იყო, თქმა არ უნდა ცხადზე ცხადია, მაგრამ
მდგომარეობას უფრო ართულებდა ქიშპი, შური, მა-
ნია კარიერიზმისა, აღმატების უინი და ვნებაი დიქ-
ტატორული ზოგიერთი პიროვნებისა მწერალთა
კავშირის სათავეში თუ მოექცეოდა. ეს იყო, რაც
იყო, შემზარავი და გამანადგურებელი ჩვენი ლიტე-
რატურისა, ეს იყო, რაც იყო, დანარჩენს გაუძლებდა
მწერლობაი, გაუძლებდა, გამოცდილიყო, გამობ-
რძმედილიყო, გაუძლებდა, გადაიტანდა, მწერალთა
კავშირი რო არა ყოფილიყო, მწერალთა კავშირი,
რომელსაც მხოლოდ მსტოვრობის ფუნქცია დაჰკის-
რებოდა, დასჯისათვის სათანადო მასალების მომზ-
ადება, საზოგადოებრივი აზრის სათანადო მომზა-
დების ფუნქცია დაჰკისრებოდა. მეტი არაფერი, მე-
ტი არაფერი, „შემოქმედებითი ორგანიზაციაო“ რო
ამბობდნენ, ისე დარქმეოდა, მოსაჩვენებლად. შეიძ-
ლებოდა რო ლმობიერი ვინმეც მოხვედრილიყო სა-
თავეში, ხოლო სასტიკი თუ მოხვედებოდა და უფრო
სასტიკნი რო მოჰხვედებოდნენ, - ღმერთო დაიფა-
რე!.. ღმერთსაც რო აელო ხელი, მფარველიც აღარ-
საით მოსჩანდა. მაინც გადატრიალებანიც მოჰყვე-
ბოდა ხოლმე, სასახლის გადატრიალებანი, მწერალ-
თა კავშირის სასახლისა რალა თქმა უნდა, და ერ-
თერთ ასეთ გადატრიალებაში მოყოლილიყო ეს ახა-
ლი რედაქტორიცა „მნათობისა“. მანამდის სხვა რე-

დაქტორობდა, სიმონის შემდგომა, იმას არ ვეხები ამ შემთხვევაში, მაგრამ მაინც მკაფიოდ გამოვყოფ, ანთუ მკითხველი რო არ დაიბნეს, ანთუ ცუდად რო არ გამოიყენონ. „ბორიაცს“ სხვა დაჰხვდა, თითქოს რო გამორიყული სასახლის გადატრიალების შედეგადა, თითქოსაო რალა თქმა უნდა, თორემ, სხვისა არ ვიცი, ოლონდ მე მაინც ასე მგონია, ჟურნალის რედაქტორობა უნდა სჯობდეს მწერალთა კავშირის მდივნობასა საქმიანი კაცისათვისა. ასეთ კაცადაც მიაჩნდათ. მე მაინც სწორედრო ასე მომექცა, დიდხანსაც რო არ დაუყოვნებოვარ, რო მიმახვედრა, რო ტყუილად მექნებოდა იმედი „ბორიაცის“ დაბეჭდვისა „მნათობშია“.

ამის მიხვედრა არც გამიჭირდებოდა და არც ის გამოირჩეოდა დიდი თავაზიანობითა, – ავილე, წამოვილე, თუმცა რო ისე დაცლილიყო ჟურნალი იმხანადა, რომანი ჰო არ გააჩნდათ, მოთხრობებიც აღარ მოეპოვებოდათ, სიდუხჭირე დასდგომოდათ ისე იმგვარი. წერილებითა ჭედავდნენ ჟურნალსა, მხოლოდ წერილებითა, ისიც ვინ უწყის თუ როგორი რა წერილებითა, თუმცა ერთი რამ მაინც არ დამავინყდება: თავსესხმოდნენ პავლე ინგოროყვასა, არ დამავინყდება რალა თქმა უნდა, თავსესხმოდნენ ამ ახალი რედაქტორის თაოსნობითა და თავგამოდებითა, ალბათ რო იმის საამებლადა, ვინც რო „მნათობში“ გაუჩინა ადგილი, ვინც რო მანამდე მწერალთა კავშირშიც მიიყვანა, მწერლები რო მომიგერიოსო. მაამებელი და საამებელი. ასე იყო, ასე აწყობილიყო. ასეცა მართავდნენ ლიტერატურასა. ასე გაირიყებოდა ადამიანი, ასე გაირიყებოდა მწერალი მწერლობიდანა, ასე ირღვეოდა სალიტერატურო პროცესები,

ასე ეწირებოდა უმართებულობასა და უწინანობასა, რო არა ვთქვა, რო უგნურობასამეთქი, – არა, არ უნდა ვთქვა, თვითონ მოვლენები როა საშინელი, არალიტერატურული, კმარა ამისი აღნიშვნაცა; მაგრამ ეტყობა, ძნელდება თავშეკავებაცა, უფრო იმიტომ, რო არაფერი არ იცვლება ამ მხრივა, რო ისევ იგივე ვნებები ბატონობს, რო ისევ იგივე არალიტერატურული დამოკიდებულებანი ართულებს სალიტერატურო ურთიერთობასა ჩვენშია, ართულებს, შლის, გზას აცდენს სწორსა და მართებულსა. რაც უნდა იყოს, მე არ ვაპირებდი, რო გავრიყულიყავი, კიდეც გზა მქონდა, რო არსებობდა მეორე ჟურნალიცა, ოღონდ ვინ უწყის თუ იქ კიდეც რამდენხანს დამაყოვნებდნენ, ანთუ ვინ უწყის თუ რა მოხდებოდა, ამიტომ ვარჩიე, მანამდე პროზაიკოსთა სექციის სხდომაზე წამეკითხა „ბორიაცი“.

წამეკითხა...

წამეკითხა თავიდან ბოლომდისა, წამეკითხა, თუ არ დაიბეჭდებოდა, ბოლოსდაბოლოსა, ამ სახით მაინც ჩაითვლებოდა გამოქვეყნებულადა.

წავიკითხე.

ორ დღესა ვკითხულობდი.

მომისმინეს. იმსჯელეს. ანგარიში გამოქვეყნდა „ლიტერატურული საქართველოს“ 1970 წლის თებერვლის 13-სა. ანგარიში გამოქვეყნდა და დაე რომანის გამოქვეყნებაც ესა ყოფილიყო თუ არც „ცისკარში“ გამილიმებდა ბედი.

და ეჭვით მივდიოდი, ეჭვით მიმქონდა, ფეხი უკანა მრჩებოდა. განხილვამ დამაეჭვა უფრო მეტადა, თუმცა რო ყველამ მოიწონა, გარდა ერთისა, და იმან დამაეჭვა, სწორედ იმ ერთმა. იმან ყველაფერი

გაიგო თავიდან ბოლომდისა. გაიგეს სხვებმაცა, მაგრამ იყუჩეს. იმან არ იყუჩა. და რამდენი ისეთი შემხვდებოდა რედაქციასა თუ გამომცემლობაში, რამდენი ისეთი, ერთიც რო კმაროდა. იმან არ იყუჩა, ოღონდ ვითომ დამინდო კიდევაცა: ჩემი სიტყვა არ დაბეჭდოთ საგაზეთო ანგარიშშიო. განაცხადა. არც დაბეჭდილა. იდეურ მხარეს დაუკვირდითო, მოითხოვდა, იდეურად მცდარია თავიდან ბოლომდისაო, აცხადებდა და ამტკიცებდა. ცალკე რო დაერჩით, მეზოდშიებოდა: მე ეგებ ჩამოვრჩი, მაგრამ რა ვქნა, მე ასე მჯერაო. თანაც მე ჰო მომსწრე ვარ იმ ამბებისაო. 20-იანი წლების კომკავშირელი ბრძანდებოდა. რამდენი ასეთიც იქნებოდა რედაქციასა თუ გამომცემლობაში, ადვილად რო წამიხდენდა საქმესა, რო მომეზოდშიებოდა ადვილადაცა. რაც უნდა იყოს, „ცისკრის“ მაშინდელი ხელმძღვანელობა მერე ტრაბახობდა, მერე და მერე: ჩვენოდენი გაბედულება არ გააჩნდა არავისა, არც ჩვენამდისა, არც ჩვენს შემდგომამ ამ ყურნალშიო. მე არ ვედავები, არც უკმაყოფილებას არ გამოვთქვამ, მე მხოლოდ „ბორიაციის“ ბიოგრაფიასა ვყვები და ეს ბიოგრაფია ასე გრძელდება: მიმქონდა და მივიტანე, მივიტანე და დავტოვე, დავტოვე და გულდამშვიდებით ველოდებოდი თუ რა იქნებოდა, გულდამშვიდებითა, იმიტომაცა – იქ რო უფრო მეგობრები მეგულებოდნენ, ვიდრე მტრები, და იმიტომაცა – მე ჰო უკვე გამოქვეყნებულად მივიჩნევდიმეთქი. ველოდებოდი. ველოდებოდი. გაგრძელდა ლოდინი. დაგვიანდა პასუხი. დიდხანს ემზადებოდნენ სათანადო პასუხისათვისა. ბევრს წააკითხეს, ბევრსა, ბევრსა. ვეხუმრებოდი, რალა დაბეჭდვა უნდამეთქი. მთავლიტსაც წა-

აკითხეს წინასწარა, წააკითხეს სხვებსაცა, კოლეგიის გარდა, ვისიცა სჯეროდათ თუ ვისაც რო უფლება ჰქონდა, პასუხი მოეთხოვა. ალბათ რო სიფრთხილის ბრალი იყო, ანთუ ალბათა, ანთუ რალა თქმა უნდა, ასედაცა მგონია, ანთუ მინდა, რო ასე დავიჯერო, მინდა და მჯერა კიდევაცა, ოლონდ ერთი დიალოგი მაინც მაგონდება ხოლმე, დიალოგი ჩემსა და ერთ მაშინდელ, ასე ვთქვათ, პასუხისმგებელ ამხანაგს შორისა, მახსენდება და თითქმის ზეპირად მახსენდება:

პ. ამხანაგი: რას შვრება თქვენი რომანი?..

მე: „ცისკარშია“...

პ. ამხანაგი: რატომ არა ბეჭდავენ?

მე: ჯერ არ გადაუნყვეტიათ. კითხულობენ.

პ. ამხანაგი: როდემდის უნდა იკითხონ?

მე: თვითონ იციან...

პ. ამხანაგი: მე რად წამაკითხეს?.. – და აკოკოლავებულ საქალაქელებიდან ჩემი რომანი გამოაძვრინა. გამიკვირდა. იქ მაინც აღარ მეგულებოდა. გამიკვირდა. ოლონდ მაინც არ შევიმჩინე.

მე: ალბათ საჭიროდ მიიჩნიეს.

პ. ამხანაგი: რატომ?!

მე: რა მოგახსენოთ...

პ. ამხანაგი: არ არიან კარგი ხალხი და იმიტომ!.. მე განგებ წამაკითხეს, ჩემგან უარს ელოდებიან და იმიტომ წამაკითხეს; მე რახან გებრძოდით, იმიტომ წამაკითხეს, ჰგონიათ, უარს ვიტყვი... არ ვიტყვი!..

მე: ავაშენოთ ღმერთმა!.. ან რატომ მებრძოდით?!

პ. ამხანაგი: ახლა ის რალა დროსია!.. მაშინ ისე იყო საჭირო... თანახმა ვარ, დაიბეჭდოს!..

მე: აგაშენოთ ღმერთმა!.. გამომტყუა ეს მეორედა.

პ. ამხანაგი: ოლონდ...

მე: ოლონდ?!.

პ. ამხანაგი: ბოლო თავები უნდა ამოილოთ...

მე: რასა ბრძანებთ, უიმისოდ რაღა აზრი აქვს!..

პ. ამხანაგი: არა!.. არა!.. არა!.. არა!.. – ორივე ხელი გაატატანა, – ჩემი აზრი ესაა და იქ თქვენ იცით!..

იქ აღარ გადავიდნენ ამ აზრსა, ოლონდ მანამდე: რო გამოვდიოდი, ესეც მომაყოლა, –

პ. ამხანაგი: რო იცოდეთ, მეც ვაპირებ მაგ ნლებზე მუშაობას...

მე: რა ბრძანეთ?!. – ვერ დავფარე განცვიფრებაი.

პ. ამხანაგი: მეც ვაპირებ!.. – გაიმეორა ისე, რო თითქოს რო ნიშნიც მომიგოო.

ხოლო ის მაინც: იქ რო აღარ გადავიდნენ იმ აზრსა, არც გამოტეხილან თუ ვის ეყრდნობოდნენ, ბოლო თავები უნდა ამოილოო, ამაზე შედგნენ ჯიუტადა, შედგნენ და აღარც გადავიდნენ. მანუგეშებდნენ კიდევაცა: მივანერთ რო მთლიანად არ იბეჭდება, „საჟურნალო ვარიანტს“ მივანერთო. გამიძნელდა, დავთანხმებულეყა, გამიძნელდა, დავთანხმდი მაინცა; დავთანხმდი, თუმცა ღალატად მიმაჩნდა ავტორისა საკუთარი ნანარმოებისადმი; ღალატადაც მიმაჩნდა და თავსაც ვიმართლებდი ჩემს თავთანაცა და ჩემივე ნანარმოებთანაცა: სულ დაუბეჭდაობას, ნანილისა და კარგა მოზრდილი ნანილის დაბეჭდვა მაინცა სჯობიანმეთქი, და თანაც: თუ ჟურნალში არ დაიბეჭდებოდა, გამომცემლობა არც მიიღებდა ისე, ჰქონდათ ასეთი უკუღმართი ნესიცა, ბევრ სხვა უკუღმართობასთან ერთადა. ჟურნალში დაბეჭედას

აპრობაციას უნოდებდნენ, გამომცემლობა მერელა მოჰკიდებდა ხელსა, აპრობაციის მერე, თუ არავინ ატყდებოდა, კრიტიკოსები თუ არ ატყდებოდნენ ერთისიტყვითა. სხვა გზა არც იყო. წესად დაედოთ. კანონად ექციათ, რასაც ინებებდნენ რო აქცევდნენ კანონადა, ვინც რო ინებებდა დასდებდა კანონადა, ქვეყანა რო უკანონობისა გახლდა... მოდით და ნუ დათანხმებოდით!.. მაგულადებდა აგრეთვე ისიცა, რო წავიკითხე სახალხოდა, ესეც აპრობაციად რო ჩამეთვლებოდა, მთლიანად წავიკითხე მწერალთა კავშირში, ამას მოვიდებდი საბუთადა, გამომცემლობა თუ უთუოდ ჩაეჭიდებოდა საჟურნალო ვარიანტსა. დავთანხმდი ასე, დავთანხმდი და დაიბეჭდა ის ეგრეთწოდებული საჟურნალო ვარიანტი, – 19 თავი თანმიყოლებითა, ისე რო შიგნით ხელი არ ჩაუყვიათ. ესეც ვითომ კარგი რამ იყო, მაგრამ დასასრულის გარეშე სიმახვილე აკლდებოდა დასაწყისსაცა, შიგნით გაბნეულ მინიშნებებსაცა, ხასიათების სრულყოფასაცა, აზრი თუ მრწამსიც გაურკვეველი დარჩებოდა. დარჩა კიდევაცა. გამომცემლობის იმედილა მრჩებოდა, სათუო იმედი, საეჭვო იმედი. იქ ეს იმედიც მალე გადამინურეს: იმათაც 19 თავს მოჰკიდეს ხელი და შიგნი-შიგნითაც ჩატანტრეს ხელი: აქ ისეთი ადგილებია, საბჭოთა პერიოდს რო გვაგონებსო, ეს როგორ იქნება, მენშევიკების პერიოდით უნდა შესცვალოო. მირჩევდნენ. მარწმუნებდნენ. მოსამზადებელ გეგმაშიც შეჰქონდათ, მერე გადაჰქონდათ გეგმიდან გეგმაშია, რო არა ვთანხმდებოდი, რო უკვირდათ თუ რად არა ვთანხმდებოდი, – წიგნი გამოვიდოდა, რა უნდა მდომებოდა მეტი, უკვირდათ, უკვირდათ და ზოგიერთს კიდევაც ვეცო-

დებოდი, ასე გულუბრყვილო რო გავჩენილიყავი და ასე გულუბრყვილოდ რო დავრჩენილიყავი, ამ ცხოვრებისა რო ვერაფერი გამეგო.

ასე გასტანა 1970 წლიდან 1984 წლამდისა, - ეს თოთხმეტი წელი გამომცემლობაში ტრიალებდა „ბორიაცი“. „ცისკარში“ 1974 წელს დაიბეჭდა. ნარდგენით ერთდროულად ნარეუდგინე ჟურნალსაცა და გამომცემლობასაცა. ჟურნალში ეშველა როგორც რო იყო, გამომცემლობა თავისას მოითხოვდა.

ესეც მოსათხრობია რალა თქმა უნდა, ბიოგრაფია ბიოგრაფიაა: დანერიდან გამოცემამდისა. ხოლო ამასთან და ამასობაში ისიცაა გასახსენებელი, რუსულად რო ითარგმნა „ბორიაცი“ და ჩვენებურ რუსულ ჟურნალში რო დაიბეჭდა. მაშინ გურამ ასათიანი რედაქტორობდა ამ ჟურნალსა. აღტაცებულიყო რომანითა, ყველგან ამასა ლაპარაკობდა, მეც ასე მითხრა, წერილობითაც გამოსთქვა ასევე აზრი: აქამდის სად ვიყავითო, - თავის თავსაცა გულისხმობდა, სხვა კრიტიკოსებსაცა თავისი თაობისა, უფროსი კრიტიკოსებისაგან ჰო შერისხვა არ მაკლდა; აქამდის სად ვიყავითო და მეც ვეხუმრებოდი: რუსული თარგმანით უნდა გამცნობოდით დასავლეთის მწერალივითამეთქი. ოლონდ მთავარი აქ ეს არ არის, მთავარი ისაა, რუსულადაც რო 19 თავი დაიბეჭდა. ეს „19“ მთავლიტისათვისა სჭირდებოდა რედაქციასა, ქართულად უკვე დაიბეჭდა და სწორედ „19“ დაიბეჭდაო. ესეც კანონივით იღო: „19“-„19“. სინამდვილეში ამ 19-სა და იმ 19-ს შორის დიდი განსხვავება გახლდა: რუსულად ბოლო თავებიც დაიბეჭდა, შიგნით შემცირდა შიგადაშიგა, ასე რო მკითხველმა მთლიანად მიიღო „ბორიაცი“, - ქართულად იწყებდა და რუსუ-

ლად ამთავრებდა. ეს ბევრმა მითხრა. ეს ჩემი მიხვედრა არ გახლავთ. სხვა რალა ვთქვა, სხვა რა ახსნა თუ შენიშვნა დავურთო, თავისთავად რო ცხადია, რო ეს უბედურებაა და მეტი არაფერი. ეს უბედურება გამოვლო „ბორიაცა“, რო არ გამოველო საკვირველი ის იქნებოდა. და საკვირველი ისიც არის, ქართულზე ადრე რუსულად რო გამოიცა ეს რომანი, – 1983 წელს მოსკოვს გამოიცა, ჩვენი მოსკოველი მოკალმის, მწერლის, ალექსანდრე ებანოიძის თავგამოდებითა, თავგამოდებითა და დიდი პასუხისმგებლობითა, მხოლოდ აქაური რუსული ჟურნალი რო ეჭირა ხელში და უმტკიცებდა გამომცემლობასა, ქართულად უკვე გამოიცა ცალკე ნიგნადაო, უმტკიცებდა იმ იმედითა, დღედღეზე რო მოესწრებოდა, სიტყვა რო არ გაუმტყუნდებოდა, იმ იმედითა რალა თქმა უნდა; ხოლო აქ გადადიოდა გეგმიდან გეგმაში, მოსამზადებელი გეგმიდან მოსამზადებელ გეგმაშია, მოსამზადებელი რო არა ჰქონდა არაფერი, წერტილის შეცვლაც რო არ შეიძლებოდა, ანთუ რო არაფერზე არა თანხმდებოდა ავტორი. თუმცა იქ, მოსკოვის გამოცემაში, ანოტაციაში ჩასწერეს: ეს მოჰხდა 905 წლის რევოლუციის შემდეგაო. ჯანდაბას: 20-იანი წლებიც 905-ის შემდეგ არ იყო?.. და უამისოდაც, რუსი მკითხველისათვის ჩვენი საუკუნეებიც ერთი თვალის გადავლებაა, ჩვენთვის ერთი დღეც საუკუნეა. აქ დათმობა არ იქნებოდა.

და გრძელდებოდა ასე:

ავტორი არა თმობდა, გამომცემლობაც არა თმობდა, – გეგმიდან გეგმაში რო გადაჰქონდა ნიგნი, ეს აღარა კმაროდა, ავტორი უნდა მოეცილებინა თავიდანა, როგორმე უნდა მოეცილებინა. გამომ-

ცემლობას ვამბობ, ოღონდ სახელწოდება ჯერ რო არ მითქვამს, უნდა ითქვას რალა თქმა უნდა: ჯერ „მერანი“ გახლდა. და აი უცებ დამიტკბნენ „მერანში“, უცებ შეიცვალნენ, გაავებულნი როდილა შემხვდნენ, მოკეთედ მექცნენ: საქმე გაგიჩარხეთო, ნაილებ ამას „საბჭოთა საქართველოში“, ნრევანდელ გეგმაშივე შეიტანნო. ეშმაკობდნენ რალა თქმა უნდა, ოღონდ ისე რო, რო არა მცნობოდნენ, მოვტყუვდებოდი რალა თქმა უნდა. მაინც ვიკითხე, როგორამეთქი. ნიგნს გადავუცვლითო, იქიდან გეგმიური ნიგნი გადმოვა ჩვენთანა, ჩვენ შენსას წარუდგენთ და ჩასვამენ იმის ადგილასაო. ეშმაკობდნენ რალა თქმა უნდა, ოღონდ მაინც რო აქ საქმე არ იძვროდა, ვნახოთ იქ თუ რა იქნებამეთქი. არაფერი განსხვავებული რალა თქმა უნდა, აქ როგორც დაარიგეს თუ როგორი დასკვნებიც გაატანეს, – ისევ: ბოლო თავებს ვერ შევიტანთო, ისევ მენშევიკების პერიოდო, ისევ იგივე ლათაიები, ოღონდ უფრო დამშვიდებითა, რო ეტყობოდათ რო დრო რო გაჰყავდათ, ამასობაში ანთუ ვიდრე რო შევიტყობდი, ანთუ თვითონვე რო გამომიტყდებოდნენ: ახალი დადგენილება რო მიელოთ, – პირველი გამოცემები „მერანს“ უნდა გამოეცა, „საბჭოთა საქართველოს“ – მხოლოდ შემდგომი გამოცემები. და ის ნიგნი „ბორიყში“ რო გადაცვალეს („ბორიყი“ ჰო მაინც არ გამოვაო), პირველად უნდა გამოსულიყო, გადაცვალეს ამიტომაცა, გადაიტანეს ამიტომაცა და გამოსცეს კიდევაცა საარაკო სისწრაფითა. თუ მოინდომებდნენ, ადვილი გახლდა, თუ მოინდომებდნენ, ხოლო მონდომებისათვის არავითარი მნიშვნელობა არა ჰქონდა ნიგნის ღირსებასა, არავითარი. და არც ვასახელებ ნიგ-

ნის ავტორსა, გამომცემლობაში თუ ასეთი ზნისანი ბრძანდებოდნენ, ის რალას დაგიდევდა ზნეობასა თუ ეთიკასა. თან როგორ მოჰქონდათ თავი, – თავდადებულებად მოჰქონდათ თავი, თავდადებულებადა ჩვენი ლიტერატურისათვისა, ჩვენი ქვეყნისათვისა. რალა თქმა უნდა!.. რას იზამ, დრონი მეფობენო. ურიგო არ იქნება ამასაც თუ არ დავივიწყებ: „საბჭოთა მწერლის“ დირექტორად ის გახლდა იმუამადა, ვინც რო „ბორიაცი“ გამოაპანლურა „მნათობიდანა“.

წლები გადიოდა, მოძრაობდნენ ნომენკლატურული ამხანაგები.

ესეც ასეო –

გადავირბინე: ცდილობდნენ და მოიცილესმეთქი. მოიცილეს „მერანიდანა“. ხოლო თუ როგორა ცდილობდნენ, როგორი რა ხერხებითა ცდილობდნენ, ყველას თუ არა, ერთ შემთხვევას მაინც აღვნიშნავ, – ყველა ალბათ ბევრიც იქნება, ალბათ რო უფრო მდაბლადაც გამოაჩენს ადამიანებსა და არადა ჰლირს გახსენება ბევრი ცუდი მაგალითისა, ზოგს რო მაინც რო გვერდს ვერ აუქცევ, ერთს მაინც რო ვერა... ხოლო ის ერთი ამგვარი გახლდათ:

ერთხელაც იყო, ეს ისევე „მერანში“, მოვითხოვე, რო წერილობით დაესაბუთებინათ თავიანთი უარი. მანამდე ზეპირად მიცხადებდნენ, ზეპირად მიმტკიცებდნენ. ძალიან კარგიო, დათანხმდა დირექტორი მაშინვე, – ამასა და ამას გავუგ ზავნით სარეცენზიოდო. თავი დაუქნია მთავარმა რედაქტორმა. მთავარი რედაქტორის მოადგილემაც დაუქნია თავი. ისინიც აქავე ბრძანდებოდნენ, ისინიც ისევე მენინაალმდეგებოდნენ, ანთუ უფრო სწორი იქნება, –

ისინი მენინაალმდეგებოდნენ, თორემ დირექტორს არც წაეკითხა ჩემი რომანი, არც რო არაფერსა კითხულობდა საერთოდა თავისი ლექსების გარდა, არც რო არაფრის გამოცემა არ უნდოდა თავისი დიდტანიანი ლექსების კრებულების გარდა, რუსულადაცა და ქართულადაცა, და სხვა მეტი რო არც არაფერი ენყო იმუამადა ნიგნის მალაზიებში, სხვა თუ გამოდიოდა, იყიდებოდა დროულადა, ის ენყო, ენყო და ენყო. თავი დაუქნიეს ერთისიტყვითა. ხოლო რო ვამბობ: სარეცენზიოდ „ამასა და ამასაო“, არ ვასახელებ რალა თქმა უნდა, ლიტერატურისათვის რო არავითარი მნიშვნელობა არა ჰქონდა იმ პიროვნებასა, არავითარი, იმხანად საგამომცემლო კომიტეტის თავმჯდომარის მოადგილე რო ბრძანდებოდა, ალბათ ესენი რო ხშირად აწერიდნენ ეგრეთნოდებულ შინაგან რეცენზიებსა, ფულს აკეთებინებდნენ, და ალბათ რო თავი რო გამოეჩინა, როგორც რო სასტიკ რეცენზენტსა. კეთილიმეთქი, დავთანხმდი მყისვე, რო არც დავფიქრებულვარ, ჩემთვის რო უკვე სულერთი გახლდათ, ვის თუ რას თუ დააწერიდნენ. წყალნაღებული ხავსს ეჭიდებოდაო, – ის იყო და მეტი არაფერი. ხავსი ხავსია და რალა გარჩევა უნდოდა, – დავთანხმდი ცხადია, მყისვე დავთანხმდი. დირექტორმა მაშინვე გადასთქვა. გადასთქვა მთავარმა რედაქტორმაცა. მოადგილემაცა. არაო. არაო. არაო. ამოიძახა სამივემ ერთადა, რო შეჰხედეს ერთმანეთსა, რო უცებ გაუგეს ერთმანეთსა, რო ტრაბახობდნენ კიდევაცა: ჩვენ თვალით ვუგებთ ერთმანეთსაო, რო ეგონათ ალბათა: რახან ასე უცებ დათანხმდა, მაშ ის ამისთვის სასურველი კაცი იქნებაო. არაო. არაო. არაო. გაი-

მეორა სამივემ ერთადა. ლავროსი კალანდაძეო, ბრძანა დირექტორმა. ლავროსიო. ლავროსიო. შეს-
დახეს იმა ორთაცა. იყოსთქო, დავთანხმდი ისევე
ისევე, ისევე მყისვე, ისევე დაუფიქრებლადა. თით-
ქოს რო შეეჭვდნენ, შემომაჩერდნენ ისეთი თვალი-
თა, მაინც არ გადასთქვეს, რო გადაავლეს თვალი
ერთმანეთსაცა: ლავროსიო, დაბეჭდეს, დაამტკი-
ცეს. დაამტკიცა დიდმა სამეულმა გამომცემლობი-
სა. ლავროსიო და იხმეს ლავროსი. ისიც იქვე მუშა-
ობდა, იმავე გამომცემლობაში, რუსულ განყოფი-
ლებაში.

ეს აღარ გადასთქვეს ერთისიტყვითა.

იმ პასუხისმგებელი ამხანაგისა არ იყოს, ლავ-
როსი კალანდაძეც მიპირისპირდებოდა ჩემთვის მე-
ტად მძიმე პერიოდშია, მიპირისპირდებოდა სიტყვი-
თაცა და საქმითაცა. იტყოდ: აი კაცი, იშვიათი კა-
ცი, ვისთვისაც მართლაც განუყოფელია სიტყვა და
საქმეო. სიტყვით: გამოდიოდა თათბირებზე, სხდო-
მებზე, კრებებზე, რაც რო ერქვა თუ სადაც რო მო-
ასწრებდა, გამოდიოდა და ამტკიცებდა, რო არ შეიძ-
ლებოდა ისე წერა, როგორც მე ვწერდი, რო ეს იყო
მცდარი მხატვრულადაცა და იდეურადაცა, განსა-
კუთრებით იდეურადა, ამტკიცებდა ფიცხლადა,
მგ ზნეპარედა, ცოტა წერვიული კაცი რო გახლდა,
აღბათ იმიტომაცა, სიტყვასაც რო ვერ შეუბრუნებ-
დი, რო გაფიცხდებოდა უფრო, უარესსაც რო არ მო-
ერიდებოდა. ამტკიცებდა და ამტკიცებდა. ამას რო
ვამბობ, სიტყვასაც რო ვერ შეუბრუნებდიო, არ გე-
გონოს, ანთუ ვებმოდი პირში, ანთუ ვერიდებოდი, -
არა, არც ვუსმენდი, იქ თუ მოვხვდებოდი ნაუცბა-
თევადა თუ შემთხვევითა, უფრო - არც ვესწრებოდი

იმა კრებებსა თუ რალაც იმგვარებსა, ვამბობ მხოლოდ იმის მიხედვითა თუ ვინმე რო გამომსარჩლებია, კიდევ უარესიც რო უთქვამს იმათ საპასუხოდ. მტერი თუ გამომესარჩლებოდა. ეს სიტყვითაო, საქმეც რო ითქვა, ახლა საქმითაო, უფრო საქმითა: წერდა წერილებსა და ამტკიცებდა იგივესა: მცდარ გზაზე დგასო, ეს მე ცხადია და ჩემნაირები, იქვე რო ნიმუშები მოჰქონდა სოციალისტური რეალიზმის ჭეშმარიტი მიმდევრების ნაწარმოებებიდანა, რო ანვითარებდა თეორიასაცა სოციალისტური რეალიზმისა, ანვითარებდამეთქი დიახაცა, ჩვეულებრივ კრიტიკოსობას რო არა კმარობდა, თეორეტიკოსობდა კიდევაცა, ენგელსს ეყრდნობოდა განსაკუთრებითა და როცა ახალგაზრდები ერთობოდნენ იმისი თეორიებითა, იმისი გამოსვლების იმიტაციითა, ასე იწყებდნენ: „ენგელსის აზრით მექისა და ხაჟომიას ბრძოლა... ენგელსის აზრით... ენგელსის აზრით...“ იწყებდნენ და აგრძელებდნენ, ერთობოდნენ ერთისიტყვითა. ერთობოდნენ და გავერთობოდი მეცა, არც წავიკითხავდი იმის წერილებსა და ის იქნებოდა, ამითი მაინცლა აღარ შევიწუხებდი თავსა, მაგრამ ამასთან სხვაგვარადაცა საქმიანობდა აშკარადა და მოურიდლადა, ვაჟკაცური პირდაპირობითა, მუხანათს რო ვერ უწოდებდი, მაგრამ ჩემთვის რო კარგი არ ეთქმოდა რალა თქმა უნდა. ეს როგორც პასუხისმგებელი მდივანი „მნათობისა“. ეწინააღმდეგებოდა „ბურუსის“ დაბეჭდვასა ურნალშია. სიმონი მთხოვდა: ჩაურთე რაიმ ციტატები პარტიის განსაკუთრებული როლის შესახება, ეგება ცოტა მოისვენოსო. მეც ჩავურთე: პარტია სძლევს ყოველგვარ წინააღმდეგობას, პარტია ყველაფერს

ასწორებსმეთქი... ჩავურთე ჟურნალის ანაწყოში, გამოცემებში აღარ შემიტანია რაღა თქმა უნდა. ხოლო იმჯერად მაინცა ბუზღუნებდა ლავროსი: აქ ამდენი უბედურებაა დახატული, გამოსწორება სადღა არისო... შემდეგ რომანში იქნებამეთქი, ვითომ ვპირდებოდი, არ მიჯერებდა რაღა თქმა უნდა. რომანი მაინც იბეჭდებოდა: ერთი, მეორე, მესამე... და ჩანყდა ბენვის ხიდი მესამეზედა. ატყდა აურზაური, უარესი, ვიდრე პირველსა და მეორეზედა, დაბეჭვდაც რო აღარ დააცადეს, ცეკამ განიხილა, სტამბიდან გამოტანილი ანაწყოები ეჭირათ ხელში ცეკას ბიუროს სხდომაზედა. მერე ეს დაბრუნდა. დატრი-ალდა. ბობოქრებდა პარტიული კრება მწერალთა კავშირისა. გრგვინავდა მაშინდელი თავმჯდომარე, გრგვინავდა და უცებ ასეთი შეკითხვაც წამოსცდა, – ტრიბუნა რო უცნაურია, გატაცება რო იცის ტრიბუნამა, თავდავინყება რო იცის, წამოსცდა ასეთ წინდახედულ კაცსაცა: „რისთვისა ხარ შენ იქ, ამხანაგო ლავროსი, რისთვის გაგგზავნეთ?!“ წამოსცდამეთქი და წამოიჭრა ლავროსიცა ჩვეული სიფიცხითა: „რაო, არა გქონდათ სიგნალები თავის დროზე?!“ ექნებოდათ რაღა თქმა უნდა, იცოდა თუ რისთვისაც გაგზავნეს, სიმონ ჩიქოვანი დანიშნეს თუ არა რედაქტორადა, ის თუ რისთვის დაუსვეს პასუხისმგებელ მდივნადა. იცოდა. დაუსვეს ორმაგი მნიშვნელობითა: კაბინეტიც რო ერთი მისცეს ორივესა, ერთ ოთახში დასხეს. ვერც ვერავის მიიღებდა უიმისოდა, ვერც ვერავის ვერაფერს ეტყოდა, არც რო სტოვებდა თავის სკამსა ლავროსი, დილიდან სალამომდის არა სტოვებდა, ერთგული იყო სამსახურისა, მართლა ერთგული, ბუნებით გახლდა საქმის

ერთგული. მოხსნეს თუ არა სიმონი, ვითომ ისიც დასაჯეს დაშვებული შეცდომებისათვისა, რედაქტორთან ერთად პასუხისმგებელი მდივანიც რო იზიარებდა, გაანთავისუფლეს, ოღონდ სამსახური უბოძეს მაშინვე, სიმონს რო აღარ მისცეს სამსახური, დატოვეს ისე, სარჩოს გარეშე, ლიტერატურის გარეშე, სარჩო რო ვითომ იმდენი არაფერიო, ლიტერატურის გარეშე რო გაუჭირდა, მეტად გაუჭირდა. ლავროსის უბოძესმეთქი სამსახური გამომცემლობაში და იქაც ის დამხვდა, თუმცა სათოფეზე არ ვეკარებოდი რუსულ განყოფილებასა, აქ მაინც მოინვიეს: ამან გადასწყვიტოს „ბორიაცის“ ბედიო. გადასწყვიტოსმეთქი, დავთანხმდი მყისვე და მაინც არ გადასთქვეს, რო იცოდნენ, რო არ შეცვლილიყო დამოკიდებულებაი ჩვენი, რო არც არაფერს გადასთქვამდა ლავროსი, თავისი სიტყვის კაცი რო იყო. მართალია დრონი იცვლებოდნენ: ის გახლდათ 50-იანი წლები, ეს უკვე – 70-იანი წლები დამდგარიყო. მაგრამ ამათ მაინც ვერაფერი ვერ გაეგოთ ნუთისოფლისა, ამათა, ამ სამეულსა, რაც იყვნენ, იმადვე დარჩენილიყვნენ.

დაუძახეთო

და

დაუძახეს

და

მობრძანდა.

უთხრეს. ადვილად არ დათანხმებულა. ჯერ ის იკითხა, ავტორი თუ ინებებს ჩემს რეცენზენტობასაო. დაუდასტურეს. დავუდასტურე. მერე დაიჩივლა: ავადა ვარო, ადვილად ველარა ვკითხულობო. დაგიგვიანებთო. დაგიგვიანებო, – ველარ დაჰფა-

რა სიხარული ვერცერთმა: რამდენი ხანიც გენებოსო. ავტორი რას იტყვისო, შეყოყმანდა ლავროსი. რამდენი ხანიც გენებოთმეთქი. მოისვენებდნენ ისინიცა, მეც მოვისვენებდი. დამლალა ჰო „ბორიაყმა“, იმედიც ჰო გადამინყდა, აღარც ჰო აზრი აღარა ჰქონდა ამ რეცენზიასა, ტყუილადლა ვინამებდი თავსა, ტყუილადლა აღარ ვასვენებდი ამ თითქოსდა ყოველისმხრით შენუხებულ ადამიანებსა, სამეულსა გამომცემლობისა. ამათაც შვებით ამოისუნთქეს. მეც ჩავიქნიე ხელი. ორივე მხარეს ერთნაირად წარმოედგინა შედეგი: უარყოფით რეცენზიას მოიტანდა ლავროსი. მაგრამ მოჰხდა მოულოდნელი. ორიოდე დღის შემდეგ შემთხვევით შემხვდა დირექტორი „მერანისა“, მე არც რო გამოლაპარაკებასაც არ ვაპირებდი, თვითონვე მომაძახა: ლავროსი გაგიუებულაო, მომაძახა ისე, მართლაც შევწუხბდი: რა დაემართამეთქი. მოსწონებიაო. რა მოსწონებიამეთქი. შენი რომანიო, ნახე რეცენზიაო, თუ გინდაო, ჩვენ მაინც არ ვეთანხმებითო. მეც აღარ მინახავს ის რეცენზიაი, შინ რო წერილი დამხვდა ლავროსისა: ამ წერილს რეცენზიის სახით ვურდგენ გამომცემლობასაო, მე ამ რომანის დაწერას ველოდებოდითო, მე ახლა შემძლიან დამშვიდებული ვიყვე, თურმე არაფერი არ იკარგებაო. დაახლოვებით ამ აზრით იყო წერილი შედგენილი. თვითონ წერილი რა მექნა არ ვიცი, ველარ მივაგენი ჩემს ქალადებშია და ამიტომაც გამოვთქვამ ასე მორიდებულადა, თორემ კარგად მახსოვს იქ ბევრი რამ ეწერა, საუკეთესოდ რო ახასიათებდა „ბორიაყსა“, სიხარულს რო გამოსთქვამდა, მაღლობას რო უძღვნიდა ავტორსა ასეთი რომანის დაწერისათვისა. ვწუხვარ,

რო ველარ მივაგენი. ალბათ ნაევანყდები, როცა იქნება. რეცენზია მაინც შერჩებოდა გამომცემლობასა, შავიც იქნება ლავროსი კალანდაძის არქივშია. რაც თუ იქნება, მთავარი მაინც აქ ის არის, მაინც საშველი რო არ დაადგა „ბორიაყის“ გამოცემასა. დაიჯერეს, რო ლავროსი გაგიჟდაო, დაიჯერეს და არ ერნმუნენ იმის რეცენზიასა, აღარც აღარაფერს აღარ ეკითხებოდნენ და აღარც აღარაფერს აძლევდნენ სარეცენზიოდა. ეს გახლდათ შედეგი ამისა, მეტი რო ვერაფერი ვერ მოვიპოვეთ, ვერც რო ლავროსიმა და ვერც რო მე. მერე იყო, რო გაამნესეს „საბჭოთა საქართველოში“ „ბორიაყი“ რალა თქმა უნდა.

თუმცა არა:

ჯერ ვითომ გამოცემა დააპირეს, – მთავლიტსაც ჰო გაუგ ზავნეს და მიუთითეს სათანადო ადგილები, ვინცობაა გამოეპაროსო, რედაქტორიც გამოჰყვეს, ნოდარ დუმბაძესა სთხოვეს რედაქტორობაი, იმ იმედითა, რო წინააღმდეგი ნავიდოდა, რადგან რო უკვე მწერალთა კავშირის მდივნად დანიშნეს, წინასწარმეტყველებდნენ შემდგომ აღმატებასა იმისასა და ამისათვის კარიერას არ გაიფუჭებსო. ნოდარმა უყოყმანოდ მოაწერა ხელი, მხოლოდ ბოლო გვერდის ამოღება მთხოვა: ამიერკავკასიის ცაკის სხდომაზე როა ლაპარაკი. ამაზე აღარ ავხირებულვარ. ეს არც მთავლიტს ეჭაშნიკებოდა. მაინც არ იქნა, მაინც გაჯიქდა „მერანის“ სამეული. დირექტორი რო შეიძლება დათანხმებულიყო კიდევაცა, მაინც პოეტს უძახდა თავის თავსა, ის ორი გაჯიქდა მეტიმეტადა, სამეულის ის ორი ნევრი, ორი პროზაიკოსი, გაჯიქდა და თავისი გაიტანა. ცოცხალი თა-

ვით ამას არ დავუშვებთო. არც დაუშვეს, ისე აღესრულნენ. ღმერთმა სასუფეველი დაუმკვიდროთ!.. ანთუ ღმერთმა თვითონ იცის, ვინ როგორ მიიბაროს თუ ვის როგორ მოუაროს. ხოლო იმათ რაც შეეხებათ, როგორც შეეძლოთ, ისე იქცევოდნენ. დღეს ეგება რო ისინიც სხვაგვარნი ყოფილიყვნენ. დრო იყო ისეთი, ყველა რო ვერ გაუძლებდა, ანთუ: დრო იყო ისეთი, ყველაზე მდაბალი ვნებები რო ბატონდებოდა, ადამიანის ყველაზე ცუდი თვისებები რო ამოიფინებოდა სააშკარაოდა, უსირცხვილოდა და უსინდისოდა. ბევრი ბევრისაგან არ განირჩეოდა და არც რო საკვირველი გახლდათ, ისინიც რო უკეთურად იქცევოდნენ. არც ვასახელებ ამიტომაცა. მოვიხსენიებ თანამდებობებითა, ოფიციალური უფლებებით მოვიხსენიებ, სხვანიც რო ისევე ასრულებდნენ, თუმცა რო ზოგი ცოტა უკეთესადაცა, ცოტა მოხერხებულადაცა, ოღონდ ეს ცოტა საკმარისი არ გახლდა. მაინც სანატრელნი იყვნენ ასეთი ადამიანები. რაც იყო, ლავროსი მაინც დავასახელე თავისი სახელითა, თავისი გვარითა, რადგან ის უცებ შეიცვალა ჩემს თვალშია, უცებ წარმოსდგა თავისი ნამდვილი სახითა, ხოლო მანამდე თუ რასაც აკეთებდა, მხოლოდ ნილაბი გახლდა, იძულებითი და მტანჯველი, მტანჯველი და იძულებითი ნილაბი, ისეთი დღეები გადაეტანა 37-ში, ისეთი ძრწოლა გამოეველო. თვით ბერიას გამოეძახნა დაკითხვაზე. იმის თვალებს რო იგონებდა, რეტი ესხმოდა. დაწერა. გამოაქვეყნა კიდევაცა ბოლო ხანებშია. ოღონდ ნაწერი მაინც ნაწერია, მოყოლა კიდევ სხვა რაიმ გახლავს, იგივე განცდა რო ცოცხლდება. ერთხელ მეც მომიყვა და თვალთ აუჭრელდა. დატორტმანდა. რაფას

მოეჭიდა. ფანჯარასთან ვიდექით. მეც ხელი შევაშველე. მოსდევდა ის შიში, მოსდევდა, მოჰყიოდა. იმათ არაფერი, იმ სამეულსა, სიკეთის მეტი არაფერი არ მიეღოთ ამ ცხოვრებისაგანა და უფრთხილდებოდნენ ბოძებულ სიკეთესა, უფრთხილდებოდნენ.

და ეგონათ, რო „ბორიაყი“ ემუქრებოდა იმათს სიკეთესა: მოგვხსნიანო, შფოთავდნენ, ჰოდა ჰო აილეს და გაუბოძეს სხვა გამომცემლობასა. აქ ჰო მზაკერობაც ერია და ისიცა რო, არც რო ისინი აიტიკივებდნენ აუტიკივარ თავსა; მტიკიცებითა თუ მოთხოვნით ჰო ისინიც იგივეს ამტიკიცებდნენ თუ იგივეს მოითხოვდნენ, ხოლო მერე ჰო ისიც გაირკვა, – ჩემთვისა, თორემ იმათთვის ჰო გარკვეულ იყო მანამდისაცა, – პირველი გამოცემის უფლება რო ჩამორთმეოდათ, გაირკვა და იქიდანაც ავიკარი გუდანაბადი. ადვილი სათქმელია!.. ამ ორ გამომცემლობას შორისა ტრიალებდა ჩვენი ნიგნები, სხვა გასაქანი რო აღარ იყო. „ნაკადულს“ არ შეეფერებოდა „ბორიაყი“. „ნაკადულში“ ჩემი სოფლის ეტიუდები იბეჭდებოდა, ამითილა ვითქვამდი სულსა. ამასობაში „მერანში“ უფროსობა შეიცვალა და ჩემთვის სასიკეთოდ შეიცვალა: ხელგაშლით შემეგებნენ, ყოველგვარი დახმარება აღმითქვეს, მწვანე შუქი გექნება ამიერიდანაო, დამარწმუნეს. არცთუ ადვილად ვერწმუნებოდი რალა თქმა უნდა, მაგრამ მდგომარეობა მაინც შეიცვალა, მაინც კმაყოფილება თუ დამშვიდება მმართვებდა, მაინც სიამოვნებით მივდიოდი, სიამოვნებითვე რო მეგებებოდნენ, მაგრამ სიამოვნება სიამოვნებადა რჩებოდა, აღთქმა აღთქმადა, არ იცვლებოდა არაფერი, არსებითად არ იცვლებოდა.

წინააღმდეგობა აღარ მეჩხირებოდა, მაგრამ თანხმობაც გადაულახავი აღმოჩნდა, გადაულახავიცა და გამალიზიანებელიცა. უკვე ის წინააღმდეგობა მერჩივნა. მედავებოდნენ, ვედავებოდი, მზაკვრობდნენ, გული მომდიოდა, ახლა რაღაო: მეფერებოდნენ და ამაზე მომდიოდა გული. ეს უფრო ძნელი ასატანი გამოდგა. ამიტომაც იყო რო ვეუბნებოდი: აქ ჩემი მტრები ისხდნენ და მეტს ვერაფერს მაკლებდნენ, გარდა იმისა, რო ჩემს წიგნებს არა სცემდნენ-მეთქი, ახლა ჩემი მეგობრები ჩასხედით და მეტს ვერაფერს მიკეთებთ, გარდა იმისა, რო ჩემს წიგნებს არა სცემთმეთქი. მებოდიშებოდნენ, თავსიმართლებდნენ, მოიდებდნენ ათასგვარ მიზეზსა, - ქალღი მოგვაკლესო, გეგმა ვერ შევასრულეთო, სტამბები გვლალატობენო, მოიდებდნენ ათასგვარ მიზეზსა, მართალიც რო იყო და არც იყო მართალი, სხვების წიგნები რო გამოდიოდა დაუბრკოლებლად, მე მებოდიშებოდნენ, მიყვავებდნენ, არ იშურებდნენ კეთილ სიტყვასა, ასე განსაჯე, რო ქებასაც რო არ იშურებდნენ, სხვებს რო მოხიბლავდა, ისეთ ქებასა, მაგრამ ვაგლახ რო აღარაფერს აღარა ჰქონდა ფასი ჩემს თვალში, აღარც ქებასა, აღარც ძაგებასა, ვაგლახ!..

ის ხელმძღვანელობაც შეიცვალა გამომცემლობაში. თითქოს რო საშველიც დაადგა „ბორიაცსა“. ოღონდ აქ ერთი კურიოზიც მოჰხდა და ურიგო არ იქნება, ისიც რო აღვნიშნო, როგორც ბიოგრაფია „ბორიაცისა“, როგორც დამახასიათებელი ნიშანი ჩვენი საგამომცემლო საქმიანობისა. აქ არც ცენზურა არაფერ შუაშია, არც შიში ზემდგომი ორგანოებისა, არც პრინციპულობა თუ უპრინციპობა

გამომცემლობის მესვეურებისა, არც შური თუ რა-
 ლაც ამგვარები, მხოლოდ კურიოზია და დამახასია-
 თებელი კურიოზი, ანთუ დამადასტურებელი იმისა
 თუ რა შეიძლება გადაჰხდეს ერთ ნიგნსა, რა მეო-
 რესა, ერთდამავე გზაზედა, ერთდამავე გამომ-
 ცემლობაში. ერთი ჰო უკვე მოგახსენეთ: „ბორიაც-
 ში“ გადაცვალესმეთქი და ის ჰო გამოვიდა იმავე
 წელსა, უკვე აღარც ახსოვდათ თუ როდის გამოვი-
 და, არც რო ის ახსოვდათ, გამოვიდა თუ არა, ანთუ
 არსებობდა თუ არა ასეთი ნიგნი, და აი კიდევ გა-
 მოტყვრა სხვაცა... გამოვიდა ნიგნი, რო არავის არ
 გაეგონა, რო არცერთ გეგმაში არა ყოფილა, ისეთი
 ნიგნი, უცებ გამოვიდა. უცებ გამოვიდა და აღ-
 შფოთდნენ მწერლები, ის მწერლები, რომელთა
 ნიგნებს არცთუ ებრძოდნენ ასე „ბორიაცივითა“,
 შეჰქონდათ გეგმაში, ძირითად გეგმაში, და გადაჰ-
 ქონდათ გეგმიდან გეგმაში, რო ვერ ასრულებდნენ
 გეგმებსა ცხადია, ოღონდ გადაჰქონდათ სწორედ
 ისინი, ისევ ისინი და ისევ ისინი, და აი აღშფოთ-
 დნენ, ასტეხეს ხმაური, გაასაჩივრეს, ჩარიეს ზემ-
 დგომი ორგანოები. ეცნენ საგამომცემლო კომი-
 ტეტსა. იქ ხელი დაიბანეს, ჩვენ არაფერი არ ვიცე-
 თო. გამომცემლობა ველარ დაიბანდა ხელსა, – ნიგ-
 ნი გამოვიდა. გამომცემლობას სხვაგვარად უნდა
 გაემართლებინა თავი, თუმცა რო გამომცემლობა
 არა ტყუოდა. გადანყდა ზეპირი შეთანხმებითა: გა-
 მომცემლობის დირექტორს დაურეკა გამომცემ-
 ლობათა კომიტეტის თავმჯდომარემა და ნიგნი გა-
 მოვიდა თავბრუდამხვევი სისწრაფითა, როგორც
 დაადგინეს – 18 დღეშიო, გონს მოსვლა რო ვერავინ
 მოასწრო. მერელა მოვიდნენ გონსა, ნიგნი რო გამო-

ვიდა. გამომცემლობამ ისლა მოახერხა, უკანა რიცხვით რო ჩასვა სანარმოო გეგმაშია, ოღონდ გეგმიდანაც ჰო უნდა ამოელო სხვა რომელიმე ნიგნი?.. უნდა ამოელო!.. და ამოიღო „ბორიაცის“. თაბახების რაოდენობაც ემთხვეოდაო, მიხსნიდა დირექტორი, და თანაც შენ რო გამიგებ, სხვა ისე ვინ გამიგებსო, მიბრძანეს და უარი დაარტყესო, სხვა ველარაფერი ველარ ვილონეო. მეც რალა მრჩებოდა, – უნდა მწყენოდა და უნდა გამეგო კიდევაცა, ჩვენ იმდენი ხნისა და ისეთი კეთილი ურთიერთობა გვქონდა, უნდა გამეგო. ამასთან კიდევაც მანუგეშებდა, ჩაიაროს ამ ამბავმაო, შენს ნიგნს ბრძანებით გამოვცემო. გამეგონა ასეთი წესიცა: ნიგნები რო გამოდიოდა ბრძანებითა, გამოდიოდა და გამოდიოდა, იყვნენ ასეთი პრივილეგირებული მწერლებიცა, ოღონდ დაენერათ, გეგმა არ უნდოდათ, ლოდინი არ უნდოდათ, რეცენზიებსაც მიუძღვნიდნენ კრიტიკოსები და ბეჭვდამდისა. იყო ასეთი ბედნიერი ნიგნები, ეს ნიგნიც რო ბედნიერი გამოდგა – 18 დღეშიო. თუმცა ჰო: ბრძანებით გამოვცემო, მერმისამდის აღარ დაგაყოვნებო. მაგრამ დაყოვნდა. დაყოვნდა. ბრძანება დაინერა. კომიტეტში გაიგ ზავნა დასამტკიცებლადა, საგამომცემლო კომიტეტშია რალა თქმა უნდა, ოღონდ... კომიტეტის თავმჯდომარედ ის კაცი შეეგება „ბორიაცის“, ის კაცი, ვინც რო „მნათობში“ რედაქტორად დაჰხვდა. სასეიროა არა!.. დახვდა და უარჰყო, აღბათ რო სამართლიანი შენიშვნითა: გეგმები ვერ შეგისრულებიათ, რა დროს ბრძანებით გამოვცემაო, – აღბათ რო სამართლიანი შენიშვნითამეთქი, იქვე და იმავე წუთს სხვა ბრძანებითი გამოცემებისათვის რო არ მოეწერა ხელი.

მაინც გამოვიდა „ბორიაყი“, როგორც იქნა გამოვიდა. იგივე დირექტორმა დაბეჭდა, აკინძვით სხვა დირექტორის ხელში აიკინძა. დრო გადიოდა. ყველაფერი იცვლებოდა: დირექტორები იცვლებოდნენ, კომიტეტის თავმჯდომარეებიცა, შეხედულებებიც იცვლებოდა, ცენზურაც იცვლებოდა, თამამდებოდა სალიტერატურო სარბიელიცა, ბედი არ იცვლებოდა „ბორიაყისა“, ბოლოს ესეც რო შეიცვალა, უცვლელი რო არაფერი არ არის ამ ქვეყნადაო.

მაინც გამოვიდა.

ეს მეორე გამოცემად ჩაითვლება, მაგრამ ცალკე ნიგნად მაინც პირველად გამოდის.

3 ნოემბერი, 1989

მინანერი:

ეს მეორე გამოცემად ჩაითვლებაო – ვერა, მაინც ვერ გაუჭრა ბედმა. ახლა მარტის 31-ია 2006 წლისა. და ისევ პირვანდელი გამოცემა მიჭირავს ხელშია...

„თქვენ გმირი მოგხიბლავდათ“ ...

ოთარ ჩხეიძის რომანის
„ბორიაცის“ მიხედვით

ცენტრალური რუსული პრესა „გარდაქმნის“ მერე არა მარტო თავის დროზე რეპრესირებულ, გადასახლებულ და გარდაცვლილ მწერალთა დაუბეჭდავი ნაწარმოებებით აივსო, არამედ ცოცხალ, ამჟამად მოღვაწე არაერთი მწერლის ნაწარმოებებმაც იხილა დღის სინათლე. აღმოჩნდა, რომ საარქივო პორთფელები თუ იატაკქვეშა უჯრები სავსე ყოფილა მრავალი საინტერესო მოთხრობით, რომანით, პოემით, რომელთა მხატვრული ღირებულება, ბუნებრივია, მეტნაკლები ესთეტიური მნიშვნელობით ხასიათდება, მაგრამ ეს მწერლები პრობლემატიკის, აქტუალობის, დროის სატკივრის თვალსაზრისით წლების განმავლობაში ჯიუტად იღვწოდნენ და მუშაობდნენ, უძრაობის რთულ პერიოდში, ისევე როგორც რეპრესიების საბედისწერო წლებში, ფარ-ხმალს არ ყრიდნენ, ხელიდან არ უშვებდნენ ბოროტების წინააღმდეგ საბრძოლველ საკუთარ უმთავრეს იარაღს – მხატვრულ სიტყვას.

ამ მხრივ ქართულ ლიტერატურულ სამყაროში აშკარად განიცდება უკმარისობის გრძნობა. და ეს მაშინ, როცა ფაქტიურად მოიხსნა სახელმწიფო ცენზურა, აზრისა და შემოქმედებითი პროცესის ეს უპირველესი და უმძლავრესი მუხრუჭი. აღმოჩნდა, რომ დროის განცდით დაღდასმული, ძლიერი და მნიშვნელოვანი გამოუქვეყნებელი ნაწარმოები თითო-ორო-ლა გამონაკლისის გარდა, არც გვქონია. ეს იმიტაცა იხსენება, რომ ქართველ მწერალ-რედაქტორთა საუკეთესო (მცირე) ნაწილი საკუთარი მოქალაქეობრივი გამბედაობითა და პირადი რისკით ასეთი ნაწარმოებების დასტამბვას ბედავდა და არ უშინდებოდა.

მე არ ვიცი, როგორ განვითარდება „გარდაქმნის“ შემდგომი პერიოდი, რით დასრულდება იგი, ამ პროგნოზირების უფლება იქნება იმის გამოც არა მაქვს, რომ საკმაოდ სკეპტიკურად ვარ ყოველივე იმისადმი განწყობილი, რაც საკავშირო მასშტაბით ხდება. დიდი ანგარიშით ეს „გარდაქმნა“, პირადად ჩემთვის, „პოლიტიკური სპექტაკლის“, გრანდიოზული პოლიტიკური სპექტაკლის ხელნერით აფროა შესრულებული, ვიდრე ჭეშმარიტი, რადიკალური ცვლილებების, გარდაქმნებისა და იმპერიის მსხვრევის სურვილით, მაგრამ რითაც უნდა დამთავრდეს, მოცემულ ეტაპზე ქართული ლიტერატურისათვის იქნებ იმიტომაც ღირდეს იგი, რომ ამ წლებს, ამ ეპოქალურ ქარიზმებს როგორღაც გამოვტაცეთ, ხელიდან გამოვგლიჯეთ გრიგოლ რობაქიძის ფენომენი. მომავალ თაობებს, ისე როგორც დღევანდელ მკითხველს, საშუალება მივეცით არა მხოლოდ „გველის პერანგი“ ნაეკითხა ათეული წლების მერე ხელახლა, არამედ სრულიად უცნობ ესსეებს, გამოკვლევებსა და რომანს

(„ჩაკლული სული“) გასცნობოდა. ბედნიერებაა, რომ არა მხოლოდ პრობლემატიკის, არამედ ოსტატობის თვალსაზრისითაც მომავალი ლიტერატორები აღმოჩენებისა და შეგირდობის სასიამოვნო წლებს გაივლიან ამ დიდი მხატვრისა და მოაზროვნის წყალობით.

თვით ბედისწერის თვალსაზრისითაც სავალალო და სიმპტომატური ფაქტია, რომ გრიგოლ რობაქიძის რომანი „ჩაკლული სული“ ქართულ ენაზე კი არა, გერმანულ ენაზე მოგვეპოვება და დღესდღეობით მხოლოდ ჟურნალ „მნათობში“ გამოქვეყნებული თარგმანის მეშვეობით ვეცნობით მას. სწორედ გერმანულის წყალობით იმდროინდელი ევროპული საზოგადოება თავის დროზე რომანით „ჩაკლული სული“ ეზიარა იმ რთულსა და უმძიმეს წლებს, იმ აბსურდულ, გამოუვალ ყოფასა და სიმძიმეს, ეჭვითა და უნდობლობით გაჟღენთილ იმ პოლიტიკურ ატმოსფეროს, რომელშიც ეს სამოთხისდარი ქვეყანა – საქართველო იყო ჩათრეული...

მინიმუმამდე იყო დაყვანილი ის სიტუაციები, საშუალებები და პროცესები, რომლებშიც ადამიანი თავის საუკეთესო თვისებათა ჩვენებასა და გამჟღავნებას შეძლებდა. სამაგიეროდ, ყველაფერი კეთდებოდა იმისათვის, რომ ადამიანს თავისი ამალღებული, კეთილშობილური სახე დაეკარგა და პიროვნება არარაობად ქცეულიყო. იყო პერიოდი, როცა ათასნაირ დაჯგუფებებს, საზოგადოებებსა თუ პარტიებს შორის სულ უფრო და უფრო სატანური სისწრაფით ძაღლონეს იკრებდა ბოლშევიკური პარტია, სულ უფრო მეტი უდანაშაულო ადამიანის სისხლი იღვრებოდა. ეს გააფთრებული წლები სიკეთისა და ბოროტების მარადიული ბრძოლის კიდევ ერთი კატასტრო-

ფული პოლიტიკური ეტაპი იყო, რომელშიც ისე როგორც არასდროს, ეროვნული ცნობიერება მეთოდურად, შემდეგ კი აშკარა თავდასხმებით, ფანტასმაგორიული, კომმარული მეხთატეხებით ისრისებოდა. „ჩაკლულ სულში“, – გერმანულ ენაზე შემორჩენილ ამ უაღრესად ქართულ რომანში (სათაურშივეა გახსნილი რომანის არსი), სამკვდრო-სასიცოცხლო ბრძოლა წარმოებდა ეგრეთ ნოდებულ ბოლშევიკურ კოსმოპოლიტიზმსა და ჯანსაღ ეროვნულ ცნობიერებას შორის. სწორედ იმის გამო, რომ მიზნის მისაღწევად და საკუთარი პლატფორმის განსამტკიცებლად ბოლშევიზმი ნებისმიერ საშუალებას ამართლებდა და ანტიჰუმანურ, ანტიადამიანურ მეთოდებს იყენებდა, ამ მეთოდებისა და ცნობიერების მსხვერპლი მრავალი ღირსეული პიროვნება ხდებოდა. ეს კი, თავის მხრივ, ხელს უწყობდა ეროვნული ცნობიერების პარალიზებასა და დეგრადირებას, ეროვნული სულის მოშობას, მის სრულ გაქრობასა და გაუჩინარებას. რობაქიძე, მისი მწერლური და ადამიანური ბედისწერა მომავალში მრავალ მკვლევარს მისცემს დაფიქრებისა და აღმოჩენების საშუალებას. რობაქიძის ფენომენი, ისევე როგორც მთლიანად მისი პიროვნული და მხატვრული სამყარო, ცალკე უზარმაზარი თემაა...

დღევანდელი არქივებიდან, ქრონიკებიდან, პრესიდან უკვე უამრავი რამ გაირკვა. უამრავ სავალალო და თავზარდამცემ საიდუმლოს აეხადა ფარდა. ნლობით ტაბუდადებული უამრავი თემა წარმოჩინდა... გაირკვა და ირკვევა, რომ შემოქმედმა ადამიანმა ამ დოკუმენტების საშუალებით, ამიერიდან შესაძლოა, გამუდმებით კვებოს თავისი მხატვრული წარმოსახვისა და ფანტაზიის უნარი. დარწმუნებულიც ვარ,

რომ მომავალი თაობა არაერთ ღირებულ მნიშვნელოვან მხატვრულ დოკუმენტს შექმნის ამ მძიმე წლების შესახებ. მაგრამ ეს მომავლის საქმეა.

ამჯერად კი ჩვენს სინამდვილეში, ჩვენს ლიტერატურულ სამყაროში არსებობს უაღრესად საყურადღებო, მნიშვნელოვანი მხატვრული ნაწარმოები, უაღრესად მართალი და მძაფრი რომანი, რომელიც ეკუთვნის დღეს მოქმედ მწერლებს შორის ერთ-ერთ ყველაზე გამორჩეულს, ოთარ ჩხეიძეს. ეს რომანია „ბორიაყი“ (რომელიც, თუ არ ვცდები, დაახლოებით ოცი წლის წინათაა დაწერილი და რომლის მიხედვითაც რეჟისორმა, გიორგი შენგელაიამ შესანიშნავი ფილმი „ახალგაზრდა კომპოზიტორის მოგზაურობა“ გადაიღო. ქართულ კინემატოგრაფიაში იგი ერთადერთი ფილმია, რომელშიც რეპრესიის წლების შედეგად მოგვრილი შიში უაღრესად ფიზიკურადაა განცდილი და ამ გრძნობის, სულიერი და ემოციური სფეროს დათრგუნვისა და ტერორიზების შედეგად მოგვრილი განცდები ვიზუალურად, ფანტასტიკურადაა მიღწეული და გადმოცემული. მე არ ვგულისხმობ და საგანგებოდ არ ვასახელებ თენგიზ აბულაძის ფილმს „მონანიებას“, რომელიც, პირადად ჩემთვის, სხვა კუთხით უფროა მნიშვნელოვანი და საინტერესო, ვინემ შიშის, როგორც თავისუფლების უძველესი და მარადიული ჯალათის, წარმოჩენის თვალსაზრისით... გიორგი შენგელაიას ფილმში ნებისმიერი კადრი, ნებისმიერი სახლი, ნებისმიერი ეზო-კარმიდამო, თვით ჰაერიც კი ამ დამთრგუნავი, ყოვლისმომცველი და შეურაცხმყოფელი შიშითაა აღსავსე და დამუხტული).

შორს ვდგავარ იმ აზრისაგან, თითქოს ადამიანის, პიროვნების წარმოჩენას შემოქმედებაში, კერძოდ

ლიტერატურაში, უსათუოდ ეპოქალური ძვრები, ექსტრემალური სიტუაციები, მოულოდნელი კოლიზიები და ა.შ. მსგავსი „ხელშემწყობი“ მომენტები განაპირობებენ.

ნებისმიერ დიდ ლიტერატურაში, რაზედაც უნდა წერდეს მწერალი, სოციალური გარემო, ეპოქა თავისთავად, ბუნებრივად და ძალდაუტანებლად წარმოჩინდება. თვით ასკეტების მიერ დატოვებულ დოკუმენტებში, საცა სულიერი ცხოვრება მხოლოდ მაღალ მატერიებზე ფიქრსა და ზრუნვაში მიედინება, საცა თითქმის გამოხურულია ამქვეყნიური ყოფისა და ცხოვრების მძიმე კარი, უამიდან უამზე მაინც გაჟონავს ხოლმე ეპოქის სული, ყოველ შემთხვევაში – იმ მიზეზების მცირე და ფერმკრთალი ანარეკლი, რომლის გამოც პიროვნება უარს ამბობს ამქვეყნიურ ცხოვრებაზე და საბოლოოდ მიდის ჩვენგან. რადგან ასკეტებად არ იბადებიან, ასკეტობამდე მიდიან. ასევე მწერლობაც, შემოქმედებაც, რომელიც ერთსა და იმავე დროს რალაც დოზით ამ ასკეტობასაც, ამქვეყნიური ცხოვრებისაგან განრიდებასაც გულისხმობს და იმ შეჭირვებებისადა სიმძიმეების საკუთარ თავზე გადატანასაც, რომლითაც ესა თუ ის ხალხი ცხოვრობს ამა თუ იმ სოციალურ, პოლიტიკურ, ისტორიულ მონაკვეთსა და პირობებში. ეს ბუნებრივია, რადგან ნებისმიერი დიდი მწერალი თავისი ეპოქის ღვიძლი შვილიცაა. რაც უნდა წინასწარჭვრეტის, ღრმა ინტუიციისა და მსოფლმხედველობის მწერალთან გვექონდეს საქმე, რომელიც ხშირად მოვლენებს წინ უსწრებს და ეპოქას უკან ჩამოიჭოვებს ხოლმე, ის მაინც თავისი ეპოქის შვილი, თავისი დროის პირმშო და პროდუქტია, მეტიც, თავისი თაობის სულისკვეთების წარმომ-

ჩენი და მატარებელია. ეს ტრივიალური ჭეშმარიტებაა და ამაზე სიტყვის გაგრძელება ალბათ აღარ ღირს.

მაგრამ ერთი კი აშკარაა, ისე როგორც მდორე, მშვიდი, კონფორმიზმით აღსავსე დღეები წიაღში ჩაფლულ ადამიანში ხდება მოულოდნელი ცვლილებები, როდესაც ეს ადამიანი ექსტრემალურ, მძიმე სიტუაციაში მოხვედრისას ლაკმუსივით გამჟღავნდება და საკუთარ თავს საკუთარ პერსონას სრულიად მოულოდნელ ხარისხებში აღმოაჩენს, ასევეა ეპოქალური ძვრები, ისტორიული გარდატეხები, სოციალურ-პოლიტიკური ცვლილებები, ეკოლოგიური კატასტროფები, ეთნოკრიზისული მომენტები და ბრძოლები. ყოველივე ეს, ერთად აღებული, და კიდევ უამრავი თვალთ ხილული თუ უხილავი პროცესი და მოვლენა უფრო თვალსაჩინოდ გამოხატავს ერის ხასიათს, ერის თვისებებს, პოტენციას, მის ღირსებებსა თუ ჩრდილოვან მხარეებს.

ბუნებრივია, ეს ერები, ეს ხალხები, საზოგადოებები, ესა თუ ის დაჯგუფებები ადამიანებისაგან შედგება და სწორედ ხსენებული, ჩამოთვლილი პროცესები იძლევა იმის საშუალებას, რომ ადამიანებში პიროვნებები აღმოვაჩინოთ. სწორედ ამ დროს გამოიკვეთება ასე ცხადად და თვალსაჩინოდ პიროვნების მსოფლმხედველობა, ტემპერამენტი, პასივობისა თუ აქტივობის, სიყვარულისა თუ სიძულვილის, რწმენისა და იმედის უნარი, კრიტიციზმი, გონიერება, დიპლომატია და ა.შ.

პიროვნული კრედოს, პიროვნული ინტერესებისა და შესაძლებლობების თვალსაზრისით უაღრესად საინტერესოა ოთარ ჩხეიძის თვალსაჩინო რომანი „ბორიაცი“, რომელშიც ქართული ხასიათი სწორედ პიროვნ-

ნებათა შემწეობითაა ნაჩვენები. ამ ხასიათის მრავალფეროვნება, სიღრმე და ტრაგიზმი სწორედ პიროვნებათა მიერაა გაცხადებული. რომანში, თითოეული ადამიანის მორალურ-ეთიკური და ზნეობრივი სტატუსი, ეროვნული და, საერთოდ, პიროვნული მრწამსი, სწორედ მწვავე სოციალ-პოლიტიკური ვითარების გამუქებისა და გამწვავების ფონზე გამოიხატება...

ესაა ისტორია შემოქმედებითი ინტელიგენციის წრიდან გამოსული კაცისა, ახალგაზრდა კომპოზიტორისა, რომელსაც საბედისწერო ისტორიულ-პოლიტიკურ ვითარებაში უწევს თავისი მიზნისა და იდეის განხორციელებისათვის საჭირო მოღვაწეობა.

ნიკუშა ჩაჩანიძე, ახალგაზრდა კომპოზიტორი, ცხოვრობს და იღვნის მხოლოდ და მხოლოდ როგორც ხელოვანი, მიუხედავად იმისა, რომ პრინციპში მისი მიზანი – რაღაც უნდა დაუჯდეს ქართლში მოგზაურობის დროს ჩაწეროს და შეაგროვოს უნიკალური ხალხური სიმღერები, – თავისი არსით, მართლაც, ეროვნული, პატრიოტულია. თუმცა თავად ამ საქმიანობას არ უყურებს მაინცდამაინც როგორ პატრიოტი, როგორც მოქალაქე. იგი ამასაც უფრო ხელოვნების სიყვარულით აკეთებს.

ამიტომაც, რომ თითქმის მთელი რომანის მანძილზე იგი როგორც პიროვნება, დროის კონტექსტიდან აბსოლუტურად ამოვარდნილია, აბსოლუტურად სხვა განზომილებაში ცხოვრობს, ეს განზომილება კი სხვა არაფერია, თუ არა ხელოვნება, თუ არა მუსიკა, მუსიკის დრო და მუსიკის სივრცე. მუსიკა, მუსიკა და სხვა არაფერი...

ამიტომაც, რომ ნიკუშა ჩაჩანიძე ვერც თავისი მოამაგე პედაგოგის გაფრთხილებას აღიქვამს მთელი

სერიოზულობით, მძიმე და უამია ეგ საქმე მომავლისათვის გადავდოთო. იგი, მთელი ამ მოგზაურობის დროს, თითქმის არაფერს აქცევს ყურადღებას, – არც გარემოს, არც ბაზრებში მოზიბზიბე ხალხს, არც გზადაგზა მალლობ ადგილებზე წამომართულ ციხეებსა თუ სალოცავებს:

„ელოდა და მიეშურებოდა, ისე რიგად მიეშურებოდა, არც დამახსოვრებია სადგური გორისა, არც ის დახსომებია, თუ ვისა ჰკითხა, ეტლი სად იქნებოაო. არც ისა, ეტლამდის ვინ მიაცილა, თუ ვინ ჩაუჯდა სადგურიდან გორის ციხემდისა. ასე გასინჯეთ, ციხეც როდი დახსომებია, ან არც თუ შეუხედავს, ან ისე გადაუცურებია თვალი, ბაზარზედაცა, ხალხზედაცა, ერთი სიტყვით, ყველასა და ყველაფერზედაცა, არც თუ უხილავს, არც რა დახსომებია, ისე მიეშურებოდა, ისეთი რამ ამოეჭრა გულში...“

„... ითმენდა მაინცა, ითმენდა და წამოსცდებოდა კრძალვითა, გაუბედავად. მხოლოდ კითხვად თუ წამოსცდებოდა, ვერ აჩქარდებიან ცოტა მეტადაო, – ასე კითხვად წამოსცდებოდა და კითხვითვე მოუგებდა მეეტლეცა: თუ გაგიგია, რასა ფასობდა ჩანახი ქერი ამ კვირია ბაზარზედაო. მიუგებდა და დაუნრუპუნებდა, აქეთაცაო, იქითაცაო, ცხენები ყურს მაინც არ შეიბერტყავდნენ. ამისი რა გითხრა, რო არ გაეგო, ჩანახი ქერი თუ რა ღირდა ბაზარზედაო. არც გაეგო და ვერც გაიგებდ, მხოლოდ სიმღერის ფასი იცოდა, ღირსება იცოდა, სიღიადე იცოდა მელოდიისა. ბაზრისა, არა, არაფერი იცოდა, არაფერი გაეგებოდა, ვერც მიუგებდა და უნდა ეჩაქჩაქა, ეჩაქჩაქა რახან ვერაფერს მიუგებდა. აბა, მაშ რაო, შეეკითხებოდა კიდევ თუ წამოსცდებოდა, შეეკითხებოდა მეეტლეცა აგ-

რეთვე, ბევრად უარესსაც შეეკითხებოდა, ვერც ვერას მიუგებდა ეს ჩემი მგზავრი, არცთუ ცხენები აუჩქარდებოდნენ...“

ეს არის შემოქმედი ადამიანის პიროვნული ტრაგედია, რომელიც ისტორიული უკუღმართობის გამო ვერ აღწევს თავის მიზანს, სანუკვარ ოცნებას – შეკრიბოს და გადაამუშაოს ხალხური სიმღერები.

ახალგაზრდა კომპოზიტორის მაგალითზე, მისი ცხოვრებისა და ინტერესების სფეროს ანალიზისას განსაკუთრებით ნიშანდობლივი ხდება ერთი მომენტი:

ადამიანი, ხელოვანი იქნება ის თუ არახელოვანი, ძნელად ეგუება ფაქტს, რომ მისმა ცხოვრებამ უაზროდ, უმიზნოდ ჩაიაროს, პირიქით, ნებისმიერი ჩვენგანი ცდილობს, ცხოვრებას აზრი მიანიჭოს და ამ აზრის მინიჭება, ხშირ შემთხვევაში იდეალის ძიებით, იდეალის დასახვით ხდება. სწორედ იდეალის მემშვეობით იმუხტება ადამიანის ცხოვრების აზრი, სწორედ იდეალის მემშვეობით ედება მის არსებობას ფასი.

ნიკუშა ის პიროვნებაა, რომელსაც არასოდეს ხმამალლა არ განუცხადებია თავისი არსისა და დანიშნულების შესახებ ეროვნულობის, პატრიოტულობის კონტექსტში. მისი მიზანი, სხვა არაფერია, თუ არა ახალგაზრდა ხელოვანის მოქალაქეობრივი და მამულიშვილური მისია – შეკრიბოს და შეაგროვოს ქართული ხალხური სიმღერები, გადაარჩინოს, შთამომავლობას შემოუნახოს ქართული ხალხური გენიის მარგალიტები, მაგრამ ეს დიდი და მალალი ანგარიშით, ასე, ამ თვალსაწიერიდან ჩვენ, გარეშე ადამიანები ვუყურებთ მის ღვანლს. ის ადამიანები, რომლებმაც ვიცით ამგვარი შრომის ნამდვილი ფასი. ამიტომ

ახალგაზრდა კომპოზიტორის საქციელს, ძნელბედობის უამს იმოგზაუროს ქართლში და შეაგროვოს ხალხური სიმღერები, ჩვენ ნამდვილ გმირობად, პიროვნულ ძლიერებად აღვიქვამთ. თუ ყურადღებით გავადევნებთ თვალს ამ ხასიათს, პერსონაჟისათვის დამახასიათებელ სხვადასხვა თვისებებს, მისი ბუნების ნიუანსებს, დავინახავთ, რომ ოთარ ჩხეიძემ მათი შემწეობით სხვა არანაკლებ მნიშვნელოვან ფსიქოლოგიურ, სოციალურ, ზნეობრივ, ეთიკურ-მორალურ მომენტებს მიაქცია ყურადღება და მოგზაურობის, ესე იგი, ქმედების არეალში, არანაკლებ საინტერესო და მნიშვნელოვანი დასკვნები გამოიტანა, ვიდრე ეს ერთი შეხედვით შეიძლებოდა მომხდარიყო.

ნიკუშა ჩაჩანიძის მაგალითზე ავტორმა გვიჩვენა, რომ არსებობს ადამიანური მისია. უფრო სწორედ, ადამიანური ბუნება-ხასიათი, რომელსაც ამა თუ იმ მისიის გარეშე ყოფნა ერთი ნამითაც არ შეუძლია და რომლის შესრულებაშიც ეს ადამიანი თავისი ამქვეყნად ყოფნის გამართლებას ხედავს... კერძოდ, ნიკუშა ჩაჩანიძე – ესაა ხელოვანი, რომელიც ისეა შეპყრობილი საკუთარი მიკროსამყაროთი, საკუთარი შემოქმედებითი მიზნით, ხელოვნებას იმდენად ეკუთვნის იგი მთელი თავისი არსებით, რომ ხშირად მისი პიროვნული მისწრაფებები არათუ ვერ „ჟღერენ“ უნისონში დროის პრობლემებთან, არამედ ეწინააღმდეგებიან კიდევც მას. ნიკუშა ჩაჩანიძის პიროვნული ცხოვრება სოციალურ-პოლიტიკური, ისტორიული ყოფის დინების პარალელურად კი არ მიედინება, დინების საწინააღმდეგოდ მიემართება და ხშირად, როცა გარე სამყარო თავის მოსახლეობით რაღაც დიდ იდეას (ამ შემთხვევაში, თავისუფლების მოპოვების იდეას) ჰყავს

შეპყრობილი, ნიკუშა ჩაჩანიძისთვის თვით ეს იდეაც თავისუფლებისა, სხვა არაფერია, თუ არა საკუთარი ერის შემოქმედების შეგროვება, დაცვა, გადარჩენა და მოვლა-პატრონობა.

ამიტომ შემთხვევითი არაა ის ფაქტი, რომ რომანის დასაწყისში სწორედ მოგზაურობაზეა მწერლის აქცენტი გადატანილი და იგი თბილი ირონიით ცდილობს გლობალური, ზოგადსაკაცობრიო მოგზაურობებისა და აღმოჩენების ფონზე ახალგაზრდა კომპოზიტორის მოგზაურობის მიზნის წარმოჩენას:

„მოგზაურობა ბევრგვარი ყოფილა, ბევრგვარი ყოფილან მოგზაურნიცა, მოგზაურობას ბევრი რამ მოჰყოლია, დიდი გეოგრაფიული აღმოჩენებიც მოჰყოლია ჟინსა მოგზაურობისა. კოსმოსში გაჭრაც მოჰყოლია ამავე ჟინსა – მოგზაურობა ყოფილა ყველაფერი, ყველაფერი მოგზაურობა ყოფილა.

ნიკუშას ამბავიც მოგზაურობაა, აი, ეს ამბავი, ახლა რომ მოგიტხრობთ, ძველიცაა, თუმცა ისე ძველიც არაა, დიდ აღმოჩენებთან რომ მოიხსენიებოდეს, ვთქვათ, კოლუმბთან თუ ვასკო დაგამასთანა, არა, ისე ძველიც არაა, თანაც იმდენიც არ გაეგებოდა, მოგზაურობა რომ დაჰყოლოდა ბედადა. არა, არ გაეგებოდა თუ არ იცოდა, კოლუმბმა იცოდა, ვასკო დაგამამაც იცოდა, ჯემს კუკმაცა, ამან არ იცოდა, არც ის უწყოდა, თუ რა ყაიდის მოგზაურობა გამოვიდოდა, მწუხარე სახის რაინდი, თუ ისე უბრალოდ სენტიმენტალური მოგზაური – არა, არ უწყოდა, არ გაეგებოდა, თუ ვის რას გადაჰკიდებდა ახირებაი მისი, თუ სურვილი, სულერთია. ვის რას გადაჰკიდებოდა, ეს არ გაეგებოდა. არ უწყოდა, არ უწყოდა, ბევრი რამ არ უწყოდა, ბევრი რამ არ იცოდა, მუსიკა იცოდა, იცოდა და

უყვარდა, კმაროდა ტვირთად ერთი კაცისა (ხაზი ჩვენია – მ.ჯ.). მუსიკა იცოდა და ხალხური სიმღერების შეკრება განეზრახა შიდა ქართლში. ეს იყო მხოლოდა, განეზრახა და აღძრულიყო, ხოლო თუ რა გამოვიდოდა აქედანა, სწორედ რომ მოგ ზაურობა გამოვიდოდა, ან როგორი რა მოგ ზაურობა გამოვიდოდა, არც ეფიქრა, არც უფიქრია, არც ნაჰკამათებია არავისა, ამაზე არ ნაჰკამათებია, თორემ ისე, იცოცხლეთ, საკამათოც ბლომად გამოუჩნდა, სადავიდარაბოც, თავბედიც ინყევლა, გაჩენისა თუ ნათლობის დღეცა, ისიც გაახსენდა, გვიანლა არის თითზე კბენანიო. თუმცა არა, „თითზე კბენანი“ არ მოაგონდებოდა, მხოლოდა „გვიანლა არის, გვიანლა არის“.

რომანში „ბორიაყი“ უაღრესად მნიშვნელოვანი სიმბოლოა რუკა, რომელიც გიორგი ყანჩაველმა შეადგინა თბილისში და თავის ერთგულ მონაფეს, ნიკუშა ჩაჩანიძეს გადასცა. რუკაზე შემოხაზული და აღნიშნულია ის პუნქტები და წერტილები (შიდა ქართლისა), ის ოჯახები, რომლებიც ამ კუთხის კეთილშობილ, ჯანსაღ, ინტელიგენტურ ძალებს წარმოადგენენ. ხოლო წარჩინებული გვარებისა და ღირსების მქონე ადამიანებმა, გეგმის მიხედვით, ნიკუშა ჩაჩანიძეს დახმარება უნდა გაუწიონ და საშუალება მისცენ ახალგაზრდა კომპოზიტორს, რათა მან საქართველოს ამ მხარეში ქართული ხალხური სიმღერები შეკრიბოს...

რუკაზე აღნიშნული წერტილები – ესაა ქართლის ის ძირძველი ოჯახები, რომლებმაც დღემდე შეურყვნელად მოიტანეს თავიანთი საგვარეულო თუ ეროვნული ტრადიციები, ადათ-წესები, სტუმარ-მასპინძლობის, ურთიერთნდობისა და პატივისცემის ქრისტიანული მორალი...

შემთხვევით არ შეუდგენია თავისი ახიარებული მონაფისათვის, ნიკუშა ჩაჩანიძისათვის სახელგანთქმულ კომპოზიტორსა და პედაგოგს, გიორგი ყანჩაველს ხსენებული რუკა.

გიორგიმ კარგად უნყოდა, რომ ამ გაპარტახებულ, ამღვრეულ ურთიერთმტრობისა და საყოველთაო შიშის უამს ყველა ადამიანის ნდობა არ შეიძლებოდა. საბედისწერო გამოდგა რუკის არსებობა. საბედისწერო, რადგან მისი აღმოჩენით ბოლშევიკებმა (მართალია, ამ სახელით ეს პიროვნებები რომანში არ მოიხსენიებიან, მაგრამ ვივარაუდოთ, რომ ამის მიზეზი მხოლოდ და მხოლოდ მაშინდელი ცენზურაა) „საშიში დამნაშავე“ და „შეთქმულება“ აღმოაჩინეს. ნიკუშა ჩაჩანიძის სახით მათ იდეოლოგიური, კლასობრივი მტერი დაინახეს და როგორც ერთ-ერთი უპირველესი და უმნიშვნელოვანესი ფიგურა, მტრის ბანაკიდან, ასე აღიქვეს მისი საქმიანობა. ასე და ამრიგად, სოციალურ-პოლიტიკური ავბედობის გამო ახალგაზრდა კომპოზიტორის კეთილშობილური და უვნებელი მიზანი ბოროტ განზრახვად მიიჩნიეს, ხოლო მისი მოგზაურობის უმთავრეს მისიად რუკაზე აღნიშნული წარჩინებული გვარების წარმომადგენლებთან საიდუმლო მოლაპარაკება და აჯანყების მოწყობა ჩათვალეს.

და ყოველივე ეს იმ დროისათვის ბუნებრივიცაა, რადგან მსგავსი ფიქრი და ვარაუდი მათი შესაძლებლობების, ინტერესებისა და, რაც მთავარია, ეპოქით განპირობებული მოვლენების გამო უფრო ბუნებრივად აღიქმებოდა, ვინემ იმის დაჯერება, რომ საყოველთაო შიშისა და ტერორის, ურთიერთანგარიშსწორებისა და მტრობის, გამცემლობისა და გააფთრებუ-

ლი ბრძოლების უამს გამოჩნდებოდა ვინმე „შერეკილი“ ნიკუშა ჩაჩანიძის სახით, რომელიც ხეთერელეების, ოცხელების, კათარელებისა და სხვა ძველი გვარების სოფლებსა და სახლებს მხოლოდ და მხოლოდ იმიტომ აღნიშნავდა რუკაზე, რომ ადვილად გადასულიყო ერთი სოფლიდან მეორეში, და ეს უვნებელი მისია – სიმღერების ჩანერა და შეგროვება – შეესრულებინა.

ამ მოგზაურობით, რომელიც ფაქტიურად რუკაზე აღნიშნული პუნქტების დაცვით წარმოებს, შესანიშნავადაა წარმოჩენილი მწერლის მიერ ძველი გვარების, ოჯახების მთელი შინაარსი, მათი ყოფა, მათი არსი, ცხოვრებისეული კრედო, მიზეზები, მიზნები და ხშირ შემთხვევაში ინდივიდუალური, პიროვნული კონცეფციები და შესაძლებლობები.

თავისთავად ერის ყოფაში, სულში, ცნობიერებაში, შემოქმედებით პოტენციალში არსებობს და იგულისხმება გენიალური სიმღერები ისევე, როგორც ვაზის კულტი, ვენახის კულტი... საგალობლები, მაგრამ ისევე, როგორც ეს ვენახი, როგორც ეს ღვინო, ერთი შეხედვით, მომლოდინე, შეუსმელად უნდა ინახავდეს ასწლოვან თუ ათასწლოვან ქვევრებსა და ჭურჭლებში თავის სიმაგრეს, – ფერს, სურნელსა თუ არომატს, ასევე სიმღერაც თავის მღვიმეებში, – ადამიანთა მეხსიერებაში – მუსიკალურ ხსოვნაში უნდა იყოს შენახული, დაუნჯებული და სიმღერის უამს ელოდეს...

მაგრამ არსებობს პიროვნება, ადამიანი, ამ შემთხვევაში, ნიკუშა ჩაჩანიძის სახით, რომელსაც ღრმად აქვს გაცნობიერებული ყოველივეს წარმავლობა ამ ქვეყნად. ამიტომ ეშურება იგი, ამიტომ აღარ ენდობა ხსოვნას, ამიტომ ცდილობს, რაც შეიძლება

დროულად ჩაინეროს და შეაგროვოს ერის სანუჯე, რადგან ცხოვრება თავისი ტემპით, თავისი წესით და რიგით მიდის... მით უფრო არეულობის ყამს – იმდენად ცვდება, ღარიბდება, ითრგუნება და ფერმკრთალდება ხსოვნა, იმდენად გლობალური მოუცლელობაა, რომ ნაკადულისა არ იყოს, გვალვის დროს დმშრალი და გამჭრალი ნაკადულისა, კოკისპირული, ტროპიკული წვიმების დროს ამღვრეული და გამჭირვალეადაკარგული სიმღერაც იმღვრევა, ფორიაქდება, ჰკარგავს თავდაპირველ ტემპსა და სიმშვიდეს, ითქვიფება, იშლება, ლღვება და იფანტება გარესამყაროში...

თუ როგორ იცვლება გადაგვარებისაკენ ყველაფერი, შთამბეჭდავადაა ნაჩვენები ოთარ ჩხეიძის რომანში „ბორიაყი“. განსაკუთრებით მძაფრია ძაღლები-საგან შეშინებული ნიკუშა ჩაჩანიძის სცენა, საცა მწერალი სევდიანად აღნიშნავს, რომ რაინდული სული მხოლოდ ძაღლებსლა შერჩათო:

„ძაღლებიც დაყუნცდნენ, და ელოდნენ აფოფრილი, აძაგრულნი, მოზიდულნი. ნაქცეულს არ დააცხრობდნენ. არა, შერჩენოდათ ეს წესი, ეს სული რაინდული: ყველა შეცვლილიყო, გადასხვაფერებულიყო, ესენი არა, კვლავაც ფეხზემდგომს შეეჭიდებოდნენ, ჩამოეხსნებოდნენ ჩაფერხილსა, ღირსეულად ჩამოეხსნებოდნენ, ღირსეულადვე დაელოდებოდნენ, სული მოითქვას, ძალა მოიცეს, დაცემულთან ბრძოლა რა ვაჟკაცობააო...“

ნიკუშა ჩაჩანიძის სახით ავტორი გვიხატავს შემოქმედებითი ინტელიგენციის წარმომადგენელს, რომელსაც არც პოლიტიკური, არც ცხოვრებისეული გამოცდილება, არც გამჭრიახობა და უნარი არ ჰყოფ-

ნის საამისოდ, რომ როგორმე მიხედეს და ალლო აუ-
ლოს მოცემულ სიტუაციას, როგორმე მოახერხოს
თვალი მიაღვენოს ისტორიულ რეალობას, როგორმე
(დროებით) გადაუხვიოს დასახულ მიზანს. იგი იმდე-
ნად ჰყავს სახელის გათქმის იდეას შეპყრობილი, რომ
აბსოლუტურად ბრმად მოქმედებს, უგნურად იქცევა.

„ჯერ მხოლოდ გიორგი ყანჩაველმა და ორიოდე
სხვამ თუ იცოდა ამისი ერთ-ერთი მუსიკალური ნა-
წარმოები, თუ რალაც დიდი რამ განზრახვის ნაწყე-
ტი, მაგრამ ეს არაფერი, ჯერ გიორგი ყანჩაველის თა-
მადობაც, ქომაგობაც ეყოფოდა, ხოლო მერე, ამ მოგ-
ზაურობის მოთავეების შემდეგ, თვითონ იცოდა, რო-
გორ გაითქვამდა სახელსა, ბარე ერთსა და ორს გა-
უთქვამს სახელი, ბარე ერთსა და ორს გამოსდგომია
ხალხური მუსიკალური საუნჯე, ამასაც შეენევა, ამა-
საც გამოადგება, გამოიყვანს დიდ ასპარეზზედა. შეს-
ტრფის ამ იმედსა, ელოლიაეება, ოლონდ არ გაამ-
ხელს, ჯერ არ გაამხელს, თვითონ გიორგისთვისაც არ
გაუმხელია. ჯერ მხოლოდ მოტრფიალეა უბადლო
ხალხური სიმღერებისა, შემგროვებელია, მეტი არა-
ფერი, მოტრფიალეა და შემგროვებელი. პატარა რა-
მეა? არა, რა სათქმელია, დიდი რამეა, მაგრამ სხვა,
ფარული მიზანი რომ უდევს გულში, იმასთან უაღრე-
სი მოკრძალება“.

ახალგაზრდა კომპოზიტორის მდგომარეობიდან
გამოყვანასა და რეალობასთან დაბრუნებას ამოდ
ცდილობს ელიზბარ ხეთერელი და სტუმრის შენიშ-
ვნაზე, ნუ მაშინებთო, მშვიდად, აუღელვებლად უპა-
სუხებს:

„– არ გაშინებთ, მხოლოდ გიხსნით, – თვალიც აა-
რიდა, ხმასაც დაუნია ელიზბარმა, – როგორც გენე-

ბოთ, მინდა მხოლოდ იცოდეთ, რო მეჯუდის გაღმა-გამოღმა, გაღმა-გამოღმა პატარა ლიხვისა, დაღმა თუ ასე, მთებში შეყოლებამდე სოფელი არ არის, ალბათ ოჯახი არ მოიძებნება, სიკეთე რომ არ გამენიოს, უსასყიდლოდა, დაუზარლად, უანგაროდ, ჩემის ნამლითა და მაინც ეზოს გავცდები თუ არა, სათვალე უნდა ჩამოვიხსნა, თორემ ვილაც უკეთური ტყვიით დამიხვრეტს თვალეებსა.

- ეს უბრალო შიშად როდილა მეჩვენება, ეს უკვე ავადმყოფობას ჰგავს, - საჩქაროდ დაატანა სტუმარმა, - მომიტევეთ ასე აშკარად რომ მოგმართავთ, მაგრამ თქვენ ისე დაჟინებით მინერგავთ შიშსა, თუ არ შეგებრძოლეთ, დამიმორჩილებთ.

- ეცადეთ თქვენსასა, - კიდევ უფრო დუნედა თქვა ელიზბარმა, - ოლონდ ერთი რამ მაინც გამიგონეთ, მოიხსენით ეგ შავი ბაბთა, თეთრ საყელოს რო გიმშვენებთ, მოიხსენით, თორემ გაუპირდაპირებენ თოფის ლულასა“.

თავისთავდა ის ფაქტი, რომ ნიკუშა ჩაჩანიძეს მეგ ზურობას უნევს ლეკო თათაშელი, პირადად ჩემთვის, როგორც მკითხველისათვის, სიმბოლურ ხასიათს იძენს. ეს არის ძლიერი ვნებითა და მხატვრული ხერხებით გამოძერწილი უალრესად საინტერესო ტიპი-ხასიათი არა მხოლოდ ოთარ ჩხეიძის შემოქმედებაში, არამედ საერთოდ, მთელს თანამედროვე ქართულ პროზაში.

თუ ლეკო თათაშელის გარეგნობას, მის ფიზიონომიას ასე თუ ისე შესაძლოა ანალოგი დაეძებნოს ჩვენს ლიტერატურაში, მხატვრობაში და ა.შ. ხასიათის, ტიპაჟის თვალსაზრისით, პიროვნული თვისებებითა და მონაცემებით იგი აშკარად გამოკვეთილი და

ორიგინალური გმირია ქართულ რომანიტიკაში, თავისი დარდიმანდობით, თავისი ფორიაქითა და შფოთით. ოთარ ჩხეიძის ეს გმირი რალაციით ჩამოჰგავს დავით კლდიაშვილის კირილე მიმინაშვილს. კირილე მიმინაშვილივით ლეკო თათაშელსაც გააჩნია რალაცი-ნაირი იშვიათი უნარი, თავისი გავლენის ქვეშ მოიქციოს და დაიმორჩილოს ადამიანები, მით უფრო, თუ ეს ადამიანი პირველად ხვდება მას. იქნებ უამრავ სხვა რამესთან ერთად ამის მიზეზი ისიც იყოს, რომ „ბორიაცუი“ ფანტასმაგორიული სისწრაფითა და გატაცებ-ბით ხდება ახალგაზრდა კომპოზიტორთან გაცნობა, მასთან დაახლოება, მისი მიზნების „ამოცნობა“ და გადანყვეტილება, – ეს „ეროვნული მიზანი“, რადაც არ უნდა დაუჯდეს, აუცილებლად განახორციელოს.

ნებისმიერი ადამიანი ეძებს პიროვნული თვით-დამკვიდრების გზებს ცხოვრებაში. ბუნებრივია, არ ვგულისხმობ იმ ენერგიულ, მექანიკურ მასას ადამიანებისას, რომელთა ცხოვრებისეული კრედო და ამოცანა მხოლოდ ყოფიერების სფეროსაა მიჯაჭვული და ერთადერთ საზრუნავს ხორციელი სიამოვნებები და მათი დაკმაყოფილების გრძნობა წარმოადგენს.

მე მოგახსენებთ იმ ადამიანთა რიგზე, რომელთა პიროვნული თვითდამკვიდრების გზა ხშირად შეცდომებით, შეცოდებებით, მღელვარებითაა სავსე, მაგრამ მიზანი ერთი და იგივეა – რადაც უნდა დაუჯდეთ პიროვნებებად დარჩნენ გარშემო მყოფ ადამიანთა ცნობიერებაში, ხსოვნაში.

ლეკო თათაშელი ამ თვალსაზრისით უაღრესად რთული, მრავალმხრივი და ეგზალტირებული კაცია. თავისი თავდაპირველი ადამიანური არსით (როგორც ამას რომანის ფინალი დაგვიდასტურებს) იგი სიკე-

თესთან უფრო ახლოა, ვიდრე ბოროტებასთან, ფუქსავატობასთან, თუნდაც დარდიმანდობასთან... მაგრამ ლეკოს პიროვნება მთლიანად ამპარტავნების, განდიდების მანიის ტყვეობაშია ჩავარდნილი და საკმაოდ არასიმპათიურ, გამალიზიანებელ შთაბეჭდილებას ტოვებს. თუმცა ერთიცაა – რომანის მსვლელობის მანძილზე ჩვენ დავინახავთ, რომ ტრაბახი, ბაქიაობა, უხეშობა და ზოგჯერ სარკაზმამდე მისული მისი საქციელები უფრო მისივე არასრულფასოვნების ქვეშეცნული განცდიდან მოდის და არა საკუთარ თავზე მალალი წარმოდგენებიდან. მისი ამგვარი საქციელი უფრო თავდაცვაა, ნილაბია. თავდაცვა იმისაგან, რომ სხვებს არ დაემსგავსოს, სხვებში არ აითქვიფოს, სხვებივით შიშისა და მოვლენების მონად არ იქცეს.

მთელი რომანის მანძილზე იგი უხიაგი, ავყია, პატივმოყვარე ადამიანის შთაბეჭდილებას ტოვებს, მაგრამ თუ კარგად დავუკვირდებით, მისი გამუდმებული შეძახილი-შეხსენებები, რომ იგი ლეკო თათაშელია, სხვა არაფერია, თუ არა არასრულფასოვნების კომპლექსით გამონვეული ადამიანური უმწეობის გამოხატულება. მთელი ამ ხანგრძლივი ფორიაქის, სტუმრობის, სოფლიდან სოფელში, გვარიდან გვარში, ოჯახიდან ოჯახში გადასვლებისას მისგან მოდის რალაც უცნაური პანიკური განცდა, რომელიც თავბრუს ახვევს და სასონარკვეთაში აგდებს ახალგაზრდა კომპოზიტორს. ასევე მასპინძლებსაც საიმისოდ განაწყობს, რომ როგორმე სწრაფად თავიდან მოიცილონ ეს ფორიაქა, ხმაურიანი დაუპატიუებელი სტუმარი. რომანის საყოველთაო შიშისა და სიჩუმის ატმოსფეროში მისი ხმაური ის უცნაური დისონანსია, რომელიც ავბედით მუხტსა და ემოციას დაატარებს.

ლეკო თათაშელი ერთგვარი კრებითი სახეა თავისი გურმანობით, სმა-ჭამის მოყვარეობით და დათრობის შემდგომ 4-5 დღიანი სალათას ძილით ლუარსაბ თათქარიძისა და კირილე მიმინაშვილისა; ამ უკანასკნელთან მას განსაკუთრებით ანათესავენ ძველი, დიდგვაროვანი ოჯახებისადმი ირონიული დამოკიდებულება.

მაგრამ მათგან განსხვავებით მთელი მისი პანიკურობა, დროსთან გაჯიბრება, ხიფათიანობა, როგორც რომანის ფინალში ირკვევა, იმითაა ნაკვები და დალდასმული, რომ ლეკო გამუდმებით გრძნობს რაღაც უფრო მნიშვნელოვანისა და მაღალი მიზნისათვის არსებობის პრიორიტეტს, ვინემ ეს კარი-კარ წაწალი და დროსტარებაა, ანუ დროის გაყვანის მისეული ტაქტიკა ამ არეულ, სახიფათო პირობებში.

ლეკო თათაშელის პიროვნული არსი მთლიანად იხსნება „მოგ ზაურობის“ იმ საბედისწერო ეტაპზე, როცა თავგამოდებული დევნის შემდეგ კვლავ „დაიბრუნებს“ თავის სტუმარს. თავქუდმოგლეჯილი სირბილის შედეგად დაენევა და ხელში ჩაიგდებს ცისკარიშვილის მიერ წართმეულ ნიკუშა ჩაჩანიძეს.

და ფერისცვალების დღესასწაულზე, სადაც ნიკუშა ჩაჩანიძე ლეკოსთან ერთად კვლავ დიდი იმედით მიემგზავრება, რომ აქ მაინც შეისრულებს გულის წაღილს, აქ მაინც განახორციელებს სანუკვარ მიზანს და რელიგიურ დღესასწაულზე მაინც შესძლებს სიმღერების ჩაწერას, ქართული ტაძრის თაღებქვეშ მაინც მოისმენს სხვაგან დათრგუნულ საგალობლებს. სამწუხაროდ, მრევლის მაგიერ ტაძარში ნამდვილი ჯარი დახვდებათ (შევნიშნავთ, რომ აქ აშკარად ბოლშევიკთა, წითელარმიელთა ჯარი იგულისხმება):

„შუა გაპობილიყო ხალხი კარიბჭიდან ტაძრის კარამდისა, ანუ ტაძრის კარიდან კარიბჭემდისა, გაპობილიყო ჯარი, რო იტყვიან ხოლმე, ხალხი მოჯარდაო. ისე არ იფიქროთ, ნამდვილი ჯარი-მეთქი, ჯარი შემოსული, გზა მიეცათ მრევლისთვისა, მღვდლებიც მოსდევდნენ მრევლსა. თავში წაეშინა ხელები მრევლსა, მღვდლებსაცა: შავოსანი ქალებიც მოჰყვებოდნენ, ლოყებს იხოკდნენ ისინი ან თავშლის ყურებს იფარებდნენ თვალებზედა, ყურებშიც იცობდნენ თავშლის ყურებსა, ხმა რო არ გაეგონათ, არ მოესმინა სიცილი, ხარხარი, არც ბრაახუნი დოლისა, არც საზეიმო შემალლებანი სასულე საკრავებისა. უნდოდათ თუ არა, ესმოდათ თუ არა, სულერთია გამოიარეს საზეიმო სვლითა, თავშიცემითა, ლოყებისხოკვითა, არც ამათ შეჰხედეს, არა შესჩივლეს, არა შეჰხარეს. ჩაუარეს, წავიდნენ უხმო მოთქმითა, გულდათუთქული ვაებითა, გათანგული ვალალითა...“

სწორედ ამ საბედისწერო ტაძარში მოხდება წითლების მიერ რუკის საბოლოო „გამომჟღავნება“ და თავდაპირველად წმინდად შემოქმედებითი მიზნებისათვის ჩაფიქრებული ეს უვნებელი ქალაქი ქართლში ხელახლა დატრიალებული სისხლიანი რეპრესიების კიდევ ერთ და უმთავრეს მიზეზად იქცევა. ბოლშევიკები რუკის წყალობით ხელში ჩაიგდებენ ელიზბარ ხეთერელის, ეფემია კათარელის, გიორგი ოცხელის, გიგა ბაკურელის, პეტრე ვარაზნელისა და სხვათა ოჯახებს...

სწორედ ფინალში წარმოჩინდება შესანიშნავად ლეკო თათაშელის პიროვნება, რომელიც განსაცდელის ჟამს თვითონ მოინდომებს დაიბრალოს რუკის შედგენაც და შეთქმულებაც. ოლონდ არა იმიტომ, რა-

დაც უნდა დაუჯდეს, ახალგაზრდა კომპოზიტორი გადაარჩინოს, არამედ იმიტომ, ხალხის ხსოვნაში გმირის ადგილი დაიმკვიდროს, თუნდაც სიკვდილის ფასად მოიპოვოს დიდი სახელი...

მთელი თავისი შესაძლებლობებით, გონებით, სულით, სხეულით – ესაა ძალდატანება მონინაალმდეგე ბანაკზე. იგი ცდილობს მხოლოდ მტრად კი არ მოაჩვენოს თავი, არამედ გმირადაც. ლეკო თათაშელის ეს ძალდატანება ხალხზეც, ხალხის მეხსიერებაზეც ვრცელდება. მან არ იცის ერთი უბრალო, მარტივი ჭეშმარიტება, რომ ყველაფრის თამაში შეიძლება ამ ქვეყნად, მაგრამ არა ეროვნული გმირისა. რომ ამ შემთხვევაში, ეს თამაში იქნება კიდევ ხვდებოდეს მიზანს, იქნება კიდევ წარმოაჩენდეს გმირობისათვის საჭირო მთელ რიგ თვისებებსა და ნიუანსებს, მაგრამ ლეკო თათაშელის პიროვნული თვითდამკვიდრების მომაკვდინებელ, საბოლოო მცდელობაშიც ანგარების მძლავრი იმპულსი ფეთქავს, რადგან ლეკო თათაშელს გმირობა ტიტული ჰგონია, წოდება ჰგონია, რადგან იგი გმირობას საკუთარი თავისთვის უფრო სჩადის, საკუთარი ხსოვნისა და სახელის უკვდავსაყოფად და არა სხვისთვის, არა მეორე ადამიანისათვის, არა თავისი ხალხისათვის, თავისი სამშობლოსათვის... აი, ამიტომაა ეს მცდელობა იმთავითვე განწირული, რადგან ყველაფრის თამაშს გაპატიებს შენივე ხალხი, მაგრამ ეროვნული გმირის თამაშს, არასოდეს; რადგან გმირობაც ადამიანის ბუნებასთან ერთად განგების ძალით აღესრულება და არა, საკუთარ ბუნებასა და განგებაზე ძალდატანებით.

შიშის მღუმარე ხმაურითაა მთელი რომანი გაჟღენთილი.

შიში, როგორც საშიში და კატასტროფული სიჩქარით მოძრავი ბაცილა, ისე გადადის ქართლის სოფლებში, ოჯახებში, გვარებში, ციხეებში...

შიში – თავისუფლების მარად ძველი და მარად ახალი ჯალათი, რომელსაც ჰქონია გამარჯვებები, დამარცხებები, მაგრამ რომელიც დიდი აღზევების დროსაც კი ვერაფერს უხერხებდა თავის მდაბიო ნარმომავლობას.

შიში – რეალობის ბოროტი ალქიმისკოსი, რომელიც არბევს ჯადოსნური ზაფხულის მცხუნვარე დღეებს, რომელიც ამთავრებს ადამიანების საუკეთესო ვნებებისა და ემოციების თავისუფალ დინებას, რომელიც ამუხრუჭებს სიხარულს, სიყვარულს, ურთიერთნდობასა და პატივისცემას.

შიში – რომელიც ეჭვიანი გაბოროტებით სინათლეშიც ბნელ ძალას ხედავს... ისე, როგორც მთელი ჩვენი ქვეყნის ნამდვილი ადამიანები შეენირებთან შიშის შედეგად წარმოქმნილ ეჭვებს და რეპრესიებს, ოთარ ჩხეიძის ამ რომანშიც საუკეთესო პოტენციის მქონე ადამიანები უვიცი ბნელი ძალების მსხვერპლნი ხდებიან.

გარდა სიუჟეტური ქარგისა, შიშის შედეგად შებოჭილი სამყარო უჩვეულო, პანიკური დინამიზმითაა გადმოცემული „ბორიაცში“ და ყოველივე ეს ღრმა შინაარსთან ერთად იმ უჩვეულო სტილისტიკითა და ხელწერითაცაა მიღწეული, რასაც ოთარ ჩხეიძის სტილი, ოთარ ჩხეიძის ხელწერა ჰქვია...

ის მდიდარი, უაღრესად ქართული და დარბაისლური ხასიათები, ის ძლიერი მხატვრული ტიპაჟები, ის დაუვინყარი პეიზაჟები და გარემო, რითაც დასახლებულია ოთარ ჩხეიძის მხატვრული სამყარო, ამ

შემთხვევაში კი რომანი „ბორიაყი“, სწორედ მწერლისათვის დამახასიათებელი სპეციფიკური მხატვრული სტილითაც და წერის უაღრესად თავისებური მანერის ნყალობითაც იბეჭდება ჩვენს მეხსიერებაში.

შემთხვევით არ ვახსენე სიტყვა დარბაისლურობა. ოთარ ჩხეიძის პროზაში, განსაკუთრებით კი მის დიალოგებში, სიტყვის მეშვეობით არაჩვეულებრივი სიღრმისეული განზომილებებით წარმოჩინდება რაღაც უაღრესად შორეული, ტრადიციული და ძველი, ძველი, არა არქაული, სამუზეუმო ექსპონატად ქცეული, არამედ როგორც მარად მომქმედი, მარად ცოცხალი, მარად არსებული, ოთარ ჩხეიძის დიალოგები ღრმად ქართული სიღინჯით ხასიათდება...

როდესაც ვლაპარაკობთ პიროვნების კონცეფციაზე რომანში „ბორიაყი“, საგანგებო ყურადღებით ქალ-პერსონაჟებს უნდა მოვეკიდოთ... ქალი, როგორც პიროვნება, ამ რომანში განსაკუთრებული სიმძლავრით წარმოჩინდება. მწერალი რომანში ქალს გაიაზრებს, როგორ ეროვნული მუხტის, ეროვნული ენერჯიის ეროვნული სულისკვეთებისა და მისწრაფებების მქონე პიროვნებას. მეტიც, რომანში ქალ-პერსონაჟთა მიერ მამაკაცური ენერჯიის, მამაკაცური ცხოვრების მიღება და აღიარება მხოლოდ და მხოლოდ იმ შემთხვევაში ხდება, თუკი კაცთა მოსვლა და ცხოვრება ამ ქვეყნად, საკუთარი სამშობლოს, საქართველოს თავისუფლებისათვის ბრძოლით ხასიათდება და განისაზღვრება.

ეს მომენტი, თავდაპირველად მოულოდნელად, მინიშნების სახით რომანის იმ მონაკვეთში წარმოჩინდება, როდესაც შუალამისას სანთლით ხელში ელიზბარის მეუღლე ნიკუშა ჩაჩანიძის სანოლს, როგორც

გმირის სანოლს, ისე უახლოვდება. იგი სწორედ ამ რწმენით გამოიწვევს ახალგაზრდა კაცს საუბარში. ამ რწმენით შეპყრობილს, ისევე როგორც მრავალს რომანში, არ სჯერა საყოველთაო შიშიანობის დროს ნიკუშა ჩაჩანიძის ისეთი გულუბრყვილო მისია, როგორც ხალხური სიმღერების შეგროვება:

„მჯერა, რომ სხვა რამ გამოქმედებთ, სხვა რამ ნამდვილი, ჭეშმარიტი, დიადი, სიმღერებს არ უნდა აეყოლებინეთ, არა, ახლა საამისო დრო არ არის, არა, სიმღერებს არ უნდა აეყოლებინეთ.

არა... არა... – მხოლოდ სიმღერებსა...

თვალები იყო წრფელი, განათებული შინაგანი სინმინდითა და სიმართლითა, თვალები იყო წრფელი, გმირული არა, გმირისა არ იყო ის თვალები, არც არაფერს მალავდა, ვერც დამალავდა, მეტიც არაფერი შეეძლო.

ჰა, ჰა, ჰა... ჩაიციანა ქალმა, ჩუმად, თითქმის გაუგონრად, ჩაიციანა ჩუმად და მწარედ, თავისთვის ჩაიციანა. სხვამ არც არავინ იცოდა, თუ რად შემოსულიყო, არც არავინ უთვალთვალვდა, ამასაც თურმე არაფერი გაეგებოდა, ვერც ამ სიცილს მიუხვდებოდა, ნაღვლიან სიცილსა, ვერ მიუხვდებოდა, თუ რა ძალა მოეკრიბა, სანთელი რო აელო და შემოელო კარი. აენტო და შემოელო, რადგან ყურმოკრულ სიტყვებს დაერწმუნებინა, მოვიდა გმირიო. გმირს ელოდა, გმირი უნდოდა, სწყუროდა გმირი, იცოდა, თვითონაც რო აუცილებელი იყო გმირისათვისა, თვითონაცა, სწორედ ასეთი – ლამაზი დაუმცხრალი, გატაცებული, გამტაცებული დამპყრობელი და აღმგზნები ძლიერი სულისა, ისეთისა არა, ელიზბარი რო ბრძანდებოდა, არც ასეთისა არა, ასეთისა მით უფრო არა, ჭეშმარი-

ტი სულისა, თავგანწირულისა. ეს რად ეგონა? რა ბავშვური სახეა?! ბავშვი აღარაა, რა თქმა უნდა, არც ყმანვილია. იმ ასაკისაა, გმირი რომ უნდა იყოს, მაგრამ ვაგლახ! ეს რად ეგონა?! ხმა აქვს თავისებური, მკვეთრი, თანაც იდუმალი, რაღაც ფარულით და შიშით აღსავსე? სიტყვებიც ასეთი გამოსდიოდა, იდუმალი, ფარული, შიშით აღსავსე, ეს რად ეგონა?! ჰა, ჰა, ჰა... გააგრძელა ქალმა, ხელი დაუშვა მონყვევითა, დააქნია, შეათამაშა სანთლის აღზედა, თითქოს რაღაც უამური თუ უწმინდური მოეცხო, უნდა მოინვას, მოიშოროს“.

როგორც კი ქალი დარწმუნდება, რომ მას შეთქმულ გმირთან კი არა აქვს საქმე, არამედ ჩვეულებრივ ადამიანთან, იგი ერთბაშად ცივდება. ერთ წამში აბსოლუტურად ქრება მსხვერპლშენირვის ბადალი ლტოლვა და ინტერესი ქალისა კაცისადმი.

თავდაპირველად მხოლოდ მინიშნებით წარმოჩენილი ეს ხასიათი მთელი სისავსითა და სისრულით, მთელი ძლევამოსილებით გამოჩნდება რომანში.

მსგავსი სულისკვეთების, მსგავსი რწმენისა და იდეის მატარებელია ნებისმიერი ქალი: პერსონაჟი ამ რომანისა, დაწყებული უხუცესი გურანდუხტითა და დამთავრებული ჯერ მთლად ნორჩი ირინეთი.

ახალგაზრდა კომპოზიტორს თითოეულთან მოუწევს წამიერი თუ უფრო ხანგრძლივი ურთიერთობა და ვერასოდეს მიხვდება, ვერასოდეს აღმოაჩენს და ვერ შეაფასებს ამ ქალებში სწორედ ამ ღირსებას, – თავისუფლებისადმი გამუდმებული და სანუკვარი ლტოლვის წყურვილს.

მეტად ნიშანდობლივი, საგულისხმო საუბარი გაიმართება ნიკუშა ჩაჩანიძესა და ირინეს შორის იმ

დროს, როდესაც ირინე თავისი კუთხის ერთ-ერთ უძველეს ციხე-სიმაგრეს იხატავს რვეულში. ეს დიალოგი ნიშანდობლივია იმითაც, რომ მხოლოდ ირინესთან მიმართებაში შესძლო (ნანილობრივ) ახალგაზრდა კომპოზიტორმა თავისი სისუსტის წარმოჩენა. სისუსტისა, რაღა თქმა უნდა, სხვისი, გარეშე ადამიანის თვალსაწიერიდან, თორემ ამის გამო იგი სულაც არ ითრგუნება, როგორც ადამიანი და როგორც პიროვნება:

„მხოლოდ ერთი სურვილი დამმუფლებია, როგორმე ჩავალწიო თბილისში, ჩემს მასწავლებელს დავაყრდნო თავი მხარზედა და ამოვიკენესო ღრმად, ამოვაყოლო ქვითინი, ქვითინი გულამომჯდარისა. ეს სისუსტეა, ვიცი, ამას არ უნდა გეუბნებოდეთ, რაიმე უნდა მოვიგონო, გმირული უნდა ვთქვა, უნდა მოგხიბლოთ ზღაპრული ამბებითა, მე უნდა ვიყვე გვირი იმა ზღაპრებისა. თუმცა ახლაც ზღაპრებში გავიხილართე, მაგრამ რახან ვერ დამიგლეჯია ეს ხლართები, გმირიც არა ვარ. თქვენ გმირი მოგხიბლავთ, ყველას ხილავს გმირი (ხაზი ჩემია – მ.ჯ.). ვაგლახ, როგარდასულა დრო გმირობისა.

„დრო ყოველთვისაა, ოღონდ გმირები აღარ არიან ყოველთვისა. ნუ მეტყვით, რო სადღაც წამიკითხავს...“ – ასეთია ირინეს პასუხი.

გურანდუხტის სახლში ქალების მთელი გაღერეაა მოცემული, რაც ერთგვარი მეტაფორაცაა უმამაკაცოდ დარჩენილი ამ დიდი საგვარეულო ოჯახისა, რომელსაც ბედისწერამ, განგებამ არგუნა, ფიზიკურადაც ასე დაშლილიყო, გაღარიბებულიყო, დაქცეულიყო. თუმცა უნდა ითქვას, რომ უკაცოდ დარჩენილ ამ ძირძველ, საგმირო საქმეებითა და სიდიადით სავსე

ოჯახში, რაღაც რიტუალური მოწინების გრძნობითა და მორწმუნის სიჯიუტით ინარჩუნებენ ღირსების გრძნობას, კდემამოსილებას, რითაც ქალთა სახეები ოთარ ჩხეიძის რომანში ერთგვარად კიდევ ჩრდილავენ და ჯაბნიან მამაკაცთა ტიპაჟებს.

ამ ქალებში გაცილებით სიცოცხლისუნარიანად, ღრმად და ძლიერად მარხია საკუთარი სამშობლოს არა მხოლოდ სიყვარული, არამედ ამ სიყვარულისა და თავისუფლებისათვის ბრძოლის წადილიცა და უნარიც.

სწორედ ამ კონტექსტში, – სამშობლოსთან, თავისუფლებასთან მიმართებაში წარმოჩნდებიან ადამიანები ყველაზე საინტერესოდ და სრულყოფილად „ბორიაცში“. მათი ცხოვრება, მათი ვნებები, განცდები და ემოციები მწერალს სწორედ ამ რაკურსით აინტერესებს და ამიტომ ადამიანური არსის, ამქვეყნად ყოფნისა და მისიის განსაზღვრისას ოთარ ჩხეიძე თავის მხატვრულ პერსონაჟებს, თავის მხატვრულ გმირებს უწყობს ყველაზე დიდ გამოცდას.

ამიტომაც, რომ საქართველოს ერთ-ერთი რთული პერიოდის, მისი ისტორიის მონაკვეთის ერთ-ერთ მძიმე არეალში მოხვედრილი ეს პიროვნებები არა მხოლოდ ინტერესით იკითხებიან, არამედ მთელი თავიანთი ადამიანური არსითა და ცხოვრებით დღესაც უაღრესად აქტუალური არიან.

მაკა ჯოხაძე

1990 წ.